

法界聖凡水陸勝會修齋儀軌

續藏經

水雞法

陸園

修齋
輪水

儀儀
寶陸

軌論
懺

卷三至六
九卷
卷一上

第一套
第一輯
第二編乙
第四册



印影樓芬涵海上月二十年四十國民華中

大日本續藏經 第壹輯第貳編

乙 第貳套 第四册目次

支那撰述

禮儀部

法界聖凡水陸勝會修齋儀軌 六卷之內 自三至六 宋志磐謹撰 明殊宏重訂

法界聖凡水陸大齋普利道場性相通論 九卷

清咫觀述

法界聖凡水陸大齋法輪寶懺 十卷之內 卷一之上 清咫觀記

法界聖凡水陸勝會修齋儀軌卷第一

宋四明東湖沙門 志磐 謹撰

明古杭雲棲後學 祿宏 重訂

先一日大衆沐浴更衣預戒衆人次日早起候明相
現小食罷便行開啓法事不可延緩以致失時若在
御藍中施主
宜先期預至

行展朝開啓法事

法師領施主入道場次第上香
法事衆動鏡鼓 表白唱言

至心歸命禮十方法界諸佛法僧大衆

常住三寶

表白執爐振鈴述淨三業偈呪 每
偈四句一鳴鼓欽宜簡雅不宜繁俗

法性湛然周法界 甚深無量絕言詮

自從一念失元明 八萬塵勞俱作蔽

此日修齋興普度 肅清意地謹威儀

仰憑密語爲加持 將俾自他還本淨

我佛如來有淨三業眞言謹當宣誦

唵薩網婆縛 薩婆達磨 薩網婆縛 述磨合

網縛並亡可
切述律切

願呪三偈候聲畢方動鏡鼓下去滿呪皆例此
法師想自身及大衆施主外身內心皆悉清淨

表白振鈴述安
慰御藍神偈呪

十八神王承佛勅 常於徧界護御藍

維茲清淨法王宮 必有明神來宿衛

此日虔興平等供 法音交唱衆無譁

仰憑密語爲加持 慰悅神心增勝力

我佛如來有安慰諸神眞言謹當宣誦

南無 三曼禪切 沒馱上南 唵度嚧度嚧

地尾 娑訶

願呪三偈畢法衆動鏡鼓 法師想御藍
諸神咸皆慰喜永願守護或在族姓家

表白振鈴爾安慰宅神
偈呪若在御藍中不用

維此住居勤守土 護安人物顯諸神

威靈自用既無私 訶禁不祥應有法

此日虔興平等供 聖凡俱會異常居

仰憑密語爲加持 將使神心無畏恐

我佛如來有安慰諸神眞言謹當宣誦如前

願呪三偈畢動鏡鼓 法師想住居六神
咸皆慰喜常加守護 族姓家用止此

表白振鈴述
然香偈呪

此岸旃檀非別物 元從清淨自心生

若人能以一塵燒 衆氣自然皆具足

此日虔興平等供 欲令法界普熏聞

仰憑密語為加持 將使施心咸徧達

我佛如來有然香達信真言謹當宣誦

唵什筏栗多上末備平阿鉢羅句吒竹駕蘇上破

上合囉上尼上毗迦知上虎許呼今切

誦呪三遍舉動錢 法師想此香雲普熏法界 三寶前通達信心無不周徧 表白上香白言

經典所在即如來舍利之身法道能弘必大德僧伽

之士惟茲一處具有三尊天人常起護持堂宇固應

光潔今則將開勝會永異他時自非結界以加威何

使修齋之如式恪遵至誥全策奇勳妙香熏馥於空

中淨水洒清於地上凡曰方隅之所悉同城壘之堅

雖密藉於真言實冥資於圓觀將見瓊林風動玉殿

雲披懸寶蓋於層霄聳華臺於廣座千幢旛而交擁

衆伎樂以旁羅惟茲淨想之所成是即靈山之未散

既彰此用更召諸神冀肅靜於壇場俾驅除於魔障

△下文旋姓家用

寂光為土固不外於凡居聖賢之人或有殊於族姓

謂觀其身則根塵起穢及言其處則土石生埃由心

中之因行無良故世間之果報若是今則將開勝會

永異他時自非結界以加威何使修齋之如式恪遵

至誥全策奇勳妙香熏馥於空中淨水洒清於地上

凡曰方隅之所悉同城壘之堅雖密藉於真言實冥

資於妙觀將見瓊林風動玉殿雲披懸寶蓋於層霄

聳華臺於廣座千幢旛而交擁衆伎樂以旁羅惟茲

淨想之所成是即靈山之未散既彰此用更召諸神

冀肅靜於壇場俾驅除於魔障

表白執爐振鈴 召諸諸聖結界

一心奉請如來化現圓滿神通大穢迹金剛聖者并

諸眷屬

惟願不違本誓哀憫有情臨降道場護持結界

大衆和 香花請

我今奉宣本尊真言願垂加護

唵佛舌 屈聿摩訶 鉢囉恨那礙許勿汁勿

醯摩尼 微吉微 摩那樓 唵斫急那 烏深

暮 屈聿 許許呼今許許呼今許許呼今許許呼今娑訶

誦呪三編舉動鼓鉞法師想聖者威儀無量眷屬降入道場正中面外而立唐太宗朝有人持此呪多驗朝廷以為或衆禁抑不令誦遂勅藏本削除十字友有錢塘西湖者提寺慧持沙門遇蜀中高德救護觀述持法復得全呪誦及二年大有威驗能令杵升虛空隨意而往呪水治病無不愈者今世間傳多此加句全本與藏不同

一心奉請大威德大忿怒甘露軍荼利等十大明王并諸眷屬

惟願不違本誓哀憫有情臨降道場護持結界

大衆和香華請

我今奉宣本尊真言願垂加護

唵戶盧戶盧 底瑟吒 底瑟吒 盤陀盤陀

阿那阿那 阿密哩帝 烏訶二拂

誦呪三編舉動鉞 法師想聖者威儀無量眷屬降入道場住立左邊

一心奉請大梵天王帝釋天主護世四王天龍八部

并諸眷屬

惟願不違本誓哀憫有情臨降道場護持結界

大衆和香花請

我今奉宣普召請八部真言願垂加護

唵薩婆提婆那伽 阿去那喇 莎訶

誦呪三編舉動鉞 法師想天龍八部無量眷屬降入道場住立右邊

一心奉請此一住處僧伽藍內護正法者福德大神

并諸眷屬

惟願不違本誓哀憫有情守衛道場護持結界

大衆和香花請

我今奉宣召請真言願垂加護

唵步布哩 迦哩哆哩 怛他訶多耶

誦呪三編舉動鉞 法師想伽藍諸神至道場門首住立兩邊 族姓家當請此位

一心奉請城隍當境諸廟侯王住居六神家庭香火

并諸眷屬

惟願不違本誓哀憫有情守衛道場護持結界

大衆和香花請

我今奉宣召請真言願垂加護

唵步布哩 迦哩哆哩 怛他訶多耶

誦呪三編舉動鉞 法師想城隍各廟住居六神至道場門首住立兩邊 表白白言

上來召請已荷光臨環衛道場如雲密布心進勇銳

威起護持少俟須臾奉行結界

法師想無量金剛天神八部及諸眷屬各嚴兵仗環列四方守護道場內外 表白振鈴述偈白諸聖賢

行結界法初
結地方界

恭白十方三寶衆

明王穢迹衆威神

梵王帝釋四天王

八部天龍威護念

此日將修平等供

要令此地異常居

須憑神力爲加持

清淨光明同佛刹

我今持誦吉利忿怒真言加持淨水散洒此地結地
方界當願此地之下深百由旬如淨瑠璃永無垢穢

唵枳里枳里 跋折羅跋折里 部訥 畔陀畔

陀 虎訥二泮 枳音吉訥呼今切
泮音澄折音日

表白兩手執盂滿盛井花水誦呪七遍訖以水周
回洒地 法師隨前言願想 表白白言次結方

界

我今持誦金剛部心真言加持淨水散洒四方結方
隅界當願此道場內周匝四方如金剛城牆堅固莫

犯

唵 縛日囉二地勒迦 縛亡
可切

表白執水盂誦呪七遍訖以水洒道場四方
法師隨前言願想 表白白言三結虛空界

我今持誦蘇悉地真言加持妙香熏馥空中結虛空

界當願此空之上過百由旬香雲普覆如大寶蓋

已上結界三呪
並出蘇悉地經

唵素悉地 迦履 入縛里鞞難 那牟謨羅歌

曳 入縛囉入縛囉 畔駄畔駄上歌火羅歌那

虎畔拏囉

表白麝然香執爐誦呪七遍執爐周回道場
熏於空中 法師隨前言願想 表白白言

上來結界作法已成上下四方廣博嚴淨如諸佛刹
有大光明堪奉聖人宜開法會願諸賢聖嚴護道場
毋使邪魔有所干犯

法師施主上香
表白啓請大士白言

恭聞聖觀自在於過去時始住初地值千光王如來
爲說廣大圓滿無礙大悲心大陀羅尼令與衆生作
大利益是時大士一聞此呪頓超八地至今釋迦如
來與諸菩薩普會補怛落迦山之時惟我大士躬對
如來以大悲心說此章句流通世間無不蒙益當知
此呪猶如妙藥名阿伽陀一切諸病無所不治是故
誦此呪者三惡道業無所不壞諸佛國土無不得生
功德巍巍莫可稱歎我等茲日受施主請開建道場
修平等供先於此地普召諸神行結界法用爲嚴淨

是以復於此時恭請菩薩大士以真言力重加法水
增益勝用廣大難思將使羣生舉蒙解脫

一心奉請千手千眼大慈大悲觀世音自在菩薩摩

訶薩三請

惟願不違本誓哀憫有情降臨道場加持呪水

大衆和
香花請

我今持誦聖觀自在菩薩所宣廣大圓滿無礙大悲

心大陀羅尼願垂加護

南無喝囉怛那哆囉夜哪 南無阿唎哪 娑盧

羯帝憐鉢囉哪 菩提薩哆婆哪 摩訶薩哆婆

哪 摩訶迦盧尼迦哪 唵薩嚩囉訶曳 數怛

那怛寫 南無悉吉利埤伊蒙阿利哪 娑盧吉

帝室佛囉楞駄婆 南無那囉謹墀 醯唎摩訶

嚩哆沙咩羊喝音 薩婆阿他豆輸朋 阿逝孕 薩

婆薩哆 那摩娑薩哆藏本無此五字 那摩娑伽 摩訶

特豆 怛姪他 唵阿婆盧醯 盧迦帝 迦羅

帝夷醯唎 摩訶菩提薩埵 薩婆薩婆摩羅摩

羅 摩醯摩醯唎駄孕 俱盧俱盧羯囉 度盧

度盧罰闍耶帝 摩訶罰闍耶帝 陀羅陀羅

地唎尼 室佛囉耶 遮羅遮羅摩摩罰摩囉

穆帝囉 伊醯伊醯 室那室那 阿羅嚩佛羅

舍利 罰沙罰哆 佛羅舍耶 呼盧呼盧摩囉

呼盧呼盧醯利 娑囉娑囉 悉利悉利 蘇盧

蘇盧 菩提夜菩提夜 菩駄夜菩駄夜 彌帝

利夜 那囉謹墀 地唎瑟尼那 波夜摩那

娑婆訶 悉陀夜 娑婆訶 摩訶悉陀夜 娑

婆訶 悉陀唵藝 室嚩囉耶 娑婆訶 那囉

謹墀 娑婆訶 摩囉那囉 娑婆訶 悉囉僧

阿穆佉耶 娑婆訶 娑婆摩訶阿悉陀夜 娑

婆訶 者吉囉阿悉陀夜 娑婆訶 波陀摩羯

悉哆夜 娑婆訶 那囉謹墀嚩伽囉耶 娑婆

訶 摩婆利勝羯囉夜 娑婆訶 南無喝囉怛

那哆囉夜哪 南無阿唎哪娑盧吉帝 憐嚩囉

夜 娑婆訶 唵藏本有此一字 悉殿都 漫哆囉 鉢

駄耶 娑婆訶

表白執水盂誦呪三遍 法師想大士端處道場放
眉間光入此水中以彰聖用 此呪世間傳誦者失

去六字。今依大藏。千手千眼大悲經錄出。庶使誦者。呪語周足。可期聖驗。法師施主上香。表白啓請。毗盧遮那。佛。白言。

恭聞聖觀自在為諸大衆乞請釋迦世尊為說十方利土一切毗盧遮那如來皆同一時各伸右手以摩清淨蓮華明王之頂同說不空大灌頂光眞言。若有過去十惡五逆四重諸罪聞此二三七徧經耳根者。即得滅除。若諸衆生具造惡業身壞命終墮諸惡趣。以是眞言加持土沙散其身上。及以塔墓彼所亡者。若在惡趣應時即得光明及身除諸罪報。令所苦身。生極樂園。乃至菩提永不退墮。我等茲日受施主請。開建道場。修平等供。先於此地普召諸神。行結界法。用為嚴淨。及為恭請聖觀自在。以大悲心所說章句。重加法水。增益勝用。是以復於此時專誠恭請十方毗盧遮那如來。以灌頂光加持此水。令使功能倍復。增勝。然後以此最勝法水徧洒道場。及以內外是處。非處。若根若塵。一洒一沾。光明煥發。當知此地即為淨土。當知此日可轉法輪。十方賢聖無不雲臨。六道羣生無不奔赴。大開法施。普度迷流。聲法界中咸蒙。

解脫

一心奉請十方利土一切毗盧遮那不空如來三請。惟願不違本誓。哀憫有情。臨降道場。加持呪水。

大衆和
香花請

我今持誦毗盧遮那如來所說不空大灌頂光眞言。

願垂加護

唵 一 旃 烏 可 暮 伽 上 廢 無 計 嚕 者 娜 二 摩 訶 訶 陀

能 乙 囉 麼 呢 疑 三 鉢 頭 麼 二 入 縛 二 擺 四 跛 囉 二 切

穢 擇 野 許 五

表白捧水孟誦呪七徧 法師想十方如來環坐道場共放眉間玉毫光入此水中以彰聖用世人傳誦字句多不正今依藏中不空咒索經錄出善本 表白白言

上來奉請諸佛菩薩明王諸天各以威神加被我輩。誦持眞言不違法則。加持淨水有大力用。即此法門。圓顯三德。是以如瑠璃寶清淨光明無有染礙。即法身德。如如意珠雨一切寶無不具足。即般若德。如轉輪王所向自在無有罣礙。即解脫德。呪既三德。水亦三德。全呪是水。全水是呪。體用不二。同一祕藏。我今以此三德祕藏眞言淨水散洒此地道場內外上天。

下地中土四方隨水所至皆成結界。當願此處道場香華飲食一切供事。承此力故。一一出生。無有限量。舉行法事。沙門大眾。承此力故。一一根塵。無不清淨。修齋施主。承事之人。承此力故。一一身心。無不光潔。乃至遠及界外。往來之人。身衣不潔。飲啖軍辛。或故或誤。輒入道場。以呪力故。化為清淨。一切邪魔。及闍提者。非毀三寶。好作留難。以呪力故。威發道心。若讚若謗。皆得為緣。如此觀心。方名普度。更憑衆等。同誦眞言散洒法水。周行諸處。

表白舉大惡。呪執水孟。領衆前行。處處散洒。若道場外。過食。召請浴室。及迎引經過諸處。法師執手爐。領施主。後行。復回道場。表白白諸聖賢。宜意旨。表白大眾。於道場左邊。施主右邊。宜各攝心。拱聽設問。法師正中立。設問。

日吉時良。開建法會。肅恭齋法。意在於何。敢請施主。及以大眾。宜各諦聽。今當爲說。法界聖凡。水陸普度。大齋勝會。以此定名。此名既立。必有其義。名義若正。方是今宗。何謂法界。理常一故。諸佛衆生。性平等故。何謂聖凡。十事異故。佛及三乘。是名爲聖。六道羣生。是名爲凡。事雖有十。理常是一。何謂水陸。舉依報故。

六凡所依。其處有三。謂水陸空。皆受報處。今言水陸。必攝於空。又此二處。其苦重故。何謂普度。無不度故。六道雖殊。俱解脫故。何謂大齋。以食施故。若聖若凡。無不供故。何謂勝會。以法施故。六凡界中。蒙勝益故。名義既正。其位何以。謂上下堂。各分十位。位復開十。總爲二百。包括殆盡。是詳非略。食有多寡。隨施者意。位無增損。茲爲定制。今此立法。勿令有疑。如法非法。兩者須知。戒德高遠。觀道幽微。有一不如。不名法師。信三寶尊。念六道苦。如此發心。是名施主。進止有法。梵音遠聞。有一不如。不名秉文。善知節度。有正有從。如此合宜。是名法衆。結界護淨。禁止無良。有一不如。不名道場。香燈畢陳。肴饍具備。如此潔精。是爲供事。敢告施主。若彼若我。宜當如法。遠離諸過。今者所作。非是小緣。上奉四聖。下及六凡。一時等供。無不周遍。檀風普熏。於斯可見。有能修此眞法。供養不緣於心。不住於相。不住相者。忘情照理。如斯行施。功用莫比。無能施者。無受施人。無中間物。皆畢竟空。施者受者。及所施物。莫不宛然。卽難思假。非有非無。非非有無。

雙亡雙照為絕待中。如此法施盡未來際法界常融。唯一三諦。

設開畢大衆出道場此結界處天神雜布宜加敬畏。須預囑一誦信淨人嚴為守護勿令雜人出入汗犯淨界。大衆茶湯。麗至門首發符。

行發符法事

門首先設四符使位具茶湯鮮果財馬及別案列請書。奏狀符牒關牒等此衆動鏡鼓。法師施主次第上香表。白。白言。

至心歸命請十方法界諸佛法僧衆和

常住三寶

表白執爐振鈴。然香遠信白言。

香從心生。心由香達。不居三際。可徧十方。雖法爾之。如然亦施者之能致。是故諸佛聞之。而加護羣生於此。以蒙熏欲期勝益之全彰。更誦密言而助顯。

我佛如來有然香達信真言。謹當宣誦。

唵什伐栗多摩你。阿鉢羅句吒。蘇破囉尼。

毗迦知。虎併。

誦呪三遍。勸鉢。法師想此香雲徧滿法界。一切聖賢悉皆覺知。生歡喜心。表白以先所呪水別分一器。預置几上。至此白言。

寶器晶瑩靈泉演漾。三加祕密。一洒清涼。卽四座以光嚴徧十方。而消潔遠塵離垢。感聖招賢。尤在茲時躬行斯道。

我佛如來有洒淨真言。謹當宣誦。

唵什囉。除咩。羊。耶。吽。發。悉哩摩。囉。薩訶。

誦呪三遍。勸鉢。表白持水散洒四座。周圍一處。法師想水到處嚴淨光明。卽成結界。鈴白言。

伏聞覺皇憫餒。餒口之徒。初令奉斛。梁帝感神僧之夢。遂啓修齋。雖徧標水陸之名。實等供聖凡之衆。所謂於三尊則加敬。言羣品則興悲。極上天下地以無遺。何彼界此疆之有間。凡居異趣。咸示真修。故茲託事於多儀。必使成功於普度。今則仰遵內教。恭按靈科。開法會以濟迷流。固自專於主者。扣帝闈而發大號。正有賴於使乎。爰恪意以奉迎。冀聞呼而卽至。至心奉請神通自在。威德難量。四天捷疾。持符使者。并諸眷屬。

惟願不違本誓。哀憫有情。是日今時。降臨法會。

大衆和香花請
動錢下皆例此

至心奉請神通自在威德難量空行捷疾持符使者

并諸眷屬

惟願不違本誓哀憫有情是日今時降臨法會

至心奉請神通自在威德難量地行捷疾持符使者

并諸眷屬

惟願不違本誓哀憫有情是日今時降臨法會

至心奉請神通自在威德難量地府捷疾持符使者

并諸眷屬

惟願不違本誓哀憫有情是日今時降臨法會

我佛如來有召請真言謹當宣誦

唵步布哩 迦哩哆哩 怛他誵多耶

誦呪三遍動錢 法師想使者各有百千眷屬從一
空而來依位而立 表白振鈴少時讚德述意

雲擁旌幢風行部曲彷彿九霄而下徘徊四座之間

冀暫駐於光儀將委宣於愀款恭惟四大使者自強

不息得一以靈用之則行威而不猛霜襟默識既經

緯於萬方玉趾遠騰載馳驅於億利庸謹奉辭之職

矧多專對之才惟妙闡於神通實善權於方便茲日

粵有大 國云云

三寶具位姓名今月十五日恭就某處開建法界聖

凡水陸普度大齋勝會專為答還心願上報四恩普

度羣生俱蒙解脫發意隨時改用然則聖凡異念幽

顯殊途非藉使人何由徧達故於此際奉召諸神諒

在聰明必能知委

表白振鈴
徧食白言

是心作食全食為心以由體用不殊故得卷舒自在

如是則六塵互徧三德常融微妙難思出生無盡用

憑觀道密扶呪重將善導於事儀俾圓成於法施

我今持誦無量威德自在光明勝妙力陀羅尼加持

法食悉令周徧

曩謨薩嚩怛他引 曩謨嚩路引 枳吉帝二唵三三

跋羅三跋羅吽引

大衆同誦呪七遍畢 表白灑淨水於食上 法師
想此供食出生六塵種種妙供一時奉上無所乏少

表白振鈴
獻食白言

戒香芬郁定水澄清明智慧燈具禪悅食因行之華

初發實相之果已圓有能如是諦觀則為以法供養

載宣密語用速至神少賜從容特垂歡享

我佛如來有獻供養真言謹當宣誦

唵譏譏牙曇 三去婆去囉 囉日羅二斛

誦呪三篇舉動錢 法師想此獻供事充足現前諸神降享莫不歡悅 法師振鈴少時付囉使者

聖凡體同迷悟心異今此修齋而致請或云赴感之

不齊謂三寶諸天之居固一念而可格如六道羣生

之類有屢呼而弗聞蓋惡業重者正苦留連及邪見

多者自為障闕非賴使人之捷疾曷通施者之勤渠

至若具奏牘以進梵王錄情文而于帝釋符地府泰

山之所主關城隍土境之諸神咸仰體於至慈即奉

行於大赦推聖恩之曠蕩拔惡趣之拘囚悉使奔趨

毋令退縮如是則天人脩羅之黨鬼畜泥犁之儔藉

此時津濟之功解億劫輪回之業大崇至化幸遇長

緣冀益聞於聰明肯恪遵於付託不踰頃刻徧達緘

封毋使有違自貽其咎佛國天宮之異處各謹攸司

人寔地府之殊途分當其任昏昧弗知者勸之以道

凶頑自用者攝之以威有請必來無一不至所有意

旨具在符文別命披宣試垂采聽

兩僧出前說使者座側分立依次讀牒文并獻狀先四天次空行次地行次地府二人相間作四番讀不可多人亂讀 表白 振鈴發遣符使 白言

不速而疾有感則通威容儼日出之光神足儼天行

之健駕雲較而揚羽葆載馳驅窮寶饒而徹風輪

宜上宜下幸毋廢命須善為辭事有勞煩禮當攀送

我佛如來有發遣真言謹當宣誦

唵麼訶羅 穆羯叉 日 誦呪三篇舉動錢錢

取奏狀請書牒文等一處排列焚之表白振鈴奉送法師想四符使分領所委文字受命即行十方世界

無不通達然後撤符使立大眾進點心至門首召請焚財馬文書須用淨紙與柴炭度火焚之切記不可

用燈燭度火比聞其所有蠟錢堆積守者云人團焚紙錢時多於燭上度火故油汗不可用堆積於此又

不可用杖攪碎此等皆關涉有過宜囑未知者同行之

法界聖凡水陸勝會修齋儀軌卷第一

法界聖凡水陸勝會修齋儀軌卷第二

宋四明東湖沙門 志磐 謹撰

明古杭雲棲後學 祿宏 重訂

行上堂召請法事

門首設淨道香花燈燭燭等法衆
勸鉢 法師施主上香 表白唱言

至心歸命禮十方法界諸佛法僧衆

常住三寶

法師施主同時作禮 表
白振鈴執爐述然香偈呪

諦此妙香緣起法 本來無物即真空

太虛周徧盡香雲 卽此難思爲妙假

非有非空皆絕待 雙遮雙照必亡中

仰憑中觀妙心香 是日殷勤修法供

我佛如來有然香真言謹當宣誦

唵什伐栗多上末你_平 阿鉢羅句吒_竹 蘇_上

破_上二合 囉上尼_上 毗迦知_上 虎_呼 吽_今 切

彌呪三徧勸鉢 法師想香雲徧滿十方佛刹
一切聖賢咸起護念 表白振鈴述酒淨偈呪

性水真空周法界 湛然一器假難思

若於空假二俱亡 畢竟全彰中道義

以此觀心融法水 以茲法水淨諸塵

若依若正盡光嚴 洞徹十方無障礙

我佛如來有洒淨真言謹當宣誦

唵什伐囉 睺咩_羊 耶 訶 悉哩摩 嚩

娑訶

彌呪三徧勸鉢 表白散花淨道上及以水洒四方
上下淨道等 法師想水所至處卽成結界嚴淨廣
博及想淨道如光明雲徧闍千萬
重累其上 表白振鈴述召請偈

稽首十方無上覺 圓詮教行理三經

大心菩薩大乘偈 緣覺聲聞三寶衆

傳教四依稱列祖 天仙八部衆神王

我今普度建壇場 願展慈光垂密證

表白宣
召請文

伏以非如非異是爲以佛眼觀何聖何凡此則於法界一境俱智寂體兼用冥函蓋以相應水共波而不別至若隨時起教爲實施權雖分別於多門終指歸於一道然則理絲事見化以機興亡絕待中固不涉離微之論顯正因性必須憑緣了之修是以明燈獻華低頭合掌要莊嚴於萬行俾圓妙以三身故知

寓跡於有爲畢竟歸原於無作爾乃恪遵洪範庸尙
多儀崇水陸之清齋極地天而普濟妙供養海納衆
流而愈深勝功德林挺千枝而並秀今則特開嘉會
寅奉慈尊延內懷四攝真人集外現二乘高士召五
通之仙黨來八部之天倫撫盛席以端居卽香肴而
克享施心既啓覺慧偏知恭事請迎願垂臨降表白
唱言
一心奉請盡虛空徧法界十方常住一切諸佛并諸

眷屬

清淨法身毗盧遮那佛

圓滿報身盧舍那佛

千百億化身釋迦牟尼佛

西方極樂世界大慈大悲阿彌陀佛

兜率天宮一生補處當來下生彌勒佛

過去大通智勝佛等一切過去諸佛

現在淨華宿王智佛等一切現在諸佛

未來華光佛華嚴安行佛等一切未來諸佛

東方善德佛等十方法界一切諸佛

過去莊嚴劫始自華光佛等千佛

現在賢劫始自拘留孫佛等千佛
未來星宿劫始自日光佛等千佛

十方法界一切諸佛全身舍利寶塔

惟願不違本誓哀憫有情是日今時降臨法會

衆和香花
請動鈹

法師想十方佛乘寶座不謀自來爰塞虛空了了
可見彼諸如來雖常能應而實緣我心之所能感
而此能感實緣心具
心具而感非從外有

一心奉請盡虛空徧法界十方常住一切尊法并諸

眷屬

大方廣佛華嚴經梵網戒經諸經法寶

鹿苑會中佛集本行四阿含等諸經法寶

方等諸會淨名金光明等經諸經法寶

大品般若仁王金剛般若等經諸經法寶

大乘妙法蓮華經大般涅槃經諸經法寶

專談淨土觀無量壽佛經等諸經法寶

五時所說大小兩乘諸部律論一切法寶

西天此土三乘聖賢說經造論著述疏記

龍宮所祕竺土未來諸經律論一切法寶

十方國土水鳥樹林。塵說刹說一切法音。

惟願不違本誓。哀憫有情。是日今時降臨法會。

法師當想十方諸佛所說大千經卷。無邊教道。能開妙解。是為教經。教即般若。以般若之智在於說。故復能照了諸經所詮一切行門。依而行之。必能顯果。是為行經。行即解脫。以解脫之用。從於緣放。復知無邊教道。一切行門。法法常體。即是實相。是為理經。理即法身。以法身之理。是所顯。故然此教。行理者。雖有三名。不出一體。修圓觀者。一心中得。作此觀時。當如教經。智說。即是真諦。行從緣起。即是俗諦。雖此實相。即是中諦。三諦一心。無前後異。即是圓悟。不思議之三經也。又須請觀十方常住。無量經卷。常放光明。離染清淨。為赴我請。顯現道場。而此顯現。緣我能感。及以本具。

一心奉請。盡虛空徧法界。十方常住諸菩薩僧。并諸

眷屬

文殊師利八萬大士。普賢大師。無邊菩薩

觀世音。大勢至。清淨海眾諸大菩薩

藥王藥上。法華經中諸大菩薩

賢首菩薩。華嚴經中諸大菩薩

善財。歷參五十三善知識諸菩薩

信相菩薩。金光明經中諸大菩薩

兜率內院。無著天親諸大菩薩

極樂國土。一生補處諸大菩薩

五時法會。助宣佛化諸大菩薩

藏通別圓。所歷地位一切菩薩

惟願不違本誓。哀憫有情。是日今時降臨法會

法師想十方菩薩。各乘華座。不來而來。曼塞虛空。了了可見。此下諸位。賢聖皆當作感應。心具二義。想

一心奉請。盡虛空徧法界。十方常住諸緣覺僧。并諸

眷屬

仁王護國經中。八百萬億大仙緣覺

佛出世時。從山中來。五百獨覺

佛法滅後。一時出現。七百俱胝獨覺

出有佛世。聞法得道。諸大緣覺

出無佛世。自然悟道。諸大獨覺

出無佛世。部行麟喻。諸緣覺獨覺

具相不具。相諸緣覺獨覺

現通不現。通諸緣覺獨覺

說法不說。法諸緣覺獨覺

通教八地。辟支佛。藏教辟支佛

惟願不違本誓。哀憫有情。是日今時降臨法會

法師想十方緣覺
肅威儀從空而至

一心奉請盡虛空徧法界十方常住諸聲聞僧并諸眷屬

鹿苑先度五比丘最後須跋陀羅諸阿羅漢

世尊高弟大迦葉阿難陀等十大弟子

靈山聞法大比丘衆萬二千大阿羅漢

靈山得記學地無學地諸大聲聞衆

五時聞法學地無學地諸大聲聞衆

世尊滅後結集三藏阿難陀等諸阿羅漢

住世十六大阿羅漢萬六千九百弟子衆

天台山方廣聖寺住世五百大阿羅漢

慧俱無礙三解脫信行法行六種阿羅漢

通教體法已辦藏教學無學內外七賢衆

惟願不違本誓哀憫有情是日今時降臨法會

法師想十方聲聞
肅威儀從空而至

一心奉請十方法界傳持教法禪律諸宗諸祖師僧

并諸眷屬

西天傳教迦葉龍樹師子尊者等二十三祖

北齊尊者南嶽禪師天台智者大禪師

章安尊者荆溪尊者等九祖四明法智大師

禪宗達磨圓覺禪師下及六祖等諸大禪師

臨濟潯山洞山雲門法眼五宗諸大禪師

廬山蓮社圓悟法師歷代往生淨土諸法師

賢首教主國一法師清涼圭峯諸大法師

慈恩教主大乘法師瑜伽密教灌頂國師

律宗十祖南山澄照律師記主大智律師

譯經摩騰竺法蘭求法奘三藏等諸法師

惟願不違本誓哀憫有情是日今時降臨法會

法師想諸祖師
肅威儀從空而下

一心奉請十方法界助宣佛化持明造論五神通仙

并諸眷屬

過去十方諸佛往昔因地同行五神通仙

釋迦文佛往昔因地同行千聖王五神通仙

釋迦文佛往昔同行忍辱五神通仙

護育釋種種瞿曇仙人占相太子阿私陀仙

色界諸天下生人間爲受道者五神通仙

華嚴會中善知識衆。毗目瞿沙一萬大仙。

鹿野園中轉法輪處。往昔波羅奈仙人。

請雲雨會。那羅他九萬九千五通仙人。

方等會上。阿瑟吒迦等六十八大仙人。

諸國土中。攝諸呪術。造五明論。諸大仙人。

惟願不違本誓。哀憫有情。是日。今時。降臨法會。

法師想十方五神通仙
容服肅敬。從空而至。

一心奉請十方法界十大明王。穢迹金剛諸大天王。

護法諸天并諸眷屬。

大威德不動尊等十大明王。穢迹金剛聖者。

華嚴會中。妙融海大自在天王等諸天王。

妙莊嚴宮。大梵天王。忉利天宮。帝釋天主。

多聞天王。持國天王。增長天王。廣目天王。

摩訶天女。大功德天。大辯天。天母。摩利支天。

金剛密迹神王。北天大將。散脂修摩尊天。

南天上將。韋馱尊天。菩提樹神。善女尊天。

大地主母。堅牢地神。歡喜樂叉將。鬼子母天。

散脂大將。所領二十八部威德大權天神。

法華會上。從佛聞法。人非人等。天龍八部。

惟願不違本誓。哀憫有情。是日。今時。降臨法會。

法師想諸天神。無央數衆。或喜或
斷威儀。非一。聞今召請。從空而至。

一心奉請十方法界。護佛舍利壇塔。伽藍齋戒護國。

鎮宅諸大神王。并諸眷屬。

護佛舍利。般支分。婆多。祈利等四大軍主。

護戒壇。堅固光曜淨雲音等十二大神王。

護佛塔。修利。健陀。摩尼。跋陀等五大神王。

護伽藍。美音。梵音。天鼓。歎妙等十八大神王。

護震日。國毗首。羯摩。天子。迦毗羅。大將。雙瞳目天。

女一切神衆。

護受三歸。彌栗頭。不羅等。護五戒。察芻毗。愈他尼。

等諸大神王。

護比丘。軻。彌迦。羅移。嚧。隸等百七十二大神王。

佛滅度後。護佛弟子。多賴。哆等七神王。

守鎮宮宅。東方阿脩。訶等五方上首神王。

六齋觀察人間。四天王各九十一子。各八大天將。

四天捷疾使者。

惟願不違本誓。哀憫有情。是日今時。降臨法會。

法師想諸神王威容嚴肅。聞今召請。從空而至。

一心奉請。發揚水陸。流通至教。製儀立法。十大士并諸眷屬。

發揚施食。流通至教。阿難陀尊者聖師。

最初示夢。勸興水陸。梁朝神僧聖師。

勸發製水陸儀。梁朝誌公尊者聖師。

製水陸齋儀。國主救世菩薩梁武帝。

最初建會。秉法宣文。梁朝祐公律師。

中興水陸齋法。唐朝法海英公禪師。

總持感驗。稱名樓至。宋朝佛印禪師。

詳定齋儀。申明齋法。長蘆蹟公禪師。

修崇齋法。繪像製讚。太師蘇文忠公。

祖述舊儀。製文行世。東川節推楊公。

惟願不違本誓。哀憫有情。是日今時。降臨法會。

法師想諸大士願力深重。聞今召請。即時降赴。

上來召請。上堂三寶。十位聖賢。無央數衆。一念能感。

聖應昭然。更誦密言。用伸勸重。

我佛如來。有召請真言。謹當宣誦。

南無三滿多。母陀南。唵。烏。佐。鉢囉。誦。賀。多。諦。薩。縛。但多。孽。多。俱。舍。胃。地。唵。娑。哩。野。沒。哩。布。羅。迦。也。薩。

詞

誦呪三遍。勸發。法師想上來召請三寶。諸天一切聖賢。皆雲集住淨道上。寶樓閣中。光明交映。無有障礙。表。

白。白言。

願因祕密。俱賜光臨。檀越歸依。虔誠作禮。

法師同施主三拜。表白請一切聖賢。前臨沐浴。白言。

金剛正體。豈非堅密之身。玉毫淨光。斯為真實之相。

畢竟本來。無垢當知。何處有人。是則開陳沐浴之門。

為欲洗滌塵勞之類。冀回蓮瞬。俯監葵傾。將奉導於

聖儀。幸前臨於溫室。

燈籠。檀。香。花。供。具。前行。大眾引淨道。至浴所。表白。至浴室前。獻浴。白言。

蓮華藏海。當體圓成。流泉浴池。隨處顯發。湛湛兮八

功德水。巍巍乎五分法身。須知諸佛元不洗塵。為欲

衆生。皆令離垢。想見受茲灌沐。夜月之印。澄潭現諸

威儀。朝曦之升。遠漢敬宣密語。請濯溫泉。用表法門。

不壞世諦。

我佛如來有沐浴真言謹當宣誦

唵底沙底沙 僧伽 娑訶

誦呪三徧大眾動鈸歌讚表白至浴室洒淨 法師想此浴室七寶所成寬廣嚴淨一切聖賢隨願施者 獻浴之意皆入中浴 表白獻鈴宣偈

諸佛法身常本妙 以由緣了為莊嚴

寂而常照絕言思 如谷答聲無不應

軌仰三乘并八部 隨宜益物顯慈威

至哉方便有多門 端自大權悲智起

此日修齋興普度 十方賢聖悉雲臨

為陳沐浴順彝儀 了達聖軀元離染

曠矣戒池無有際 湛然定水鎮常盈

澡除心垢得清涼 要使羣生開妙悟

聖賢浴罷表 白振鈴白言

沐如來金剛身示同塵凡之法著舍那珍御服用嚴

尊特之容惟大聖之既臨諒羣從之畢至是則星羅

開士霧擁聲聞梵王執蓋以當空帝釋散華而布地

飛旛前導鳴樂後隨冀俯就於道場用肅成於齋事

大眾動鈸威儀導引至道場周 回行道表白振鈴獻寶座白言

惟聖賢之既至慮几席之未嚴照中道妙觀心達法

性無住本全體顯發當念出生師子座盈滿虛空寶

華臺周徧國土莫不高廣悉有光明仰冀慈悲俯垂

納處

我佛如來有獻寶座真言謹當宣誦

唵旃暮伽 鉢頭摩遜娜唵 馱羅馱囉泥 漫

拏唵吽

誦呪三徧動鈸 法師想道場廣博嚴淨無量寶 座周匝虛空一切聖賢安住其上 表白白言

趣舉一香備明三觀是以了真空則無性無相寄妙

假則為蓋為雲不離緣起之心全彰中道之理以茲

法供達彼凡誠洛誦靈文益資勝用

我佛如來有然香真言謹當宣誦

唵阿歌囉 阿歌囉 薩縛苾地耶 馱囉布爾

底 莎縛訶

誦呪三徧動鈸 法師想此香雲出生無量七寶宮 殿供具衣服妙樂 妙華甘露香燭於諸聖賢之前一 時奉供無不周備 表白獻花白言

惟衆華之開發表萬行之莊嚴是故信解以植立其

本根精進以扶疏其枝葉既潤之以定水又拂之以

慧風蓋將培自己功德之林於以顯本有圓實之果
我佛如來有獻華真言謹當宣誦

唵阿歌羅 阿歌羅 薩縛苾地耶 馱羅布爾

底 薩縛訶

誦呪三遍表白於聖座周布散華大衆動鈸 法師
想所奉華出生七寶臺殿珍妙衣璽天樂妙香甘露
香餅種種供具重重無盡於各聖賢之
前一時奉供無不周備表白洒淨白言

一器之水至約三諦之功宛存是以論其性則本於

真空隨所用則見乎妙假二邊莫立中道不安憑圓

觀之融通助真言之秘密潔茲座席淨諸根塵是皆

卽事以明心要在忘情而照理

我佛如來有洒淨真言謹當宣誦

唵伐什囉 唵咩耶 吽發 悉哩摩晒薩訶

誦呪三遍動鈸表白持水洒聖座 法師想水至
一一席座諸供養上無不光潔表白宣意旨白言

奉延三寶畢集諸天已安住於道場復證明於齋法

必因疏旨用達自情恭對敷陳伏惟采聽

讀意旨畢
表白惡禱

仰投尊境虔露卑忱如是祈求誠爲懇切載念修崇
之際應多簡陋之愆或主法者無德以堪或行施者

用心之隘或道場之失度或供事之闕儀諒在大慈
少寬衆過俯徇下愚之請冀成曠濟之緣惟福報稍
微者尙恐莫聞若罪情極重者何緣可至勅梵王而
肆赦囑帝釋以垂恩分差捷疾之倫各領通傳之任
盡令七趣俱會一時惡逆不宥之囚徒當蒙自便業
累相關之罪輩悉使偕來矧惟徧知常與普應是以
淨光照燭無幽而弗明神力提持何苦而不拔敢祈
威重少俟須臾爲受清齋勉從至願衆等無任懇禱
激切屏營之至

衆動鈸 法師大衆施主暫退點心仍專令一誠恪
人守護道場勿令雜人干犯齋禁 ○少頃法師領
施主再入道場上香衆動
鈸 表白執爐振鈴宣偈

歸命三尊無有上 天仙八部共垂慈

我今依教奉清齋 爲誦密言先偏食

表白偏
食白言

諦觀茲食不外吾心緣知諸法常融故得六塵互徧
是則出醜酬之上味宣栴檀之清芬雨七寶以穰穰
散四華而灼灼絳光明之臺殿列殊勝之鞞與仙樂
鳴空笙磬之音間作天衣擁霧珠璣之飾下垂以念

念具足不虧。故彼莊嚴無盡。惟此道場之內。紛然事儀之多。是以淨水明燈。懸旛揭蓋。金鏡之聲。震幽谷梵唄之響。薄層霄。悉入此宗元。非他物至。若了目前之法妙。觀世間之相常。鵲噪鴉鳴。總是深談般若。溪光山色。無非全露。遮那互古今。不昧已靈。極依正。皆成法供。莫不自存妙假。性本真空。雙照二邊。全彰中道。用一心之圓觀。扶三德之密言。庶憑助顯之功。用發等熏之意。

我今持誦無量威德自在光明勝妙力陀羅尼加持

法食悉令周徧

曩謨薩嚩怛他彙跢 嚩路枳帝 唵 三跋羅

三跋羅吽

大衆誦呪令足滿二十一。徧經云。若欲供養三寶。應以香華飲食。加持二十一。徧則成天香。饌上味。奉獻十方三寶。即爲滿足。檀波羅蜜。呪畢動鈸。表白以水散酒。食上周。徧法師當知。食即法界。具一切法。故能想此淨食。出生種種甘露。上味。及正莊嚴。如前徧食。文中六塵。互徧彌滿。法界。又知依正莊嚴。一切諸法。妙觀之。均爲法供。一時普獻十方三寶。天仙聖賢之前。無不周徧。表白振鈴。獻供白言。唯是一心。唯是一食。以唯食則一切法。趣食以唯心則一切色。趣心此心融時。色亦融於法。等者。食亦等。

是則普入三際。其性常住。大包十虛。其體恒周。性常住。故一念不生。體恒周。故當處不動。不動則一切處。有不生。則一切念空。一切念空。兮真空。不空。一切處。有兮妙。有非有。圓照二諦。分不取。不捨融會。一如兮。絕言絕思。如是觀心。如是觀食。何心非食。何食非心。是爲同一覺源。畢竟俱名法界。今則奉爲某人宏開。嘉會上奉慈尊。敢輸檀越之誠。仰效純陀之供。大慈憫物。弘誓在懷。爲度有生。示受此食。

一心奉供。盡虛空徧法界。十方常住。一切諸佛。并諸

眷屬

惟願不違本誓。安住道場。是日今時。受茲供養。

衆和香華。獻動鈸。下例此。表白振鈴。宣徧。并述讚文。

法性體周。誰不具。修成報智。是爲眞。

自他受用。事雖殊。應化實緣。機感見。

此土能仁。弘教主。西方清泰。聖王師。

天宮慈氏。俟當來。補處下生。宣大化。

三世十方。無上土。人間天上。獨稱尊。

自茲以外。徧塵沙。無量無邊。俱奉供。

伏以遮那妙體無非十界十如般若靈知不出一人一念起上下冥資之智現自他受用之身雖實報之是居於寂光而不動至若乘時利見設化知宜爲九道之歸依獨尊無侶以一音而演說得解隨機良繇自住大乘乃能究盡諸法壽量極長則逾於塵點光明徧照則過彼河沙定慧力以自莊嚴天人類無不宗奉惟願湛然真應熟此方震日之緣曠矣大慈受茲日檀那之供示入自在顯六神通冀普度於迷流俾咸登於樂土。大乘和云一心歸命頂禮

法師施主同時作禮 表白白言

一心奉供盡虛空徧法界十方常住一切尊法并諸眷屬

惟願不違本誓安住道場是日今時受茲供養

表白振鈴宣偈并述讚文

佛說華嚴圓頓旨 聲聞聖啞末堪聞

脫珍著弊爲施權 不動寂場遊鹿苑

方等廣開諸法會 衰圓歎大俾回心

盛談般若顯真空 成熟羣生開佛慧

最後靈山宣妙法 指權卽實更非他

涅槃唱滅摺殘機 演說眞常朋佛性

經歷五時俱有序 分張八教本隨宜

了知曾不外三千 故我今辰勤奉供

伏以軌之成道法爲諸佛所師煥乎有章經通五人共說列八教徧圓之目開三乘小大之門雖初後之多時實卷舒於一化如筏喻者已到岸則應捨所乘以指言之既見月則必忘其示然則出世度生之本在乎開權顯實之功是知說斯要於靈山將欲演茲文於大地遂令末代獲究眞詮識箱轂輪軸更無別車會沼沚江河皆同一水惟願正因體徧不遺此方震日之緣中道理彰豈外檀那今日之供言辭寂滅性相混融冀普悟於迷倫俾咸開於本覺。大乘和云一心歸命頂禮

法師施主作禮 表白白言

一心奉供盡虛空徧法界十方常住諸菩薩僧并諸

眷屬

惟願不違本誓安住道場是日今時受茲供養

表白振鈴宣
偈并述讚文

妙德普賢諸法子

輔宣妙法振中天

觀音勢至德難量

世仰樂邦稱補處

賢首善財知識衆

金光明與淨名儔

圓初住至後心人

皆是法身諸大士

成道劫長常隱實

度生情切故揚權

十方菩薩大乘僧

於此一時俱奉供

伏以立四弘之誓本志在菩提滿六度之行門功緣
般若往古來今而常住此方彼界以周旋將悉動於
羣機俾率循於實道以行悲之大遂常爲五道遊絲
出假之強永不與二乘共至若娑竭羅海中教化兜
率陀天上敷揚威神示現於普門勸發流通於妙法
皆所以用自性不思議智應衆生所喜見身既影響
於當時復津梁於末代惟願等觀一子念震日之緣
最深寂對三輪知檀那之供無著密迴慧照俯運慈
心冀廣度於迷流俾咸登於樂土大衆故我一心歸
命頂禮

法師施主作禮
表白白言

一心奉供盡虛空徧法界十方常住諸緣覺僧并諸
眷屬

惟願不違本誓安住道場是日今時受茲供養

表白振鈴宣
偈并述讚文

出有佛時知學道

聞因緣法悟無常

如斯得度號中乘

以鹿爲車方便說

滅後未來常示現

自然覺悟豈無因

部行應化接當機

究竟權方皆實義

獨拔利根麟戴角

更侵習氣炭成灰

十方緣覺聖賢僧

於此一時俱奉供

伏以緣覺獨覺何遽列於兩名內觀外觀只同歸於
一道具相不具相以論大小說法不說法而別智愚
絲一念空以及根塵空自無明滅乃至老死滅歷去
來今世斷苦惑業因永盡見思故不行於正使常耽
寂定姑取證於無生加更侵習氣之功故特出聲聞
之右三多積行十地分階稟教次第則從佛乃知覺
物榮枯則無師自悟惟願助宣正化熟此方震且之
緣權示中乘受茲日檀那之供密迴慧照俯運悲懷

冀廣度於迷流。俾咸登於樂土。和云故我一心歸命頂禮。

法師施主作禮
表白白言

一心奉供。盡虚空徧法界。十方常住諸聲聞僧。并諸眷屬。

惟願不違本誓。安住道場。是日今時。受茲供養。

表白振鈴宣
偈并述讚文

初度五人僧寶始 世尊高弟飲光倫

靈山一會實多徒 萬二千人無學侶

須跋陀羅居最後 五時聞法數難知

涅槃已過衆聲聞 三藏遺言俱結集

十六真人親受囑 未來為世福田師

十方常住聖賢僧 於此一時俱奉供

伏以人分七方便。自加行至於停心。位列四沙門。絲無學。訖於見道。是皆知苦。斷集。帶果行。因為析法之權根。會人空之真理。至若證已。辦地入大乘門。其所學般若。同是故與菩薩共內祕大心之行。外聞佛道之聲。既皆為賢聖之僧。故應受人天之供。惟願妙堪。

佛囑熟此方震目之緣。允副凡情。受茲日檀。那之供。密迴慧照。俯運悲懷。冀普度於迷流。俾咸登於樂土。和云故我一心歸命頂禮。

法師施主作禮
表白白言

一心奉供。十方法界。傳持教法。禪律諸宗。諸祖師僧。并諸眷屬。

惟願不違本誓。安住道場。是日今時。受茲供養。

表白振鈴宣
偈并述讚文

二十三傳迦葉始 就中龍猛道尤尊

教弘止觀盛天台 禪號單傳從達磨

載仰東林修淨業 洪惟國一演華嚴

慈恩灌頂各開宗 至矣南山與律學

歷代譯經求法者 四依應世十科分

十方諸祖聖賢僧 於此一時俱奉供

伏以諸法界等。固知佛不度生。列祖意同。是謂人能弘道。暨色心之論。弗合致性相之徒。暫分豈欲自異其宗。蓋亦各權所據。惟台崖之三觀。抗折百家。繫少室之單傳。流通五派。自餘諸部。咸振一時。極其理則。

未善圓談約其教則但當別義然江河皆會於海而日星俱麗於天以對機之有殊故設化之無在惟願尊居師道熟此方震旦之緣冥監物情受此日檀那之供密迴智照俯運悲懷冀普度於迷流俾咸登於樂土大衆和云故我一心歸命頂禮

法師施主作禮
表白白言

一心奉供十方法界助宣佛化持明造論五神通仙并諸眷屬

惟願不違本誓安住道場是日今時受茲供養

表白振鈴宣
偈并述讚文

過去恒沙諸佛世 因中同行五神通

釋迦千聖轉輪王 共入雪山俱得道

歌利割身能忍辱 瞿曇團血復成人

華嚴毗目善財參 願攝萬徒爲上首

造論五明弘正法 持身苦行誘當機

十方無量大權仙 於此一時俱奉供

伏以外表大仙之相顯示五通中懷開士之心常行

四攝敷草葉而作座編樹皮以爲衣化固及於多徒

壽或延於一劫威容異衆去留在所以光明方便濟生呪願隨言而成就至若釋迦學地之千聖毗目知識之萬人占儲貳而預卜休祥忍割截而不興嗔恨高風可仰苦行難踰極今古以無遷舉自他而俱利惟願助宣佛道熟此方震旦之緣冥監物情受茲日檀那之供密迴智照俯運悲懷冀普度於迷流俾咸登於樂土大衆和云故我一心歸命頂禮

法師施主作禮
表白白言

一心奉供十方法界十大明王穢迹金剛護法諸天并諸眷屬

惟願不違本誓安住道場是日今時受茲供養

表白振鈴宣
偈并述讚文

十大明王同穢迹 華嚴海會衆天王

梵天帝釋四門天 功德辨才摩理制

密迹散脂韋馱等 樹神善女及堅牢

藥叉鬼母大天神 至此俱稱爲護教

八部天龍聞法者 二十八類顯威雄

十方無量大權天 於此一時俱奉供

伏以具大威德。故建號於明王。闡妙神通。遂稱名於穢迹。惟力士英雄之狀。皆如來變化之方。欲顯正以摧邪。故揚權而隱實。可愛樂。獨尊於色界。得自在。推長於欲天。大梵之王。娑婆。實作初禪之主。帝釋之君。切利實司下土之權。凡華嚴海會之神。及方等道場之衆。莫不輸誠立誓。護法安人。豈惟翼贊於當時。亦復扶持於末運。惟願大揚佛化。熟此方震旦之緣。冥監物情。受茲日檀那之供。密迴智照。俯運悲懷。冀普度於迷流。俾咸登於樂土。和云故我一心歸命頂禮。

法師施主作禮
表白白言

一心奉供十方法界。護舍利壇塔。伽藍齋戒。護國鎮宅諸大神王。并諸眷屬。

惟願不違本誓。安住道場。是日今時。受茲供養。

表白振鈴宣
偈并述讚文

佛舍利光常照世 伽藍壇塔徧莊嚴

三歸五戒有堅持 諸大天神俱宿衛

鎮國安家能錫祐 護人育物爲延祥

六齋觀察四天王 太子巡行并使者

南盡閻浮咸助化 東漸震旦亦蒙休

十方無量衆神王 於此一時俱奉供

伏以內熏宿誓。特冥本證之身。外化善權。故假神王之號。是以持佛舍利。護僧伽藍。效吉祥以鎮國家。放光明而守壇塔。衛五戒則來於天上。察六齋則降於世間。具大勢以伏諸魔。垂深慈而育羣品。靈而能應。猶空谷之答人聲。湛兮若存。類澄波之現月影。惟茲末代。嗟彼鈍根。學不真。信心多懈怠。有能顯示威雄之相。親宣告誡之辭。庶愚情自策。以知慚。俾善類相箴。而寡過。惟願大方無外。熟此方震旦之緣。一物不遺。受茲日檀那之供。密迴智照。俯運悲懷。冀普度於迷流。俾咸登於樂土。和云故我一心歸命頂禮。

法師施主作禮
表白白言

一心奉供發揚水陸流通至教。製儀立法。十大士衆。

并諸眷屬

惟願不違本誓。安住道場。是日今時。受茲供養。

表白振鈴宣
偈并述讚文

聖者阿難爲起教 勸行水陸夢中僧

誌公大士贊神機 梁祖武皇開勝會

僧佑當年親秉法 英公後世復中興

總持感驗有金山 載仰長蘆能敘述

內翰蘇公親製讚 節推楊氏為修文

惟茲十士最功高 故我今辰勤奉供

伏以體俱用寂理同則生佛一如智與情分事異故
聖凡十界欲至普熏之益爰與等供之誠植悲敬之
兩田具財法之二施自開端於慶喜至製儀於武皇
感異人之見求斯文未露幸諸賢之繼作此道彌彰
不惟德重於傳弘亦復功高於著述時平而法甚盛
俗變則化幾亡自非命世亞聖之材何識設教度人
之意惟願益堅宿誓熟此方震旦之緣冥監物情受
茲日檀那之供密迴智照俯運悲懷冀普度於迷流
俾咸登於樂土大乘和云故我一心歸命頂禮

法師施主作禮
表白宜祝獻供

我佛如來有獻供養真言謹當宣誦

唵識識曩 三婆囉 囉日囉 斛

誦呪三遍動鉢 法師想各聖賢受
此供養悉喜而起禮念 表白白言

願因秘密不思議熏悉使微着轉成妙供奉諸聖賢
無不徧周施主歸依虔誠作禮

表白振鈴獻六種供養
初獻香蓮俱并宣呪

維此妙香真法供 久修戒定慧為熏

以絳中道觀心融 徧法界中常奉供

我佛如來有獻香真言謹當宣誦

唵薩婆怛他揭多 杜婆布闍唎伽 三慕達囉

窣覓囉拏 三末曳乎許

誦呪三遍動鉢 法師想香雲徧名
聖賢之前 表白次獻華蓮俱宣呪

維此妙華真法供 久修萬行為莊嚴

以絳中道觀心融 徧法界中常奉供

我佛如來有獻華真言謹當宣誦

唵薩婆怛他揭多 補瑟波布闍唎伽 三慕達

囉 窣覓囉拏 三末曳 許

誦呪三遍動鉢 法師想華雲徧各
聖賢之前 表白三獻燈蓮俱宣呪

維此明燈真法供 是為智炬勝光明

以絳中道觀心融 徧法界中常奉供

我佛如來有獻燈真言謹當宣誦

唵薩婆怛他揭多 你婆布闍眼伽 三慕達囉

率愛囉拏 三末曳 訶

誦呪三遍動鉢 法師想疊雲至各聖賢之前 表白四獻飲食五獻衣服述偈宣呪

維此現前眞法供 忍衣智食妙難思

以繇中道觀心融 徧法界中常奉供

我佛如來有獻食獻衣眞言謹當宣誦

唵薩婆怛他揭多 阿弩怛囉婆 日嚕跋摩

三摩地 婆鉢那跋那 部折那 薩網亡可那

布闍眼伽 三慕達囉 率愛囉拏 三末曳

訶

誦呪三遍舉動鉢 法師想種種飲食茶果衣服如雲徧至一切聖賢之前 表白六獻實述偈宣呪

妙實現前眞法供 金剛能斷智難思

以繇中道觀心融 徧法界中常奉供

我佛如來有獻寶眞言謹當宣誦

唵薩婆怛他揭多 摩訶跋折嚕 嚕烏沒 婆摩

怛那 波羅密多 布闍眼伽 三慕達囉 率

發囉拏 三末曳 訶

誦呪三遍動鉢 法師想七寶徧至一切聖賢之前 表白獻法供養白言

興曠濟懷發大悲智須行法施以滿心期所謂取如來深妙之經爲衆生分別其義不輕初學但以大乘豈令信受於一時要必思修於此日成就六度隨順四依有能用心誘進其人是爲以法供養其佛我佛如來有法供養眞言謹當宣誦

唵薩婆怛他揭多 悟咽耶 摩訶鉢哩鉢底

波羅密多 布闍眼伽 三慕達囉 率愛囉拏

三末曳 訶

誦呪三遍動鉢 法師當想前所奉種種供事妙觀觀之皆三諦理是則一一無非眞法供養此理雖易通人或未達故今更修法供養者使義理俱彰則三諦一體生佛咸同法施悉滿可開佛智作此想時三寶聖賢咸皆喜之冥密護念 表白舉經或呪大衆誦畢不必索詞 還向但唱偈云

願以此功德 普及於一切 我等與衆生

皆共成佛道

法師對三寶普說水陸緣起及今日施主舉行齋法雖別有所爲之事其實普度衆生故今拳拳懇懇乞於今晚成大利益

洪惟釋迦牟尼大聖人不動法身垂應茲土其於一代施化之迹皆有可觀是故初爲高山王機演說大教而其小根羶啞未堪所聞於是不得已而調之以

三教之漸歷之以四時之久。逮手機既溘。熟時亦將至。靈山一會。極暢本懷。大事因緣。得以開顯。指九界之權。卽一實之道。點衆生之情。卽諸佛之智。始知四十餘年不務速說者。於此更無餘蘊。至於中間備明衆善。能爲緣種。將可以成就萬行。莊嚴法身。本有之德者。則無不讚之。然於衆善之中。求其事簡而功最深者。唯施食一法門。爾是故昔在阿難尊者。嘗於靜夜。見餓口鬼。前至白言。卻後三日。當生鬼趣。爾時阿難。甚大驚怖。白佛求救。而世尊乃教之。以具斛施食之道。且復受以陀羅尼法。俾誦少爲多。以成法供。上奉三寶。次及婆羅門。下則施諸餓鬼之衆。咸令捨彼鬼身。生於天上。而阿難尊者。遂得以免三日之必死。延百年之具壽。其爲自他得益之多。有如此者。此卽施食起教最初根本也。至我此土梁武皇帝。萬機餘暇。遊心佛理。嘗於夜間夢一高僧來謂帝曰。六道四生。受苦無量。宜建水陸大齋。以普濟之。帝於明日。問諸羣臣。沙門莫知其義。唯誌公大士勸帝廣尋經教。必有因緣。帝卽遣迎大藏於法雲殿。積日披覽。創造

儀文三年。乃成。遂於廣內殿建道場。手捧儀文。悉停燈燭。告白三寶。而自誓曰。若此儀文理協聖凡。願拜起燈燭。不蔡自明。若此體式未詳。無所利益。其暗如初言訖。一禮燈燭。盡明。再禮官殿。震動三體。空中雨華。乃於江上金山名勝之地。以二月望日。始命僧祇律師親宣其文。當時利益羣品。應驗非一。齋法之行。於茲爲盛。此是水陸起教之始。竊詳其事。卽阿難施食之遺意也。陳隋之間。此法暫隱。至唐高宗咸亨年中。時則有西京法海寺英禪師者。因夢中往泰山府君所。爲演法事。後過旬日。獨坐方丈。見一異人衣冠甚偉。前來告曰。弟子向於府君所。竊觀尊容。且知慈德及物甚多。弟子聞世有水陸大齋。可以利霑幽品。其文是梁武所集。今大覺寺吳僧義濟得之久。寶巾箱殆欲蠹損。願師往求之。以來月十五日。如法修設。英公許之。尋詣大覺。果得其文。遂克日依法修齋。既畢。後見向異人。與徒屬十數人來致謝曰。弟子卽秦莊襄王也。又指其徒曰。此范雎。穰侯白起。王翦。張儀。陳軫。皆秦臣也。咸坐本罪。幽囚陰府。昔梁武帝於金

山設此齋時。前代紂王之臣。皆免苦得脫。弟子是時亦暫息苦。但以獄情未決。故未得脫。今蒙吾師設齋。懺罪弟子。與此輩并列。國君臣皆承善力。將生人間。慮世異國殊。故此來謝言訖。而隱自是英公常設此齋。而天下遵行之者。逮今尤盛。凡世之人。有欲息災除病者。欲求願乞福者。欲資糧來報者。欲升度先亡者。未嘗不以為先務焉。矧經有云。施諸鬼食。便能具足無量福德。則同供養百千俱胝。如來功德等無差別。信乎施鬼趣之食。既同供佛。亦應同彼三乘。及餘五趣。然則即此一食。普霑法界平等廣大。事盡理到。如南嶽禪師所謂。上供十方佛。中奉諸聖賢。下及六道品等。施無差別。即此義也。我輩追惟佛祖垂教天下。而於施食一門。致意勤切者。以一切衆生。因得食故。有二種益。謂能近資色身。以行六度。遠資法身。以顯四德。原始要終。其實一道。我等生當末運。竊服真風。深知此道。普博深遠。供養中。最於是與我同志。恭依舊製。增益新儀。謂於古人所立名位不足者。補之。上堂增諸宗祖師護國神王起教大士三位下堂僧地府諸王及中陰二位使上下堂各列十位方為整

足竊詳梁武首創此儀。在天台之前。是時宗教未明。故於名位未能盡善。今因而潤色之。非為有所破立。議者詳重出者。刪之。僧寶已開作三乘。請之不必更慮。立之。僧伽一位。或者以謂古人所立。不可輒去者。此徒能遵古而不思其不然也。或以為三寶是總稱。三乘是別稱者。夫言總別。必前後異時可也。今於一處同時奉供。豈義未安者。判定之。改詳支佛為緣。可得論總別耶。佛稱之疑。而於三意未已者。附益之。如隨地城隍。當乘之名。亦可易曉。境宅神等。雖於更別設。以見施家專奉意。齋法之備。振古絕今。當莫有過於此者。罄法界等聖凡。即水陸空行一切有生。悉舉而普度之。如為一人。衆多亦然。既飽以食。又施以法。法施食施。無有二相。淨名所謂。於食等者。諸法亦等。諸法等者。於食亦等。蓋此大乘法。食體是法界。法界之理。只一二諦。然則於食於法。均是三諦。而此理未嘗不平等也。是故我輩。以能深推此理。觀食當體本不可得。即真諦也。香味宛然。即俗諦也。非宛然非。非得既。雙亡之復。雙照之。即中諦也。得圓解者。三諦一心。絕待對無。前後如此。照理是為不可思議。第一義諦。如此行施。是為無上第一法施也。我等今者。為欲依第一義諦。行無上法施。廣度羣品。各遂正性。緣是敬遵成法。開建大會。延四聖於午前。召六凡於

初夜盡十法界致平等供悲敬兩田無不具足求其所爲之事雖有別意存焉莫不以此爲緣而大興普度於此日者也。動天地感鬼神。警昏迷。燭幽闇。不離當念能發道心。不離此心能開佛慧。然則所以能建如是廣大之功者。其在我大檀越此日之善用心也。今則專有奉佛某人敬發大心修營齋法聖凡等供。無或有遺。然恐儀禮未必周精。意未必至。以故未能感通聖心。利益羣品。而況於六道在迷。衆生障重。過多。當召請時。未必一念即能來至。誠如是。則法事雖舉。將成虛設。普度之功。其實何在。是以我輩已於先時。敬憑使者。修書通請上堂四聖。及以諸天已荷光臨。亨茲微供。仍別委使者。通書致請下堂六道。一切羣靈。及隨窳眞宰。受薦先亡。冀在今宵。來趨法會。然恐地府幽囚。未能自便。於是備錄施家拳拳之意。專發奏章。上達梵王。乞行大赦。仍備奏帝釋。號召四大天王。分遣天將。同所委使者。徧報六道會內一切羣生。仍已移文地府。泰山城隍。當境諸廟。請各伺候。天庭敎文。指揮盡地府所屬十方阿鼻諸大地獄。正住

八熱邊地。八寒諸大地獄。惡業重罪。歷劫未脫。一切極苦囚徒。及泰山城隍。當境諸廟。一應山間水邊。諸獨孤獄。輕罪拘繫。久未釋放者。殺害呪詛。怨讎論對。未得伸理者。一切受苦囚徒。及當境管內。新死故亡。山林海島。一切橫死。傷亡無祀孤魂。并人間地府。餓鬼類中。宿業爲障。歷劫囚囚者。並照指揮。悉與放行。來赴道場。受供聞法。永脫幽途。轉生淨土。今則三寶在座。梵釋同臨。願於此時。特垂悲憫。所冀再與嚴戒。天王諸將。令使先時所召六道羣生。若幽若顯。克在今宵。無一不至。如是言之。則知今辰所修齋法。福利所及。無有邊際。固雖三寶聖賢。無緣大慈。普救普護。所能至此。實在乎施主勤懇禱之心。以爲之發起也。故此虔祈。伏惟冥監。

法師作禮而退。表白爲施主推廣普度之意。發報恩願。先爲白言。

孤蟾高照。江河沼沚。現影無偏。一雨均霑。草木根莖。受潤不別。是知此日所營梵福。豈唯私門。獨被洪休。要須專主於博施。始可得稱於普度。敬推齋意。虔發願言。用舉殊勳。仰酬至化。是以

九重恭祝百辟俱資懷父母之生成感師友之訓誨
蒙受故業銜荷舊恩念衣食之自來暨屋廬之託處
當思報本豈不知心至若贊兩儀育物之權明三教
誘人之道皆陳弘誓冀表真誠敢對慈悲特伸披露
修齋功德 恭為祝延

今上皇帝聖躬萬歲 伏願

永膺天歷誕布皇猷允執厥中日新盛德克勤克儉
無忘無荒四海驩心咸歸聖化

修齋功德恭伸仰祝

東宮太子德茂元良幼海澄清前星朗耀重離有慶
萬國維貞列國諸王世為藩輔

修齋功德恭伸仰祝

中宮聖后天壽永延懿德宣明母儀天下上閭元妃
才人采女賢淑貞良同膺天福

修齋功德奉為仰贊儒宗賢哲學古力行格致誠正
修齊治平此道大明化行天下

修齋功德奉為仰贊公卿百僚增祿延壽事君以忠
為政以德立身揚名傳家有慶

修齋功德奉為仰贊外臺守令福祿昌熾布宣德化
獄簡刑清風俗還醇人物富庶

修齋功德奉為仰贊將帥部曲忠義威勇御衆有律
安邊有謀不事于戈四夷賓服

修齋功德奉為仰贊若官若吏共務公平賄賂不行
請託不願獄訟明察無令枉濫

修齋功德奉為仰贊若官若吏為政仁厚租賦所入
悉本經常保養小民無令橫斂

修齋功德奉為仰贊勢力官豪不矜富貴凡居鄉黨
忠信仁恕存恤小民無令侵奪

修齋功德奉為仰贊出家四衆福慧雙修萬行圓成
三觀妙悟住持三寶無令斷絕

修齋功德奉為仰贊弘教伽藍大明祖道法華大義
止觀正宗有說有行貴逃數寶

修齋功德奉為仰贊修禪叢席大明祖道單傳心印
見性成佛宗說兼通實祛闇證

修齋功德奉為仰贊奉律伽藍大明祖道遮性兩戒
持犯二門有說有行貴逃毀足

修齋功德奉為仰贊。仙宗道流助發正念。但慕長生。非是究竟。當遂精勤。求無上覺。

修齋功德奉為仰贊。魔民男女開發正見。但勤茹菜。未是真修。當遂回心。進求大道。

修齋功德奉為仰贊。官僚士庶勤行護法。伽藍經像。隨力修營。廣度出家。不斷佛種。

修齋功德奉為仰贊。道族男女勤修淨業。稱名誦經。觀佛依正。定散二善。皆得往生。

修齋功德奉為仰贊。道族男女常相勸發。舉行大齋。普度一切。盡未來際。無令間歇。

修齋功德奉為仰贊。歷劫宗親增福開慧。隨所居處。常聞大乘。進學菩提。入佛知見。

修齋功德奉為仰贊。高曾以來。祖宗上世。生產術業。成立我身。憑此追嚴。增長福德。

修齋功德奉為仰贊。生身父母增福開慧。見在世者。富壽康寧。或以遷神。即歸安養。

修齋功德奉為仰贊。兄友弟恭。妻和子孝。奉承家訓。行義有聞。憑此良緣。願增勝福。

修齋功德奉為仰贊。師席友朋教誨我者。世及出世。嘉言至行。憑此酬恩。願增勝福。

修齋功德奉為仰贊。此生恩舊。提挈我者。官祿財物。俾至富貴。憑此酬恩。願增勝福。

修齋功德奉為仰贊。外親眷屬。情好密者。患難相救。饋遺往來。憑此酬恩。願增勝福。

修齋功德奉為仰贊。梵釋四王。諸天聖眾。護持佛法。光顯伽藍。保護出家。永無外侮。

修齋功德奉為仰贊。天神地祇。遊空真宰。三災殄息。風雨調和。穀果豐成。草木蕃庶。

修齋功德奉為仰贊。護國天王。係祀神靈。保持土境。常降吉祥。主聖臣賢。四民樂業。

修齋功德奉為仰贊。鎮宅神王。住居香火。保持門戶。訶禁不祥。火盜災殃。永無干犯。

修齋功德奉為仰贊。盡法界內六道四生。一切男女。皆我父母。憑此莊嚴。增福開慧。

修齋功德奉為仰贊。盡法界內地水火風一切依報。皆我故身。憑此莊嚴。轉成妙境。

修齋功德奉為仰贊。僕隸婢使奉承我者。願承勝福。俾脫賤流。實冀他生免相責報。

上來施主。虔對三尊。恪意開陳。三十二願。報恩心滿。普度功圓。法界羣生。齊成佛道。

法師施主同作證上香
表白述偈讀三寶宣疏 此偈十二句出涅槃經

獨一無侶。無師自悟。人中象王大法之師。所可說法。最上最妙。諸佛所遊。常不變易。受正真法。隨順修行。一切衆生。良祐福田。讚歎三寶。恭請證明。茲日開建法界聖凡水陸普度大齋法事。周圓所有。疏文謹當

宣讀 宣疏畢再為施
主祈禱保安

上來文疏披讀告圓。仰冀慈悲。特垂監念。弟子某人。伏願所修齋事。本自誠心上奉。三尊下度。六道惟冀。舉家眷序。終日歡和。飲食起居。吉祥安樂。增輝祖業。垂裕孫謀。既壽而康。日富且貴。火災絕警。寇黨迷蹤。隨心有求。無事不遂。衆等無任歸依懇禱之至。

此所叩語。隨人機易為之。未必專用此也。
法師施主俱作禮。衆勸鉢少時俱退。
齋退設香燈。凡席大眾就一處。誦經準狀。狀迴向上堂三位。并下堂十位及隨筵諸位。正誦經時。須各安坐。靜心肅淨口業。不接俗語。觀心誦經。祖有明誥。

法界聖凡水陸勝會修齋儀軌卷第三

宋四明東湖沙門 志盤 謹撰

明古杭雲棲後學 祿宏 重訂

行下堂召請法事

本日早告故晚召請各
故須用五更勿見明相

門首設香案檀香燭燈淨道之屬衆動
繞鉢 法師施主上香 表白唱贊

至心歸命禮十方法界諸佛法僧衆

常住三寶

法師施主同時作禮
表白振鈴然香白言

謂之香則萬法之都名舉其體則三德之全分若燒一塵具足衆氣不離當處周徧十方自非有能熏之功何緣見所顯之理今則欲憑勝用爲達眞誠布香雲無盡之光集法界在凡之衆一聞號召毋或遲回宜各飭其有徒咸如約而來會

我佛如來有然香達信眞言謹當宣誦

唵什伐栗多末備 阿鉢囉句叱 蘇破囉尼

毗迦知 虎許

誦呪三遍舉動繞鉢 法師想香雲海承佛威力徧
至法界六道羣生之前悉令覺知咸發喜心願趨法
會 表白振鈴
洒淨白言

諦觀此水必有其源從自心阿耨達池流通不已入本性薩婆若海深廣無涯至於注寶器以盈盈誦眞言而駁駁清斯几席潔彼根塵自非二智常會所宗何緣一時能具此用

我佛如來有洒淨眞言謹當宣誦

唵什伐囉 賒咩耶 許愛 悉哩摩囉 娑訶

誦呪三遍舉動繞鉢 表白持水散洒四方上下及淨
道上并散華於淨道 法師想水至虛嚴淨廣博即
成結界及想淨道如光明雲樓閣千
萬重累其上 表白振鈴述召諸僞

歸命三尊無有上 四依賢聖大乘師

創興水陸大齋儀 起教流通諸大士

今我投誠崇勝法 廣開普度大壇場

洪恩曠蕩不思議 六道四生咸受賜

表白宣
召請文

伏以聖凡靡間謂三諦之理本如情智乍分故十界之事或異水殊冰而共溼胡非漢而俱人要知不失所宗則能常得其體至若根塵對起物我交傾所造之習弗同受報之果隨別以稟質或妍或醜故嬰苦有重有輕栖栖乎水陸空行續續乎死生中陰如斯

不了畢竟何歸性。釋尊乘可度之機。誕彰明教。至
梁武營無遮之供。庸闡真修。豈唯寓悲敬於兩田。抑
亦聚怨親於一席。仁風振蕩。惠澤周流。冀成普濟之
深緣。用發等熏之上利。今則特開嘉會。寅奉慈容。既
畢集於三乘。復廣延於八部。端臨午日。虔事清齋。幸
垂恩於九域之區。俾蒙益於羣生之類。載營淨食。克
就良宵。導之以中觀之功。出生無盡。加之以真言之
法。微妙難思。事理相融。一多互攝。以此不住相。顯
茲無所作心。召天人脩羅之倫。及鬼畜泥犁之黨。具
以色香美味。飫茲饑餒。虛腸去熱惱。而獲清涼。離怖
畏。而得安樂。惟願佛光照燭。法力提攜。纔聞召請之
言。卽攝威儀而至。表曰
唱言

一心奉請十方法界四空四禪六欲諸天日月星天
天曹聖衆并諸眷屬

無色界非想非非想處天等四空天衆

色界色究竟天善現天等四禪十八梵天衆

欲界他化自在天樂變化天等六欲天衆

日天子月天子北極紫微大帝南極太微大帝

北斗七元星君南斗六司星君九曜星君
三台華蓋二十八宿十二官辰太歲星君
國主元命生靈所屬施家各人本命星君
天曹府君主陰陽賞罰註記生死諸大天官
天府北極四聖真君漢天師正一靈應真君
天地水府三官天府功德司判官行空捷疾使者
惟願不迷本性承佛威光今夕今時來趨法會

大衆和香奉請勸
鐘鼓下去並例此

法師想天道聖賢無央數衆從空而
來住淨道上樓閣之中 表曰唱言

一心奉請十方法界五嶽四瀆地載遊空福德諸神
係祀靈廟并諸眷屬

東嶽天齊仁聖帝五嶽聖帝五嶽佐命真君

水府扶桑大帝四大海王四瀆源公水府諸神

五方龍王四海九江五湖七澤諸龍王衆

五方土君十二分野神君太歲已下諸土神君衆

雷霆風雨火部熒惑行瘟行病監生行藥諸神衆

百穀華果藥草園林旱蝗災荒所主諸神衆

守護名山道場城邑舍宅舟車橋道所主諸神衆

諸郡城隍列廟。縣邑山川係祀神祠。諸侯王衆。施家所屬。當境神祠。住居六神家庭。香火諸神衆。中界功德司判官。監齋使者。地行捷疾使者。

惟願不迷本性。承佛威光。今夕今時。來趨法會。

法師想諸德諸神無央數衆從空而來。住淨道上樓閣之中。表白唱言。

一心奉請十於法界帝王后妃文武官僚儒宗賢哲。仙道隱逸并諸眷屬。

四聖輪王三皇上聖五帝三王歷代聖君。

十方諸國歷代帝王正后元妃帝子王孫。

至聖文宣王十哲士子思孟子歷代儒宗。

皋夔稷契伊傅周召致君澤民歷代賢臣。

王公宰輔諸侯九卿百僚文武歷代名臣。

起教婆羅門仙十洲三島洞天福地諸神仙衆。

老子尹令列子莊子立言垂教歷代仙聖。

巢父許子伯夷叔齊不事王侯歷代隱士。

未得道果僧尼未登仙品諸道流女冠衆。

文武官僚夫人命婦節婦烈女歷代女流。

惟願不迷本性。承佛威光。今夕今時。來趨法會。

法師想帝王官僚儒宗仙道及出家四衆無央數衆從空而來。住淨道上樓閣之中。表白唱言。

一心奉請十方法界農民工商醫卜雜流貴賤男女。十類人倫并諸眷屬。

成劫以來。光音諸天下。為人種諸男女衆。

四大洲八中洲五百小洲歷代貴賤男女。

東彝西戎南蠻北狄諸國歷代貴賤男女。

農工技術醫藥卜筮行商坐賈諸男女衆。

師巫左道遊手末作奉公吏卒諸男女衆。

倡優鬻色奴婢乞丐。鰥寡孤獨諸男女衆。

忠孝仁義智信禮節。務善人倫諸男女衆。

不忠不孝。姦貪暴逆。行惡人倫諸男女衆。

頑愚庸很。微柔勞文。明達十類諸人倫衆。

施家上世祖宗親眷。歷劫怨讎。至此得解脫衆。

惟願不迷本性。承佛威光。今夕今時。來趨法會。

法師想諸男女無央數衆及施家祖宗親眷歷代怨讎從四方來。住淨道上樓閣之中。

表白

一心奉請十方法界四類受生。五趣所攝山間海底。

阿脩羅衆并諸眷屬。

執持世界與天爭權。化生天趣。諸阿脩羅

天中降德。居鄰日月。胎生人趣。諸阿脩羅

鬼道護法。乘通入空。卵生鬼趣。諸阿脩羅

且遊虛空。暮歸水宿。溼生旁生。趣諸阿脩羅

須彌山北入海二萬一千由旬。羅喉阿脩羅衆

須彌山北入海四萬二千由旬。勇健阿脩羅衆

須彌山北入海八萬四千由旬。華髮阿脩羅衆

須彌山北入海十六萬八千由旬。毗摩質多阿脩羅衆

羅衆

衆相山中依地而住。最劣一種阿脩羅衆

妙高山中常所住處。空穴寶城阿脩羅衆

惟願不迷本性。承佛威光。今夕今時來趨法會

法師想諸阿脩羅無央數衆。從四方來住淨道上樓閣之中。表白唱言。

一心奉請十方法界。餓口鬼王三品九類諸餓鬼衆

橫死孤魂并諸眷屬

起教。餓口鬼王所領百千那由他恒河沙諸鬼衆

飛行夜叉地行羅刹及夜叉羅刹女諸鬼衆

食香食水食吐食血三十六種諸餓鬼衆

閻浮地下五百由旬。閻羅所領諸餓鬼衆

鐵圍山間不覩日月。酬償宿罪諸餓鬼衆

多財上品勢力中品。得失下品得棄者。餓鬼衆

少財上品大瘻中品臭毛下品針毛。諸餓鬼衆

無財上品臭口中品針咽下品炬口。諸餓鬼衆

空中海邊山谷塚墓草木糞穢諸餓鬼衆

三十六傷橫死夭亡孤魂滯魄諸餓鬼衆

惟願不迷本性。承佛威光。今夕今時來趨法會

法師想諸餓鬼無央數衆。或從四方而來。或從地下而至。却住一面。表白唱言。

一心奉請十方法界。閻摩羅王十王王妹十八小王

諸司主吏并諸眷屬

地府閻摩羅王秦廣大王初江大王

地府宋帝大王五官大王變成大王

泰山大王平等大王都市大王轉輪大王

王妹神女善惡二簿童子諸女吏衆

當時同誓助治地獄十八臣佐諸小王衆

地府洪伽噤王三十七位諸鬼王衆

鐵圍山間惡毒鬼王三十四位諸鬼王衆

主執文籍業鏡火珠勘問對驗諸司判官

地府五道大神無常大鬼追亡魂使者

地府功德司判官捷疾使者牛頭阿旁百萬獄卒

惟願不迷本性承佛威光今夕今時來禮法會

法師想地府諸王官吏無火數衆
從地下來却住一面表白唱言

一心奉請十方法界八熱八寒諸大地獄諸獨孤獄

一切受苦囚徒并諸眷屬

正住贍部洲下等活無間八熱地獄受苦囚徒

八熱四門十六遊增一百二十八獄受苦囚徒

邊住鏡圍山底類浮陀等八寒地獄受苦囚徒

十方阿鼻地獄十八地獄三十六獄一百八獄受

苦囚徒

鐵牀銅柱劒樹刀山灰河熱沙諸大地獄受苦囚

徒

火箭飛刀拔舌鋸牙啗眼剝首諸大地獄受苦囚

徒

空中水間山谷曠野諸獨孤獄受苦囚徒

秦山城隍當境祠廟者陰獄中受苦囚徒

七趣之中方離中陰將入地獄諸幽冥衆

諸地獄中已經釋放未得受生諸幽冥衆

惟願不迷本性承佛威光今夕今時來禮法會

法師想諸地獄囚徒無火數衆先承降教已得
自便今聞召會即皆來至却住一面表白唱言

一心奉請十方法界正住鐵圍山間邊住徧五趣中

鱗甲羽毛十類旁生并諸眷屬

金翅鳥王師子象王摩竭大魚諸福德旁生衆

神龍寶龜鳳凰麒麟珍禽奇獸諸祥瑞旁生衆

鸚鵡白鶴燕雀烏鳶鷓鴣鴈鴉諸飛禽衆

牛馬羊鹿虎狼猪犬猴兔貓鼠諸走獸衆

蛟蜃鼉鼈蟲魚蝦蟹螺貝蚌蛤諸水族衆

蚊蚋蚤蠹蠅蛆蟻蜂蟬蝻蝻諸微類衆

蛇蝎蜈蚣蜂蠱鳩毒蜈蚣壁鏡諸毒類衆

鱗甲羽毛有足無足四足多足諸旁生衆

梟咎狐毒蝮食服應休循十類諸旁生衆

正住鐵圍山間大海洲渚邊住徧五趣中旁生衆

惟願不迷本性承佛威光今夕今時來禮法會

法師想諸旁生無火數衆從四方來
皆復人形却住一面表白唱言

一心奉請十方法界諸趣往來七七日內七返受生
中陰趣衆并諸眷屬

諸天類中報盡還來受中陰身一切衆生
諸仙類中報盡還來受中陰身一切衆生
諸人類中報盡還來受中陰身一切衆生
諸福德神報盡還來受中陰身一切衆生
諸阿脩羅報盡還來受中陰身一切衆生
諸餓鬼中報盡還來受中陰身一切衆生
諸旁生中報盡還來受中陰身一切衆生
諸地獄中報盡還來受中陰身一切衆生
泥犁城中罪福二相巧風所吹中陰衆生
四洲諸趣往來受生一十七種中陰衆生

惟願不迷本性承佛威光今夕今時來趨法會

法師想七趣中陰一切衆生無央數衆形如
七歲小兒從四方來却住一面表白唱言

上來召請 下堂聖凡 十位神靈 無央數衆
或幽或顯 各不相知 非仗密言 安能畢集
我佛如來有召請眞言謹當宣誦

唵什伐囉 俱胝 阿揭吒 尾揭吒 薩訶

誦呪三遍舉動鉞 法師想上來召請十位神靈無
央數衆自餓鬼地獄旁生中陰四趣衆生各來集
仰住一面未敢擅登淨道今聞眞言召請承法
力故盡復人形上升淨道往檢關中表白唱言

願因祕密 來集道場 施主虔誠 至心作禮

施主作禮 城隍當境諸神雖於前通德神中通請
而施家向欲備見所屬城邑及住居諸神奉供名號
故今隨筵設位以專
請之 表白唱言

一心奉請杭州府城隍列廟九縣鄉坊係祀靈祠諸
侯王衆并諸眷屬

當府城隍錢塘縣并八縣城隍諸廟神衆

杭州府主城隍之神 以下隨所住居
更換不必依此

兩院臯陶士師城邑靈壇社令旗纛廟旗纛將軍

諸神衆

故吳越國主錢武肅王之神嗣王位諸神衆

諸寺觀諸官衙十城門土地諸神諸巷五通祠堂

神衆

鎮海樓伍公之神施公之神吳山十廟神衆

鹽橋三位蔣侯相公三聖巷劉李二王各廟神衆

西湖岳武穆王于忠肅公四賢祠天澤廟一切神

衆

助聖廟諸公之神。同仁祠孫胡許三公覺苑寺三

忠祠合城一切神衆

錢塘江主潮神。晉龍舖廟。葛相公廟。江干一切神

衆

惟願不迷本性。承佛威光。今夕今時。來趨法會。

若別州府
隨宜改換

法師想城隍諸廟神衆。從四方來。却住一面。表白唱言。

一心奉請本寺所屬當境神祠。伽藍住居六神山門

奉事香火諸神。并諸眷屬

本境梵村土地三夫人合廟神衆

近境清芳亭廟。朱橋廟。陳百二十五相公廟。一切

神衆。當境五道大神。半天牧野神官。諸部五通神

衆

一十八位護教伽藍。本寺華光之神。周宣靈王之

神關王之神

本寺主山神

以主隨換
不必依此

住居中醫土地。明王門承戶尉。東厨司命。監齋使

者神衆

住居方隅太歲二十四道諸土神衆。中庭力士屋

上廣漢主泉神。主單神。主園林神。主後廁神。一

切神衆

本寺普同搭大墳小墓。守護瑩城諸神衆

惟願不迷本性。承佛威光。今夕今時。來趨法會

若別寺院及在
家隨宜改換

法師想當境諸廟神衆。及住居神衆。從四方來。却住一面。表白唱言。

上來召請 城隍列廟 當境神祠 住居香火

或幽或顯 各不相知 非仗密言 安能畢集

我佛如來有召請真言。謹當宣誦

唵什伐囉 俱胝 阿揭吒 尾揭吒 薩訶

呪三篇畢。動鼓。法師想所召城隍當境諸神。住居諸神。普皆雲集。住淨道上。實檢閣中。表白唱言。

願因祕密 來集道場 施主虔誠 至心作禮

施主作禮。表白召請。施家上世受薦亡位唱言。

一心奉請施家上世祖宗亡靈。師友親眷諸位神儀

并諸眷屬

始祖

高祖

曾祖

祖考

先考

伯考

叔考 先兄 亡弟

師友受教師席同學朋友及恩主義父之類

外親諸姑姊妹母舅妻家之類

諸母所生母乳母義母之類

惟願不迷本性承佛威光今夕今時來趨法會

法師想施家上世祖親從四方來却住一面
若出家人當依彼請本寺先靈 表白唱言

一心奉請木山上世祖宗亡靈師友親眷諸位神儀
并諸眷屬

開山和尚 大師 出家人用在
家不必依此

重建山門以來先亡後化一切僧行等衆

開山自古至今先亡後化一切僧行等衆

本山大衆各各生身父母六親等衆

本師某處某和尚

本師 府 和尙

惟願不迷本性承佛威光今夕今時來趨法會

表白
唱言

一心奉請受薦某人神儀

惟願不迷本性承佛威光今夕今時來趨法會

法師想所請亡魂隨所生處即得覺
知從空而來初住一面 表白唱言

上來召請 諸位亡靈 非仗密言 安能畢集

我佛如來有召請真言謹當宣誦

唵什伐囉 俱胝 阿揭吒 尾揭吒 薩訶

誦呪三遍舉動欽 法師想諸位先亡悉
皆畢集上升淨蓮住寶閣中 表白唱言

願因祕密 來集道場 施主虔誠 至心作禮

施主作禮前鬼魅中已總召橫死孤魂今更分
類請之者使知孤魂之形狀也 表白唱言

爲善最樂當自重於微軀得年甚高庶必至於定命

其有任心暴虐資性頑愚以緣險道之數行遂使福

機之竊發色身雖壞世壽未終地府莫收天曹弗錄

斯爲不得其死畢竟將何所歸舉其徒則實蕃歷以

歲而且久遊魂無託常雜處於人實同氣相求必攝

屬於鬼趣欲回正念宜悔前因用今宵普濟之功用

爾輩轉生之計凡居橫天極有多端將悉意於提持

請細論其情狀 表白
唱言

一心奉請十方法界諸國君臣后妃封君橫死孤魂

并諸眷屬

惟願不迷本性承佛威光今夕今時來趨法會

兼和香華請動鐵下
去例此 表白白言

九重昏德四海離心。遂使羣雄競謀不軌。既莫延於大歷。遽見奪於他人。國破兮家亡。身殂兮祀絕。若夫位尊上相。千官儼鵝鷺之行。權重元戎。萬騎肅貔貅之陣。百城宣化。一邑字民。豈唯委質於本朝。亦欲揚名於後世。然以爲臣不易處。已無良事。上罔忠。遂陳尸於兩觀。行師失律。竟梟首於三軍。要功絕漢。以無歸。將命穹廬。而不返。爲逐客而投身瘴地。從王事而遇寇。畏途被刺於姦兇之人。遭讒於佞倖之口。飲鳩令其立斃。賜劍使之自裁。至若正后元妃。才人采女。色衰兮愛弛。福過兮災生。至廢死於掖庭。或幽囚於永巷。封君命婦。庶妾諸姬。爭妍取憐。恃恩妒寵。穢起闔帷之內。變生衽席之間。忽驚桃李之容。竟委蒿萊之地。如斯情狀。深可悲傷。今則粵有信心。敬修齋事。盡行攝召。無或遐遺。宜舉衆以偕來。冀聞法而得度。

法師想所召孤魂無央數衆從
四方來却住一面 表白唱言

一心召請十方法界士農工商一切人倫橫死孤魂
并諸眷屬

惟願不迷本性。承佛威光。今夕今時。來趨法會。

皓首書生。窮經不遇。黃冠羽客。尙道無成。治方脈以名家。習書龜而爲業。當塵列肆。力田務農。衆技精靈。百工小大。吏卒奉公之輩。倡優鬻色之徒。莫不酣酒。腐腸貪財。喪命語言相觸。而見毆博弈交爭。而致傷。行藥加害於人。持刀自刎。其首受饑寒而感疾不起。染瘟疫而得證。難明霍亂兮。迷神癩癩兮。矢志怨家。會遇而急取。獄鬼蒼黃而誤收。自經於溝瀆之中。被壓乎巖牆之下。旅宿郵亭兮。斃驚氣絕。舟行海道兮。賊劫關亡。起居卒遇於蛇侵。飲食忽遭於蠱毒。天雷之擊。所以昭其惡。野火之焚。豈曰無其因。修德者尙爾。逢殃作過者宜其見罰。雖吾生之自取。亦宿對之相尋。容易此身。輕陵一死。如斯情狀。深可悲憐。今則粵有信心。敬修齋事。盡行攝召。無使遐遺。宜舉衆以偕來。冀聞法而得度。

法師想所召孤魂無央數衆從
四方來卻住一面 表白唱言

一心奉請十方法界諸國軍民戰陣殺傷橫死孤魂
并諸眷屬

惟願不迷本性承佛威光。今夕今時來趨法會。

將者死官兵爲凶器。有國者常備而不用。在下者盜弄則加誅。所以文武相維。是曰威德兼濟。至於貪求土地好立事功。如白起之隄降。四十萬同擠坎。穿若李陵之轉戰。五千餘盡沒風塵。嗟逝魄之何歸。諒冤情之莫告。迨今未已。此類尤多。洪惟

大朝統有天下。或渡馬淮浙之間。或引弓江海之曲。毀除公宇。焚蕩民廬。郡邑多有空荒。生靈悉罹荼毒。堡營破散。宗社覆亡。殺人盈城。流血爲沼。東征沒溺。北戍流離。令逼威驅。形枯命殞。山林避難。因惜財而首領相分。草莽嘯羣。因負氣而于戈相伐。輿工造艦。餓死客亡。納料助軍。追徵怖死。豺狼競噬。鳥鵲爭喧。春風蔓草之青。僅藏枯骨。夜月寒沙之白。獨照驚魂。既冥冥以無歸。只暗暗而對哭。雖是業同之報。寧無蓋及之冤。至若大帥之統制邊方。衆校之各分部曲。且耕且守。以勇以謀。在營違令而遽爾遭刑。出戍失期而終焉被戮。如斯黨類深可悲傷。今則粵有信心。敬修齋事。盡行攝召。無使遐遺。宜舉衆以偕來。冀聞

法而得度

法師想所召孤魂無央數衆從四方來却住一面表白唱言

一心奉請十方法界諸國人民遭罹刑獄橫死孤魂并諸眷屬

惟願不迷本性承佛威光。今夕今時來趨法會。

執憲全臺詳刑列郡當宣仁化用贊丕朝。至於大閱請託之門。特與羅織之獄。事可疑而不之察。情宜恕而弗之思。惟好惡之是行。於冤枉而何顧。若乃爲政不德。聽訟非人。故此簡書委諸吏輩。視賄賂之多寡。爲生殺之重輕。既悉徇於心私。終莫逃於物論。至於蓋加苦勸。極詆深文。氣絕於鞭捶之間。命殞於狴牢之內。禁錮終身。分亡於營寨。徒流遠地。分沒於道途。斷頭之苦。何言剛肉之慘。尤甚有過得實者。固宜見罰無罪就死者。豈不成怨。非獨地府有辨對之時。當知人世多酬償之日。如斯情狀深可悲傷。今則粵有信心。敬修齋事。盡行攝召。無使遐遺。宜舉衆以偕來。冀聞法而得度。

法師想所召孤魂無央數衆從四方來却住一面表白唱言

一心奉請十方法界諸國人民呪詛怨讎橫死孤魂
并諸眷屬

惟願不迷本性承佛威光今夕今時來趨法會

泛觀薄俗最多惡人不善攝心故常縱口是以臨逢
事變歷涉世情稍受窟冤便與呪詛其或田山之貿
易未正資財之負欠不還被盜失物而妄有猜疑交
訴連詞而濫相累及實犯過而好爲文飾因遭謗而
莫能辨明不孝父母則每致憾辭弗育妻孥則遂招
恨語莫不呼天籲地惹鬼牽神肆一日之怨言結千
生之仇對於是天曹地府各有註記之官秦獄城隍
尤多司察之吏人既亡則互相執取罪未判則次第
干連遂使自他俱成夭折如斯黨類深可悲傷今則
粵有信心敬修齋事盡行攝召無使遐遺宜舉衆以
偕來冀聞法而得度

法師想所召孤魂無央數衆從
四方來却住一面 表白唱言

一心奉請十方法界諸國人民沒溺波濤橫死孤魂
并諸眷屬

惟願不迷本性承佛威光今夕今時來趨法會

江河淮濟溪澤陂湖凡此大川皆爲至險必有乘舟
之利以免行路之難故茲民旅之往來及以官期之
經歷大風起而滔天洶涌片帆傾而逐浪漂流至如
海國行商蠻邦轉貨晝逢羣寇亂飛矢石以交攻夜
入狂瀾坐見軸轡之平沒或命未絕而舉棄於水或
鬼爲附而自投於淵俱成陷溺於波濤是謂天傷於
軀命爾乃居連洲島業擅漁鹽逐臭營家沿流撒網
船師弗謹遽失柁於驚濤火伴難逃盡沈身於巨浸
死屍不宿何絲葬之以棺逝魄無歸誰爲祭之以禮
如斯族類深可悲傷今則粵有信心敬修齋事盡行
攝召無使遐遺宜舉衆以偕來冀聞法而得度

法師想所召孤魂無央數衆從
四方來卻住一面 表白唱言

一心奉請十方法界江海之內專行劫盜橫死孤魂
并諸眷屬

惟願不迷本性承佛威光今夕今時來趨法會

居江海之濱爲舟楫之事行商失利捕網無魚本願
全虧貪婪愈盛相呼同伴其結姦謀遠涉重溟去爲
劫盜駕巨船而逾十聚凶黨以盈千雖專在於奪財

實兼行於害物發矢石兮雨下震金鼓兮雷鳴刀在手兮入市之屠墨塗面兮出林之獸交攻旅舶殺掠靡有子遺卒遇官軍拒戰略無少憚乃至縱橫洲島焚蕩屋廬既驅逐其牛羊復竊取其子女此輩固安於積惡彼天必爲之禍淫或碎身於正鬪之時或束手於見擒之日夜囚官獄一勘而款已成曉付市曹半餉而身遽殞雖乍分於首從終同至於滅亡生爲暴逆不法之人死作強梁無知之鬼如斯族類深可悲傷今則粵有信心敬修齋事盡行攝召無使遐遺宜舉衆以偕來冀聞法而得度

法師想所召孤魂無央數衆從四方來却住一面表白唱言

一心奉請十方法界邪鬼妖精侵害善人橫死孤魂并諸眷屬

惟願不迷本性承佛威光今夕今時來趨法會

生非正人死爲妖物以能略知世間諸事是故得名鬼報五通依叢木以遨遊據高樓而宴處狎彼之婦以悅已竊他之財以媚人以欲自益於邪徒故復蓋傷於善類其有世傳香火號曰家堂曾不問於歲時

每妄輿於災禍欺愚民而求飲食大肆貪婪奉淫祀以殺牛羊祇增怨累二俱有過萬不相饒故此盲迷皆從淪墜至若山魃水怪大魅狐精弊帚破鏡古盆折杵化丈夫而通處女結孕懷春變美婦而惑少年感情致病既深入於不正之氣終天亡於未盡之年反與其徒共爲此業如斯情狀深可悲憐今則粵有信心敬修齋事盡行攝召無使遐遺宜舉衆以偕來冀聞法而得度

法師想所召孤魂無央數衆從四方來却住一面表白唱言

一心奉請十方法界諸國人民瘵勞傳染橫死孤魂并諸眷屬

惟願不迷本性承佛威光今夕今時來趨法會

爲學無良用心不正天魔得便飛精密附於人身癘鬼成形捨報多參於蚶類有化爲蝴蝶者或狀若螟蚘然惟此禍根長居肺系竟令危脆之體終嬰瘵勞之病氣喘聲嘶嗜血不能止息面萎骨立乏力難以支撐半坐半眠乍寒乍熱精神困憊歲月淹延藥之弗瘳命則隨滅既繇斯疾而喪已復以此業而害人

遠及千里。則曰飛屍近徧一門。是為傳症。或衣衾之交染。或夫婦之纏連。於彼死處。則出諸蟲。當人臥時。而入衆竅。始於得病之日。終於殞命之年。與鬼為儔。同怨共處。如斯族類。深可悲傷。今則粵有信心。敬修齋事。盡行攝召。無使遐遺。宜舉衆以偕來。冀聞法而得度。

法師想所召孤魂無央數衆從四方來却住一面表白唱言

一心奉請十方法界諸國人民虎噬傷亡橫死孤魂并諸眷屬

惟願不迷本性承佛威光今夕今時來趨法會

實性强梁靡順常人之節。感形靡積。遂居猛虎之羣。是以出沒山林。傷殘羊豕。以茲為食。尚爾成怨。況於險隘之路。途害彼往來之民族。其為可憾。至此何言。爰自近年。甚聞諸處。雖當憤鬧。亦復縱橫。負薪陟嶺。而忽焉在前。束擔就道。而卒然相遇。既遭嚼齧。竟作傷亡。不省仇讎。反為佐助。蓋侵善類。大肆凶威。一經毒齒之饜。涎頤失平時之正見。於斯族黨。深可悲憐。今則粵有信心。敬修齋事。盡行攝召。無使遐遺。宜舉

衆以偕來。冀聞法而得度。

法師想所召孤魂無央數衆從四方來却住一面表白唱言

一心奉請十方法界諸國人民產亡乳絕橫死孤魂并諸眷屬

惟願不迷本性承佛威光今夕今時來趨法會

靖觀世道之無知。罔念人身之難得。競趨薄俗。咸失本慈。念治家未裕。則每以為憂。故得子稍多。則棄而不舉。既出離於胎獄。復淹沒於水盆。若女若男。方生方死。處閨帷而行屠殺。因妻妾以結怨讎。惟茲滅絕。於人倫。是即乖違於天理。至於頭足倒產。母子俱亡。若此大怨。無非惡對。或命夭於總角之際。或乳絕於襁負之中。於孩提。未必有愆。緣宿業。故招此報。如斯情狀。深可悲憐。今則粵有信心。敬修齋事。盡行攝召。無使遐遺。宜舉衆以偕來。冀聞法而得度。

法師想所召孤魂無央數衆從四方來却住一面表白唱言

一心奉請十方法界佃漁殺害一切生靈橫死孤魂并諸眷屬

惟願不迷本性承佛威光今夕今時來趨法會

體天道之好生。去人心之喜殺。未論得福且免遺殃。何惡俗之無良。縱癡情而故犯。是以網魚蝦於大澤。逐麋鹿於深山。烹羊取羔。屠牛作炙。無鱉膾鯉。腊雞蒸豚。每痛割其脂膏。用飲資於口腹。以絲市井。索者常衆。故令漁獵求之益多。當其體解刀砧。魂驚湯火。既遭極苦。遂結深怨。至於爲蜜撥蜂。因珠破蚌。挾彈墮林間之雀。彎弓落雲外之鵬。只知欺物命之微。終莫慮仇家之對。爾乃踐路旁之遊蟻。飲水內之末蟲。此雖出於誤心。當亦招於來報。若夫聚蠅之投身酒器。飛蛾之撲翅燈缸。固委命之在他。實設機之自我。若云尙道亦足傷慈。其有種類之各起。侵陵小大之遞相吞啖。一朝一夕。萬死萬生。以彼此加害不休。故次第責報無已。如斯情狀。深可悲憐。今則粵有信心。敬修齋事。盡行攝召。無使遐遺。宜舉衆以偕來。冀聞法而得度。

法師想所召孤魂無央數衆從四方來却住一面表白唱言

上來召請諸類孤魂非仗密言安能畢集

我佛如來有召請真言謹當宣誦

唵什伐囉 俱胝 阿揭吒 尾揭吒 薩訶

誦呪三遍舉動鉞 法師想上來召請諸類孤魂承法力故皆具端正儀相上升淨道往樓閣中

願因祕密 來集道場 施主虔誠 至心作禮

施主作禮 法師觀地獄囚徒業障者雖衆召請未能脫離有異方便可使畢至 表白振鈴爲開地獄

言白

三寶垂恩 九天肆赦 凡茲有召無或不來 維地府之拘囚以罪根之深固 此界他界之隔異 正住邊住之分殊 鐵釘釘體則徧體皆瘡 石磨磨身則全身俱碎 烈火洞胃而赫赤 烱銅灌口以淋漓 以受苦正爾昏迷 故聞命莫之領 曉斯繇自業之爲障 且非主者之不慈 至若秦獄諸司 城隍列廟 冥觀此處 實蕃有徒 或仇對之相干 及事情之未決 皆能阻滯 莫遂進趨 豈唯上失於佛懷 將必有孤於檀度 今則敬宣偈呪 大闡威神 牢關一擊 而開罪輩羣奔 而出無論貴賤 罔間怨親 冀齊到於道場 俾咸沾於法供

我今奉宣華嚴會中覺林菩薩所說破地獄偈及爲

持誦破地獄真言能使一切地獄受苦囚徒永脫

幽區轉生善道

若人欲了知 三世一切佛

應觀法界性 一切唯心造 大衆同誦 偈七 偏更多尤勝

唵 佉羅帝耶 娑訶 大衆同誦 三七 偏更多尤勝

法師想十方地獄鐵城門戶一振而開其中一切苦具悉皆隱沒一切囚徒盡聞呪音咸識本心共相告報來趨法會念求解脫表

自古逮今際天極地已悉行於號召曾不棄於玄微。故凡居有性之倫盡優入無遮之會。至於具造十惡。久處三塗雖令自便於此時猶或未通於前路。跌足於險巖之地。糜身於幽闇之鄉。若此多艱。何能善達。載憑祕密之力。示現光明之幢。將徹照於昏衢。冀無失措。俾安行於直道。幸遂知歸。惟爾英靈。悟茲方便。我佛如來有開道路真言謹當宣誦

唵 鉢那弭啤 幡伽縛底 慕賀野慕賀野

惹孽慕賀野 莎喇訶

誦呪三遍舉動繞鉢 法師想三塗之內無數衆生以惡業所障迷失道路者承此呪法力故即得坦平大道來至法會 表白 振鈴爲離怖畏 表白

六凡類多極顯冥而俱至三尊威重諒畏愛之象懷。非憑方便慰悅衆心恐或逡巡卻退一面乃宣祕語。

以破前機冀頓忘驚怖之情俾咸獲安詳而住

我佛如來有離怖畏真言謹當宣誦

唵 怛你也他 伐帝陀摩 陀囉枳俱盧度盧

銘 娑訶

誦呪三遍舉動繞鉢 法師想三塗之內無數衆生難到法會惡業爲障內心畏怯今承呪力即得身心安泰無如畏恐 表白 振鈴爲開咽喉 表白

彼醜其形斯名曰鬼頭若山峰之聳咽如針孔之微。悵水漿之莫通諒饑餒之惟甚三塗雖異衆類良多。以因行之或同故果報之相似用宣祕密大破慳貪。冀飲饑之甘和必喉吭之寬暢

我佛如來有開咽喉真言謹當宣誦

唵 吉利 鳩摩唎 咻囉咻囉 又囉又囉

娑訶

誦呪三遍舉動繞鉢 法師想三塗之內無數衆生以宿業故咽喉微細飲食不通今承呪力即得寬大無所塞礙 表白 振鈴爲六 道羣生解釋怨結 表白

諸法本空寧有我人之相此心無黨何分恩怨之情。絲不了外境之非他故妄認此身之爲自於是更相。你汝各立封疆因意向之稍違及言辭之靡順悻然

變色。遽行非理之瞋。忽爾生憎。遂起無根之謗。其有

恃長上而欺孤寡處。豪貴而虐卑微。侵鄰翁之地。以

廣新居奪市人之財。以實私帑。妄肆鞭笞之酷。益加

獄訟之冤。怙勢陵人。護心背義。甘血肉而資口腹。罔

念傷生。與呪詛而干鬼神。豈論對於是互相責報。

無有已時。皆緣發起於一朝。遂使福運於多劫。今則

三尊畢會。六趣咸臻。將同稟於真修。必先祛於宿憾。

忍心一發。辱境何存。念仇讎本我親姻。視男女皆吾

父母。永銷結恨。各起深歡。袂屬裙聯。直趣菩提之路。

心開意解。咸登解脫之場。母自失於良時。當進求於

勝益

我佛如來有解怨結真言。謹當宣誦

唵 三多羅 佉多 娑訶 誦呪三遍或大乘
同誦多遍更勝

法師想六道羣生無始世來常積怨結今聞呪法咸
起歡心一時消釋轉相親愛 表白振鈴請赴浴室

言白

六趣之居不同。無非濁惡。三塗之報最醜。悉是腥臊。

若云即事以為言。未免於心而有礙。須親澡浴。冀得

輕涼。法水初沾。見全身之光潔。慈風一拂。俾當念以

開明毋故遲回。宜當趨進

大衆奉迎淨道至浴室前
安設 表白獻浴白言

涵室宏開。盡十方而洞達。溫泉滿注。極四海以周流。

咨爾羣靈。紛然同入。湛定水而一沐。芬戒香以三熏。

盡忘業累之相關。豈存煩惱更無色相之迭見。唯是

真如匪徒事於空談。要當期於妙悟

我佛如來有沐浴真言。謹當宣誦

唵 底沙底沙 僧伽 娑訶

誦呪三遍淨法衆動鐃鼓讚表白至浴室洒淨法
師想此浴室寬廣嚴淨自然光明六道羣生無央數
衆聞前法音皆入中浴承法力故不相妨礙
身意快然得大安樂 表白振鈴遍讚云

六道四生俱法界 若幽若顯數難量

殊名異號本虛稱 奇相劣形皆幻質

倏往倏來同過隙 方生方滅等浮漚

皆從一念失元明 遂使有身隨妄報

此日檀那興普度 佛天高會肅清齋

仰憑慈力為提持 攝取羣生無不至

欲使歸依回正道 先須澡浴淨諸塵

外塵既淨內心融 始可前趨承法供

浴畢 表白振鈴施六道衣服於浴室前焚化冥衣無則已之白言

入室而悟水因既宣明於妙觸澡身而去塵穢載謹肅於外儀絲親承佛力之加俾悉反人形之舊同然一相會彼干差將親近於尊容必莊嚴於盛服宣之以真言祕密照之以妙觀幽微發起淨緣資成等施天衣自然被體不待意求法藥普與熏心何論念感以我志蘊利人之願故他修有益已之功即類而推無事不可

我佛如來有治衣真言謹當宣誦

唵 旃暮伽 𩇛𩇛並身縛索窒噤 主嚕主嚕

莎縛訶

誦呪三遍舉動繞鉢 法師想六道羣生無央數衆承法力故同作人形顯貌端正自然衣服莊嚴其身威儀濟濟欣採無量 表白振鈴召入白言

不洗塵不洗體既妙悟於圓通必振衣必彈冠復善修其容止斯可預無遮之會是為登大覺之門宿學深者於茲煥發性靈自障重者至此頓忘業習願承師教當於今夕而知歸甚適我懷應以此身而得度幸聞善誘宜即歡趨

大衆動鐘奉迎淨道至道場外當中安設及番華之屬仍先列一牌於淨道外牌上刻字云六道以下一切羣生并受薦神衆次第立於此參禮三寶

法界聖凡水陸勝會修齋儀軌卷第三

法界聖凡水陸勝會修齋儀軌卷第四

宋四明東湖沙門 志磐 謹撰

明古杭雲棲後學 誅宏 重訂

道場外設大黑牌上刻字云六道羣生受薦亡靈並序立於此又作小牌上刻下堂并隨鐘共十四位今以一牌為式云四空四禪六欲諸天日月星天奉聖衆除做此並作十六字此小牌列於大牌前 迎淨道安設於小牌前 法師大衆施主就東面側立 表白設几案就西面立振鈴白言

咨爾六凡同然一會孰分彼此何間親怨以鉢資法力之提持故得體施懷之平等將趨盛席必習真儀所謂淨相對之根塵以至稟無作之歸戒當絲正轍可蹈大方宜端列於後先咸諫聞於誠飭

法師想六道及亡靈等次第班列於淨道之上猶如雲海 表白振鈴宣偈呪為六道清淨三業
維爾羣靈俱集會 將親三寶作歸依
身儀俱已獲莊嚴 或曰未能清口意

載假如來方便道 為除三業衆愆尤

祇於當念了真空 六用一時俱寂靜

我今奉為法界六道一切羣生普令清淨六根三業

佛有真言謹當宣誦

唵 薩網婆縛 薩婆達磨 薩網婆縛 述摩

含 網縛並亡可切 述摩律切

誦呪三編舉動鐘鈸 法師想六道羣生三業六根各獲清淨無有染礙

法師施主為六道代上香表 白振鈴宜偈為六道然香致敬

維爾羣靈無始劫 飄零六道未知歸

幸哉今夕以何緣 馨法界中蒙普度

此際將親三寶衆 先須虔懇一鑪香

以茲清供寓真誠 願賜慈悲為納受

我今奉為法界六道一切羣生然香達信佛有真言

謹當宣誦

唵什筏栗多 末你 阿鉢羅句吒 蘇 破

合 上二 囉 尼 毗迦知 虎許 合

誦呪三編舉動鐘鈸 法師想香雲海普熏三寶聖賢之前為六道羣生通達信心無不周備

表白振鈴宜偈為六道奉誦三寶

維爾羣靈咸在列 肅清三業瑩無塵

從茲欲入大乘門 是必先投三寶境

夙世已修須發誓 今身初學可為因

將行勝法作歸依 故此最初勤奉請

至心歸命請盡虛空徧法界十方常住佛陀耶 衆并

諸眷屬 法師大衆施主率六道羣生同時作禮下並例此

至心歸命請盡虛空徧法界十方常住達磨耶 衆并

諸眷屬

至心歸命請盡虛空徧法界十方常住僧伽耶 衆并

諸眷屬 表白 白言

我今奉為法界六道一切羣生召請三寶佛有真言

講當宣誦

南無三滿多 母陀南 唵烏佐鉢囉諦 賀多

諦 薩縛世多孽多 俱舍冒地 唵娑哩野

沒哩 布羅迦也 薩訶

誦呪三編動鐘鈸 法師想三寶聖賢雲集座筵證明作法六道羣生趨跪合掌乞受歸成是時法師設一高座面外而坐 表白同大衆兩旁而坐施主諸人於大衆兩旁之後 法師跌坐為六道說法起信

法界六道一切羣靈當知此時所以得至法會者緣

今施主爲能開建普度大齋之故也。然而問津此道須發信心。信心未能信於道。何有言信心者。如四明法師之言曰。信一切法。唯心本具。全心發生。此卽指事理二造爲所信也。生無別理。並緣本具。信此事造。緣理具也。具無別具。皆是緣生。信此理具。卽事造也。則知世間相常緣起理一。既已了知事理不二。更復當知色心互融。是以法法周徧。念念具足。十方三世不雜。利那諸佛衆生。皆名法界。是爲圓信。互具互造之義也。既能信一切法。心具心造。又復當知實無能造。所造能具。所具以卽心是法。卽法是心。能造所造。能具所具。皆悉當處。唯是一心。皆悉當處。唯是一色。唯心唯色。對待斯亡。妙觀照之。無非三諦。若其然者。當處皆空。一空一切空。全體卽假。一假一切假。二邊互得。一中一切中。一心三觀。照不縱橫。三諦一境。體非並別。惟斯妙理。誰不具之。三世諸佛。已證此一切衆生。正迷此雖終日迷。而終日不離乎此也。誠能信此三諦之理。聖凡一體。一便可信。今日法施之會。正以一體三寶爲歸依處。從初發心。至於究竟。皆此日信心。

之所成就也。願六道含靈深信此言。永爲依據。

法師卽席爲六道說法歸依一體三寶

法界六道含靈。已能圓發大心。得決定信。今當爲汝仰依聖教。委釋一體三寶之相。俾知聖凡同具。次當正示觀心三寶之法。俾知修性互融。言三寶者。如天台聖師之言曰。佛未出世。但有輪王十善之化而已。自大聖初成正覺。首爲提謂長者。開授三歸。使之翻邪歸正。爲入聖之根本者也。此三歸者。通發一切戒品。及諸出世善法。故不同十善之舊法也。言歸依者。歸以反還爲義。反邪師而還事正師。此歸於佛也。反邪法而還修正法。此歸於法也。反九十五種外道。而還從於三乘正行之侶者。此歸於僧也。依以憑爲義。憑心靈覺。得出三界。是依於佛也。憑佛所說法。得出三界。是依於法也。憑三乘之侶。得出三界。是依於僧也。言三寶者。此佛法僧可尊可重。故名寶也。而有事有理。事者住持三寶也。理者一體三寶也。言住持者。佛在世時。樹王得道。爲佛寶。說四諦法。爲法寶。度五比丘。爲僧寶。佛滅度後。範金合土。紙素丹青。爲佛寶。

黃卷赤牘三藏聖教爲法寶剃髮染衣紹隆佛化爲僧寶此三住世不絕故曰住持三寶然一切像即是眞身經典所在是佛舍利今時凡僧亦能荷負正法爲世福田是亦所歸之處也言一體者以實相慧覺了諸法非空非有亦空亦有雙亡雙照三智圓覺名爲佛寶所覺法性之理三諦具足名爲法寶如此覺慧與理事和合名爲僧寶如上依於教法委釋一體三寶之相以爲汝輩六道一切羣靈開發妙解今更爲汝依於行法以正示觀心三寶之法故天台四明二師之言曰諦觀一念之心卽空卽假卽中卽是三寶如汝六道羣靈現前一念本具三諦在迷不覺是爲法寶能覺三諦之智是爲佛寶諦智相合是爲僧寶諦理是性餘二是修汝輩本具性中三法雖迷不覺理本諦當名爲法寶全性起修成三諦智則能覺悟名爲佛寶此智與性相應和合名爲僧寶更細推之三九開合恐繁不舉如是歸依三寶一切道法任運而生上至等覺尙須歸依何況地向以下二乘聖人尙須歸依何況六道凡夫我今爲此專爲汝等奉

行歸依俾宿世善根之人緣此成熟都未發心之人

於此投種當知汝輩本具一體三寶是能感之因諸

佛已證一體三寶是能應之緣惟其感應之道不忒

是以授受之義方成我今將唱歸依惟汝輩六道羣

靈肅清三業翹跪座前一念勤求聽我言說

我弟子某甲從於今身直至佛身

歸依佛 歸依法 歸依僧

現前大乘教主與六道羣靈隨法師教同

音三唱
法師白言

上來授汝三歸已竟更加三結令法圓滿

我弟子某甲

歸依佛竟 歸依法竟 歸依僧竟 如前三唱

從今以往稱佛爲師唯願三寶哀憐攝受

如前三唱 衆和南無十方常住佛法僧
法師爲六道行大乘懺法白言

汝等六道一切羣靈已能歸依三寶爲佛弟子當更

進求菩薩大乘戒法永爲成佛之本但以汝輩無始

而來經歷諸趣罪業重積能爲遮障今爲汝輩依大

乘門行懺悔法俾身心光潔方堪納戒言懺悔者如

天台聖師之言要須知懺悔名知懺悔處知懺悔法

知懺悔位。懺悔名者。梵語懺摩。此云悔過。若般誡三寶。悔過首罪。是爲知懺悔名也。懺悔處者。普賢觀經云。若欲懺悔者。端坐念實相。我心自空。罪福無主。依此觀心。知罪實相。是懺悔處也。懺悔法者。有事有理者。正觀事者。助道。正觀者。卽觀法。性法性者。諸法實相也。助道者。身旋禮口讀誦心策觀。正助合。行是懺悔法也。懺悔位者。其義最長。汝輩六道羣靈。若造五逆十惡。諸惡律儀。念念作惡。親近惡侶者。是爲地獄業。因當得地獄趣。報受極重苦。曠劫莫脫。若有深著五欲。不義取財利。已任人癡。無知者。是爲畜生業。因當得畜生趣。報更相殘害。無能止息。若有慳貪不施。邪見詭曲。破齋犯戒。不信因果者。是爲餓鬼業。因當得餓鬼趣。報常時饑渴。無絲一飽。若有薄修福業。常懷勝他。我慢陵人多好爭訟。是爲脩羅業。因當得脩羅趣。報一日三時。苦具自至。此輩應須懺悔。滅除業障。若失慎守。綱常堅持五戒。是爲人業。因當得人趣。報然。人中有八苦。而復多造種種不善。死墮惡道。如是等罪。應須懺悔。滅除業障。至於行十善道。修

世禪定。是爲天業。因當得天趣。報然。天中有五衰耽著欲樂。而不修行。福盡還墮。甚有直從上界入地獄者。應須懺悔。滅除業障。此外更有六道往來受中陰身。隨業遷轉者。更有值遇惡緣。不盡天年。遂至橫亡者。更有強暴之鬼。伺人之便。輿禍求食。或復加害。如是等類。皆應共行懺悔。滅除業障。是爲識懺悔位也。如上且就六凡以論。今明聖位。當懺悔者。藏通二教。三乘聖人。雖有析色體色入空之殊。界內界外。巧拙之異。然同除四住。同證偏空。但離斷常中。未聞佛性中。是故應須懺悔。滅除業障。別教雖臻十向。尙修中。未能證中。雖歷十地。猶證中。未免後障。乃至等覺。尙或未得無學。是故應須懺悔。滅除業障。卽如圓教。十住。至於等覺。法身智斷。猶未究盡。喻同十四夜月。是故亦須懺悔。滅除業障。從無間業。上至圓教。等覺位。位皆有二障。煩惱頭數。結業流類。苦報等差。該互凡聖。故五十校計經云。齊至等覺。皆令懺悔。正此義也。夫二死已亡。三惑永斷。唯佛一人。自餘聖賢。尙須懺悔。況六道乎。我今奉爲六道一切羣靈。依大乘經懺

悔之法對三寶前發靈懺悔行懺悔者身心清淨念
念之中得見普賢菩薩及十方佛宜各至心隨我所
說 我某甲至心懺悔

一切業障海 皆從妄想生 若欲懺悔者
端坐念實相 衆罪如霜露 慧日能消除

是故宜至心 懺悔六情根

法師三唱大衆同音率六道三和
法師勸六道羣靈發菩提心

汝輩六道羣靈無始至今中間於先佛世時得逢知
識教令發心求菩提道者固亦多矣但以宿世煩惱
障厚願行力微志不決定稍值惡緣隨即退失或生
未聞佛法之處隨順世間種種惡法何緣能發菩提
之心今茲何幸得逢施主開建普度大齋勝會已依
大乘行懺悔法便當於此猛發菩提大心然菩提心
當云何發何名菩提如天台聖師之言曰佛菩提心
者從大悲起佛正行中此心為先欲求佛道先以大
悲薰心乃至得果之後欲行化他者亦必以此大悲
為之本也言菩提者如光明玄義言梵語菩提此翻
為道善提有二一曰真性菩提此以理為道也二曰

實智菩提此以智慧為道也三曰方便菩提此以逗
機會理為道也於是觀於不思議境依無作四諦立
四弘誓起大悲心依苦諦誓度無邊之衆生依集諦
誓斷無盡之煩惱此兩誓願下化衆生也起大慈心
依道諦誓學無量法門依滅諦誓成無上佛道此兩
誓願上求佛果也我今奉為六道羣靈依此妙義發
四弘誓宜各至心隨我所說
我某甲至心發願

衆生無邊誓願度 煩惱無盡誓願斷

法門無量誓願學 佛道無上誓願成

法師三唱大衆同音率六道
三和 法師為六道說戒

汝輩六道羣靈已能依大乘門懺悔發願今當至心
進求戒法夫大乘三聚無作妙戒者度生死海之巨
筏起重惡病之良醫證涅槃道之要門入諸佛位之
正軌也諸佛出興志在敷化敷化之方曰戒定慧然
圓人所修一成一成是故學戒即學定慧一心中
學學無不徧矣言戒者禁止之義也言戒相者大乘
三聚戒名出地持曰攝律儀者無惡不斷也曰攝善

法者無善不修也。曰攝眾生者無有情不度也。今當更爲汝輩克論所發戒體以爲稟受。故天台聖師之言曰：戒體者不起而已起。則性無作假色。謂此戒體不起則已起。則全性而性修。交成心有無。作假色假色者。性必假色法以爲表見也。無作一發任運止惡。任運行善不俟再作。故云無作。自非退菩提心。更學邪法起上惡心。造十重業。未來他世雖在三惡道終不失戒。若於後更受菩薩戒時。不名新得名爲開示瑩淨。蓋謂重爲開示其已聞之義。瑩淨其已得之體而已。至矣哉。戒法之勝有如此者。我今奉爲汝輩六道奉行羯磨。宜各至心諦聽作法。法界六道一切羣靈。

諸佛子諦聽。汝等今於我所求受一切菩薩學處。一切菩薩淨戒。所謂攝律儀戒。攝善法戒。饒益有情戒。此諸學處。此諸淨戒。過去一切菩薩已受已學已解。已行已成。未來一切菩薩當受當學當解當行當成。現在一切菩薩今受今學。今解今行。今成當來作佛。汝等從今身至佛身於其中間不得犯能持否。

法師三說大衆率六道三和能持。法師想六道羣靈各勤三業。稟受淨戒。即感一種善法流入身心。是爲所發無作善業之色。此色微妙天眼可見。

此是初番羯磨已成。十方世界妙善戒法。絲心業力。悉皆震動。

諸佛子諦聽。汝等今於我所授一切菩薩學處。云云。同前能持否。

此是第二番羯磨已成。十方世界妙善戒法於虛空中如雲如蓋覆汝頂上。

諸佛子諦聽。汝等今於我所授一切菩薩學處。云云。同前能持否。

此是第三番羯磨已成。十方世界妙善戒法從汝頂門流入身心。充滿正報。永爲佛種。

上來已爲汝輩六道諸佛子衆三宣羯磨傳授戒法。作法既成。是爲得戒。

法師爲六道說十重戒。以爲持護用心之法。

汝輩六道諸佛子衆。既依憑三寶發無作戒。親聞羯磨。結成善業。宜應自此堅固護持於一切處。勿令有犯。不爲患難退轉其心。不爲塵境惑亂其志。寧有戒。

死不無戒。生縱其乘。急戒緩以三塗。身得值彌勒。聞法度世。何如持戒清淨。解第一義。以人天身而與龍華。最初之會。又何如具諸戒行。三心圓發。以此土身而升安養。上品之位。然則輪迴永謝。聖果可階。莫不緣於此日。稟戒護持之力也。今當爲汝宣揚梵網經心地品十重波羅夷。以彰持犯之相。切須善學。敬心奉持。

第一殺戒。佛言。佛子。若自殺。教人殺。方便殺。讚歎殺。見作隨喜。乃至呪殺。殺因殺。緣殺。法殺。業。乃至一切有命者。不得故殺。是菩薩應起常住慈悲心。孝順心。方便救護一切衆生。而反自恣心快意殺生者。是菩薩波羅夷罪。

第二盜戒。若佛子。自盜。教人盜。方便盜。呪盜。盜因盜。緣盜。法盜。業。乃至鬼神有主劫賊物。一切財物。一針一草。不得故盜。而菩薩應生佛性。孝順心。慈悲心。常助一切人生福生樂。而反更盜人財物者。是菩薩波羅夷罪。

第三姪戒。若佛子。自姪。教人姪。乃至一切女人。不得

故姪。姪因姪。緣姪。法姪。業。乃至畜生。女。諸天。鬼神。女。及非道。行姪。而菩薩應生孝順心。救護一切衆生。淨法。與人。而反更起一切人姪。不擇畜生。乃至母女。姊妹。六親。行姪。無慈悲心者。是菩薩波羅夷罪。

第四妄語戒。若佛子。自妄語。教人妄語。方便妄語。妄語因。妄語緣。妄語法。妄語業。乃至不見言。見見言。不見身心。妄語。而菩薩常生正語。正見。亦生一切衆生。正語。正見。而反更起一切衆生。邪語。邪見。邪業者。是菩薩波羅夷罪。

第五酤酒戒。若佛子。自酤酒。教人酤酒。酤酒因。酤酒緣。酤酒法。酤酒業。一切酒。不得酤。是酒起罪。因緣。而菩薩應生一切衆生。明達之慧。而反更生一切衆生。顛倒之心者。是菩薩波羅夷罪。

第六說四衆過戒。若佛子。口自說。出家在家。菩薩比丘。比丘尼。罪過。教人說罪過。罪過因。罪過緣。罪過法。罪過業。而菩薩聞外道惡人。及二乘惡人。說佛法中。非法。非律。常生慈心。教化是惡人。輩。令生大乘善信。而菩薩反更自說佛法中。罪過者。是菩薩波羅夷罪。

第七自讚毀他。戒若佛子。自讚毀他。亦教人自讚毀他。毀他因毀他緣。毀他法。毀他業。而菩薩應代一切衆生。受加毀辱惡事。向自己好事。與他人。若自揚已德。隱他人好事。令他人受毀者。是菩薩波羅夷罪。

第八慳惜加毀。戒若佛子。自慳教人慳。慳因慳緣。慳法。慳業。而菩薩見一切貧窮人來乞者。隨前人所須。一切給與。而菩薩以惡心。瞋心。乃至不施一錢一針。一草。有求法者。不為說一句一偈。一微塵許法。而反更罵辱者。是菩薩波羅夷罪。

第九瞋心不受悔。戒若佛子。自瞋教人瞋。瞋因瞋緣。瞋法。瞋業。而菩薩應生一切衆生。善根無諍之事。常生慈悲心。孝順心。而反更於一切衆生中。乃至於非衆生中。以惡口罵辱。加以手打。及以刀杖。意猶不息。前人求悔。善言懺謝。猶瞋不解者。是菩薩波羅夷罪。

第十謗三寶。戒若佛子。自謗三寶。教人謗三寶。謗因。謗緣。謗法。謗業。而菩薩見外道。及以惡人。一言謗佛音聲。如三百矛刺心。況口自謗。不生信心。孝順心。而反更助惡人。邪見人。謗者是菩薩波羅夷罪。

上來特為汝輩開示十重戒。相應當奉持。若能如是用心。是為善行菩薩之道。願行具足。聖品可登。故此

奉勉。切須敬謹。法師下座撤席大眾。施主並起兩邊側立。

法師上香歸就衆立念佛。表白為六道念佛求加白言。

六道一切羣靈。既獲淨戒。當須敬禮大乘常住三寶。

一切聖賢。始可前進。參陪坐席。我今奉為稱唱三寶。

洪名。冀承威力。用為加被。

南無本師釋迦牟尼佛。南無阿彌陀佛。

南無彌勒佛。

南無大乘妙法蓮華經。南無大方廣佛華嚴經。

南無大乘金光明經。

南無文殊師利菩薩。南無普賢菩薩。

南無觀世音菩薩。以上各位三稱大眾。率六道同音念佛。

表白右邊立執爐。偶讀三寶。至每位作禮。以手爐舞引六道。

容顏甚奇妙。光明照十方。我適曾供養。

今復還親近。聖主天中王。迦陵頻伽聲。

哀憫衆生者。我等今敬禮。

至心歸命禮。見坐道場十方法界衆。一切諸佛。

至心歸命禮見坐道場十方法界和衆一切尊法

至心歸命禮見坐道場十方法界和衆諸菩薩僧

至心歸命禮見坐道場十方法界諸緣覺僧

至心歸命禮見坐道場十方法界諸聲聞僧

至心歸命禮見坐道場十方法界諸祖師僧

至心歸命禮見坐道場十方法界五神通仙

至心歸命禮見坐道場十方法界護法諸天

至心歸命禮見坐道場十方法界諸大神王

至心歸命禮見坐道場十方法界十人大士衆

法師於每作證時想六道佛子各有無央數衆一時作禮奉迎六道佛子入道場內

表白振鈴誦

既稟律儀斯爲佛子爰卽六凡之質獲依三寶之光

一處傾誠俱時作禮大欣此遇滿慰茲懷將肅入於

道場更密承於法力

我佛如來有登壇眞言謹當宣誦

唵一 誦 切 彌 補 擬 鉢 頭 摩 暮 伽 上 二 跋 比 沒 囉 糕

囉 三 跋 上 囉 弭 捨 靺 四 矩 嚕 嚕 五 莎 縛 訶

誦 呪 三 徧 舉 動 鉢 大 衆 迎 至 道 場 周 迴 行 道 畢 表 白 振 鈴 獻 座 白 言

芥子納須彌之山毫端現寶王之刹是爲不思議事

何關有取著心茲維曹度之揚莫匪妙嚴之境不撥

萬象豈外十虛維大衆之善來藉良緣而俱會尊卑

有序遐邇無遺曲躬僂偻而趨依位從容而坐一念

寂默百慮銷亡請俟移時當行修供

我佛如來有相應坐位眞言謹當宣誦

唵 旃 暮 伽 上 一 鉢 頭 摩 遜 娜 唎 二 馱 囉 馱 囉 呢 三

漫 拏 唎 訶

誦 呪 三 徧 舉 動 鉢 法 師 想 六 道 佛 子 無 量 眷 屬 親 承 法 力 各 得 受 座 法 師 領 施 主 大 衆 暫 出 道 場 進

藥 石 仍 令 一 誠 恪 人 看 守

法界聖凡水陸勝會修齋儀軌卷第四

法界聖凡水陸勝會修齋儀軌卷第五

宋四明東湖沙門 志磐 謹撰

明古杭雲棲後學 祿宏 重訂

法師入道場上香施主上香
設拜 表白振鈴獻香述偈

建大寶鐘開法供 香風濃郁藹栴檀

羣生無一不心聞 於此悟明中道義

我佛如來有然香真言謹當宣誦

唵什伐栗多末憐 阿鉢羅句吒 蘇破囉尼

毗迦知 虎訶

誦呪三遍舉動燒鉢 法師想香雲海充塞道
場六道羣生悉聞開悟 表白酒淨振鈴述偈

湛湛靈泉盈寶器 了知流出自心源

只於當處悟真機 徧洒法筵無不淨

我佛如來有洒淨真言謹當宣誦

唵伐什囉 賒咩羊鳴音 耶 吽發音 悉哩摩咽音

薩訶

誦呪三遍舉動燒鉢 表白持水散洒座席悉令周
徧 法師想水至處几席之上光明嚴潔 表白宣
意旨

白言

六趣何多一時俱會。緣憑佛力得預道場。當悉徇於

真規庶咸歆於淨供。成茲法施藉彼信心。敢布勸渠
用彰發起

讀意旨舉動鉢
表白振鈴白言

歸命十方三寶衆 願垂神力為冥資

我今具食誦真言 徧彼六凡咸受供

表白備
食白言

夫一切諸法體是三德。依正色心何所不具。是以大
周利海小極一塵。過現未來。剎那一念。此三德體則
無乎不徧者也。三德者何也。法身般若。解脫是為三。
各具常樂我淨。是為德。法身不獨法身。必具般若。解
脫般若。解脫互具。亦爾。圓人一心具此三德。非縱非
橫。故喻之以圓。伊徧一切處。故目之以祕藏。大矣哉。
其法性之總相者乎。洪惟我釋迦牟尼如來。宣說施
食法門。俾於一心持誦。無量威德自在。光明勝妙力
陀羅尼。加持一食。出生無量。周徧法界。普與供養。盡
此陀羅尼者。卽是三德祕藏。此祕藏者。具一切法。故
能於此流出。無窮而未嘗有竭也。夫威德自在者。解
脫德也。光明者。般若德也。勝妙者。法身德也。力者。三

德之力用也。陀羅尼者總持之稱也。總持三德要在
一心。一心三德。法爾而具。然則一心卽陀羅尼。陀羅
尼卽是法食。莫不皆以三德共爲之體。亦莫不以三
德共爲之用。我今緣能了知三德祕藏。具一切法。一
切諸法。同三德體。故能舉體起作用。我現前所奉分
段之食。於一一食。出生一切天須陀甘露味及歡喜
丸。醍醐酥酪一切美味。莫不畢具於此。一一味中亦
復出生妙香寶華。天衣瓔珞。衆寶輦輿。一切服用。鐘
磬金鏡。笙簫角貝。鼓樂絃歌。一切妙音。流泉浴池。華
果園林。光明臺殿。一切住處。復於一一美味。一一服
用。一一妙音。一一住處。彼彼出生。如上六塵。一切妙
供。無不周徧。如帝網珠。千光交映。一珠趣多珠。多珠
趣一珠。一多相攝。彼彼互照。然則一器之食。至微至
約。而所以能有如是不思議用者。以此一念卽三德
之全體故也。我今奉爲施主。持此三德所熏六塵妙
供。普施法界無量羣生。一時充足。無所乏少。雖彼衆
生各得受用。而我本無所與。衆生本無所取。所施之
物亦本無有我。及衆生亦無有相。是爲以空爲觀者。

雖復無與無取。無物無我。無衆生。而其施者受者及
中間物。莫不宛然。歷歷可見。是爲以假爲觀者。於一
心中。了知施者受者及所施物。非有非無。三輪俱絕。
是爲以中爲觀者。三觀圓照。一念中得無後無前。何
思何慮。作如是觀而行施者。是爲不住相施。是諸衆
生受此施時。一一自然皆得禪悅法喜。以故居天道
則轉增勝福。在人倫則頓悟真歸。脩羅調伏。瞋心餓
鬼咸獲飽滿。畜類自得智慧。地獄永脫拘囚。卽於此
時。咸悔業因。進求出世。當知適爲汝輩歸依。三寶奉
行懺悔。發菩提心。立四弘誓。示之以三聚淨戒。顯之
以三德妙體。明白洞達。更無餘蘊。而又於此時。加之
以法食之益。是法是食。俱得爲利。則如天台之言曰。
譬如熏藥。藥隨火勢入人身中。患除方復。法隨食入。
亦復如是。或近或遠。終破無明。是皆上藉。茲日法施
之力。以致若是。
我今奉宣無量威德自在光明勝妙力陀羅尼。加持
法食。充徧法界。成大功能。如前所說。仰憑法衆同音
持誦。

曩謨薩嚩怛他引摩路引 枳音帝二唵三

三去 跋羅三去 跋羅吽四

大衆同音誦呪 據儀口經 施鬼衆食 令誦七遍 施婆羅門仙衆 令誦二七遍 供養三寶 令誦三七遍 今人施六道食者 多誦至七十遍 功用彌勝 呪舉動 饑餓法師想 一一食中 出生甘露 上味 一切 餓餓 如前 備食文中 六塵 互遍 彌滿 法界 依正 諸法 皆成 妙供 一時 普施 法界 六道 各得 受用 無不 周遍 表白 振鈴施甘露 水白言

惟茲逝水出彼高源被以密言成斯甘露是為不死之神藥能滅至渴之焦心可使清涼普令饒益於此修營之食加乎灌沃之功既變化之有方則出生之無盡莫不屬饜諸趣暢悅羣情咸豁悟於已靈即頓增於法喜

我佛如來有施甘露真言謹當宣誦

南無素嚕囉耶 但多揭多耶 但你他 唵素

嚕素嚕 鉢囉素嚕 鉢囉素嚕 莎訶

大衆同音誦呪 舉動 瓔珞 表白 持水 遍洒 四座 供食 及中間 解食 法師 想此 法水 緣呪 力故 即成 上妙 天甘露 味散 酒供 食豈 惟淨 潔香 美非 世所有 亦復 出生 種種 饌無 有限 量於 諸饌 復能 出生 微妙 五塵 重重 無盡 周遍 法界 六道 羣生 各得 受用 表白 振鈴 稱四 如來 名白 言

佛言若有四衆常誦此真言及四如來名號加持飲

食施諸餓鬼者受此食已悉得飽滿其行施者便能具足無量福德則同供養百千俱胝如來功德無別又言此真言法豈唯施鬼亦復施仙及以三寶引而伸之則知亦當施餘五趣則法界之義方顯我今專為稱唱四如來名以彰勝用

南無多寶如來 南無妙色身如來

南無廣博身如來 南無離怖畏如來

大衆同音誦佛號各三遍 法師想四如來各與慈念 攝濟羣生能令現身現德 圓滿色相具足 恣意受食 離諸 怖畏 表白 振鈴 依位 獻供 白言

萬法之性無住故能卷歸一空六塵之體恒周故得舒出諸有是為全理而造莫匪緣心所生則知此食具徧十方尤在茲時普熏羣品然既遇大王之珍饌當載聆吾佛之靈章豈唯享則多儀蓋是飽必須教均沾上味咸悟圓常庶因齋事之緣同成法施之會一心奉供十方法界四空四禪六欲諸天日月星天

天曹列聖并諸眷屬

惟願不迷本性承佛威光是夕今時受茲供養

衆和香華獻動瓔珞下去 例此 表白 振鈴 宣偈 并述 讚文

世仰四空無色定 四禪十八梵天倫

惟茲欲界六天王 五欲自娛無與比

日月五星齊七政 北辰北斗衆天星

角亢列宿盡周天 八萬四千災變者

十二官辰并六甲 天曹賞罰衆天官

十方天道萬仙眞 於此一時俱奉供

伏以窮無色頂仰極境之至高懷有漏心與長年而

俱謝矧四禪乃屬於邪定而六欲不離於凡情雖從

夙修十善而來寧免見感五衰之相至若耀千光於

二道垂萬象於一天獨憐冠上之華萎覺空中之

箭墜威權自在爲上界官府之眞仙賞罰必行實下

地人倫之司命念福力久而復失信死魔決矣難逃

以權引實者固究竟於本原隨業受生者盡一期之

妄報雲隱峨峨之玉殿風揚燁燁之銖衣執妙華以

遊遊味甘露而厭厭意常自逸樂且無央八萬劫終

是空亡三千界悉從淪沒受形塵世尙知聞法得道

之時跌足幽區何有離苦脫罪之處今則特開勝會

普度迷流願因佛日之光來赴檀家之供親承法施

豁悟性空勿眷戀於高穹卽升騰於樂土來歸命頂

禮常住三寶

施主作禮
表白唱言

一心奉供十方法界五嶽四瀆地載遊空福德諸神

係祀靈祠并諸眷屬

惟願不迷本性承佛威光今夕今時受茲供養

美白歌鈴
宣偈讚文

五嶽聖君同佐命 扶桑水府萬仙眞

江淮濟衆龍神 四大海王諸眷屬

華果園林并百穀 旱蝗災病衆神司

五方分野土神君 風雨雷霆熒惑類

天下城隍諸廟食 立功施法錫廟封

十方福德衆威神 於此一時俱奉供

伏以尊形山嶽巨鎮稱尊奉職雷響至靈可仰穀果

園林之所主水火風雨之攸司居海澤之龍君守方

隅之土府城隍列廟里城叢祠定國安民善元勳於

史冊禦災捍患結盛德於人心檀王侯徵美之稱顯

天地神明之用洞陰陽而有序信賞罰以必行既助

化於昌時。宜垂名於常祀。謂善權則暫同諸事。言實報則正墮邪思。故知血食以傷生。未若齋心而潔已。其或多貪徒屬。廣闢殿堂。妄作殃祥。自昭威勇。異常素昧。竟莫識於依歸。惡習彌增。將速趨於淪墜。今則特開勝會。普度迷流。願因佛日之光來赴檀家之供。親承法施。豁悟性空。勿眷戀於塵寰。即升騰於樂土。
和歸命頂禮常住三寶

施主作禮
表白唱言

一心奉供十方法界帝王后妃文武官僚孔聖儒宗
仙人隱士并諸眷屬

惟願不迷本性承佛威光是夕今時受茲供養

表白振鈴
述偈讚文

四聖輪王并列國 帝王正后及元妃

三公卿士衆名賢 凡曰百僚文與武

至聖大儒尊孔道 四科十哲顯儒宗

婆羅門衆即仙人 此土老莊仙聖者

巢父許由諸逸士 夫人命婦及封君

十方諸國衆君臣 於此一時俱奉供

伏以聖王間出御金銀銅鐵之輪明主迭興握社稷山河之柄開基立極繼體守文舉六合以爲家統黎元而作子然而君無良則喪位臣不密則失身若此至難可不自畏維持世道景仰儒宗正心誠意以發其幾制禮作樂以崇其化公卿百辟具經國之賢材將校六軍蘊安邊之英略逸民隱士仙人羽流挺出塵絕俗之標得定命延生之術維后妃夫人之衆及嬪妾烈女之倫內則之行後庭中饋之助私室或出或處報暫見於兩端若智若愚竟同歸於一死今則特開勝會普度迷流願承佛日之光來赴檀家之供親聞妙法頓悟真空勿留滯於塵寰即升騰於樂土。
和歸命頂禮常住三寶

施主作禮
表白唱言

一心奉供十方法界農民工商醫卜雜流賤男女

十類人倫并諸眷屬

惟願不迷本性承佛威光今夕今時受茲供養

表白振鈴
宣偈讚文

十類人倫隨十習 頑愚明達各分明

服田力穡百工人 坐賈行商醫卜者

事上奉公諸吏卒 至於奴婢及倡優

惟忠惟孝固無慚 不義不仁宜見罰

貧富絲天皆分定 窮通有命豈人為

十万人道衆無央 於此一時俱奉供

伏以自天降種故並列於三才得人爲身絲宿持於五戒豈惟有學道之分要知具成佛之緣至於忠孝克修姦貪莫化皆性習之相遠致善惡之不同士農工商之稱四民頑愚明達之分十類惟醫藥卜筮之輩及技術倡優之待男女各得其朋尊卑不失其序名教內地莫匪衣冠之家遠近外邦固多樸直之行壽夭窮通其報若是錄寡孤獨此苦何言只知陷生死之輪寧能入聖賢之城元明外照竟背失其本心雜業交傾將飄零於異趣今則特開勝會普度迷流願因佛日之光來赴檀家之供親承法施豁悟性空勿眷戀於殘軀卽升騰於樂土和歸命頂禮常住三

施主作禮
表白唱言

一心奉供十方法界四類受生五趣所攝山間海底

阿脩羅衆并諸眷屬

惟願不迷本性承佛威光是夕今時受茲供養

表白振鈴
宣偈讚文

惟此化生天所攝 執持世界與天爭

居鄰日月是胎生 護法乘通同鬼趣

且在虛空歸水宿 信知此類比旁生

四生五趣攝還周 北住須彌深入海

衆相山中爲一種 號稱最劣少威神

阿脩羅道衆無央 於此一時俱奉供

伏以宿修十善但成下品之因區別四生遂感陋心之果專行利已多爲勝他福雖強而報本非天形極巨而手能障日處衆相山中其威或劣住大鹹水底所入最深寶網離欄映行樹參差之影奇華名苑出衆禽和雅之音居宮燒則來苦具於三時御飲食則變青泥於一口是爲惡趣所攝蓋因邪見之堅其有聞悅意女言而遽爾與眞共帝釋天戰而終焉致敗逃身入藕窠想多慚色取月爲耳瑤只成慢辭但念

不感豈明無諍。長懷暴戾。將鬼畜之爲僇。都無慈心。何人天之有望。今則特開勝會。普度迷流。願因佛日之光來赴檀家之供。親承法施。豁悟性空。勿眷戀於殘軀。得升騰於樂土。和衆歸命頂禮常住三寶

施主作禮
表白唱言

一心奉供十方法界。餓口鬼王三品九類諸餓鬼衆。橫死孤魂并諸眷屬。

惟願不迷本性。承佛威光是夕今時。受茲供養。

表白振鈴
宣偈讚文

諸餓鬼中名餓口 以權引實故稱王

財分三品豈無因 業報千差於此見

食血食香非一類 依山依水卽爲名

闖浮地下閉幽區 或處鐵圍償宿罪

別有夜叉羅刹鬼 至於橫死衆傷亡

十方餓鬼及孤魂 於此一時俱奉供

伏以習慳貪之業。既非吉人。感醜陋之形。乃名餓鬼。是以咽垂大瘰。腹聳高山。足比枯柴。面同惡獸。火炬長然於口。針毛每刺其身。豈惟痛苦難言。抑亦饑虛

莫告闍浮提地下之正住。所迦羅山間之別居。凡丘陵草木空荒之鄉。及城邑街衢憤鬧之處。固多此類。得脫何時。不善用心。墓下鞭屍而奚益。苟知活命人中求食。以爲謀。至於被焚被溺之喪生。自刎自經之害體。凡茲短折。悉是傷亡。孤魂渺渺。以無依。長夜漫漫。而未旦。唱言水水。此鬼城內那得有之。竊語刀刀。我王庫中無如是者。今則特開勝會。普度迷流。願因佛日之光來赴檀家之供。親承法施。豁悟性空。勿留滯於幽區。卽升騰於樂土。和衆歸命頂禮常住三寶

施主作禮
表白唱言

一心奉供十方法界。闍摩羅王地府十王王妹神女。

諸司官吏并諸眷屬

惟願不迷本性。承佛威光是夕今時。受茲供養。

表白振鈴
宣偈讚文

信矣十王居地下 闍摩羅號最稱尊

惟茲神妹亦分權 善惡二童諸女吏

十八大臣曾立誓 同爲治獄報初心

洪伽嚩等固威雄 惡毒鬼僞咸佐理

業鏡火珠常鑑照 諸司典執本公平

十方地府衆神司 於此一時俱奉供

伏以善心初發上天之寶殿先成惡念纔萌下地之火城已具故知現起之業行可卜未來之報緣惟閻摩羅之至神住捺落迦之冥界列華池於四處懸鈴網於七重衆鳥和鳴香風芬郁苦俱樂而間受兄與妹以雙王因本無良從極曠而立邪誓果還自熟撲熱鐵而灌融銅劍十八之大臣及百萬之精卒繇當時有奉助治罪之願致此日得各任典司之稱所謂掌屬案之判官與彼執文籍之童子推鞠對驗固無枉濫燒然凍冽曷不辛酸非諸神可專其權實衆生自感之力久纏妄習徒令曠劫拘囚欲反眞修不出一心照了今則特開勝會普度迷流幸因佛日之光來赴檀家之供親承法施豁悟性空勿留滯於幽都卽升騰於樂土衆歸命頂禮常住三寶

施主作禮
表白唱音

一心奉供十方法界八熱八寒諸大地獄諸獨孤獄受苦囚徒并諸眷屬

惟願不迷本性承佛威光是夕今時受茲供養

表白贊鈴
宣偈讚文

八熱正居南贍部 四門十六號遊增

須知邊住鐵圍山 此是八寒諸獄處

劍樹刀山殃自受 鐵丸銅汁苦難逃

維茲惡逆大阿鼻 無數劫來無解脫

別有泰山孤獨獄 城隍祠廟管新亡

十方地獄衆囚徒 於此一時俱奉供

伏以非毀三寶曾無歸敬之誠違逆二親罔念生成之本其或六根回造至於一業單行過之微者責亦微罪之大者罰斯大是心所作自我之招如夜書火滅而字存若曉鑑形臨而影見極熱極寒之異熟惡因惡果之相成斫迦羅兩山間日月神天不照閻浮提八獄下鐵銅石火交陳風吹劍樹則舉體刺傷湯涌灰河則全身糜爛既受斫於斤斧復被齧於豺狼捺落迦謂之惡人閻摩羅訶爲獄種至若曠野獨孤之處蓋從別業輕薄而言繇不明自性之眞空故莫免此時之妄報遙遙長劫何知得脫之期渺渺沈魂

誰反在迷之念。今則特開勝會。普度囚徒。願因佛日之光。得赴檀家之供。親聞妙法。頓悟圓乘。勿再入於陰區。即升騰於樂土。和歸命頂禮常住三寶。

施主作禮
表白唱言

一心奉供十方法界鐵圍山間徧五趣中鱗甲羽毛

十類旁生并諸眷屬

惟願不迷本性承佛威光是夕今時受茲供養

表白振鈴
宣偈讚文

師子象王昭福德

龜龍麟鳳應休祥

烏鳶燕雀是飛禽

牛馬犬羊為走獸

鼈鱉魚蝦名水族

蚊蠅蠅蟻最微生

蚯蚓蜂蠱毒心強

鱗甲羽毛隨業受

正住鐵圍并海渚

邊居五趣悉周遭

十方十類衆旁生

於此一時俱奉供

伏以真愚癡之性正見全乖受陋劣之形旁生是號水陸空之居異魚鳥獸之羣分胎卵溼化之四生休咎服循之十類鳳鳴而昭祥瑞鵬集則表凶衰吞鈎之餌見其多貪赴火之明憐其罔覺具先知之智豈

復免於剝腸有負重之功亦終歸於解體以大制小則遞相食啖隨業論對則更互酬償慨此輩之交傾當何時而得止至若張羅布網以夭其命發機設罽以傷其生方血汙於刀砧竟身糜於鼎鑊長懷極苦牢結深怨以茲自已之脂膏餓彼不仁之口腹如斯酷罰非為橫報之相加驗以前因實是惡修之所致今則特開勝會普度迷流願因佛日之光得赴檀家之供親承法施豁悟性空勿眷戀於殘軀即升騰於樂土和歸命頂禮常住三寶

施主作禮
表白唱言

一心奉供十方方法界七七日內七返受生諸趣往來

中陰趣衆并諸眷屬

惟願不迷本性承佛威光是夕今時受茲供養

表白振鈴
宣偈讚文

補特伽羅為數取

生經七日太恩恩

如斯七七日纔終

決定受生隨業轉

七趣往來無暫止

四洲經歷莫違居

略為十七種名言

此類只憑天眼見

別有泥犁分罪福 隨心感得巧風吹

惟茲中陰衆無央 於此一時俱奉供

伏以從緣隱顯若鏡像之有無隨業升沈如井輪之高下惟天上五衰之至及人間四相之遷三途之出沒紛紛諸趣之往來雜遷善惡極重者即能感報果因稍輕者且復俟時以未得於受身故暫歸於中陰何死生之數取絲罪福之轉移倏忽而終壽量定於七日變化而有質狀比於小兒念念不臧形相相續識雖聰利性只昏蒙不離萬法之中強名六道之外在天眼固應得見非佛心莫能徧知若此無歸誠爲可憫周流妄境以隨情正爾牽連回入修門至得道方爲止息今則特開勝會普度迷倫願因佛日之光來赴檀家之供親承法施頓悟回乘勿眷戀於殘軀即升騰於樂土兼和歸命頂禮常住三寶

施主作禮
表白宣祝獻供

我佛如來有獻供養真言謹當宣誦

唵 誚 譏 曩 三 婆 嚩 縛 日 囉 斛

誦呪三編舉動鐘鈸 法師想下堂十位
聖凡承茲法力咸得受供 表白白言

願因祕密 不思議熏 悉使微着 轉成法供

施諸六道 十位羣靈 一時普資 無不周徧

施主作禮
表白唱言

一心奉供 府城隍列廟 縣鄉坊係祀靈祠諸

侯王衆并諸眷屬

惟願不迷本性承佛威光今夕今時受茲供養

表白振鈴
宣偈讚文

當府城隍靈佑廟 巍巍府主顯威神

祥刑自古祀皐陶 褒德於茲封列廟

粵有明王諸往哲 那樓旗纛大將軍

惟斯賢聖邑中尊 赫爾海神居廟食

寺觀官衙諸土主 至於諸巷五通神

市城屬縣衆靈祠 於此一時俱奉供

伏以虹梁壓水據上下之要津雉堞齊雲壯東南之會府峩峩官宇比比民居必有真靈共爲庇蔭是以城隍列廟里邑叢祠咸顯諸神克享厥祀豐碑特立既昭示於褒封邃殿宏開用奉嚴於眞像莫不立功施法助國安人將俯答於祈禱必大彰於威烈凡兵

戈厄難之際。及水旱疾疫之時。一有所求。罔不為應。但歎血食。曾未免於傷生。都無慈心。竟何思於責報。今則特開勝會。普濟羣倫。願因佛日之光。來赴檀家之供。親聞妙法。頓悟圓乘。勿眷戀於塵寰。即升騰於樂土。和乘歸命頂禮常住三寶。

施主作禮
表白唱言

一心奉供。近邑當境諸廟侯王。住居六神家庭。香火并諸眷屬。

惟願不迷本性。承佛威光。是夕今時。受茲供養。

表白張鈴
宣偈讚文

近邑侯王諸廟食

至於當境衆神明

住居中習大明王

門戶諸神并主寵

守井守庭俱奉職

牀公牀母廟夫人

方隅太歲土司神

服事家庭香火衆

莊庫所居并店肆

田山蔬圃及墳塋

維茲福德衆神靈

於此一時俱奉供

伏以闡至靈而護物。大庇鄉國。昭明信以事神。聿修

廟祀。念聚廬而託處。知中習之稱尊。守禁忌於方隅。

謹出入於門戶。竈事飲食之用。井備水泉之需。臥牀

保以常安。奏廟贖其密佑。親承佛囑。莫妄擾於人居。

無作神靈。冀默扶於世福。至若家庭之立像。位冢墓

之有地。祇田山界畔之相分。倉庫積儲之甚盛。凡茲

處所。悉有典司。如其清正。則但受香燈。或復姦貪。則

恣求血肉。此之惡習。難以盡言。是禮施則行在利他。

若實報則業招自我。夙稟聰明之智。未免邪思。不知

常住之心。焉求覺慧。今則特開勝會。普度迷流。願因

佛日之光。來赴檀家之供。大沾法施。豁悟性空。勿留

滯於塵寰。即升騰於樂土。和乘歸命頂禮常住三寶。

施主作禮
表白唱言

一心奉供。本家上世祖禰亡靈。師友親眷諸位神儀。

并諸眷屬。

惟願不迷本性。承佛威光。是夕今時。受茲供養。

表白張鈴
宣偈讚文

天地既分。人道立

最初得姓。是為先

洪惟始祖。及高曾

逮我二親。咸薦福

若或見存。資福壽

如其已逝。必超升

至於伯叔與諸姑 兄友弟恭無不度

師友外親諸母氏 等今披濟不遐遺

世間男女盡吾親 於此一時俱奉供

伏以自宗祧之陰陽故能垂裕於後昆。緣梵福以冥熏。是日追榮於上世。然則奉先思孝。莫如崇德報功。故夫近從高曾逮及父母。已遷神於昭代。或侍養於餘年。懷正見則再返人中。造重愆則竟淪下地。縱耽天樂。尚何免於五衰。別證仙身。亦還來於諸趣。事戰爭而興大忿。逐飛走以作旁行。靈風肅肅。知其為神。饑火炎炎。謂之曰鬼。出沒四生之境。罔念超際迴旋。六道之輪。何當止息。其有勤修至行。深會圓乘。想密契於無生。必高登於上品。盡大地莫非親眷。等成拔濟之緣。歷曠劫所有怨讎。悉動解除之念。今則特開勝會。普度迷流。願因佛日之光來赴檀家之供。欣聞妙法。豁悟真空。勿留滯於塵寰。即升騰於樂土。和歸命頂禮常住三寶。

施主作禮
表白唱言

一心奉供受薦某人神儀

惟願不迷本性。承佛威光是夕。今時受茲供養。

施主作禮
表白宣呪獻供

我佛如來有獻供養真言。謹當宣誦

唵。譚。譚。三。婆。嚩。嚩。日。囉。斛

誦呪三遍。舉動。轉。轉。法。師。想。隨。隨。神。衆。及。亡。靈。等。承。茲。法。力。咸。得。受。供。表。白。白。言。

願因祕密 不思議熏 悉使徹肴 轉成妙供

施諸神衆 及以亡靈 一時普資 無不周備

表白振鈴獻六
種供養白言

慧燈散夜月之輝。定水湛秋空之色。華嚴萬行果滿。

一乘入此室者。唯聞諸佛功德之香。作是觀者。但見

禪悅法喜之食。莫不即事即理。唯色唯心。悉會正宗。

全成妙供。我佛如來有普供養真言。謹當宣誦

唵。阿。歌。囉。阿。歌。囉。薩。縛。苾。地。耶。歐。囉。布。爾

底 莎。縛。訶

誦呪三遍。舉動。轉。轉。法。師。想。法。界。六。道。一。切。羣。生。及。隨。隨。神。衆。諸。亡。靈。等。承。茲。法。力。咸。得。受。此。六。種。妙。供。

悉皆周足 表白振
鈴修法供養白言

備行齋法。悉入教門。要識事為全歸。理趣是以發心。

指意屈膝。低頭燒香。散華然燈。奉食莫不資成於圓。

觀威令助顯於正。因以如儀雖有多端。若隨智無非。三諦然則欲知斯道。豈外此宗。達萬法性相皆空。卽一念思惟如實。更須誦聖人所說之典。俾克符自己得解之靈。悟修行處。於是爲眞示供養中。以茲爲勝。我佛如來有法供養眞言。謹當宣誦。

唵薩婆怛他揭多 悟咽_音耶 摩訶鉢哩鉢底
布闍暝伽 三慕達羅 空發羅拏 三末曳 平

許

誦呪三遍舉動鉢 法師當知前來所奉一一供事 並是財施今誦大乘乃是法施財以養命惟資福業 法以開性是爲智度二施並運方名薄濟之道況前 財施皆有懸觀方便以體道之則知一一供事無非 法施財外無法外無財二施平等皆卽三諦作此 想時六道羣生成蒙法喜各得解脫 表白舉經或 偈迴向不必繁辭

願以此功德 普及於一切 我等與衆生

皆共成佛道

衆動繞鉢請法 師升座說法要

法界聖凡水陸勝會修齋儀軌卷第五

法界聖凡水陸勝會修齋儀軌卷第六

宋四明東湖沙門 志磐 謹撰

明古杭雲棲後學 殊宏 重訂

法師面道場升座爲六道開說法要 指歸淨土令修念佛三昧求願往生

汝輩六道佛子。自入道場。屢聞法要。所謂發起圓常。正信歸依一體三寶。行大乘懺悔。立四弘誓願。而又獲聞大乘妙戒無作之法。乃至一香一華。明燈奉食。幢旛瓔珞。歌頌讚歎。六塵供事。互徧莊嚴。一一無非。備明法華開顯之事。究竟圓融三諦之理。將使汝輩開發妙解。達茲萬境。唯是一心。諦觀一心。本不可得。隨心而造。不礙緣生。若依若正。若色若心。妙觀觀之。無非妙法。然而此土濁惡障重。機疏縱有進修。難於成辦。仰荷如來有異方便。曰觀佛三昧。俾於阿彌陀佛。極樂淨土。專心繫念。遂得往生。我釋迦世尊於此娑婆世界。曰極苦穢土。以折之。故其地泥沙荊棘。惡道充滿。其時寒暑晝夜推遷。無常其人。胞胎受生。男女雜沓。其衣食辛勤。造作惡業。分段但增業障。其壽命短促。朝暮不測。示如是種種諸苦。教人起心。生大

厭惡於彼佛世界曰極樂淨土以攝之其地寶池瓊苑無三惡道清淨光明其時無寒暑晝夜其人蓮華化生純丈夫相其衣食隨念而至珍奇美妙惟成法喜其壽命同於彼佛久長無量示如是種種樂事教人起心生大欣慕故世尊因韋提希發起爲說十六妙觀以爲求生之要先觀落日者所以標想西方而令向彼佛也良繇此能想心本具一切依正之法今以具日之心想於即心之日令本性日顯現其前惟心與日皆是法界作是觀者名曰觀成也日觀既爾餘觀例然次觀水觀地觀樹觀池及以總觀凡此六觀皆觀彼土之依報也次觀座觀像觀佛觀二菩薩普觀雜觀凡此七觀皆觀彼土之正報也次三觀者觀三輩九品往生令其舍劣而取勝也又經云是心作佛是心是佛言作佛者顯佛從修非是自然全是而作全性成修故曰心作也言是佛者顯佛本自具非從修得全作而是全修成性故曰心是也汝輩六道羣靈解此妙義應當依法用觀修此三昧是則繇三昧力繇佛攝受力繇本有功德力會三力於一時

收成功於一念便可不離當處坐寶蓮華不逾刹那往生彼國卽心念佛慕果修因祖有誠言可弗努力我今奉爲六道佛子皆同一心稱佛名號求生淨生願佛慈悲特垂攝濟

補

後學雲棲 祿宏

上來所說觀想念佛三昧已竟今當更說持名念佛三昧竊惟淨土之爲教也肇始於釋迦世尊闡揚於歷代賢聖於是以念佛一門而分四種曰持名念佛曰觀像念佛曰觀想念佛曰實相念佛雖有四種之殊究竟歸於實相而已又以前三約之爲二一爲觀想一爲持名觀想則十六觀經言之詳矣此論持名則阿彌陀經云聞說阿彌陀佛執持名號若一日二日乃至七日一心不亂其人臨命終時阿彌陀佛與諸聖衆見在其前是人終時心不顛倒卽得往生阿彌陀佛極樂國土此萬世持名念佛從出之大原乃金口所親宣之妙法也古德云觀法理微衆生心雜雜心修觀觀想難成大聖悲憐直勸專持名號良繇稱名易故相續卽生此闡揚持名念佛之功最爲往

生淨土之要。若其持名深達實相。則與妙觀同功。上品生當不疑矣。現前諸佛。子如前懺悔門中。二乘聖人。圓心大士。乃至等覺。尚須懺悔。既彼均當懺悔。豈不咸應往生。而況位在凡夫。生居學地者乎。我今奉為六道。見前諸佛。子等皆同一心。稱佛名號。求生淨土。願佛慈悲。特垂攝濟。

法師同大衆及六道佛子同音稱唱西方佛菩薩

薩號行十念法。法師想六道佛子聞法之故。心開意解。皆同念佛。願往生阿彌陀佛。及諸大士。以慈悲力而攝取之。即使六道念佛衆生。頃刻間乘寶華臺。得生彼國。表白為施主。推廣施心。發度生願。白言。請惟十方所有羣品。雖地居文物之盛。及人多佛法之傳。六根闇蔽者。則所不知。五苦沈淪者。於茲弗覺。況遐方遠地之處。有愚人聾啞之徒。但求自謀衣食之常饒。豈聞普度水陸之為益。至於貧窮困滯。疾病縈纏。在牢獄。以被囚。處卑小而受制。雖存慕仰。何得修營。既自棄於良緣。亦焉蒙於善利。茲因齋會。特發施懷。率六趣之迷倫。陳一心之弘誓。若疑若信。或自或他。咸慰滿於所期。俾圓成於斯願。

表白為施主代為六道羣生。不替歸依三寶等者。勸陳十願。

修齋功德一分奉為法界六道一切羣生。下去例稱此句。

不曾歸依佛法僧者。代伸歸依當願。三寶慈光

常垂加護

不曾禮讚佛法僧者。付伸禮讚當願。三寶慈光

常垂護念

不曾供養佛法僧者。代伸供養當願。三寶慈光

常垂攝受

不曾懺悔三世重罪者。代伸懺悔當願。一切業障

即得清淨

不曾勸請諸佛住世者。代伸勸請當願。轉妙法輪

普利法界

不曾隨喜修行大乘者。代伸修行當願。若自若他

圓成行願

不曾迴向勤求佛道者。代伸迴向當願。普與羣生

同入佛智

不曾發龍上求下化者。代伸發願當願。佛道圓成

衆生普度

不曾念佛求生淨土者。代為求生當願。早托蓮胎

華開見佛

不會發心求菩提道者代為發心當願一向圓修
即成究竟

上來奉為罪障深重不聞三寶法界羣生勸陳十願
用結勝緣植菩提因期心果覺

表白為施主代為七趣十類羣生
各悔業因進求解脫勸發十願

修齋功德一分奉施十方法界 下去例
稱此句

諸天道中著樂無厭五衰忽至一切衆生當願進

慕真常早蒙解脫

諸仙道中抗志虛無保守幻質一切衆生當願進

學無生早蒙解脫

諸福德神典司陰陽興災降福一切衆生當願進

慕真修早蒙解脫

諸人倫中求名貪利汨沒風塵一切衆生當願進

學大乘早蒙解脫

諸脩羅中好行瞋恚鬪戰不已一切衆生當願息

諍與慈早蒙解脫

諸餓鬼中饑渴逼切歷劫受苦一切衆生當願渴

惱蠲除早蒙解脫

地府主吏記注生死判決獄囚一切衆生當願執
法寬慈早蒙解脫

諸地獄中有間無間歷劫受苦一切衆生當願罪
性本空早蒙解脫

諸旁生中遞相吞啖刀砧受死一切衆生當願怨
業頓空早蒙解脫

諸中陰中七趣往來數取生死一切衆生當願不
味已靈早蒙解脫

上來修齋無量功德回施七趣十類羣生殷勤勸發
十種大願咸被鴻恩圓成施度

表白為施主代為法界君臣民庶貴賤
男女各悔業因進求解脫勸發四十八願

修齋功德一分奉施十方法界 下去例
稱此句

中華正統邊方遠國有道無道一切君王當願慈

念蒼生德化天下

正后元妃夫人采女承事宮掖一切女貴當願母

儀四方柔道奉上

儲宮藩國帝子王孫男女長幼一切貴眷當願事

上以忠長守富貴

輔君治國宣化牧民。居中外一切官僚。當願忠恕存誠。安人濟物。

親提師旅。統制邊方。為國忘軀。一切將士。當願軍

政修明。四維畏服。

策名為臣。遭讒被逐。或罹非命。一切官僚。當願事

迹彰明。得全忠節。

行師失律。干犯軍令。遭罹重譴。一切將士。當願忠

義在懷。保全身世。

經明行修。隱居教授。不求聞達。一切賢儒。當願師

道尊嚴。大明素學。

正意出家。虔修三學。道果未熟。一切僧尼。當願不

退初心。終成正覺。

志慕長生。精心修煉。大丹未就。一切道流。當願方

便先成。回心佛道。

田野耕桑。拾薪採果。食力為養。一切農民。當願地

利豐饒。全家溫飽。

百工業技。仰食四方。勤苦無成。一切人倫。當願售

賣有方。衣糧無乏。

醫專治疾。下以決疑。術業未成。一切人倫。當願為學精明。濟人利物。

行舟海國。列肆市廛。所求未遂。一切人倫。當願物

貨濟通。豐家富國。

貪名逐利。干謁四方。奔走勤勞。一切人倫。當願清

心寡欲。樂天知命。

府史胥徒。私居執事。奴婢走使。一切人倫。當願用

心公忠。處身廉謹。

攻城略地。喜立事功。好殺生靈。一切人倫。當願慈

愛在懷。敬重物命。

漁獵屠創。為利殺害。販肉自活。一切人倫。當願重

起慈心。頓拋惡業。

師巫呪術。左道惑眾。詭祕懷姦。一切人倫。當願止

息邪心。回趨大道。

伶優淫樂。豔歌媚舞。眩賣女色。一切人倫。當願自

悔自慚。改從正業。

從軍出戍。鬪戰身亡。濫被軍誅。一切人倫。當願思

悔昔愆。永消惡業。

干戈擾亂轉徙他鄉。遇寇遭傷。一切人倫當願獲

值善人提攜全活

刀杖枷鎖非法囚禁。遭羅王難。一切人倫當願得

值公明早獲原放

虎狼毒蛇羅刹惡賊。風火水難。一切人倫當願常

起慈心不敢加害

中藥中蠱。自刎自經。牆壓焚溺。一切人倫當願宿

業消亡復歸善道

天雷誅擊。豕訟徵呼。先亡復連。一切人倫當願解

釋前因各求超度

怨家急取。獄鬼誤收。邪鬼侵陵。一切人倫當願宿

善提持應時放釋

世智辯聰。好事文筆。毀瀆佛法。一切人倫當願回

讚大乘願消邪見

愚昧無知。鄙陋下劣。不信三寶。一切人倫當願深

信菩提發明妙智

四體不勤。終日放縱。忘棄諸事。一切人倫當願持

身勤謹綜理正業

受人役使。奔走道途。勞苦不息。一切人倫當願早

遂寬閒隨求自足

酗酒嗜色。博奕遨遊。破家蕩產。一切人倫當願立

志保身重興祖業

水陸往來。持刀強劫。穿窬為盜。一切人倫當願改

悔前心重尋正業

爭財奪產。被謗遭讒。結成呪詛。一切人倫當願解

釋怨讎不求加報

言語相違。交爭不止。競相毆擊。一切人倫當願兩

意相和不成怨結

獻詔懷姦。擠排賢善。唯求自利。一切人倫當願忠

正居心推尊賢哲

信讒惡直。嫉妒賢良。我慢自高。一切人倫當願樂

聽忠言喜親有德

惡口兩舌。好行瞋罵。陰毒害人。一切人倫當願永

絕惡言慈心待物

癩癩霍亂。中氣中暑。客忤斃死。一切人倫當願不

失本心早逢妙治

瘵勞瘟疫癰疽蠱脹惡疾榮纏一切人倫當願早
值良醫獲全性命

盲聾瘖瘂中風癱瘓四肢殘廢一切人倫當願早

遇神方獲全身相

綵寡孤獨貧困饑寒老病無歸一切人倫當願獲

依仁賢終身給養

妒寵恃恩驕奢淫悍帷箔不修一切人倫當願內

訓閨房守志正潔

夫婦年高祈求子息未獲如願一切人倫當願生

福德男承家繼業

未離襁褓乳絕天殤薄福嬰孩一切男女當願神

物護持延壽無病

墮胎傷孕子死腹中產難不出一切女倫當願子

母兩全保安性命

不孝父母弗育妻孥怨積心離一切人倫當願回

心孝慈悔除前業

五逆十惡不仁不義不忠不信一切人倫當願實

心改革悔除往罪

上來修齋無量功德回施法界一切羣靈殷勤勸發
四十八願宜悔業因即蒙超度

我佛如來有果願真言謹當宣誦

那謨囉怛那怛囉耶野 那莫旃唎耶 婆路枳

諦濕縛囉耶 苦地薩埵野 摩訶薩埵野 摩

訶迦嚕泥迦野 薩縛彌縛素囉 那摩塞訖囉

羶 三麼三麼 努跛囉布囉嚩 三麼件陀縛

囉京羶 伽誡那弭鉢第 目底跛囉陞 惹曳

弭惹曳 迦野鞞摩闍播娜野你 禰灑跋摩闍

沒陀弭輪陀你輪陀野 薩縛禪訖誡毖鉢第

鉢頭麼弭輪陀你 莎縛訶

誦呪三編舉動錢鈸 法師想法界眾生因茲普度
咸到道場既屢蒙法喜之益復能陳廣大之願願行
成就用嚴法身不退此心可期佛果 表白說
偈讚三寶宣疏迴向此偈出神變加持經偈云

稽首十方三世佛 三種常身正法藏

勝願菩提大心衆 我今皆悉正歸依

說偈仰讚法界三寶願於後時再垂明證茲日專有
奉三寶某人修營法界聖凡水陸普度大齋宣行法

事今已告圓具有疏文謹當披讀

表白宣疏學法乘進前分讀狀候
都讀畢復一人讀功德司知委文牒
表白爲施主及大
衆說自慶偈云

卽法界理起法界心對法境界修法界供向十方佛
讚說大乘從大悲門普度六道三檀等施六行俱成
是則名爲眞法供養修齋事畢慶已慶人願諸聖賢
賜以護念

表白振鈴
祝發遣白言

清夜向闌勝筵將散備行齋事允協物懷示多儀必
有初終揆盛禮當全迎送惟聖人尊居常寂本絕去
來俾凡情徹悟眞歸豈無方便資之法力被以佛光
左提右掣而盡空七趣之倫前進後趨而優入九連
之品旣得生於樂國卽回念於塵寰常如是起大悲
心極未來弘普度道

我佛如來有發遣眞言謹當宣誦

唵 麼訶羅 穆羯叉 目

誦呪三遍舉動鉦同繞座席
送聖賢出道場外化煉財馬
法師想諸聖賢各以已之威德攝濟六道令其各
捨本業轉生淨土一切大衆莫不歡喜踊躍而去

法界聖凡水陸勝會修齋儀軌卷第六

水陸儀文世傳起自梁武帝昔白起以長平一坑
至四十萬罪大惡極久沈地獄無緣出離致夢於
武帝武帝與誌公諸師議拔救之策知大藏有水
陸儀文禱之則光明滿堂緣此舉行傳之後世而
今藏並無其文金山寺之本亦前後錯雜不見始
終頭緒時僧行者亦復隨意所作各各稍殊南都
所繪上下堂像隨畫師所傳奉爲定規頗不的當
而啓建道場者化募資費累月累年始克成就陳
設繁文以致士女老幼紛至沓來如俗中看旗看
春交足摩肩男女混亂日以千計而不免褻瀆聖
賢衝突鬼神失多而過重有禍而無功多致道場
不終其事而感惡報甚可懼也惟四明志磐法師
所輯儀文至精至密至簡至易精密而不傷於煩
長簡易而不病於缺漏其本止存四明諸方皆未
之見也予爲訂正重壽諸梓以廣流通雖然亦不
可易易舉數數舉也易則必至於數數則自生夫
易緣是疏於誠敬多諸過愆則求福而反禍矣幸
相與慎之竹憲三筆中錄出

法界聖凡水陸大齋普利道場性相通論卷第一

淨業行人 咫觀 鄭應房

稽首十方三寶尊 悉是光明遍照者

於此娑婆現華藏 層層身利交光輝

敢祈同以大威神 加被凡愚成聖智

不離一真顯事理 聖凡無礙總清涼

總論曰。本然一心。隨緣成相。眾生苦繫。諸佛現身。度

無所度。依然平等。所謂真法界也。一真之中。光明

清淨。華嚴海會。供養雲興。一切時處。輝華常在。小

機不信。自隔真乎。若大心者。卽一道場。包十法界。

十方十世。無盡重重。一念心中。圓頓現。凝然不

散。何去何從。標出阿難。施食緣起。標出淨住。懺悔

緣起。標出梁武。水陸緣起。萬法本。閒用之。悉應既

無。其始亦無。其終妙極天然。非常非斷。深深一味。

普益羣靈。梁武以降。行法有人。志磐以後。書卷可

考。蓮師酌之大略。仍古洪師演之多半。宜今手眼

雖殊。心期不異。雜園壇壝。新啓東方。建佛法幢。爲

衆生導。概念。國家深仁厚澤。德及無邊。奈此羣

黎業感互殊。致生種種。五乘之教。並皆弛廢。七趣

堅毒。忽然橫流。餘困未舒。陰靈莫慰。每思自奮。神

補。皇圖善法。雖多。無如水陸。輒依空鏡。深剖微

塵。無曲無難。直心抒寫。執事者少。神志乃清白。詞

不多。心口無偽。一真法界。不遠能通。諸品覺靈。平

心來赴。涓埃有濟。名相不空。卽此華嚴。指歸極樂。

治心爲本。用法乃靈。後之君子。莫或造次。

目

卷一

總論 目 壇圖 綱要 文稿

卷二

結界 遣使 建幢

卷三

請聖 浴上堂

卷四

供上堂 請赦

卷五

請下堂 浴下堂 歸戒

卷六

誦光明偈 供下堂

卷七

親祝

卷八

通供上下堂 結願 送聖


論曰。此水陸大略節次。其餘小目。隨文自知。嗚呼。法相玲瓏。天然不隔。水晶樓閣。品品虛通。惟一堅密。身一一塵中現。流轉不返。名曰衆生。居五道而長鮮。以法身不染也。若說以佛度生。不外一心之妙。道場法事。卽是自修。必有人焉。了心成佛。乃可宏闡威靈。令法界含生。一念回光。還同本得。更何暇酬應齋主。張皇事儀。繁述觀門。虛諷經懺。亡其性而存其相哉。觀夫衆生事相。多隔真機。大略相同。付之一歎。今之所酌。近於略也。然一片光輝。周旋法界。知音若遇。必有得手之機。苦海波濤。從此一息無邊。法樂非自非他。幸各虛心。深求實濟。可也。今之論本精要者。仍舊文。謂志磐蓮池洪源三大師補正。

者兼新義具如後文觀者察之

卷九


像式并讚

方 壇



此 壇 通 用

壇 圖



製 創 壇 此

第一方壇就人間房屋所宜

然亦須壇外四面能圍繞經行

第二圓壇是酌古準今所立


於兩門分上下其制精通明辨則頗可行但須另

建壇屋矣

此後再立一大圓壇圖以事必心安量無涯淡故稱
吾性而圖之也

此遇心力並到時頗可建花嚴樓閣彈指門開莫
作難易想

大 圓 壇



論曰。此以十柱成一亭。每柱左右各一席。席皆微偏向內。兩席之間一門。一階。廢其七。用其二。柱各一旛。兩柱間各一燈。旛之背一鏡。鏡在柱內。旛在柱外。中之五席。一、二、三、及二、左右皆燈。背面皆鏡。十燈。十鏡。十鏡。以表無盡重重之義也。亭徑

三丈。圍九丈。階去地七尺。亭之簷高於階一丈四尺。兩柱相去九尺。柱外至簷五尺。此五尺中除內尺五。為席之外半。除外尺五。為亭畔倚闌中。餘二尺。以備外繞經行也。中階唯真靈出入。行之主表出入。由左右階。左右柵門。香燈司鎖。餘人不得入。

綱要曰。咫觀既集水陸諸書而論之。成八卷矣。客有讀而疑之者。問難蜂起。一一答之。

問。一念普觀無量劫。無去無來亦無住。如是了知。

三世事超諸方便。成十力。今之論本化上堂十席。

為十一席於佛僧外。增標淨土聖賢。其實淨土乃。

花嚴無量門中之一耳。徒生增減。豈合普心。答此。

正普心也。為十方衆生。歷劫以來。泛信三寶。未識。

專門。辛苦飄零。不得解脫。今以一佛土引其趨向。

一入全真。佛皆現正。是賢行。豈憂不普。且十與。

十一。何增減之有。經云。花藏世界所有塵。一一塵。

中。見法界寶光。現佛如雲。集此是如來。利自在。

問。發起正發起。熏修極熏修。故梁懺之功。無苦不。

救。一切道場之所宗。敬今乃另製法輪懺。豈能通。

感乎。答。梁懺雖佳。而世之禮者。多成故套。心性尚。

隔事。境豈通。今以真懺責之。主法一人。若無其人。

徒事外壇。亦無力也。且三寶之戒定慧。全顯現於。

經律論之中。與之熏習。觸發靈因。呼而拜之。正是。

歸命於諸佛之師也。夫身心大苦。唯一緣生。若能。

敬一心濃懺之立。應體通生佛。此任可肩。未易責。

之流俗也。積劫之苦。三毒為根。而癡尤難。破念此。

含靈皆我眷屬。能不求真光明。以破其闇乎。花嚴。

云。譬如有人。仁慈孝友。遭逢世難。父母妻子。兄弟。

姊妹。并皆散失。忽於曠野道路之間。而相值。遇瞻。

奉撫對情。無厭足。願行法者。深體此意。一切含靈。

悉皆赴感。悉皆知歸。不可空誦。古人浩博。悠久艱。

苦卓絕之願。而勉強跪拜。以塞責。孤負此道場內。

外人天也。

問。施戒忍進及禪定智慧。方便神通等。如是一切。

皆自在。此是花嚴三昧力。故水陸道場。以七處九。

會而為定。相今乃略之。何耶。答。捨偽依真。花嚴乃。

現耳。七處九會議。本賢宗長者。已廣為十處十會。

今之論本處會。皆十第一處。一念心中。諸佛衆生。

朗然無滯。純一性境也。第二處外壇也。第三處遣。

使壇也。第四處淨道上。虛空樓閣也。第五處浴壇。

也。第六處內壇也。第七處淨土壇也。第八處施食。

壇也。第九處花嚴壇也。第十處送聖。遍往十方也。

法性如虛空。諸佛於中住。無去亦無住。處處皆見佛。今以一念心中生佛齊觀。爲第一會。十方預誦經律論呪。七千二百餘卷。法寶光明交羅映帶。爲第二會。外壇頂禮法輪寶懺於衆生心中吐法光音。爲第三會。穢跡金剛十大明王天龍八部證明結界。爲第四會。聖觀自在坐道場中放眉間光。爲第五會。十方毗盧遮那如來環坐道場放眉間光。爲第六會。請上堂時供浴及齋祈求恩赦。爲第七會。主法坐說三歸菩薩戒。爲一切含靈開佛境界。爲第八會。十方凡聖同侍道場。暢行齋法。爲第九會。送聖已畢。重復示現瑜伽施食儀軌。度生無極。爲第十會。

問。廣博嚴麗。皆同虛空。不相障礙。亦無雜亂。古之內壇。止五日。施食亦止五日。各有其節。今何一律以七。答。十方國土。海無量無邊。佛咸於一念中。各現神通。通既七日。壇場何妨。七日內外有事。先外灑淨。後內結界。非雜亂也。

問。勝法微妙。音譬喻。字相應。無量佛神力。咸來入

我身。外壇十二部經。本當勤誦。今皆不然。但奉法輪一懺。不亦淺乎。且先時誦經。雖曰良法。然光明星散。豈合規模。答。君誤矣。本非誦經。是檢藏也。檢藏事不行。乃代以誦經。而律論皆闕起矣。且十二部者。重頌本事等也。今以藥師金剛等十二種。爲十二部。誤中誤也。今之論本。以七千二百餘卷。誦於先法。輪寶懺點綴於後。猶爲將來檢藏之引焉。字字發光。何憂不聚摩耶。不云乎。彼妙光明入我身時。我身形量。雖不踰本。然其實已超諸世間。所以者何。我身爾時。量同虛空。悉能容受十方菩薩受生莊嚴諸宮殿。故如此。四天下菩薩受生。我爲其母。三千大千世界。百億四天下閻浮提中。悉亦如是。然我此身。本來無二非一。處住非多處住。

問。如來咸放大光明。一一光中。無量佛。今不日日正演瑜伽。唯以第七日。敷陳其事。前之六日。神志稍略。答。水陸道場。本是齋法。合六道作人天。同侍食於三寶也。施食乃大齋中支流之一。專心根源。支流宜殺。其第七日。必多爲宣衍者。以送聖後重

圓一會示度生無已之心也。其有內壇受益未深。或可於新增進金剛般若兩周說法。法花記畢。更演涅槃經云。若有衆生得見菩薩修菩提行。若信若疑。菩薩皆以世出世間種種方便而攝取之。以爲眷屬。令於阿耨多羅三藐三菩提得不退轉。是此意也。

問衆生形相各不同。行業音聲亦無量。如是一切皆能現海印三昧威神力。今之畫軸既約其數。又盡變四惡趣作人天形。其有說乎。答佛入衆生則全乎衆生。衆生入佛則全乎佛。佛同人天人天之形。方得受人天之供。必坐惡趣身於道場。恐無此理也。經云一切方所一切族類我皆以方便示同其形。可知凡聖交接氣味必孚。豈可滯殼迷封。不同故轍法數之減。非好爲奇。吾見卷軸太多。則挂起時多互相掩蔽。今定以一席一軸。乃爲安平。且使一一軸中以勝劣之色表厥尊卑。而於上堂十一席一一威嚴重重顯露。非敢略也。既助觀力。必使勿誤其初。因觀者神圓聖凡同住矣。

問若佛菩薩等不出於世間。無有一衆生而能得安樂。釋迦本師也。於衆生最親。一概託之毗盧。未免疎隔。果爾毗盧能利五種根。何以圓唱所被機宜。唯是上上根菩薩。凡夫外道而上根且絕分也。答根有生熟。教有抑揚。法有偏全。事有通局。今之道場勝中之勝。豈於我佛不能混法報化三身而爲一。且汝不聞乎。於一佛身上化爲無量佛。雷音徧衆刹。演法深如海。

問世間所見法。但以心爲主。隨解取衆相顛倒。不如實。何以於浴聖時而生男女二相。分別之見乎。答聖有二。一聖身聖如三寶。是二凡身聖如示作金剛天及八部。上首是今之上堂。明明二種聖人同臨法會。浴之一事。衆生所需。如燈之照。眼食之美。口皆凡夫情量所必求。而上以供聖。則爲孝。何得絕。凡情而言供聖也。時彼會中一切衆生。因見如來苦滅障除。堪受聖法。故威儀非可混蒙。虛設不壞世間相。乃滿大悲心。

問一切法門無盡海。同會一法道場中。今之飯僧

不以飯何也。答飯僧非常之大舉。一之不易。何況於三七日中精神。或不能貫注無漏也。今以錢代飯。用表此心。比之草草一餐。安詳十倍。經云。佛身一切相。悉現無量。佛身如是。佛事亦然。以解脫心。供阿羅漢。不必更生繫著之想也。

且汝未問者。尙可踵而說之。不敢苟同。非曰好異也。一主法自己發心。異必使如來量同。二不立齋主之案。異必使衆生心同。三正度人名。不嫌其多。異必使解脫境同。四主表飲食淡薄。異必使感應理同。五表白不必板派。異必使大願體同。六執事不必過多。異必使清淨念同。七外壇不必二十四人。異必使敬信心同。八內壇事多夜行。異必使六根用同。九內壇樂器增減。異必使晝夜音同。十布施不矜多財。異必使求度因同。主法必自發心。悲度無極。方與一切如來同其心體。若以白金聘至。與泛泛道場何別。恐少感格也。齋無其主。一切衆生。全主全賓。虛設一墊於主法旁。請上下堂臨時。選一人以隨叩。只要有心人。若立位安人。主賓分

立則行法。反有不入神者也。第二十四席正度之機。千百同牌。十牌同位。不必以多金爲美。或反致所度寥寥。必使一切人皆能勉力。以度其親。方爲無憾。彼不信入。則無如何。一動念已入此法界矣。蓋每名百錢。而已來者。既易行之。不難多請。如來法住也。上下堂精美之供。出以享大衆。主表持呪不可食之。另作平淡粗粗。取足以精心通感爲急也。表白太熱。則專專其利。則利物淺矣。不限生熟。臨時取知文少過之人。用之儀不求美觀也。多列執事。分費計耳。能二十四人。作外壇固佳。不然十二位亦足矣。十二人亦不妨空三五人位。必十二以便送聖分駐。二十四盤耳。西一至六。二十四席至十三。席盤東六至一十二。席至一席。盤盤借位。一時暫駐。令一切人天展敬也。三四五更。冬夜足。以集事。日出後鎖柵門。聽人於柵外拜觀。則動靜皆成法界也。鼓鉦繁瑣。不如金玉隨風。佐以雙鈴。疎密得所也。既不多索齋主金。則驕氣一除。敬心朗現。三寶放光也。

前客再問儀節能預知乎。答何不可。法師發此心。已前二日。詢內壇外壇事。集乎乃靜居一室。爲法界衆生行實相懺悔。前一日。法師親視牌軸。遍安之不行。禮午後。內壇鳴小鐘。鼓誦金光懺文一遍。第一日。三更外壇灑淨。四更內壇結界。五更遣使樹幡。第二日。四更請上堂。五更奉浴。第三日。四更供上堂。五更請赦。是日午刻。通齋內外僧。皆以錢代飯。第四日。三更請下堂。四更奉浴。五更說戒。第五日。四更誦信心銘。五更供下堂。是日午刻。齋僧如上法。第六日。四更主法親祝上下堂。洞宣情懇。已時行放生。未時給性糧。第七日。五更普供上下堂。已時結願。午時齋僧如上法。未時迎至外壇。申時送聖。戌時大衆行瑜伽施食。亥時畢。後一日。主法接見外壇人。天示以法界無始終義焉。

補論曰。所奉者三寶衆生之神明也。神之所依者。旛牌畫軸。皆主法之心光也。但約成數十字。該總別二相。作一牌。則十牌皆無異。唯第二十四牌。牌更換百千名。則牌牌異。二十五部席有別。則異前

之二十三。不可或異。此心安理得之境也。時所稱

牌之式。牌皆上畫寶蓋。下畫蓮華。中用黃紙。下堂則紅紙。使亦紅紙。使十牌一位。合一天。行地行地府爲一。第四席不稱台賢。而稱二華。捨人就法。用通他。利十一二十四二十五。不通普。中專心。總中別相。書使教使。文不。相沿供上堂。供。下堂結同一。請與三供。稱名錯綜。正陪二席。總同。願各有義。

別異。所以寫法界之靈心也。五菜五果。熟作一碗。碟供鮮花果香塗法小食。誠能通化。何必太煩也。除三供外。七日早粥中飯香燈供之。不出生也。外壇灑淨。亦繞內壇一匝。以示交互。重法界也。寶懺以從容展敬爲佳。不可促然。第七日。已時必拜滿誦行願品以結之。誦華嚴者。來同誦。華嚴亦已時畢。再接以佛。則念佛人同入念之矣。浴時焚紙。每席十束。供時前二無後一。有以備送也。共五五分。五色用三。或象青黑瀾三尺長九寸。累紙疊爲卷。以上好紅紙銀箔作條。纏之。卷時誦治衣真言。至誠能化。以爲供也。淨道不用仙橋之名。奉聖不用過街仙之曲。使衆生無惑志也。一牌一獻。疏十疏。一束加紙。綴再

種之佐以寶。此乃紙元寶供時所用乃經卷法寶第二十五席不用

盤事畢後化於棚內可也。缸及蠟燈皆二十四。內

壇門外通用布蓬覆之。觀以油紙下施欄木棚內

則木蓬無漏。三淨道旁分立提燈。提爐提旛之架

主法灑淨及浴上下堂亦皆用之。內壇淨水杯大

者一小者十分大及小以待種種用也。內壇唯中

一間懸四燈。四長旛一留璃一歡門四蒲莖二琉

璃照圓壇則燈鏡旛花衆矣。供牒六香花塗寶食

果也。二杯茗飯也。一碗菜也。一爐二臺金錢紙緞

不以襯同相之衣料異相之衣形分寄於紙緞及

畫軸不必製衣蓋。瓔珞冠裳衣帶甲冑等聖凡古

今男女主伴文武僧俗異甚不易刻舟求之也。浴

時獻衣帛必插通花三枝束束如是花皆小紅。千枝

乃又奉請奉浴奉供及供使供判亦用此花。乃更須千

枝陪席位可於後一日斟酌安置。若大悲力足之

道場可取正度之極要者追錄陪席牌上。日日香

熏之有水陸則以陪必有真靈暢達也。請官二十

牌舊稱符官。今稱使者。分上下堂判官二十牌。赦

官十牌總別齊書而同式。以十表無盡者矣。紙像

紙馬一切不用。施食壇對面供面然大士及寒林

軸左右各明一慈愍燈。外壇前備布蓬。缸備廬席

盤備油紙。晴則可省齋僧代飯。以錢三十六為一

齋。十二為一職。以表四十八願意。宜齋之日。午正

僧服一人於門外施之上堂。本可日中奉供。恐氣

太敵。不如夜之神靜也。下堂不午後食。既受菩薩

戒視同佛子。不忍以惡道待之也。晝夜六時。然香

鳴磬。勿參錯。供則免實送則免申內壇用意。旨外壇貼榜文

獻疏。則如牌之數。放生錢。牲糧錢。以萬為始。加至

十百倍亦無礙也。其齋僧放生牲糧錢。皆置普供

上。鳴磬香燈一拜。取出付棚外。齋正門放生牲糧

出左右門所放之生。置棚外。主法於棚內說三歸

棚內二人代受之。凡經藏不特匆匆七日。預日選

十方有心人各處看誦書。明經據寄壇回。向當知

此會不限方隅。行布圓融。同一無礙。合天行地。行

地府於一位。請下堂方得玲瓏於彼。手於此。手鬼

神通之赦疏。十方外加一中央。即本世界主也。

文稿

意旨 花嚴法界娑婆刹土一四天下南瞻部洲
 東土雞園水陸內壇奉佛修因菩薩比丘某甲謹
 以意旨上達內壇三寶一切聖神無量真靈座下
 伏以清淨本然無非解脫妙明真際全具威靈本
 交參涉入而圓通豈明暗色空之偏倚其奈忽焉
 不覺亡失真如迷茫於理事成顯隱奪之十門顛
 倒於總別同異成壞之六相得屬遺妙認影迷頭
 浩渺劫波沿洄生死無邊劇苦致足哀矣縱觀四
 惡趣中無量衆生展轉淪胥靡有底定雖或暫寄
 人天逢緣受報帶苦造業不久還沈縱有修行多
 無正見邪師黨伴煽惑迷茫錯入魔機終淪生死
 或有久修大力尊特神天結習牢強不知還返或
 有聰明美秀富貴吉祥貪此小甘悉歸大苦莫不
 感恩懷怨引毒招殃誤事傷生背第一義更有忘
 失本願逐境迷心退入小乘甘趨魔外甚至現菩
 薩相懷夜叉心破法破僧非魔非佛如斯不幸含
 識何依嗟羣類之可憐對真宗而不識乃宏正教

爰啓眞壇統水陸虛空而度脫無邊合仙儒佛子
 而銷鑿一際盡與多生新眷屬同來大會普光明
 法味滋神妙音開悟既從容而變化遂環衛以周
 旋乘此一眞冥通法界龍藏光輝深銜寶願網花
 嚴刹海圓現彌陀身冀得手之有機願度生而無
 礙佛恩靈捷滿我心期式展精誠乞求加被年月
 日比丘某甲具

榜文 前加水陸 榜文四字 蓋聞一眞流露具衆生諸佛之
 因萬法圓常表解脫慈悲之用羣機所在法會乃
 與今有華嚴法界娑婆刹土一四天下南瞻部洲
 東土雞園菩薩比丘某甲等爲啓建道場聖凡普
 利事今據奉佛修因四衆弟子等爲祈心願熏沐
 焚香肅恭歸命十方常住無量三寶水陸大會幽
 顯聖凡同展慈光證明徹悃伏以 內伸誠意不 出 一百字 以
 今某年某月某日爲始敬依眞際開建壇場至某
 日圓滿於中參酌儀軌一心奉請十方法界四聖
 六凡萬德萬靈光降法會憑仗四衆先期預日諷
 誦龍藏大小諸部經律論呪無量靈文七千二百

八十卷多者亦頂禮法輪寶懺并行施食放生齋

其中

僧念佛諸品法事修設山茶時果淨齋二十餘席

并普供大席金銀緞匹隨席滿分以上合集功德

共伸回向佛法僧寶天龍鬼神次復普熏遍周沙

界怨親等益恩有成資深償我願滿足而無虛盡

攝他方兼通而並濟仰冀三尊永鑒萬聖垂光宏

開度利之門大慶無遮之會身身離障利利融空

長承慧日之照臨同被法雲之覆護本壇據此四

衆來詞合行榜示須至榜者後加幽顯咸知四字年月日榜

獻疏 蓋聞真源不隔寶性圓涵合衆生諸佛之

心現一極無邊之妙深深齊現密密咸昭今此華

嚴法界娑婆利土一四天下南瞻部洲東土雞園

啓建道場聖凡普利圓成法會具疏陳聞竊因奉

佛修齋四衆弟子等爲祈心願熏沐焚香肅恭歸

命十方常住無量三寶水陸大會幽顯聖凡同展

慈光證明微愆伏以內申誠意不出一百字以今某年某月

某日爲始開建道場至某日圓滿於中參酌儀軌

一心奉請十方法界四聖六凡萬德萬靈光降法

會憑仗四衆先期預日諷誦龍藏大小諸部經律

論呪無量靈文七千二百八十卷頂禮法輪寶懺

並行施食放生齋僧念佛諸品法事修設山茶時

果淨齋二十餘席並普供大席金銀緞匹隨席滿

分以上合集功德共伸回向佛法僧寶天龍鬼神

次復普熏遍周沙界冤親等益恩有成資靈因滿

足齊開寶潤之光明勝會沖融大慶法筵之成就

三尊鏡照列聖珠聯靜含水月而非空妙現燈雲

而不滯境心交徹身利玲瓏廓清羅敷之餘昏徧

淨塵毛之細障式垂歆響永護含靈年月日奉佛

修齋四衆弟子疏

請書 花嚴法界娑婆利土一四天下南瞻部洲

東土雞園奉佛修齋四衆弟子等并諸眷屬爲建

水陸道場聖凡普利事恭伸情愆伏以內伸誠意不出一百字

於今某年某月某日爲始於某日圓滿參酌儀

軌一心奉請盡虚空遍法界十方常住一切諸佛

并諸眷屬盡虚空徧法界十方常住一切尊法并

諸眷屬盡虚空徧法界十方常住一切賢聖僧并

諸眷屬十方法界傳持正法十宗諸祖師僧并諸眷屬安樂世界主伴重重九品蓮花清淨海眾諸上善人并諸眷屬華嚴海會十方來集深入法界諸神上首諸天上首秘密顯現無量真靈并諸眷屬十方利海深入法界一切禪仙娑婆震旦南北仙宗雞園妙會入理真仙并諸眷屬十方利土深入法界爲民立極一切通儒并諸眷屬十方法界諸大明王光明會上二十諸天并諸眷屬十方法界護法護國諸大神王并諸眷屬發揚水陸流通至教製像立法諸大士衆并諸眷屬惟願不違本誓府應羣機光臨法會年月日奉佛修因四衆弟子等具書奉請以上華嚴法界娑婆利土一四天下南瞻部洲東土雞園奉佛修齋四衆弟子等并諸眷屬爲建水陸道場聖凡普利事恭伸情悃伏以內伸誠意不出一百字於今某年某月某日爲始於某日圓滿參酌儀軌一心奉請十方法界諸凡夫天并諸眷屬十方法界諸凡夫仙并諸眷屬十方法界住凡夫地龍神雜部上極天宮下窮冥界文武

主伴并諸眷屬十方法界金銀銅鐵諸轉輪王并諸眷屬十方法界種種諸根一切人衆并諸眷屬十方法界四趣所攝諸阿修羅并諸眷屬十方法界勝劣精靈無量非人并諸眷屬十方法界高下九種有無財食諸鬼神衆滯魄游魂并諸眷屬十方法界依地依水依火依風依木依空巨細旁生并諸眷屬十方法界無間有間寒熱遊增總別地獄受苦衆生并諸眷屬十方法界六道生死中有之身并諸眷屬圓滿道場上下八方稱心量處奉職諸神并諸眷屬一眞法界應現當機受度之靈并諸眷屬以下列所屬人一名勿漏最極有緣依戀道場陪位之靈并諸眷屬惟願不迷本性速赴靈機光降法會年月日奉佛修齋四衆弟子等具書奉請請使牒華嚴法界娑婆利土一四天下南瞻部洲東土雞園奉行法事比丘某甲爲建水陸道場聖凡普利事於某年某月某日開啓道場至某日圓滿仰勞使者即持請書奉請上堂則云盡虛空乃至諸大士等下堂則云盡虛空遍法界三寶聖衆勝劣諸倫乃至當機受度之靈某甲某甲某甲某甲

等降臨道場爲此具牒須至牒者 右牒 上堂明

下堂則云天 捷疾持符使者準此年月日比丘某

甲具牒奉行

敕疏 花嚴法界娑婆刹土一四天下南瞻部洲

東土雞園奉佛修齋四衆弟子等并諸眷屬爲建

水陸道場乞恩普赦事一心上奏 梵則云妙莊嚴

則云初利天 玉陛下恭伸情懇伏爲 內伸誠意不

以今某年某月某日開啓道場於某日圓滿於中

十法界勝劣諸倫等心奉請同赴道場法會瑠璃

影事不隔纖毫瓔珞光嚴齊涵妙相融十方虛空

樓閣之雲地皆微動品無量清淨醍醐之味天亦

長春深尋雜趣之本原不外此清涼果海融入如

來之妙定全消夫隔別枝歧况天王多花嚴菩薩

寄位之身而衆生皆我佛世尊獨一之子既大悲

之神用不遺於一夫而盛德之威權可總其全量

是用上叩天門鴻恩肆赦下行地府鳳詔分頒俾

千萬泥犁三惡道之倫成百億金師一毛端之相

天上人間雙解脫金鎖開而鐵鎖齊開寒冰熱火

盡銷鎔法輪轉而食輪將轉方以一味菩提速發

其圓種何堪小乘律相挫抑其真因伏乞天慈深

體佛意風行雷動奉命者無頃刻之羈留吐月流

雲含誠者悟根塵之消落奉佛修因四衆弟子等

不勝激切屏營之至謹具疏以聞年月日修齋乞

恩佛弟子等誠惶誠恐稽首頓首具疏

敕使牒 花嚴法界娑婆刹土一四天下南瞻部

洲東土雞園菩薩比丘某甲今因奉佛修齋四衆

弟子等并諸眷屬爲建水陸道場普利聖凡事於

某年某月某日開啓道場某日圓滿今當乞恩普

赦仰勞使者即持敕疏迅速上奏此界他方妙莊

嚴宮大梵天王初利天宮帝釋尊天諸闍下四衆

等不勝感激之至爲此具牒須至牒者 右牒此

界他方梵釋諸天捷疾持符使者準此年月日比

丘某甲具牒奉行

判牒 華嚴法界娑婆刹土一四天下南瞻部洲

東土雞園奉佛修齋四衆弟子等爲水陸道場功

德圓滿事某等以今年某月某日開啓道場行諸

法事於某日圓滿於中憑仗十万人力先期預日。

披覽諷誦龍藏大小乘經律論呪七千二百八十

卷頂禮法輪寶懺并行施食放生齋僧念佛諸品

法事修設山茶時果淨齋二十餘席並普供大席

金銀紙緞隨席滿分以上合集功德用伸回向

司則云或有應經主司照驗之處神道設教能補生人辦事之缺今持具牒伏乞照驗文寶司則云所有上下堂疏文寶緞等儀敢冀神聽如不勝感激之法處分以成圓滿功德具慰心期

至為此具牒須至牒者 右牒 三界功德司上判下堂文寶司

官準此年月日奉佛修齋四眾弟子等具牒告聞

請書籤 盡虚空遍法界三寶聖眾乃至大士等

娑婆震旦東土雞園奉佛修齋四眾弟子等具

盡虚空遍法界六道七趣勝劣諸倫乃至當機受

度某甲某甲之靈 娑婆震旦東土雞園奉佛修

齋四眾弟子等具

使者牒籤 某某使者準此 比丘某甲具

赦疏籤 他方則云十方此界則云娑婆 妙莊嚴宮大梵天王玉

陛下 奉佛修齋四眾弟子等具 釋則改云切利天宮帝釋尊天

王陛下

下

判官牒籤 某某判官準此 奉佛修齋四眾弟子等具

法界聖凡水陸大齋普利道場性相通論卷第一

法界聖凡水陸大齋普利道場性相通論卷第二

淨業行人 咫尺 鄭應房

結界 外壇先灑淨并至內壇繞外面一而外壇已拜懺內壇乃結界

第一日四更主法二表入壇

主法十方法界諸佛法僧 二表常拜住起三問寶

正表 法性湛然本周法界甚深無量路絕言思為一

念之失宗遂千般之隔妄敢清意地寅畏恭飲開

啓道場聖凡普利加持密語復本心源

助表 我佛如來有淨三業真言謹當宣誦 凡祝以正表為主助

表和其音主 法隨聲運想

唵 薩網婆縛 薩婆達摩 薩網婆縛 述摩合

凡祝必三遍 畢 鳴磬振鈴

畢 鳴磬振鈴

正表 十大神王奉佛勅常於徧界護伽藍唯茲清淨

法王宮必有神明來宿衛此日度輿平等供法音
交暢衆無譁仰憑密語爲加持悅慰神心增勝力

助表 我佛如來有安慰諸神真言謹當宣誦

南無三曼驪 沒馱喃 唵 度魯度魯 地尾

娑訶 唵 振鈴

法師想伽藍諸神咸皆慰喜承願守護

正表 此香生處從清淨心燒之一丸衆氣皆足興平

等供法界普熏密語所加施心徧滿主法上香問訊

助表 我佛如來有然香達信真言謹當宣誦

唵 什伐唎 多末尼 阿鉢囉句吒 蘇破囉尼

毗迦知 虎吽 唵 振鈴

法師拈香舉想此香雲普熏法界三寶之前通達信心無不周遍

正表 經典所在即如來舍利之身執爐道法能宏必大

德僧仰之士問唯茲一處具有三尊天人常起護

持堂宇固應光潔今則將開勝會永異他時自非

結界以加威豈下修齋之如式恪遵至誥全策奇

動妙香熏馥於空中淨水灑清於地上凡屬方隅

之所悉同城壘之堅雖密借夫真言實冥資乎妙

觀將見瓊林風動玉殿雲披懸寶蓋於層霄簞花

臺於法座萬億幢幡而交擁百千伎樂以駢羅惟

茲淨想之所成悉入純真之法界助表既彰此用

更召諸神冀肅靜夫壇場俾驅除夫魔害

主法執爐二表同聲請云一心奉請如來化現同滿神通大穢跡

金剛聖者并諸眷屬惟願不違本誓哀愍有情臨

降道場護持結界助表唯垂加護

正表 我今奉宣本尊真言助表唯垂加護

唵 佛舌屈聿 摩訶鉢囉 很那礙 叻汁叻

醯摩尼 微吉微 摩那棲 唵 祈急那 烏

深暮屈聿 吽吽吽 泮泮泮 泮泮娑訶助表

法師想聖者威儀無量眷屬降入道場正中向外而立

論曰此觀想乃道場之要捨此則無以爲道場矣

精義無存措施文具復何益哉十方開士同發悲

心化現娑婆勤修此會勿令第一義敗於庸碌之

流也

主法執爐二表同聲請云一心奉請大威德大忿怒甘露軍荼利

等十大明王并諸眷屬惟願不違本誓哀愍有情

臨降道場護持結界鳴磬 振鈴

助表 我今奉宣本尊真言願垂加護

唵 戶盧戶盧 底瑟吒 盤陀盤陀 阿那阿那

阿密哩帝 烏訶合 拈兼

法師想聖者威儀無量眷屬降入道場住立左邊

主法執爐二一心奉請大梵天王帝釋天王護世四表同聲請云

王天龍八部并諸眷屬惟願不違本誓哀愍有情

臨降道場護持結界鳴磬 振鈴

正表 我今奉宣普召請八部真言願垂加護

唵 薩婆提婆那伽 阿那利 娑訶鳴磬 振鈴

法師想天龍八部無量眷屬降入道場住立右邊

主法執爐二一心奉請此一住處僧伽藍內護正法表同聲請云

者福德大神并諸眷屬惟願不違本誓哀愍有情

守衛道場護持結界鳴磬 振鈴

助表 我今奉宣召請真言惟垂加護

唵 步布哩 迦哩哆哩 怛他訶多耶鳴磬 振鈴

法師想伽藍諸神至道場門首住立兩邊

正表 上來召請已荷光臨環衛道場如雲密布心進

勇銳咸起護持少緩須臾奉行結界鳴磬 振鈴

法師想無量金剛天神八部并諸眷屬各嚴兵仗環列四方守護道場內外

正表 先結地方界鳴磬 振鈴 恭白十方三寶衆明王穢跡

衆威神梵王帝釋四天王八部天龍咸護念於此

將修平等供要令其地異常居仰憑神力爲加持

清淨光明同佛刹

助表 我今持誦吉利忿怒真言加持淨水散灑此地

結地方界常願此地之下深百由旬如淨琉璃永

無垢穢此呪須多遍

唵 枳里枳里 跋折羅 跋折里 部訶 毗陀

毗陀 虎訶二泮 鳴磬 振鈴

二表於誦呪時各以兩手捧一水盃以水周回灑淨壇之內外悉遍乃復位少立法師隨前言願想

正表 次結方隅界鳴磬 振鈴

助表 我今持誦金剛部心真言加持淨水散灑四圍

諸方隅界當願此一道場周匝四方如金剛城牆

堅固莫犯此呪須七遍

唵 縛日囉 地勒迦鳴磬 振鈴

二表於誦呪時各以兩手捧一水盃以水周回灑
遍壇內悉遍乃復位少立法師隨前意願想

正表 次結虛空界鳴磬

助表 我今持誦蘇悉帝真言加持妙香熏馥空中結

虛空界當願此空之上過百千由旬香雲普覆如

大寶蓋此呪須七遍

唵 素悉地 迦履 入縛哩輝難 那牟謨羅輝

曳 入縛囉入縛囉 畔陀畔陀 歌火羅歌那

虎許抄撥

二表灑然手爐香且誦且行繞道場內外各一卅畢
然後正立壇前向外立使熏空中法師隨前意願想

正表 上來結界作法已成上下四方廣博嚴淨如諸

佛刹有大光明堪奉聖人宜開法會願諸賢聖嚴

護道場無使邪魔有所干犯鳴磬振鈴即將小杯淨水并入大杯

主法上香正 恭聞聖觀自在於過去時始住初地值
表執手爐云 千光王靜住如來為說廣大圓滿無礙大悲心大

陀羅尼令與衆生作大利益當知此呪猶如妙藥

名阿伽陀一切諸病無所不治是故誦此呪者三

惡道苦無所不壞諸佛國土無不得生功德巍巍

莫可稱嘆我等今日開建道場修平等供先於此

地普召諸神行結界法用為嚴淨是以復於此時

恭請大士以真言力重加法水助表增益勝用廣

大難思將使衆生俱蒙解脫鳴磬

主法執爐二 一心奉請千手千眼大慈大悲觀世音
表同聲誦云 自在菩薩摩訶薩三惟願不違本誓哀愍有情臨

降道場加持淨水鳴磬

助表 我今持誦聖觀自在菩薩所宣廣大圓滿無礙

大悲心大陀羅尼願垂加護鳴磬

衆鳴大魚 大悲呪三遍至末句裝
同聲念 婆訶鳴磬振鈴

法師想大士端處道場放眉 ○ 此大杯水要九分滿
間光入此水中以影勝用 以備分作小杯之用

論曰此時大士居中穢跡金剛何在當知眞靈位

業燈鏡重重一片輝華熏凡轉聖光明決定不可

託之於不思議也入道場者當觀第一義於斯尙

滯第一何存故不悟六相十半於佛富貴境必昏

然而不識寶山空手不亦悲夫至於以此為名利

之壘則菩提眞印亡矣十方龍天能無悲愍況復

如來

法師上香設拜 恭聞聖觀自在為諸大衆乞請釋迦

正表執爐云

世尊爲說十方刹土一切毗盧遮那如來皆同一

時各伸右手以摩清淨蓮華明王之頂同說不空

大灌頂光真言若有過去十惡五逆四重諸罪聞

此二七遍經耳根者即得解脫若諸衆生具造惡

業身壞命終墮諸惡趣以此真言加持土沙散其

身上及以塔墓彼諸亡者應時即得光明及身除

諸惡報捨所苦身生極樂國乃至菩提永不退墮

我等今者開建道場修平等供先於此地普召諸

神行結界法用爲嚴淨今復恭請聖觀自在以大

悲心所說章句重加水增益勝用復於此時專

誠恭請十方毗盧遮那如來以灌頂光加持此水

令使功能倍復增勝然後以此最勝法水徧灑道

場及以內外是處非處若根若塵一灑一霑光明

煥發當知此地即爲淨土當知此日可轉法輪十

方賢聖無不雲臨六道羣生無不奔赴助表大開

法施廣度羣迷罄法界中咸蒙解脫助表 同念 振鈴

主法執爐二 表同聲請云一心奉請十方刹土一切毗盧遮那不

空如來稱唯願不違本誓哀愍有情臨降道場加

持呪水助表 振鈴

助表 我今持誦毗盧遮那如來所說不空大灌頂光

真言願垂加護此呪須 七遍

唵 歌暮伽 廢魯者那 摩訶畝陀擺摩拏 鉢

頭摩二入縛二合囉 跋囉嚩驪野許表白捧水孟 誦呪鳴磬振

論主頌曰一念心十方佛拈得起來即此物忽然

吹落桃華紅香雨罪罪不可極

正表 上來奉請諸佛菩薩明王尊天各以威神加被

我等虔誦真言不違法則加持淨水有大力用我

今以此真言淨水散灑此地道場內外中土四方

隨水所至皆成結界當願此處道場香華飲食承

此力故一一出生無有限量行法之人承此力故

一一根塵無不清淨執事之人承此力故一一身

心無不光潔乃至遠及界外往來之人身衣不潔

食噉葷辛或故或誤輒入道場以呪力故化爲清

淨一切邪魔及闍提者非毀三寶好作留難以呪

力故咸發道心。若讚若謗。皆得為緣。凡聖雙融。方

為普利助表。更感衆力同誦。眞言散灑。法水周行。

諸處鳴磬。振鈴。此時用小杯分水。訖守壇人。

正表南無觀世音菩薩。大悲呪不限遍。二表同問。

佛位前同拈香。各執一小水杯。放少許。淋檀於內。隨

灑淨出欄門。一人領路。次提燈。次提爐。次小

魚引磬。次表白。執水。次主法。執爐。凡見佛天尊神之

位。表白。先問訊。主法後問訊。各處一一灑淨。克仍迴

內壇。鳴磬振鈴。

正表執釋迦如來釋迦如來道。拜場。起開問。啓鳴磬

爐學云。歸命十方調御師。演揚清淨微妙法。三乘一乘

正表賢聖僧。願賜慈悲。哀攝受。仰祈三寶不捨慈悲。高

處法筵。證明功德。今奉正法。修建法界聖凡水陸

大齋。普利道場。茲當開啓。有意敷宣。三寶光中。希

垂朗鑒。跪請。意旨。一遍。鳴磬振鈴。起三拜。

主法宣。既發大心。同襄勝事。當明宗旨。成就道場。何

謂法界於一頁上。映現重重。理事無礙。無礙

衆生。從此門出。歷千劫而不返。其於本位。不離一

絲大悲。開士諦觀。性相深悟。離微一念光中。炳然

齊現。非生非佛。卽有卽無。理全在智境。全在心

佛衆生眞平等。故何謂聖凡。佛及菩薩。緣覺聲聞

名爲四聖。天人修羅。旁生鬼獄。是名六凡。聖入凡

而映作凡。凡入聖而映作聖。如秋水碧。如朝雲紅。

於平等中。現別影。故何謂水陸。舉聖凡之依報也。

身心爲正世界。爲依依處。有六地水火風空木以

水陸二攝。餘四處。聖不可名。住於無住。悲心映現

示有所依。佛眼圓觀。一切聖凡。皆以無所依而爲

依。以無礙境。不妨依。故何謂大齋。天上卯時。人間

午時。佛隨人天。食時受供。子前午後。不名爲齋。十

方如來。皆奉齋法。所以然者。一切衆生。皆依食住

聖人。悲愍影現。世間入種種道場。示受供養。佛既

示受菩薩。供興十方雲集之衆。現等虛空。無盡重

重樓閣之雲。妙寶六塵。而爲供養。發大心者。以觀

力呪力信戒進力。於一念中。圓應法界。則無邊全

供盡能普現。於一一微塵中。一心不動。衆妙涵輝

寶月琉璃。牟尼珠網。以此超勝。供養聖凡。不遺一

夫圓成法會。而於齋相事。不偏廢體大相大用大

是爲大齋。衆心融一。不辨純陀。應供特尊。豈徒羅

是爲大齋。衆心融一。不辨純陀。應供特尊。豈徒羅

漢十方諸佛無有涅槃三世聖凡同供養故何謂
普利聖聖交熏發生妙種於第一義首重慈悲戒
相圓明法光流潤中間亦有彈偏斥小歎大褒圓
然而點滴塵毛皆歸海印縱橫都罷平等現前消
落根塵化爲一味情量既盡優入眞千十鏡交光
不名一德吉無不利是真道場落二落三非今日
事說學大衆出道場此結界處天
神森布宜加敬畏事畢鎮之

遣使建旛

第一日五更

使者壇立於門首供品具六二案一
幸空行十牌一奉天行地行地府十

牌預備一大旛竿燈具足
上寫水陸道場四字焉

主法到拈香問
訊鳴磬振鈴

正表執 至心歸命十方世界諸佛法僧衆
常住三寶

不拜但問訊
鳴磬振鈴

助表執 香氣初騰心懷妙達不居三際能遍十方衆
生於此而蒙熏諸佛聞之而加護將期勝益再誦

密言

正表 我佛如來有然香達信眞言謹當持誦
蓮焚香誦云

唵 什伐唵 多摩你 阿鉢囉句吒 蘇破囉尼

毗迦知 虎許
振鈴

法師想此香雲遍滿法界一
切凡聖悉皆覺知生歡喜心

正表以分出小杯水 寶器沖盈靈源疏淪三加秘密
置凡上合掌白云

一灑清涼增座上之光嚴統方隅而淨潔遠塵離
垢感聖招賢極一心之光明合十方之法界

助表 我佛如來有灑淨眞言謹當宣誦

唵 什伐囉 賒咩耶 許變 悉哩摩唎 娑訶

鳴磬
振鈴

正表灑淨一周法師想水所
到處嚴淨光明即成結界

正表 伏以覺皇憫饑口之徒初令奉斛梁帝感神僧
之夢遂致修齋雖略聖水陸之名實普供聖凡之

衆所謂於三尊則加敬言羣品則興悲極上天下
地以無遺何彼界此疆之有閒凡居異趣咸示眞

修故茲託事於多儀必使成功於大願今則仰遵
內典恭按靈科開勝會以濟迷流固自專於主者

助表 遍法界而通靈感實有賴於使乎爰恪意以
同念 奉迎冀聞呼而即至
鳴磬振鈴

主法執爐二 一心奉請神通自在威德難量十方虛
表同聲誦云

主法執爐二 一心奉請神通自在威德難量十方虛

空捷疾持符使者并諸眷屬惟願不違本誓哀懇

有情此日今時光臨法會助表 振鈴

主法執爐二表同聲請云一心奉請神通自在威德難量此界他

方天行捷疾持符使者地行捷疾持符使者地府

捷疾持符使者并諸眷屬惟願不違本誓哀懇有

情此日今時光臨法會助表 振鈴

論曰凡所正度當機之靈不定在於何處不定限

於一人故合十餘席下堂統以十書交付三使融

通決定必無外遺也

助表我佛如來有召請真言謹當宣誦

唵 步布哩 迦哩哆哩 怛他誒多耶助表 振鈴

法師想使者各與百千眷屬從空而來依位而立

正表雲擁旌旗風行部曲彷彿九霄而下徘徊四座

之間冀暫駐於光儀將委宣於懇款恭惟使者自

強不息得一以神用之則衆威而不猛霜襟默識

既經緯於萬方玉趾遠騰載馳驅於億利庸謹奉

詞之誠矧多專對之才今則聖凡異念幽顯殊途

非借使人何由遍達故於此際奉召諸神諒在聰

明必能知委助表 振鈴

助表是心作食全食唯心蓋由體用不殊故得卷舒

自在如是則六塵互遍三德常融微妙難思出生

無盡用憑觀法冥同呪熏將善導夫事儀俾圓成

手法供我今持誦無量威德自在光明勝妙力陀

羅尼加持法食悉令周遍

曩謨薩縛怛他引韋路縛路引 枳帝二唵 三鉢囉

三鉢囉引○衆同誦十四遍呪畢

法師想此食出生種種妙供一時奉上無所乏少

正表獻妙香芬馥定水澄清明智燈具禪悅食因

行之華初發實相之果已圓有能如是請觀則爲

以法供養乃宣密語用速至神少賜從容特垂款

饗我佛如來有獻供養真言謹當宣誦

唵 誒誒曩 三婆縛 縛日囉斛助表 振鈴

法師想此供獻事充足現前諸神歡饗莫不歡悅

主法振鈴 凡聖體同悟迷心異今此修齋而致請或

云赴感之不齊謂三寶諸天之居固一念而可格

若雜趣旁生之類有屢呼而不聞蓋惡業重者正

苦留難而邪見多者。自為障礙。非賴使人之敏捷。

曷通施者之勤劬。必須空靈。一際十方。不隔於毫。

端。能使妙用通神。萬化全周於法界。上上品善法。

光明俱時融會。下下根業。感拘繫。應念開舒。悉使

奔趨。毋令退縮。如是則天人修羅之類。鬼畜泥犁

之倫。借一時津濟之功。解億劫輪回之苦。不崇至

化。妙遇良緣。冀善用其聰明。能圓成所付。訖不踰

頃刻。徧達緘封。知禮者運寸心感之。而必來迷又

者。命上首呼之。而即至佛國天宮之異處。各謹攸

司人。寰地府之殊途。分當其任。昏沈無斷者。勸之

以理。道頑鈍不醒者。攝之以威。神盡數而來。無一

不至。所有微意。具在疏文。別命披宣。試垂采聽。鳴

鈴振

正表宣上堂疏助表宣下堂疏正表
宣空行膝助表宣天行等膝次第畢

論曰。下堂十四人類。亦在請中人。何以請乎。人以

何請乎。果能請何不見其來。果不來何用空請。以

例十刹一刹然。刹刹皆然。以例七趣一趣爾。趣趣

亦爾。若明此機。可以無憾。不然空負道場也。

正表 恭惟使者內修菩薩行。外現神王身。披金甲而

驛路增輝。乘寶馬而鸞鈴振響。不速而疾。有感斯

通。威容儼日。出之光神。足擬天行之健。幸無廢命。

須善為辭事。有煩勞。理當攀送。我佛如來。有奉送

真言謹當宣誦

唵 麼訶羅 穆羯叉 目 鳴 振鈴

正表 歸依佛。歸依法。歸依僧。歸依佛法僧三寶。已竟

上來遣使禮畢。煉疏化財。用助使者雲程。遍周沙

界和南聖眾。鳴 振鈴 ○ 焚疏 膝 牌位

法師想使者受命即行 ○ 對 案 香 燭 供 品 全

主法至案前。前來遣使禮畢。茲當升揚寶旛。先迎四

前一問訊云。聖以光臨。次召六凡。而赴會。懸 旛

表白 上來懸旛。已竟。無限良因。恩周沙界。和南聖眾

主法一問訊。轉身至使

案前一問訊。問內壇

鳴 振鈴 主法三拜

表白 遣使事畢。水陸揚旛。恩周沙界。和南聖眾。問訊

法界聖凡。水陸大齋。普利道場。性相通論卷第二

法界聖凡水陸大齋普利道場性相通論卷第三

淨業行人 咫觀 鄭應房

請聖浴聖

浴有壇扶搖架而往兩人護一架先一人領路次燈次幡次燭次表白次架次主法
行至壇前案上供滿架設六供浴畢扶架還淨道再安位也壇前後二浴池池外垂帳有鈎聚池盛溫水以潮腦鬱金樹檀末和之池中再安一盆盛熱水亦以三物和之盆中白巾十條盆外青巾十條兩池皆如是巾長尺餘盆徑數寸池徑一尺餘池以木爲之形正方有飛來椅帳另有架罩於池外每池一大几圍之其淨道用新布三匹爲之在內壇階下欄內兩頭橫木縛定橫木兩頭有柱埋於地滿架道上恐不穩布下以几承之使勿搖動陪位無盤盤奉送之儀而不妨有禱迎奉浴之事爲其中一類有緣從此光明熏煉成熟必不可少也

第二日四更五更

論曰浴池分二判男女也身有光明

諸大男女初生即伶俐光

明覆身不露形也自往衣樹取衣彼此相見體無儀表具足如此勝妙不及三寶萬分之一

障礙悲心示現有威有儀合凡聖之通途作古今

之令則固如是矣丹霞劈佛南泉斬貓既入大同

何妨破見然奇特非奇特而平常亦非平常也噫

知者幾人

法師入表白 至心歸命十方法界佛法僧寶一拜鳴

同聲唱云 妙香起處無所起本來無物即真空太虛

周遍成香雲不離真空現妙假非有非空雙絕待
全遮全照不言中不言中極佳惟憑一念信心香如法
殷勤成供養

論曰三觀甚鮮而不宜多用屢見之則佛華委矣

卽此留一二則亦必蕩盡言語中之煙火氣當知

宗是教之宗教是宗之教勿使留一絲氣味方能

感格真靈矣

正表 我佛如來有然香真言謹當宣誦

唵 室伐唎 多末泥 阿鉢囉句吒 蘇破囉尼

毗迦知 虎訶鳴磬

法師想香雲遍滿十方佛利一切聖賢咸共護念

論曰此處着人用心真有死活之別不止巧拙而

已嗚呼知音若遇忍死待之

正表 觀心融法水一念淨諸塵依正悉光嚴十方無

障礙

助表 我佛如來有灑淨真言謹當宣誦

唵 什伐囉 除咩耶 訶愛 悉哩摩咽 娑訶

鳴磬

振鈴

表白散華淨道上復以水灑淨道法師想水所到處即成結界廣博嚴淨出生光明樓閣雲重重無盡

正表 稽首十方無上覺空塵卷軸法音聲菩薩羅漢

祖師僧淨土蓮華九品衆世主仙儒通法界明王

八部聖威靈天女神王入佛流大士慈光同降監

正表 伏以非如非異是為以佛眼觀何聖何凡此則與法界一境與智寂體兼用冥函與蓋以相成水

共波而不別至若隨時啓教為實施權雖示現乎

多門皆發明乎此事是以低頭合掌酌水獻華帝

網中一一珠銜佛鏡中層層燈現本來無作不妨

有為權實聖賢空塵法脉燦然星羅於法界純乎

雲集於淨邦如此天然悉成海會不於其中起分

別是故此處最吉祥冀凝眸以端居即興慈而克

享助表施心乍啓覺慧全通恭事奉迎願求早降

同念

振鈴 ○案皆移而向外

主法向外 一心奉請清淨莊嚴毗盧遮那映現十方

蓮華利海重重無盡盡虛空遍法界三世一切十

身靈相諸佛世尊各及眷屬

隨後拜四衆雖多的 惟願不違本誓哀感有情此

派一人拜須誠潔者

日今時光臨法會 振鈴

法師想十方諸佛各乘蓮座雲集而來遍塞虛空無少空處應由乎感感出於心心心映現非是別有

每請一位表白即散華

於此一位小瓶淨道前

主法向外 一心奉請大方廣佛華嚴尊經文殊本智

立助表云

映現十方一乘共教及不共教 共教即同異教即

稱共 大小乘教人天乘教依正說法空塵出經律

論呪願權實妙門重重無盡盡虛空徧法界三世

一切正法輪海各及眷屬 初位 惟願不違本誓哀

感有情此日今時光臨法會 振鈴 ○法師隨機運

如初

主法向外 一心奉請華藏莊嚴世界海中普賢行相

立正表云

映現十方圓頓一乘中漸大乘羊鹿小乘位位互

具十信十住十行十向十藏十地十願十定十通

十頂三乘交互九輪不消重重無盡盡虛空遍法

界三世一切賢聖僧寶各及眷屬 初位 惟願不違

本誓哀感有情此日今時光臨法會 振鈴 ○法師

運想表白散 華同初位 論曰三乘交互謂菩薩中有菩薩聲聞緣覺三人

聲聞中緣覺中亦各具三。此涅槃義也。或疑後四中無小教羅漢等名字。噫。名字雖無。心光顯現。則全有名字。非無一不是。多多恰是一。無是非。是非無非不非也。

主法向外 一心奉請華嚴性海。映現十方重重無盡。立助表云。

盡虛空遍法界。譯宗律宗懺宗密宗相宗性宗法華華嚴禪宗淨土三世一切承先啓後宏法度生。

諸祖諸師大善知識。各及眷屬。儀同初位 惟願不違本誓。哀愍有情。此日今時。光臨法會。鳴鑾 ○法師隨機 運想。

表白散華 同初位。論曰。或謂華嚴法華非宗名。答借教表宗耳。既台賢二字不能通該一切利之曲直兩宗。而三觀十

平等又繁而不備。故即以所宏之法稱之也。若備言之。則曰法華宗。華嚴宗宜也。今隨文氣。故略其詞。又且十宗或有兼列兜率宗。瑜伽宗。般舟行頭陀行。而無密譯性懺四宗者。今以密即瑜伽律該頭陀淨該般舟華嚴宗。該兜率也。

主法向外 一心奉請華藏海中大蓮華內第十三重立正表云。

正中應利安樂世界三輩九品地及虛空中邊一切阿惟越致。重重無盡。盡虛空徧法界十方三世。依教往生。諸上善人。各及眷屬。儀同初位 惟願不違本誓。哀愍有情。此日今時。光臨法會。鳴鑾 ○主法隨機 運想。

表白散華 同初位。論曰。何不依宗而依教也。以順文故。以教即是宗之教故。

主法向外 一心奉請華嚴性海。映現十方重重無盡。立助表云。

盡虛空徧法界。入佛知見。諸天上首諸神上首神化自在。種種妙嚴三世一切世間之主。各及眷屬。

儀同初位 惟願不違本誓。哀愍有情。此日今時。光臨法會。鳴鑾 ○主法隨機 運想表。

主法向外 一心奉請華嚴性海。映現十方重重無盡。立正表云。

盡虛空遍法界。入佛知見。助佛威靈。神通仙衆。雞園震旦。上上禪仙。三世一切了事仙人。性命諸宗。各及眷屬。儀同初位 惟願不違本誓。哀愍有情。此日今時。光臨法會。鳴鑾 ○主法隨機 運想表。

論曰。仙有三品五品九品之分。天仙上乘其初心。

本是以虛空為量度。衆生為心。不思議為境界。但顛預籠統。有佛之願。無佛之智。才現心境。便不合宗。去一切種智。及無盡身無礙。士失之遠矣。仙佛合宗。妄人所說。則不可以訓。是故彼之性宗。尚非宗。況彼之命宗。乎。性不盡。落十種邪修。然多分通三乘。空少分入邪。今之飛仙降筆。平視佛仙。多是此病也。然出格大人。隨機利導。竟有直通一乘頓教禪宗者。若命宗則斷非佛知見也。或曰。果爾於了事下。雙系兩宗。列之上堂。無乃妄語。答曰。斷非佛知見之品。而有佛知見之人。且彼既仙宗。則性必帶命。非但著意。卽任意。專修性。宗命必至也。雖學出格。而心跡亦單。亦雙。如寶網珠光。影互在不列之則。已列。則必兼彼宗。云異路上得之正路上守之。蓋命宗修則帶性而起者。又多矣。但得了事。何妨性命。

主法向外 一心奉請華嚴性海映現十方重重無盡
立助表云

盡虛空遍法界。冥通道脉三世一切極品。儒宗理事專家。各及眷屬。同惟願不違本誓哀愍有情

此日今時光臨法會。鳴鑼 振鈴 ○主法隨機運想表
白散事同初位

論曰。道脉卽道統乎。曰。非也。道統乃理家一人之說。後世已不行。既落去事。卽非全相。今稱冥通。謂事亦通也。實事求是不敢望。文生義抱殘守缺。上溯尼山。雖不中不遠矣。如馬步箭廢。一不可競。趨空宗而廢相。卽非圓頓。法門佛之無礙。且然。況儒家有規矩乎。

論曰。或疑三寶中人不能拜俗。應之曰。小教必拘一乘無礙。

論曰。或疑佛有毗盧文殊普賢字樣。今呂張周孔何弗標名。答佛標卽一卽多。全性全相之名。仙儒兩家無此規矩。今若挂一漏萬。則全非若多。列之上堂。必有蓋。下堂必有屈。姑渾舉而兩處皆涵。乃爲無縫衣也。且筆墨難窮。何人更僕。森羅海印。可悉數乎。彼台賢兩字。所以不用者。以不能通彼十方利士也。何獨於仙儒而疑之。或曰。渾融可爾。性命理事豈圓極之談乎。答曰。道家上乘仙奮發初機。何殊學佛入路。錯耳。命之單修。彼宗判作小乘。

但能入上品天仙不滯之機。一遇佛乘必能迅轉。外道聞法如良馬見鞭影而行。卽其驗也。呂張透西來大意。熏發已多。推之十方。猶如雨點。一眞法界變化無窮。一切如來多有方便之身。內秘而外現。以引發彼更不可測也。儒之一宗本爲佛老二氏之前茅。人類旣安六道分而教化漸備。人天兩乘通三乘而爲五。如來說法有此名目也。但儒道兩家爲天上人間所滯。故往往不見本來。說法殊不快。佛說兩家語略而未暢。後代之僧任意尊卑。不識阿含羅漢光明諸天華嚴知識之妙境。高則空而荒。低則著而墮。不著一字。盡得風流。未見其人也。雖或已通於本釋宗。明暢發揮。一說仙儒。心口支離。令二家不服。開口便錯。不接兩家機。故五乘之教名存而用不現。空執五戒十善之板。相大不鮮也。天人與佛。天卽道家。人卽儒家。本一貫也。落二落三。不知同異。昏昏然死於知見。而不知所見之同異。全非良堪。惋惜水陸之會。實通此機。願內壇主伴發眞光明。照見一切衆生。悲苦根由。劫劫生生。誓

同解脫。乃不虛有今日事也。一念萬年。萬年一念。拈起來。一根草亦能殺人。亦能活人。噫。

論曰。或問。皆不用名矣。而雞園之仙隱。而一現水陸諸師。一一全露。何不一例耶。答曰。雞園之仙優者。入上劣者。入下。於上則呼之下。則否。蓋不能現身等座。還以小種待之矣。至於水陸前賢。因與此土此會。因緣最切。非徧十方。利而舉此名也。一一呼之。庶感格從心。道場冥益耳。

論曰。儒之理數。本出一家。宣聖不分後人。乃異禪五教。三佛難一例。又何怪乎聖人之徒也。通者自通。塞者自塞。爲上堂爲下堂。咫觀何所用心焉。孺子歌之矣。

主法向外 一心奉請華嚴法海。映現十方重重無盡。立正表云

盡虛空遍法界。無邊威德諸大明王。天將天神。神通自在。殷重護佛大善女。天并諸眷屬。初位惟願不違本誓。哀愍有情。此日今時。光臨法會。鳴磬○

主法隨機觀想表

白散華同初位 主法向外 一心奉請華嚴性海。映現十方重重無盡。立助表云

盡虛空遍法界護法護國護塔護寺護僧護尼護

歸護戒護宅護身三世一切道場內外地及虛空

秘密守護諸大神王各及眷屬初位惟願不違本

誓哀愍有情此日今時光臨法會鳴磬○主法隨

表白散華初位

主法向外 一心奉請華嚴性海映現人中普利聖凡

善修法度重重無盡盡虛空遍法界十方衆會水

陸道場訂正儀軌尊者神僧尊者淨住僧者梁武

皇帝尊者誌公尊者祐公尊者英公尊者佛印尊

者蹟公尊者蘇公尊者楊公尊者志磐尊者蓮池

尊者洪源三世一切大善知識各及眷屬初位惟

願不違本誓哀愍有情此日今時光臨法會鳴磬

○主法隨機觀想表

主法向外中上來奉請上堂三寶諸席聖賢一念能

通威神畢集加持秘密罄寫真誠我佛如來有召

請真言謹當宣誦

南無三滿多 母陀喃 唵 烏佐鉢囉諦 薩縛

達多摩多 俱舍胃地 唵 娑哩野 沒哩布

羅迦也娑訶鳴磬

法師想上堂列位聖神普皆雲集住淨道上

光明樓閣之中輝華交映無有纖毫障翳

論曰今而後暢我生平矣噫急走過

助表 願因秘密俱賜光臨弟子虔誠至心作禮鳴磬

云 正表 金剛正體豈非堅密之身玉毫淨光斯為真實

之相畢竟本來無垢當知何處有人是則開陳沐

浴之門為欲洗滌塵勞之類冀迴蓮瞬俯鑒葵傾

將奉導於聖儀請前臨於温室共問訊

爐前引表白次之法師隨架至浴本位一問訊

亭安架於案上鳴引磬主法三拜

云 正表 蓮華藏海當體圓成流泉浴池隨處顯發湛湛

兮八功德水巍巍乎五分法身須知諸佛本不洗

塵為欲衆生皆令離垢將見受茲濯沐夜月之印

澄潭現此威儀明曦之昇遠漢敬宣密語請濯溫

泉用表法門不壞世諦

助表 我佛如來有沐浴真言謹當宣誦二表散華於

云 唵 底沙底沙 僧伽娑訶鳴磬 淨池盆內誦云

法師想此浴室七寶所成廣博嚴放鉤垂帳另燒一

淨一切聖賢願施者心盡皆入浴炷香法師等皆於

蒲團上小坐候香過二寸鴨 ○焚紙綬用
引磬三聲法師起立問訊 ○代佛衣

正表 我佛如來有治衣真言謹當宣誦

唵 阿慕伽 鞞鉉各移縛塞室隸 主嚕主嚕

娑 縛訶 鳴磬

助表 沐如來金剛身示同塵凡之法著舍那珍御服

用嚴尊特之容惟大聖之既臨諒羣從之必至是

則星羅開士霧擁聲聞梵王執蓋以當空帝釋散

華而布地飛旛前導嗚佩後隨翼俯就於道場用

肅成於齋事鳴磬振鈴鉤機上香問訊 ○此時主
轉而 引導回內殿仍安淨道上 表位皆

向上

正表 惟聖賢之既至慮凡席之未嚴照中道妙觀心

達法性無住本全體顯發當念出生師子座盈滿

虛空寶光毫周遍國土莫不高廣悉有光明仰冀

慈悲俯垂納處我佛如來有獻寶座真言謹當宣

誦

唵 歌慕伽 鉢頭摩遜娜隸 陀羅陀羅尼 漫

拏囉 吽 振鈴

法師想道場廣博嚴淨無量寶座
周而虛空一切聖賢安住其上

助表 信從心起法逐緣興此氣非木非空現前即定

即慧雲涵樓閣之百億蓋覆世界之三千 此金

色光普映寶王聖以茲微供達彼誠誠洛誦靈文

益資勝用我佛如來有然香真言謹當宣誦

唵 阿歌囉 阿歌囉 薩縛苾地耶 陀羅布你

底 娑嚩訶 鳴磬

法師想此香雲出生無量七寶宮殿供具衣服妙樂
妙香甘露備諸於諸聖賢之前一一奉供無不周遍

正表 惟衆英之齊發當萬行之莊嚴是故信解以植

立其本根精進以扶疎其枝葉既潤之以定水又

拂之以慧風蓋將顯無邊功德之林即以表應念

開敷之相我佛如來有獻華真言謹當宣誦

唵 阿歌囉 阿歌囉 薩縛苾地耶 陀羅布爾

底 莎嚩訶 鳴磬振鈴 二表於上

法師想所奉之華出生七寶宮殿珍妙瓔衣天樂妙香
甘露備諸種種供具重重無盡於各聖賢之前一時奉

供無不

助表 一滴能周法界微塵已淨纖毫借茲寶潤之空

明以表真心之淨潔列聖原無垢習道場更挹清

芳不妨即事以明表自覺忘情而入妙我佛如來

有灑淨真言謹當宣誦

唵 伐什囉 除咩耶 吽變 悉哩摩咽 娑訶

鳴磬振鈴二表持水灑上堂各席

法師想水至一一座席諸供養上無不光潔

正表 奉延三寶畢集諸天已安住於道場將證明手

齋法必因文疏用達真誠恭對披陳願垂采聽法主

二表皆跪正表宣意

云 勛表 仰投尊境少露微忱諒在大慈能寬衆過願徇

輪忱之請冀成曠濟之懷惟福慧稍弱者尙恐未

聞況罪愆極重者何由可至請梵王而肆赦囑帝

釋而垂恩分差捷疾之倫各任傳宣之事盡同七

趣來會一時放屠刀者不愆其成佛之期出阿鼻

者早化及金輪之衆蛤天人光明朗善妙龍福

德巍巍荷觸發乎眞因必圓成夫嘉遇況十方如

來齊坐道場豈一切衆生不蒙解脫當知音聲流

布卽如來白毫全放之光號令分頒卽含靈自性

初還之日敢祈威重俯順機宜不分內外中央直

使聖凡一際重重變化鉤召羣靈脉脉眞宗玉成

嘉會 鳴磬振鈴同三拜問訊出鎮棚

法界聖凡水陸大齋普利道場性相通論卷第三

法界聖凡水陸大齋普利道場性相通論卷第四

淨業行人 咫觀 鄭應房

供上堂 通普席供

第三日四更 頂牌十一席供品及一普席供品皆

香一舉一果一法寶一小食六品紙寶紙般具

十普席亦如之大衆十盤中法寶小卷爲之也

主法執 至心歸命十方方法界佛法僧寶一拜鳴

磬請云 將一切供具齊列主法巡視之

云 正表 食卽此食心卽此心不言諸法常融本自六塵

互徧是則出醍醐之上味流栴檀之清芬舒七寶

之冷泠散四華之灼灼涵光明之臺殿現殊勝之

釐輿仙樂鳴空笙笛之音閒作天衣無縫珠璣之

飾下垂以念念具足不虧故彼彼莊嚴無盡惟茲

道場之內燦然事儀之多是以淨水明燈懸幡揚

蓋金磬之聲振幽谷梵唄之響薄層霄悉入此宗

原非他物至若了目前之法妙觀世間之相常鵲
噪鴉鳴總是深談般若水光山色無非全露遮那
亘古今不昧已靈極依正皆成法供茲則運一心
之微供持最上之密言庶憑助顯之功用表等熏
之意我今持誦無量威德自在光明勝妙力陀羅
尼加持法食悉令周徧鵲大魚大衆同
誦二十一徧

夔謨薩縛怛他孽跡 縛路枳帝 唵 三跋囉三
跋囉 吽 嚩 嚩 囉

助表 經言若欲供養三寶應以香華飲食加持二十
一徧則成天饋膳上味奉獻三寶卽爲滿足檀波

羅蜜二表以水散灑
食上一一皆徧

法師想此淨食出生種種甘露上味諸天饋膳一切寶
色供養之具六塵互徧周而圓融深知依止莊嚴一切
諸法妙觀觀之皆成法供如是普
獻三寶天仙一切聖賢無不充足

助表 聖非食住緣與心依此心融時食亦融於法等
云

者食亦等入三際而常在包十虛而恒周是爲同
一覺源畢竟俱名法界切念十方衆生爲好心故
爲求道故以內身外財於法界中秉真實心而爲
施捨或遇外道惡人庸流雜鬼暗明盜受引入岐

趨衆生不知作福田想以茲多劫不出輪回今某
等普代十方一切衆生捨妄還眞專誠供養宏開
嘉會上奉慈尊敢輸檀越之忱用效純陀之供正表
同大慈愍物宏誓在懷爲度有情示受此食鵲鴉
振鈴

主法 一心奉供清淨莊嚴毗盧遮那映現十方蓮華
刹海重重無盡盡虛空遍法界三世一切十身靈
相諸佛世尊各及眷屬惟願不違本誓哀愍有情
此日今時受茲供養鵲鴉
振鈴一拜

主法 一心奉供大方廣佛華嚴尊經文殊本智映現
十方一乘共教及不共教大小乘教人天乘教依
正說法空塵出經律論呪願權實妙門重重無盡
盡虛空遍法界三世一切正法輪海各及眷屬惟
願不違本誓哀愍有情此日今時受茲供養鵲鴉
振鈴

主法 一心奉供華藏莊嚴世界海中普賢行相映現
十方圓頓一乘中漸大乘羊鹿小乘位具足聖
賢開士麟覺聲聞重重無盡盡虛空遍法界三世

一切僧伽耶寶各及眷屬惟願不違本誓哀愍有

情此日今時受茲供養鳴磬振鈴一拜

云主法 一心奉供華嚴性海映現十方重重無盡盡虛空遍法界三世一切十宗諸祖大善知識各及眷屬惟願不違本誓哀愍有情此日今時受茲供養鳴磬振鈴一拜

鳴磬振鈴一拜

云主法 一心奉供華藏中央大蓮華中十三塵利安樂國土三輩九品依教往生阿惟越致一生補處各及眷屬惟願不違本誓哀愍有情此日今時受茲

供養鳴磬振鈴一拜

云主法 一心奉供華嚴性海映現十方入佛知見三世一切妙嚴世主各及眷屬惟願不違本誓哀愍有情此日今時受茲供養鳴磬振鈴一拜

云主法 一心奉供華嚴性海映現十方入佛知見三世一切了事仙人各及眷屬惟願不違本誓哀愍有情此日今時受茲供養鳴磬振鈴一拜

云主法 一心奉供華嚴性海映現十方理事冥通心無障礙三世一切極品儒宗各及眷屬惟願不違本誓哀愍有情此日今時受茲供養鳴磬振鈴一拜

誓哀愍有情此日今時受茲供養鳴磬振鈴一拜

云主法 一心奉供華嚴性海映現十方三世一切諸大明王天神將等大善女人各及眷屬惟願不違本誓哀愍有情此日今時受茲供養鳴磬振鈴一拜

云主法 一心奉供華嚴性海映現十方三世一切種種道場秘密守護大神王衆各及眷屬惟願不違本誓哀愍有情此日今時受茲供養鳴磬振鈴一拜

云主法 一心奉供水陸本宗普利聖凡善修法度三世一切大善知識各及眷屬惟願不違本誓哀愍有情此日今時受茲供養鳴磬振鈴一拜

論曰或疑人天入小乘何煩瑣述答此道場統六道以人天形合十界入如來會故於人天未可略也或疑僧不禮天今之一一拜請拜供遂以禮法為常壞於教相不可也答天地君親或不禮者是彼敬有相僧龍仙神聖或可禮者是我敬勝義僧也夫十地菩薩寄位者其常極品如來隨類者亦化恢恢法界等利含生約分上下住尊卑不必華鬚生節目一切輪海對法應機泥痕迹者決定非器也

器也

正表 我佛如來有獻供養眞言謹當宣誦

唵 誡誡寔 三婆縛 縛資囉 吽鳴磬

法師想一切聖賢受此供 ○ 六供 陳香一華一果一
養威生隨喜同垂護念 ○ 盥一小食一法寶一

助表 願因秘密不思議熏悉使微銷轉成妙法奉諸

云 聖賢無不遍周衆等歸依虔誠作禮鳴磬

正表 我佛如來有獻香眞言謹當宣誦獻香普供

凡獻者特於普席上
以兩手舉之表敬耳

唵 薩婆怛他揭多 杜婆 布闍眼伽 三慕達

囉 率爰囉拏 三末曳 吽鳴磬

法師想香雲遍
各聖賢之前

助表 我佛如來有獻華眞言謹當宣誦獻華普供

唵 薩婆怛他揭多 補瑟波 布闍眼伽 三慕

達囉 率爰囉拏 三末曳 吽鳴磬

法師想華雲遍
各聖賢之前

正表 我佛如來有獻燈眞言謹當宣誦獻燈於普供

燈無位位小燈
換燭即是也

唵 薩婆怛他揭多 儂婆 布闍眼伽 三慕達

囉 率爰囉拏 三末曳 吽鳴磬

法師想燈雲滿
各聖賢之前

助表 我佛如來有獻食獻衣眞言謹當宣誦獻飯獻

普供席上 ○ 綴惟普席十分分供皆有
乃誦呪 ○ 是通供時乃位位皆有

唵 薩婆怛他揭多 阿弩怛囉婆 日嚕跛摩

三摩地 婆鉢那跛那 部折那 薩網那 布

闍眼伽 三慕達囉 率爰囉拏 三末曳 吽

鳴磬

法師想種種衣服飲食茶果如雲
周遍皆滿現於一切聖賢之前

正表 我佛如來有獻寶眞言謹當宣誦獻金銀元寶

左錢實在右也
又獻法寶各一

唵 薩婆怛他揭多 摩訶跛折嚕 嚩婆摩怛那

波羅蜜多 布闍眼伽 三慕達囉 率爰囉拏

三末曳 吽鳴磬

法師想寶色光雲遍 ○ 此法寶一小盤
滿一切聖賢之前 ○ 共六小盤也

主法 興曠濟懷發大悲志不以法供焉寫心期若謂

取如來勝妙之經爲衆生開示其義不輕初學但

以一乘試思見見之時法法何狀情量之破也未

盡法界之證也未圓必一念之相當自羣言之并

廢乃能細語。言皆歸第一。無情有性。悉作如來。將體佛之心。為心。敢以法之量。為量。真妙供養。即

正菩提主法二表對三寶前。疑神作禪定印少伴。

云正表我佛如來。有法供養。真言謹當宣誦。法師仍禪定印二表。

同說第三編學法師。乃舒兩手。振鈴以結之。

唵 薩婆怛他揭多 悟咽耶 摩訶鉢哩鉢底

波羅蜜多 布闍闍伽 三慕達囉 空爰囉拏

三末曳 吽 嚩 嚩 囉

法師想前所奉供。無非法供。乃至一切六塵。聖凡影事。勝劣諸修。齊成法供。非一非多。皆是我心。法不離心。心以為供。作此想時。十方聖賢。悉皆歡喜。

云主法 宏惟我佛心。以為宗。惟一堅密身。一一塵中現。

本從法爾化迹。乃與衆生之所見不同。法會之相。

傳各異其實。唯此一事。實餘二則非真也。但一一

機宜。皆趨正覺。故權實教典。無一非華嚴眷屬之

經。若空若塵。全銜妙偈。是聲是耳。皆演圓音。名句

文。固法之所借。以表乎律論。呪即經之能事。而推

矣。法無一字。故是真宗。心無一物。故是真供。今為

利生而宏法。是故設會。而為齋。將啓百千萬億衆

入佛之機。先敷香華燈塗果表法之供。茲蒙慈德。冥享多儀。既開曠濟之懷。必遂生平之志。惟祈諸

聖同運悲心。冀安坐於道場。待圓成夫法事。嚩 嚩 囉 振鈴

正表脫讀意旨。助表脫讀疏畢。

白云 上來水陸道場上堂法事一周。所有功德。悉

以迴向一切衆生。願一切衆生。早發圓根。早聞妙

法。身心潔白。晝夜光明。冤對消亡。眷屬隨順。神通

迅速。法脉安詳。有願皆從。所作悉辦。飛生極樂。快

觀彌陀。凡一念信心向佛者。皆無苦屈。直達康莊。

凡一生起行修行者。全秉中鋒。不落邊際。凡一事

發機。衛道者。真善知識。現其前。不遺魔外。凡一緣

偶然入理者。佛威神力。護其命。必獲圓成。我為衆

生。引絲絲而入。扣衆生。因我融。法法而化。光苟有

所求。我願善權方便。而滿之。以速其修。苟有所見。

我皆慈悲。正直而闢之。以歸於正軌。羣靈同佛。

知見。各現緣起。皆令還源於無緣上。先結普緣於

弱緣上。為生勝緣。於隱緣上。為示顯緣。於苦緣上

為轉樂緣。疎者引入於密緣。偽者頓折以真緣。一

切時一切處一切財一切法我皆與之周旋而無猜疑我皆與之警策而無痕迹我皆與之作伴侶而彼不知但生歡喜我皆與之作規矩而彼不越久成自然我皆給事我皆安慰習氣不挫我以剛柔二境而轉移之愛根難拔我以逆順二機而振落之凡於正法生一敬心或於邪修生一愛心或於天神作一供養或於魔外作一歸依不明心地匆匆往來空負好心多沈惡報我今以此供養諸佛法僧無量聖賢之力頓具靈根悉能圓應於如是如是之衆生衆生初事中事後事難中夢中定中示作熟緣善巧說法悉達難言之隱勇施無畏之恩醍醐入心甘露灌頂天衣適體寶鏡當空必祈佛法僧寶天仙龍神體衆生心成今日願所念衆生咸令得度喜隨非赴妄盡真窮一報終時決生淨土其有衆生願與我同年同月同日同時生淨土者必獲如願必獲如願空明鏡裏妙出娑婆慈愍光中圓成法界

請敕使壇仍在舊位六位無差立十牌共一位

鳴磬振鈴退

第三日五更

主法到使壇至心歸命十方世界諸佛法僧衆常住

三寶不拜但開訊

助表執鳴磬振鈴法從心起誠借香通其氣馨故能達於十虛

一九燒而已該乎衆妙天眼見之爲金色佛頂以之爲蓋雲頃刻騰霄須臾遍界

正表我佛如來有然香達信眞言謹當宣誦

唵 什伐唎 多摩你 阿鉢囉句吒 蘇破囉你

毗迦知 虎訶焚香鳴磬振鈴

法師想此香雲徧一切刹諸大天宮普及法界聖心歡喜衆生苦停

正表以小杯淨水天中甘露第一清涼界外醍醐無邊潤澤加持密語用灑眞壇增几席之清光辟方

隅之雜氣更無垢膩能及神明沈沈乎心鏡圓涵

穆穆乎靈珠四映

助表我佛如來有灑淨眞言謹當宣誦正衣灑淨一云周且灑且念

唵 伐什囉 賒咩耶 吽發 悉哩摩囉 娑訶

鳴磬振鈴

法師想水所到處即成結界清淨光嚴

正表 會啓無遮集十方之凡聖威靈有赫滅九界之

愆尤既大滌乎一人之心腹腎腸即總脫夫三有

之禁繫枷鎖無相之拘既釋有形之累必除惟一

佛之當尊自諸天之必應內壇功行全仗乎心光

外事周圓必資乎神力助表 同念叩帝閣以發號聲法

界以施恩仗此威神通乎塵刹

主表執爐 一心奉請神通如意妙德難量此界他方同請云

梵釋諸天捷疾持符使者并諸眷屬惟願不違本

誓哀愍有情此日今時光臨法會助表 振鈴

賜表 我佛如來有召請真言謹當宣誦

唵 步布哩 迦哩哆哩 怛他誡多耶助表 振鈴

法師想使者各與百千眷屬從空而來依位而立

正表 天上旌旗雲中環珮煥燦乎月燈照耀燦燦兮

星幢往來請駐光儀將宣欵曲恭惟使者威從神

化健法天行府觀乎微塵百億山河遍歷乎無量

三千世界身口無礙心鏡同圓今則衆苦將伸奇

恩欲沛不假使人之妙用誰通法脉之靈因奉召

尊神來臨壇墀聰明而一感應何難助表 振鈴

助表 神非有嗜食亦爲天從衆類之所需奉聖神則

爲孝一食全該乎四食羣心妙現於此心秘密加

持出生無盡我今持誦無量威德自在光明勝妙

力陀羅尼令此法食圓滿周遍

曩謨薩縛怛他引孽踰縛路引枳帝二唵三三鉢囉

三鉢囉吽引○大衆同誦十四遍助表 振鈴

法師想此食出生種種妙供一時奉上無不周遍

正表獻 初澄性水乍蒸心香然光明智慧之燈奉禱

食白云 悅酥醅之味妙華齊放眞果常圓修法供以表腕

誠望尊神之垂歆饗我佛如來有獻供養眞言謹

當宣誦

唵 誡誡曩 三婆縛 縛日囉吽助表 振鈴

法師想此供事充足現前諸刹降糞莫不歡喜

主法振鈴 法界寬平原無限量心光特達誰是拘學

少停白云 因衆生無始錯認乎有身遂大苦難窮交參而逼

已嗟哉入夢喚之不聞謂有罪報以限之遂見重

重地獄謂有主宰以臨之遂成卷卷刑書且地統

於天神尊夫帝一世界初禪之主。四天上切利之君。慈愍心中深知而莫救。光明界內照見而難濟。蓋事理迥道而愈堅。故緣會稍疏而不應。今則秉一心之鏡。上承佛光。持衆妙之珠。齊宣法力。寫下

界所求之懇切。籲上天恩。赦之彌綸。俞允可知。征途莫畏。其中靈機妙用。非人所能旋乾轉坤。維神之力。總一切泥犁而並破。統十方關格而齊開。有屈皆伸。無幽不照。奉恩綸之吉利。鳳嘯吟仗法會之威神。龍降虎伏。那有阿旁之害。全施周道之安行。菩薩行者固以此為快。心作如來。使者必從茲而得意。空平心量。天上人間安樂。機緣慈雲。法雨請於今日。徧達緘封。卽法相之如如。必天行之穆穆。所有微意。具在疏文。別命披宣。試垂采聽。鳴磬

正表宣梵疏助表
宜釋疏正表宣膝
助表

恭惟使者心同佛心。用周神用。既飛身於九地。堪並轡於層霄。原不待乘舟過日月之前。直可使曳履步星辰之上。入浮幢王刹。似映瓊瑤屏風。涵

妙寶天居。如挂真珠瓔珞。感而遂應。變則能通。聲先融五色之雲。消息應重輪之月。幸無廢職。必善為詞事。有煩勞。理當攀送。我佛如來。有奉送真言。謹當宣誦。

唵 摩訶羅 穆羯叉 目 振鈴

正表 歸依佛歸依法歸依僧歸依佛法僧三寶已竟。上來遣使已畢。煉疏化財。用助使者雲程。徧周沙界和南聖衆。鳴磬 ○焚疏牒牌位 振鈴 ○紙寶紙經舉

法師想使者受命卽行十
方世界無不通達同訊
主法蓮內壇主法拈香
表白 鳴磬主法三拜

遣使事圓。無限良因。恩周沙界和南聖衆。聞訊 出壇論曰。文以助行法者之神明。啓天人之感應。通如來之氣脉。開法會之靈機。儀軌中或以請書乞赦。二使同文。可謂數見不鮮。見聞難暢。人作之而法已死。神聽之而應豈靈。是故類於此者。往往另作矩章。備芻蕘之一得。非云立異不敢混同也。有益羣生。敢逃罪我。然知其必無罪我者。人之欲善。誰不如我。既順衆生之願。天且不違矣。而況於人乎。

況於鬼神乎

是日午刻齋僧若心思專用力於道場則省事辦之但以三十六文為齋以十二文為贖門首行之輕而易舉

法界聖凡水陸大齋普利道場性相通論卷第四

法界聖凡水陸大齋普利道場性相通論卷第五

淨業行人 咫觀 鄭應房

請下堂奉浴說戒凡時太長者可於香燈寮小食小坐

第四日三更四更五更

法師入壇四衆中一人至心歸命十方世界佛法僧

寶一拜鳴磬一振鈴

正表謂之香則萬法之都名舉其體即一心之全量

若燒一丸具足衆氣不離當處周遍十方布香雲

無盡之光集法界含靈之衆一聞號召無或遲回

冀各飭其有徒咸不愆而赴會我佛如來有然香

達信真言謹當宣誦焚香誦云

唵 室伐唵 多末尼 阿鉢囉句吒 蘇破囉尼

毗迦知 虎許鳴磬振鈴

法師想香雲如海承佛威力遍至法界六道群生之前冥冥神識咸令覺知發歡喜心來趨此會助表觀此一水出必有源從自心阿耨達池流通不

已入本性薩婆若海深廣無涯至於注法器以盈盈誦真言而脉脉清斯几席潔彼根塵一一坐處

光明臺番番來者智慧聚勝冰壺之濯魄同燈鏡之涵輝依位而居本來不動我佛如來有灑淨真

言謹當宣誦

唵 什伐囉 賒咩耶 吽發 悉哩摩咽 娑訶

二表誦此且行且灑四方上下及淨道並散華於淨道上

法師想水所至處即成結界嚴淨廣博光華燦然及想淨道如光明雲出生樓閣映帶分明重重顯現

正表伏以聖凡靡閒情智妄分要惟不失其常則能

妙得其體至若根塵對起物我交傾所受之因不

同受報之果各別其秉質也或妍或醜其嬰苦也

有重有輕栖栖乎水陸空行續續乎死生中有如

斯不了畢竟何歸是宜會悲敬之兩田薰成雨露

抑亦統冤親之二相化作煙雲今則嘉會齊開良

時已到無邊賢聖既雲集於道場護法神王盡星

羅於几席十方如來共一手接引羣生三乘妙法

無兩機。唯此一事。威靈所攝。清涼涵月。愛之輝運。

量全該周。市泯天衣之縫。以此難怖。畏出網羅。去

火湯登。衽席卸鱗甲羽毛之異。相現人間。天上之

全身。休息塵勞。歸依法界。位位皆成佛子。心心全

作寶王。速寄生安樂之蓮。好圓證菩提之果。助表同念

惟願佛光照燭。法寶提攜。才聞召請之言。盡攝威

儀而至。鳴鑿振鈴○此時法師案移而向西二表

主法向外 一心奉請一眞法界。映現十方重重無盡

立正表云 三世一切諸凡夫。天若空若色雲居地居日月星

宮。四王所統。天將天官。天童天女。各及眷屬。惟願

不違本性。現人天身。此日今時來趨法會。鳴鑿振鈴轉身

向外一 問訊

法師想無量諸天。光明清淨。眷屬圍繞。從空而來。住淨

道樓閣之中。賢性安詳。咸生歡喜。二表散華於此。席小

道之上

主法向外 一心奉請一眞法界。映現十方重重無盡

立助表云 三世一切諸凡夫。天仙法仙。地仙水仙人。仙鬼

仙。仙師仙徒。仙童仙女。各及眷屬。惟願不違本性。現人天身。此日今時來趨法會。○鳴鑿振鈴問訊同初位法師隨

機運想表白

散華同初位

主法向外 一心奉請一眞法界。映現十方重重無盡

立正表云 三世一切住凡夫。地龍部樂部。夜叉羅利鳩盤荼

部。金翅鳥部。鱗部。疑神若主若臣。若男若女。上極

天宮。下窮地際。神通諸倫。各及眷屬。惟願不違本

性。現人天身。此日今時來趨法會。○鳴鑿振鈴問訊同初位法師隨機運想表白散華同初位

主法向外 一心奉請一眞法界。映現十方重重無盡

立助表云 三世一切金銀銅鐵諸轉輪王。輪寶女寶馬寶象

寶。將軍主藏如意寶珠侍從諸倫。各及眷屬。惟願

不違本性。現人天身。此日今時來趨法會。○鳴鑿振鈴

問訊同初位法師隨機運

想表白散華同初位

主法向外 一心奉請一眞法界。映現十方美惡聲容

立正表云 高低心量中。邊住處圓缺諸根。重重無盡。三世一

切主臣文武男女老幼。或修或否。或正或邪。諸凡

夫人各及眷屬。惟願不違本性。現人天身。此日今

時來趨法會。○鳴鑿振鈴問訊同初位法師隨機運想二表散華同初位 論曰。或問云。人何嘗來應乎。不變化者人之常也。

變而能應復有幾乎吾聞趙頰見畫上畫一美人甚好顧盼久之畫工之笑其癡給之曰君知其名乎百日喚真真則自畫中出而為人顏如其言果出而為人既生子矣因友議其妖美人攜子入畫畫中遂有二人儀徵歲荒城外一僧寺斷炊僧敲魚念佛不綴縣令耳中便聞魚聲久而疑其何來尋聲至寺遂布施焉善妙女追師海上祝曰我心若誠箱即自到投箱於海風鼓其波箱躍上師舟女即自誓隨師護法投身入海頃刻化為龍護舟海行至外國顯靈護法古有孝子夫婦同入林禱曰有木可雕二老像木即自動一木果動遂取雕之像甚靈有僧募緣至一門首主人曰師能擊土中鐘有聲我即施擊之應手鏗然一女子有所思凝神便往遂為其人生一子而自已未嘗離母二童子夾水各行甲持刀向乙曰吾殺汝乙即首落甲即刀赤官訊無情實辱水令乾泥上有履跡如甲之足而甲初未涉衣履不濕明皇幸蜀見一太守生祠詢其名知此人深受國恩新反向賊命侍

衛以千牛刀斷像首此人千里外頭即無故墮地一孝廉赴京試路寓僧舍夜未明僧祭其祖孝廉魂遊其間登其座食其二粟唄聲在耳忽驚醒口有粟味起視僧供實缺二粟孝子母因有人到不能自呼其子急而敲指子即心痛自歸一尺之鏡現千里影鏡不加影不加小道場玲瓏法界無外結之以顯無遮非以結而為遮也且一切法事縱橫利益心無情量則來會者亦貫徹三心非思量分別之所能到然乎答總是總別是別離此二途另道一句來

法師向外立助表云一心奉請一眞法界映現十方重重無盡

三世一切天攝人攝鬼畜所攝卵胎濕化諸阿修羅主臣男女各及眷屬惟願不違本性現人天身

此日今時來趨法會○ 鳴磬振鈴開誦同切位法師隨機運想二表散華同

位初

法師向外立正表云一心奉請一眞法界映現十方重重無盡

三世一切勝劣諸通種種非人各及眷屬惟願不違本性現人天身此日今時來趨法會○ 鳴磬振鈴開誦

同初位法師隨機運
想二表散華同初位

法師向外 一心奉請一眞法界映現十方重重無盡
立助表云

三世一切財食多寡九品異同橫死輕生游魂滯

魄各及眷屬惟願不違本性現人天身此日今時

來趨法會○鳴磬振鈴問訊同初位法師
隨機運想二表散華同初位

法師向外 一心奉請一眞法界映現十方重重無盡
立正表云

三世一切依地依水依火依風依木依空巨細旁

生各及眷屬惟願不違本性現人天身此日今時

來趨法會○鳴磬振鈴問訊同初位法師
隨機運想二表散華同初位

主法向外 一心奉請一眞法界映現十方重重無盡
立助表云

三世一切有閒無閒正寄遊增一十八獄三十六

獄一百八獄諸獨孤獄諸苦衆生各及眷屬惟願

不違本性現人天身此日今時來趨法會○鳴磬
振鈴

問訊同初位法師隨機
運想二表散華同初位

法師向外 一心奉請一眞法界映現十方重重無盡
立正表云

三世一切捨報受報七七日内七死七生中有之

身各及眷屬惟願不違本性現人天身此日今時

來趨法會○鳴磬振鈴問訊同初位主法
隨機運想二表散華同初位

法師向外 一心奉請一眞法界映現今時圓滿道場
立助表云

上下八方稱心量處重重無盡三世一切壇廟園

林山水橋道鄉城井市大小諸神主日主夜值事

值方爲主爲佐若男若女奉職諸靈各及眷屬惟

願不違本性現人天身此日今時來趨法會○鳴
磬

振鈴問訊同初位主法隨
機運想二表散華同初位

法師向外 一心奉請一眞法界映現當機某甲某甲
立正表云

受度之靈谷及眷屬二表次第讀人
名勿錯勿落惟願不違本

性現人天身此日今時來趨法會○鳴磬振鈴問
訊同初位主

法隨機運想二
表散華同初位

法師向外 一心奉請一眞法界映現道場依戀眞宗
立助表云

未蒙解脫與善知識宿有妙緣證道未滿本願常

存諸品眞靈各及眷屬二表次第誦
名勿錯勿落惟願不違本

性現人天身此日今時來趨法會○鳴磬振鈴問
訊同初位法

師隨機運想二
表散華同初位

論曰此二位以人多爲妙陪位亦同正度面面齊

平方成法界勿草率也

正表 上來召請下堂凡聖列位神靈無缺數衆或幽

或顯各不相知匪仗密言何能畢集我佛如來有
召請真言謹當宣誦

唵 什伐囉 俱胝 阿揭吒 尾揭吒 娑訶

鈴振

法師想此七趣中有當機陪位一切諸露或有根劣未
諸法則却住一面未入淨道樓閣之中或有鈍根未復
人形難親法侶承斯呪力
盡復人天身上昇樓閣

助表願因秘密來集道場法侶真誠親身問訊

上法向三寶恩靈親垂拯濟為度羣品現坐道場既
上白云

諸天有大救之文豈下地無出身之路惟恐眾生
根鈍識猶困而未舒眾生孽深機現前而不赴須

憑偈呪大顯神威必盡換空中之鈎鎖索鈴方來
歡會上之燈塗果樂仰勞大眾同助圓音我佛威

光一時全現大眾瞻仰
同誦偈呪

論曰鈎鎖索鈴度生之四寶也而為世間之四物
所拘則不能入佛法門故須脫換

若人欲了知三世一切佛應觀法界性一切惟心造

三唵 伽羅帝耶 娑訶四十遍
振鈴

法師想苦難衆生聞此音聲悉皆感悟猶如斷索一振
而淵地獄鈎鎖紛紛脫落諸地獄門豁然自開其中苦

事一切不現音聲飛入咸復本心互相告報來趨
法會七趣苦倫亦復如是冥熏顯益同遊道場
正表 亘古亘今際天際地已悉行於號召曾不棄於
云 女微故凡居有性之倫盡優入無遮之會至於奇

殃堅毒邁越尋常雖令自便於此時猶或未通於
前路跌足於嶮巖之地墜身於幽暗之鄉若此多
根何由善達再憑秘密之力顯示光明之幢將徹
照於昏衢冀無失措俾安行於直道迅速知歸惟
爾陰靈悟茲方便我佛如來有開道路真言謹當
宣誦

唵 鉢那弭嚩 娑伽縛帝 慕賀野 慕賀野

惹孽慕賀嚩 娑縛訶振鈴

法師想三途惡趣劇苦衆生惡業所障迷失道路者
承此呪力障礙全除咸能履陷坦途欣然起會也
助表 六凡類多極顯迷而俱至三尊威重諒畏愛之
云 兼懷非憑方便慰悅衆心恐或逡巡卻退一面及

宣密語以被前機冀頓忘驚怖之情俾咸獲安詳
而住我佛如來有離怖畏真言謹當宣誦

唵 怛你也他 伐帝陀嚩 陀囉枳 俱盧度盧

銘 莎訶振鈴

法師想七趣中劣弱衆生雖至法會惡業爲之障障內心慮怯今承呪力即得身心安泰無所畏怯
正表 光明法事圓滿道場霑一塵一滴之恩有徹始

徹終之益故入會者悉現作人天之相而受供者必同其體貌之安利根者心境已融障重者形神未改再與方便請悟真常但勿執滯其因緣便得銷鎔夫衆報空華水月倏死倏生鏡影珠光爲男爲女今當瞻仰三寶諦想眞言破身命二見之崎嶇自耳目六根之通利我佛如來有開咽喉眞言謹當宣誦

唵 吉利 鳩摩唎 唵囉唵囉 唵囉唵囉 莎

訶 囉 振鈴

法師想七趣衆生形容乖異者承此呪力悉皆圓滿通利身心無障堪受妙供
助表 不於其中起分別是故此處最吉祥諸法本空

豈有我人之相此心無黨何分恩怨之情由不了外境之非他故妄認此身之爲已於是更相爾汝各立封疆因意地之稍違及言詞之靡順悻然變色遽興非理之嗔忽爾生冤遂起無根之謗其有處豪貴而輕孤寡恃長上而虐卑微侵鄰翁之地

以廣新居奪市人之財以充已帑妄肆鞭笞之酷蓋加獄訟之冤怙勢陵人瞞心昧義甘血肉而資口腹罔念傷生與呪詛以干鬼神豈逃論對於是更相責報無有已時皆緣釁起於一端遂使禍延於多劫今則三尊普會六趣咸臻將同稟於眞修必先祛於宿憾忍心一發辱境何存念冤讐本我姻親視男女皆我父母全消結限各起深歡袂屬裾聯直取菩提之路心開意解咸登解脫之場無或誤於良時宜自求於多益我佛如來有解冤結眞言謹當宣誦

唵 二多囉 佉多莎訶大衆囉魚同念四十遍畢囉振鈴

法師想六道羣生無始以來常積冤結今因呪力咸起歡心一時消釋轉相親愛
正表 六趣之身不同並多濁惡三途之報最苦咸背

清涼法筵雖遇垢習猶存不教洗滌夫身心何得從容而解脫性水寬涵目全身之光潔慧風披拂可卽念以開明無或疑回必應前進囉振鈴
列架奉浴如上堂式從容引導奉至浴壇安架案上鳴引磬同訊
正表 漏室宏開極十方而齊入溫泉滿注本一脈之

周流蓋隨所念而顯功德寶池亦任所之而為涅槃雲海冷然一水宛爾三熏盡亡業累之相關豈生煩惱即此根塵之現在不礙真如請悟徹夫水因試宜明乎妙觸我佛如來有沐浴真言謹當宣

誦二表散華於浴池盆誦云

唵 底沙底沙

僧伽莎訶 鳴磬振鈴 濁淨

法師想此之浴池七寶所成寬廣殿淨無量羣靈入中沐浴 ○放鈎垂帳別燒一炷香
法師等蒲團上小坐候香 我佛如來有治衣真言謹過二寸二表先鳴引磬云

當宣誦

唵 旃暮伽

寧純

縛塞室隸

主魯主魯

娑

縛訶 鳴磬振鈴 紙綴一百四十

主法起立問訊 入室而悟圓通聖哉一水澡身而獲正表乃白云

清淨美矣諸根由親承佛力之加俾悉返人形之正同然一會泯彼千差將親近於法筵故莊嚴乎盛服天衣泯縫寶性流光從此從容法席何慚凡

聖之同堂即請趨赴前途同入光明之一際

法師想七趣含靈皆承法力化作人天形相願端正衣服莊嚴整頓威儀將趨法會神融退讓盡無爭心

論曰治衣真言實為最要既以奉之下堂故先於

上堂補錄之良以凡聖同靈悉仗真言而待用以

紙代帛以帛代衣妙用天然何虛何實故得長短裁量而悉稱一多自在而無拘十彩交參五銖並貴得此而福慧之光愈足失此而供養之心未圓也至於上下堂皆分兩池似乎於上堂中反多此

痕迹然細思之亦不為多我心未安何得謬稱安心竟必使毫髮無憾自然覓心了不可得也

論主頌曰春光漸欲透蓬廬竹樹冷然點太虛一幅畫圖天不夜夕陽明月挂燈初

引架至淨道 ○須用大黑牌上書六道羣生受度亡

如上堂式 靈立此牌前依位勿亂參禮三寶

正表高聲讀牌一遍 鳴大磬三聲振鈴一次

云 正表 咨爾六凡同然一會孰分彼此何閒冤親以能承法力之提持故得體施懷之平等將趨盛席必習真儀淨相對之根塵秉無作之歸戒當由正轍可蹈大方宜端列於後先將竦聞於戒飭

法師想六道羣生序云 立淨道上猶如雲海

助表 維爾羣靈將歸三寶身儀必肅心口當清淨罪

惑因了真空義根塵寂爾性相冷然

正表 我今奉為法界六道一切羣生普令清淨六根

三業佛有真言謹當宣誦

唵 薩網婆縛 薩婆達麼 薩網婆縛 述摩合

鳴磬
振鈴

法師想六道羣生三業六根
各獲清淨無有一毫染礙

正表 羣靈無始劫六道長飄零今日以何緣法中蒙

解脫將親三寶衆虔熬爐中香一點表真誠慈悲

為攝受我今為六道一切羣生然香達信佛有真

言謹當宣誦

唵 什伐唎 多末尼 阿鉢囉句吒 蘇破囉尼

毗迦知

虎許
鳴磬

法師想香雲如海善熏三寶聖賢之
前為六道衆生通達信心無不周遍

主表迴身向羣靈在列三業無塵入一乘門投三寶
內二表云

地發清淨念起宿世根將欲歸依先行奉請

正表 至心歸命請盡虚空遍法界十方三世佛陀耶

助表
云 并諸眷屬

正表 至心歸命請盡虚空遍法界十方三世達磨耶

助表
云 并諸眷屬

正表 至心歸命請盡虚空遍法界十方三世僧伽耶

助表
云 并諸眷屬

正表 我今為六道羣生召請三寶佛有真言謹當宣誦

南無三滿多 母陀喃 唵 烏佐鉢囉諦 賀多

諦 薩縛達多 孽多 俱舍胃地 唵 娑哩

野沒哩 布羅迦也 莎訶 鳴磬
振鈴

法師想三寶聖賢雲
集座前證明作法

助表 法界六道一切羣靈當機受度陪位之倫各住

壇前少待法師登座傳宣光明戒法必使汝等入

佛法流參預座席

二表同 菩薩提妙光遍莊嚴隨所住處常安樂
高聲云

立座向外敷凡置尺法師拈香 一心不動萬法本開
升座二表侍立法師鳴尺云

方寸靈臺三寶具足心光明處則為佛矣知離為

法成就佛輪和合為僧宏敷法用以解脫心行解

脫行至解脫處不離一心而有三寶故曰自歸於

佛自歸於法自歸於僧也自性不歸無所歸處雖

然汝等於平等光中忽然不覺而有自己始從三

細引生六塵所謂業相轉相現相智相相續相執

取相計名字相起業相業繫苦相隨流入蘊焉知本妙特以此一心威光終不自滅故於法界中應機而現佛法僧寶現此名相三寶者將以引出心中一體三寶而已三寶顯現非外非中三寶融通非他非自三寶常住非滅非生三寶圓涵非三非一見此者悟此者修此者證此者坦然正宗遠離魔外汝等既以因緣得赴道場當知汝等心中三寶還爲汝等說法

尺師鳴 我今爲汝等奉行歸依俾宿世善根之人由

此成熟都未發心之人於此植基汝等當知三寶名字超越人天歸依之心直至等覺是新伊字非舊藥方趨十善者之所不能知習不動者之所不能行今爲汝等仗三寶光明行此勝事蓋以汝等本具一體三寶是能感之因諸佛現證一體三寶是能應之緣唯感應之道交故解脫之機顯矣汝當肅靜閉目澄神隨我所言三尊現在

尺師鳴 我弟子某甲從於今生直至佛身歸衣佛歸

依法歸依僧三遍○每句衆和

尺師鳴 上來授汝三歸已竟更加三結令法圓滿

尺師鳴 我弟子某甲歸依佛竟歸依法竟歸依僧竟

三遍○每句衆和

尺師鳴 汝等既已歸依三寶爲佛弟子應當發明菩薩心地以爲成佛之本然心鏡空明本無一物從心現相全相是心將欲寶性光明開三學之始必使靈臺清淨無一點之污故入壇場先當懺悔華言悔過佛語懺摩華梵雙彰名懺悔也自悔已愆乞三寶忍受故有懺悔之名矣清淨壇場全從心現心無形相罪福皆空卽汝一心是懺罪之處也理表正觀事兼助行正助交映法不偏枯以一真心投誠改過是懺悔之法也至懺悔之位下起六凡上至等覺心光未滿卽是愆尤應對佛前披陳愧謝卽此懺悔義攝無邊不煩廣說矣我今爲汝等依大乘經懺悔之法恭行懺悔汝等各宜淨身口意於念念中得見普賢菩薩及十方佛切當至心隨我所說

尺師鳴 往昔所造諸惡業皆由無始食嗔癡從身語意

之所生一切我今皆懺悔。三遍○每句衆和

法師鳴尺云 一切衆生本來平等幻熏成種各各互殊或

如來種或緣覺種或聲聞種或不定種乃至外道

闡提種性今入洪爐咸歸一火執盤釵鉤悉是金

也況十方如來齊坐道場萬聖千靈慈光共護慧

因所熏成就最上種種放下圓現一真觀諸如來

十方世界真靈位業性相玲瓏如鏡中燈如燈中

鏡真心涵現任色任空凡聖有無冷然顯現無復

可說是菩提心汝等能發此菩提心否衆答發此

心時十方諸佛為汝歡喜是成佛本度衆生因歷

劫多生終無變滅然大方廣佛華嚴經云利發心

時便成正覺豈以漸圓鈍置汝乎三寶現前為汝

作證

法師鳴尺云 雖然實處皆空頭頭是道事能顯理法皆

心從一門現無量門卽一位涵一切位要以誓願

免落空亡起行填之大悲量滿發菩提心者無自

盡也當隨我語對佛披陳

法師衆生無邊誓願度煩惱無盡誓願斷法門無量

誓願學佛道無上誓願成。三遍○每句衆和

誓願學佛道無上誓願成。三遍○每句衆和

法師鳴尺云 既發勝心堪膺妙戒扼六度之要開萬行之

原衆病咸醫諸苦盡脫戒者止也止惡行善止羸

行妙故無惡不斷無善不修無生不度戒名三聚

此之謂也戒以光明為體仍以光明為用用不離

體而體常圓體不離用而用恒淨汝心有戒吾為

顯之奉行羯磨諦聽作法

法師鳴尺云 汝佛子諦聽汝等今於我所乞受一切菩薩

學處一切菩薩淨戒所謂攝律儀戒攝善法戒鏡

益有情戒此諸學處此諸淨戒過去一切菩薩已

受已學已解已行已成未來一切菩薩當受當學

當解當行當成現在一切菩薩今受今學今解今

行今成當來作佛汝等從今生至佛身於其中間

不得犯能持否衆答能持此是第一番羯磨已成十方

世界妙善戒法由心業力悉皆震動

法師鳴尺云 汝等云云至能持否衆答能持此是第二番羯磨

已成十方世界妙善戒法於虛空中如雲如蓋覆

汝頂上

法師衆生無邊誓願度煩惱無盡誓願斷法門無量

法師鳴 汝等云云至能持否兼答能持此是第三番羯磨

已成十方世界妙善戒法從汝頂上流入身心充

滿正報永為佛種

法師鳴 上來為汝等三宣羯磨傳授戒法作法已成

是名得戒

法師鳴 汝等佛子依憑三寶發無作戒親聞羯磨結

成善業宜應自此堅固護持於一切時勿令有犯

寧有戒死不無戒生今當更為汝等重宣梵網經

菩薩心地品中十重波羅夷以彰持犯之相切須

善學敬心奉持

法師鳴 佛言佛子若自殺教人殺方便殺讚歎殺見

作隨喜乃至呪殺殺因殺緣殺法殺業乃至一切

有命者不得故殺是菩薩應起常住慈悲心孝順

心方便救護一切衆生而反自恣心快意殺生者

是菩薩波羅夷罪

法師鳴 若佛子自盜教人盜方便盜呪盜盜因盜緣

盜法盜業乃至鬼神有主物劫賊物一切財物一

鍼一草不得故盜而菩薩應生佛性孝順心慈悲

心常助一切人生福生樂而反更盜人財物者是
菩薩波羅夷罪

法師鳴 若佛子自姪教人姪乃至一切女人不得故

姪姪因姪緣姪法姪業乃至畜生女諸天鬼神女

及非道行姪而菩薩應生孝順心救度一切衆生

淨法與人而反更起一切人姪不擇畜生乃至母

女姊妹六親行姪無慈悲心者是菩薩波羅夷罪

法師鳴 若佛子自妄語教人妄語方便妄語妄語因

妄語緣妄語法妄語業乃至不見言見見言不見

身心妄語而菩薩常生正語正見亦生一切衆生

正語正見而反更起一切衆生邪語邪見邪業者

是菩薩波羅夷罪

法師鳴 若佛子自酤酒教人酤酒酤酒因酤酒緣酤

酒法酤酒業一切酒不得酤是酒起罪因緣而菩

薩應生一切衆生明達之慧而反更生一切衆生

顛倒之心者是菩薩波羅夷罪

法師鳴 若佛子口自說在家出家菩薩比丘比丘尼

罪過教人說罪過罪過因罪過緣罪過法罪過業

而菩薩聞外道惡人及二乘惡人說佛法中非法非律常生慈心教化是惡人輩令生大乘正信而菩薩反更自說佛法中罪過者是菩薩波羅夷罪

法師鳴尺云 若佛子自讚已毀他亦教人讚已毀他毀他

因毀他緣毀他法毀他業而菩薩應代一切眾生受加毀辱惡事向自己好事與他人若自揚已德隱他人好事令他人受毀者是菩薩波羅夷罪

法師鳴尺云 若佛子自慳教人慳慳因慳緣慳法慳業而

菩薩見一切貧窮人來乞者隨前人所需盡皆施與而菩薩以惡心嗔心乃至不施一錢一鍼一草有求法者不為說一句一偈一微塵許法而反更罵辱者是菩薩波羅夷罪

法師鳴尺云 若佛子自嗔教人嗔嗔因嗔緣嗔法嗔業而

菩薩應生一切眾生善根無爭之事常生慈悲心孝順心而反更於一切眾生中乃至於非眾生中以惡心辱罵加以手打及以刀杖意猶不息前人

求悔善言懺謝猶嗔不止者是菩薩波羅夷罪

法師鳴尺云 若佛子自謗三寶教人謗三寶謗因謗緣謗

法謗業而菩薩見外道及以惡人一言謗佛音聲如三百矛刺心況口自謗不信心孝順心而反更助惡人邪見人謗者是菩薩波羅夷罪

法師鳴尺云 上來特為汝等宣說十重戒相應當奉持如

是用心是為善行菩薩之道下座問訊鳴磬撤位

正表云 法界六道一切羣靈既獲淨戒當須敬禮現坐

道場三寶聖眾方可前進參預法席我今稱揚三寶洪名冀承威力用為加被

南無現坐道場毗盧遮那佛 南無本師釋迦牟尼佛

南無垂光接引阿彌陀佛 南無當來下

生彌勒尊佛

南無大方廣佛華嚴經 南無妙法蓮華經 南

無大佛頂首楞嚴經 南無金光明最勝王經

南無孔雀明王經

南無文殊師利菩薩 南無普賢菩薩 南無地

藏菩薩 南無觀世音菩薩 南無大勢至菩薩

鳴磬振鈴

法師鳴尺云 六道羣生既蒙三寶清淨光明照其神識恭敬作禮次第序入各依牌軸齊立席前猶未敢坐

正表 既稟律儀。斯為佛子。爰即六凡之質。獲承三寶

之光。一處傾誠。俱時作禮。大欣此遇。慰滿於懷。將肅入於道場。更密資乎法力。我佛如來。有登壇真言。謹當宣誦。

唵 弭補囉 鉢頭摩 暮伽 跋囉絳囉 跋囉

弭含觀 矩嚕嚕 莎縛訶 鳴聲 振鈴

法師想一一含靈精神不動將依次就座

助表 芥子納須彌之山。毫端現寶王之刹。是謂不思議事。何關有所著心。唯大衆之善來。借良緣而入會。咸依位次。各攝威儀。我心空時。諸法空。千品萬類。皆微妙。我佛如來。有相應座真言。謹當宣誦。

唵 歌暮伽 鉢頭摩 遜那諫 跋囉跋囉拏

漫擊緣 吽

法師想新來法子承佛法力各有稱身美座。重重無盡於此廣博內壇。咸依次第安然而坐。

唱云 種種不思議。願光涵衆生。百千萬億多。菩薩定中。相功德威神力。從一心地生。一切滿心期。全現如來藏。聞法而入位。侍坐於佛前。願以供養心。畢生求擁護。所作皆成辦。眷屬同往。生飛身徧十方。

方便救衆苦

法師 汝等佛子。於光明中。現佛因緣。超然解脫。或發又云。正慧或證。通明或神力。無邊或精進。不二從今。至佛於其中間。念三寶恩。當勤擁護。聞訊出。

法界聖凡水陸大齋普利道場性相通論卷第五

法界聖凡水陸大齋普利道場性相通論卷第六

淨業行人 咫觀 鄭應房

誦金光明經偈文供下堂

第五日四更五更

主法入至心歸命十方世界佛法僧寶 鳴聲 振鈴 一拜 表白云 主表脫離光明 明偈文一遍

光明偈

現在十方界 常住兩足尊 願以大悲心 哀愍憶念我 衆生無歸依 亦無有救護 爲如是等類 能作大歸依 我先所作罪 極重諸惡業 今對十力前 至心皆懺悔

我不信諸佛	亦不敬尊親	不務修衆善
常造諸惡業	或自恃尊高	種姓及財位
盛年行放逸	常造諸惡業	心恒起邪念
口陳於惡言	不見於罪過	常造諸惡業
恒作愚夫行	無明暗覆心	隨順不善友
常造諸惡業	或因諸戲樂	或復懷憂惱
爲貪嗔所纏	故我造諸惡	親近不善人
及由慳嫉意	貧窮行詔誑	故我造諸惡
雖不樂衆過	由有怖畏故	及不得自在
故我造諸惡	或爲躁動心	或因瞋恚恨
及以饑渴惱	故我造諸惡	由飲食衣服
及貪愛女人	煩惱火所燒	故我造諸惡
於佛法僧衆	不生恭敬心	作如是衆罪
我今悉懺悔	於獨覺菩薩	亦無恭敬心
作如是衆罪	我今悉懺悔	無知謗正法
不孝於父母	作如是衆罪	我今悉懺悔
由愚癡憍慢	及以貪瞋力	作如是衆罪
我今悉懺悔	我於十方界	供養無數佛

當願拔衆生	令離諸苦難	願一切有情
皆令住十地	福智圓滿已	成佛導羣迷
我爲諸衆生	苦行百千劫	以大智慧力
皆令出苦海	我爲諸含識	演說甚深經
最勝金光明	能除諸惡業	若人百千劫
造諸極重罪	暫時能發露	衆惡盡消除
依此金光明	作如是懺悔	由斯能速盡
一切諸苦業	勝定百千種	不思議總持
根力覺道支	修習常無倦	我當至十地
具足珍寶處	圓滿佛功德	濟度生死流
我於諸佛海	甚深功德藏	妙智難思議
皆令得具足	唯願十方佛	觀察護念我
皆以大悲心	哀受我懺悔	我於多劫中
所造諸惡業	由斯生苦惱	哀愍願消除
我造諸惡業	常生憂怖心	於四威儀中
曾無歡樂想	諸佛具大悲	能除衆生怖
願受我懺悔	令得離憂苦	我有煩惱障
及以諸報業	願以大悲水	洗濯令清淨

我先作諸罪 及現造惡業 至心皆發露

咸願得獨除 未來諸惡業 防護令不起

設令有違者 終不敢覆藏 身三語四種

意業復有三 繫縛諸有情 無始恒相續

由斯三種行 造作十惡業 如是衆多罪

我今皆懺悔 我造諸惡業 苦報當自受

今於諸佛前 至誠皆懺悔 於此贖部洲

及他方世界 所有諸善業 今我皆隨喜

願離十惡業 修行十善道 安住十地中

常見十方佛 我以身語意 所修福智業

願以此善根 速成無上慧

我今親對十力前 發露衆多苦難事

凡愚迷惑三有難 恒造極重惡業難

我所積集欲邪難 常起貪愛流轉難

於此世間耽著難 一切愚夫煩惱難

狂心散動顛倒難 及以親近惡友難

於生死中貪染難 曠癡暗鈍造罪難

生八無暇惡處難 未曾積集功德難

我今皆於最勝前 懺悔無邊罪惡業

我今歸依諸善逝 我禮德海無上尊

如大金山照十方 唯願慈悲哀攝受

身色金光淨無垢 目如清淨紺瑠璃

吉祥威德名稱尊 大悲慧日除衆闇

佛日光明常普徧 善淨無垢離諸塵

牟尼月照極清涼 能除衆生煩惱熱

三十二相徧莊嚴 八十隨好皆圓滿

福德難思無與等 如日流光照世間

色如瑠璃淨無垢 猶如滿月處虛空

妙玻瓈網映金軀 種種光明以嚴飾

於生死苦暴流內 老病憂愁水所漂

如是苦海難堪忍 佛日舒光令永竭

我今稽首一切智 三千世界希有尊

光明晃耀紫金身 種種妙好皆嚴飾

如大海水量難知 大地微塵不可數

如妙高山叵稱量 亦如虛空無有際

諸佛功德亦如是 一切有情不能知

於無量劫諦思惟	無有能知德海岸
盡此大地諸山嶽	析如微塵能算知
毛端滴海尚可量	佛之功德無能數
一切有情皆共讚	世尊名稱諸功德
清淨相好妙莊嚴	不可稱量知分齊
我之所有衆善業	願得速成無上尊
廣說正法利羣生	悉令解脫於衆苦
降伏大力魔軍衆	當轉無上正法輪
久住劫數難思議	充足衆生甘露味
猶如過去諸最勝	六波羅蜜皆圓滿
滅諸貪欲及瞋癡	降伏煩惱除衆苦
願我常得宿命智	能憶過去百千生
亦常憶念牟尼尊	得聞諸佛甚深法
願我以斯諸善業	奉事無邊最勝尊
遠離一切不善因	恒得修行真妙法
一切世界諸衆生	悉皆離苦得安樂
所有諸根不具足	令彼身相皆圓滿
若有衆生遭病苦	身形羸瘦無所依

咸令病苦得消除	諸根色力皆充滿
若犯王法當刑戮	衆苦逼迫生憂惱
彼受如斯極苦時	無有歸依能救護
若受鞭杖枷鎖繫	種種苦具切其身
無量百千憂惱時	逼迫身心無暫樂
皆令得免於繫縛	及以鞭杖苦楚事
將臨刑者得命全	衆苦皆令永除盡
若有衆生饑渴逼	令得種種殊勝味
盲者得視聾者聞	跛者能行痲能語
貧窮衆生獲寶藏	倉庫盈溢無所乏
皆令得受上妙樂	無一衆生受苦惱
一切人天皆樂見	容儀溫雅甚端嚴
悉皆現受無量樂	受用豐饒福德具
隨彼衆生念妓樂	衆妙音聲皆現前
念水卽現清涼池	金色蓮華泛其上
隨彼衆生心所念	飲食衣服及牀敷
金銀珍寶妙瑠璃	瓔珞莊嚴皆具足
勿令衆生聞惡響	亦復不見有相違

所受容貌悉端嚴 各各慈心皆愛樂

世間資生諸樂具 隨心念時皆滿足

所得珍財無吝惜 分布施與諸眾生

燒香末香及塗香 衆妙雜華非一色

每日三時從樹墮 隨心受用生歡喜

普願衆生咸供養 十方一切最勝尊

三乘清淨妙法門 菩薩獨覺聲聞衆

常願勿處於卑賤 不墮無暇八難中

生在有暇人中尊 恒得親承十方佛

願得常生富貴家 財寶倉庫皆盈滿

顏貌名稱無與等 壽命延長經劫數

悉願女人變爲男 勇健聰明多智慧

一切常行菩薩道 勤修六度到彼岸

常見十方無量佛 寶王樹下而安處

處妙瑠璃師子座 恒得親承轉法輪

若於過去及現在 輪迴三有造諸業

能招可厭不善趣 願得消滅永無餘

一切衆生於有海 生死網堅牢縛

願以智劍爲斷除 離苦速證菩提處

衆生於此瞻部內 或於他方世界中

所作種種勝福因 我今皆悉生隨喜

以此隨喜福德事 及身語意造衆善

願此勝業常增長 速證無上大菩提

所有禮讚佛功德 深心清淨無瑕穢

迴向發願福無邊 當超惡趣六十劫

若有男子及女人 婆羅門等諸勝族

合掌一心讚歎佛 生生常憶宿世事

諸根清淨身圓滿 殊勝功德皆成就

願於未來所生處 常得人天共瞻仰

非於一佛十佛所 修諸善根今得聞

百千佛所種善根 方得聞斯懺悔法

接奉嚴 願常面見諸如來及諸佛子衆圍繞於彼皆

興廣大供盡未來劫無疲厭振鈴

正表 我佛如來有然香眞言謹當宣誦且拈香

唵 什伐囉 多末尼 阿鉢囉句吒 蘇破囉尼

毗迦知 虎許振鈴

法師想香雲充塞道場
六道羣靈熏聞開悟

助表 我佛如來有灑淨真言謹當宣誦

唵 伐什囉 唵咩耶 吽發 悉哩摩咽 薩訶

鳴磬振鈴 二
表灑座席周遍

法師想水所到處凡
席光明坐者清淨

正表 茲當奉供水陸內壇下堂十四席有意敷宣三

寶光中希垂朗鑒 俱跪正表宣意 ○此時將一切
旨畢鳴磬振鈴 諸品之供列

好主法
巡視之

助表 歸命十方三寶衆願垂神力為冥熏我今具食

誦真言遍彼六凡咸受供夫一切諸法體是真如

非色非空故能妙現是以大周沙界小極微塵過

現未來剎那一念於一真上性相圓明無一妙而

不具者也洪惟我世尊毗盧遮那如來盡法界源

底混法報化三身而為一於一切衆生悉滿所求

而自身未嘗動是故大小往來之情量已破任運

施為無不可也故遣化身宣說施食法門俾於一

心持誦無量威德自在光明勝妙力陀羅尼加持

一切出生無量周遍法界普興供養今我奉宣此

呪加持法食成大功能仰憑法衆同聲持誦 敵大魚同

念二十
一偏

曇謨薩縛怛他孽多 縛路怛帝 唵 三跋羅三

跋羅 吽 鳴磬

法師想一一食中出生甘露上味一切餽膳微妙六塵
彌滿法界皆成妙供一時奉獻十四席中一一各得稱

心之物以為享用無有
絲毫欠缺及不如意事

正表 我佛如來有施甘露真言謹當宣誦 鳴大魚同誦七遍

南無素嚕婆耶 怛他揭多耶 怛你也他 素嚕

素嚕 鉢囉素嚕 鉢囉素嚕 莎訶 鳴磬振鈴表白灑水

於供
品上

法師想此水既承呪力化為甘露遂使諸品潔淨香美
更能出生種種香味色聲妙觸妙法無邊供具一一稱

心咸發
道意

助表 我今奉揚七如來聖號一一名號有大功能聞

其名者於一切法中捨離入妙捐諸細累得諸如

來禪悅之食乃至往生極樂國土當知此諸如來

一稱其名即現全身於衆生前作諸利益

南無多寶如來 稱三 南無寶勝如來 稱三 南無妙色聲

如來 稱三 南無廣博身如來 稱三 南無離怖畏如來 稱三

南無甘露王如來三稱南無阿彌陀如來三稱

云主法 一心奉供一眞法界映現諸天日月星宮主佐

將吏天童女等各及眷屬惟願現人天身作佛子

衆受法施食爲菩提因盡未來際行菩薩道鳴磬振鈴

云主法 一心奉供一眞法界映現諸仙天地水仙人鬼

法仙男女仙班各及眷屬惟願現人天身作佛子

衆受法施食爲菩提因盡未來際行菩薩道鳴磬振鈴

云主法 一心奉供一眞法界映現龍神八部勝流主臣

男女各及眷屬惟願現人天身作佛子衆受法施

食爲菩提因盡未來際行菩薩道鳴磬振鈴

云主法 一心奉供一眞法界映現輪王金銀銅鐵隨身

七寶各及眷屬惟願現人天身作佛子衆受法施

食爲菩提因盡未來際行菩薩道鳴磬振鈴

云主法 一心奉供一眞法界映現人倫主臣文武貴賤

賢愚各及眷屬惟願現人天身作佛子衆受法施

食爲菩提因盡未來際行菩薩道鳴磬振鈴

云主法 一心奉供一眞法界映現修羅四趣所銜種種

勝劣各及眷屬惟願現人天身作佛子衆受法施

食爲菩提因盡未來際行菩薩道鳴磬振鈴

云主法 一心奉供一眞法界映現非人勝劣諸通各及

眷屬惟願現人天身作佛子衆受法施食爲菩提

因盡未來際行菩薩道鳴磬振鈴

云主法 一心奉供一眞法界映現冥塗通塞貧富別別

鬼倫各及眷屬惟願現人天身作佛子衆受法施

食爲菩提因盡未來際行菩薩道鳴磬振鈴

云主法 一心奉供一眞法界映現旁生依憑空風地火

水木一切諸倫各及眷屬惟願現人天身作佛子

衆受法施食爲菩提因盡未來際行菩薩道鳴磬振鈴

云主法 一心奉供一眞法界映現苦倫乍卸泥犁粗成

樂受各及眷屬惟願現人天身作佛子衆受法施

食爲菩提因盡未來際行菩薩道鳴磬振鈴

云主法 一心奉供一眞法界映現中有七七日內未受

定形各及眷屬惟願現人天身作佛子衆受法施

食爲菩提因盡未來際行菩薩道鳴磬振鈴

云主法 一心奉供一眞法界映現道場上下八方鬼神

執事各及眷屬惟願現人天身作佛子衆受法施

食為菩提因盡未來際行菩薩道鳴磬振鈴

云主法一心奉供一眞法界映現當機某甲某甲受度

之靈各及眷屬惟願現人天身作佛子衆受法施

食為菩提因盡未來際行菩薩道鳴磬振鈴

云主法一心奉供一眞法界映現內壇依戀道場適居

陪位一切眞靈各及眷屬惟願現人天身作佛子

衆受法施食為菩提因盡未來際行菩薩道鳴磬振鈴

○此時一切陳列種種具足無虧

云助表我佛如來有獻供養眞言謹當宣誦

唵 譏譏曩 三婆縛 縛日囉斛鳴磬振鈴

云助表願因秘密不思議熏悉使微銷轉成妙供普施

衆席陪位當機一切稱心清涼受用

云正表慧燈散夜月之輝定水湛秋空之色華嚴萬行

果滿一乘入此室者唯聞諸佛功德之香作是觀

者不著禪悅法喜之味莫不十門融洽六位回環

超心量以無遮總根塵而入妙

云助表我佛如來有獻香眞言謹當宣誦凡獻皆於普

耳敬

唵 薩婆怛他揭多 杜婆 布闍眼伽 三慕達

囉 窣爰囉拏 三末曳 吽鳴磬振鈴

法師想香雲遍滿衆靈之前

云正表我佛如來有獻華眞言謹當宣誦

唵 薩婆怛他揭多 補瑟波 布闍眼伽 三慕

達囉 窣爰囉拏 三末曳 吽鳴磬振鈴

法師想華雲遍滿衆靈之前

云助表我佛如來有獻燈眞言謹當宣誦

唵 薩婆怛他揭多 你婆 布闍眼伽 三慕達

囉 窣爰囉拏 三末曳 吽鳴磬振鈴

法師想燈雲遍滿衆靈之前

云正表我佛如來有獻食獻衣眞言謹當宣誦

唵 薩婆怛他揭多 阿弩怛囉婆 日嚧跋摩

三摩地 婆鉢那跋那 部折那 薩網那 布

闍眼伽 三慕達囉 窣爰囉拏 三末曳 吽

法師想種種衣服飲食茶果如雲周遍普云一切眞靈之前

云助表我佛如來有獻寶眞言謹當宣誦

法師想種種衣服飲食茶果如雲周遍普云一切眞靈之前

云助表我佛如來有獻寶眞言謹當宣誦

耳敬

唵 薩婆怛他揭多 摩訶跋折嚩 囉婆摩怛那

波羅蜜多 布闍眼伽 三慕達囉 率變囉拏

三末曳 吽 唵 振鈴

法師想一切寶色光雲
遍至一切真靈之前

論曰法不可取以為供也而供不可以無法以法為供是何法耶而奉之於上堂再奉之於下堂一似真有可取攜而相贈者法固如是乎果如是法亦尋常而何足取以供也世人喪心而行法夫喪心則喪法何所持而云行法乎哉不知法而修供者比丘矣故於此痛鍼之若不自絕於法外且停車馬早息身心當有意外好消息

主法 一切皆空故能現有萬法皆妙何者為禪離語言文字而亦非卽色香味觸而卽是汝等如是諸佛亦然位分上下全寫心光脈轉聖凡常居本際誰施誰受難議難思既萬變之皆恒故一真而無

妄主法二表
神作禪定印

正表 我佛如來有法供養真言謹當宣誦 法師禪定印二表持

呪第三遍畢法師乃舒手振鈴以結之

唵 薩婆怛他揭多 悟咽耶 摩訶鉢哩鉢底

布闍眼伽 三慕達囉 率變囉拏 三末曳

吽 唵 振鈴

主法 現前異相本自同真達諸法性相無邊卽一念

思惟如理虛心若谷聞法如雷冰至春而片片皆消棄逢秋而番番盡落根塵何在但一真心不受他欺乃圓已力故當心融妙法令我等所供不虛也 振鈴

法師想三施並運滿足羣心世法善提全無異相皆蒙法喜解脫清涼

表白 往生呪三遍

法師 無邊利海海涵空海空遍現蓮華宮蓮宮周遍

遍空海空海獨露彌陀容南無華嚴安樂世界光明遍照阿彌陀佛

先正表次助表 阿彌陀佛阿彌陀佛 滿一百八遍彼次法師禮誦云

佛衆會咸清淨我時於勝蓮華生親觀如來無量

光現前授我菩提記 振鈴

法師 如斯方便每飯不忘親見彌陀去佛不遠不假

方便自得心開此謂以念佛心入無生忍生死劇

苦萬語難窮四字洪名破苦能遍諸佛子衆聽佛
音聲自他佛緣心心擁護自然十方諸佛護汝身
心令汝善根日夜增長賜聲
振鈴

主法
白云上來水陸道場下堂法事一周所有功德悉

以迴向一切衆生願一切衆生早發圓根早聞妙
法身心潔白晝夜光明冤對消亡眷屬隨順神通
迅速法脈安詳有願皆從所作悉辦飛生極樂快
觀彌陀凡一念信心向佛者皆無苦屈直達康莊
凡一生起行修行者全秉中鋒不落邊際凡一事
發機衛道者眞善知識現其前不遭魔外凡一緣
偶然入理者佛威神力護其命必獲圓成我爲衆
生引絲絲而入扣衆生因我融法法而化光苟有
所求我願善權方便而滿之以速其修苟有所見
我皆慈悲正直而關之以歸於正軌範羣靈同佛
知見各現緣起皆令還源於無緣上先結普緣於
弱緣上爲生勝緣於隱緣上爲示顯緣於苦緣上
爲轉樂緣疎者引入於密緣僞者頓折以眞緣一
切時一切處一切財一切法我皆與之周旋而無

猜疑我皆與之警策而無痕迹我皆與之作伴侶
而彼不知但生歡喜我皆與之作規矩而彼不越
久成自然我皆給事我皆安慰習氣不挫我以剛
柔二境而轉移之愛根難拔我以逆順二機而振
落之凡於正法生一敬心或於邪修生一愛心或
於天神作一供養或於魔外作一歸依不明心地
匆匆往來空負好心多沈惡報我今以此供養諸
佛法僧無量聖賢之力願具靈根悉能圓應於如
是如是之衆生衆生初事中事後事難中夢中定
中示作熟緣善巧說法悉達難言之隱勇施無畏
之恩醒醐入心甘露灌頂天衣適體寶鏡當空必
祈佛法僧寶天仙龍神體衆生心成今日願所念
衆生咸令得度喜隨悲赴妄盡眞窮一報終時決
生淨土其有衆生願與我同年同月同日同時生
淨土者必獲如願必獲如願空明鏡裏妙出娑婆
慈悲光中圓成法界賜聲
振鈴
問訊退
是日午
刻齋僧以錢代飯如前法

法界聖凡水水大齋普利道場性相通論卷第七

淨業行人 咫觀 鄭應房

親祝上下堂

第六日四更

主法入至心歸命十方法界佛法僧寶拜鳴磬

表白云 主法一位拈香 我佛如來有然香達信真言謹當

宣誦主法

唵 室伐陳多末尼 阿鉢羅句吒 蘇破囉尼

毗迦知 虎吽鳴磬

二表退留一香燈守門主 法向上三拜 遶三匝 陳願 ○ 此或默祝或別撰文詞 乃是密意勿令漏洩

主師親祝已 團凝神再白

舉 鳴磬三拜 二表入侍主法繞誦二十 句偈文二表低聲和之

舉 一念相應已畢生死苦 執消情盡心佛衆生空

妙明眞淨廣大圓鏡開 智慧發光洞照無邊際

十二類生恒沙心鏡影 紛紜起伏變現於其間

無盡三寶妙影亦現中 威神加被力用難思議

寶鏡壇場逼塞虛空界 一道清淨殊勝妙莊嚴

香雲華雨伎樂果燈塗 重重涉入一念心鏡裏

鏡光照破十方并三世 驚起人天二乘及三乘

神仙鬼畜萬影盡來歸 威聲震吼地獄齊開裂

有大蓮華忽然而出現 無量佛子圍坐華臺鬚

我乘此華演作佛事多 不動身心安住菩提鏡

二表亦各誦一 女主法隨喜

信心銘助默

舉 正 至道無難 唯嫌揀擇 但莫憎愛 洞然明白

毫釐有差 天地懸隔 欲得現前 莫存順逆

違順相爭 是爲心病 不識玄旨 徒勞念靜

圓同太虛 無欠無餘 良由取捨 所以不如

莫逐有緣 勿住空忍 一種平懷 泯然自盡

止動歸止 止更彌動 惟滯兩邊 寧知一種

一種不通 兩處失功 遣有沒有 從空背空

多言多慮 轉不相應 絕言絕慮 無處不通

歸根得旨 隨照失宗 須臾返照 勝却前空

前空轉變 皆由妄見 不用求真 惟須息見

二見不住 慎勿追尋 纔有是非 紛然夫心

二由一有	一亦莫守	一心不生	萬法無咎
無咎無法	不生不心	能隨境滅	境逐能沈
境由能境	能由境能	欲知兩段	元是一空
一空同兩	齊含萬象	不見精麤	寧有偏黨
大道體寬	無易無難	小見狐疑	轉急轉遲
執之失度	必入邪路	放之自然	體無去住
任性合道	逍遙絕惱	繫念乖真	昏沈不好
不好勞神	何用疎親	欲取一乘	勿惡六塵
六塵不惡	還同正覺	智者無爲	愚人自縛
法無異法	妄自愛著	將心用心	豈非大錯
迷生寂亂	悟無好惡	一切二邊	良由斟酌
夢幻空華	何勞把捉	得失是非	一時放却
眼若不睡	諸夢自除	心若不異	萬法一如
一如體立	兀爾忘緣	莫法齊觀	歸復自然
泯其所以	不可方比	止動無動	動止無止
兩既不成	一何有爾	究竟窮極	不存軌則
契心平等	所作俱息	狐疑淨盡	正信調直
一切不留	無可記憶	虛明自照	不勞心力

非思量處 誠情難測 眞如法界 無他無自
 要急相應 惟言不二 不二皆同 無不包容
 十方智者 皆入此宗 宗非延促 一念萬年
 無在不在 十方目前 極小同大 亡絕境界
 極大同小 不見邊表 有卽是無 無卽是有
 若不如此 必不須守 一卽一切 一切卽一
 但能如是 何慮不畢 信心不二 不二信心
 言語道斷 非去來今

助學 金光明最勝王經大吉祥天女品 正默

爾時大吉祥天女卽從座起前禮佛足合掌恭敬
 白佛言世尊我若見有苾芻苾芻尼鄔波索迦鄔
 波斯迦授持讀誦爲人解說是金光明最勝王經
 者我當專心恭敬供養此等法師所謂飲食衣服
 臥具醫藥及餘一切所須資具皆令圓滿無有乏
 少若晝若夜於此經王所有句義觀察思量安樂
 而住令此經典於瞻部洲廣行流布爲彼有情已
 於無量百千佛所種善根者常使得聞不速隱沒
 復於無量百千億劫當受人天種種勝樂常得豐

稔永除饑饉一切有情恒受安樂亦復值遇諸佛

世尊於未來世速證無上大菩提果永絕三塗輪

迴苦難世尊我念過去有瑠璃金山寶華光照吉

祥功德海如來應正等覺十號具足我於彼所種

諸善根由彼如來慈悲愍念威神力故令我今日

隨所念處隨所視方隨所至國能令無量百千萬

億衆生受諸快樂乃至所須衣服飲食資生之具

金銀瑠璃磚磑碼瑙珊瑚琥珀眞珠等寶悉令充

足若復有人至心讀誦是金光明最勝王經亦當

日日燒衆名香及諸妙華爲我供養彼瑠璃金山

寶華光照吉祥功德海如來應正等覺復當每日

於三時中稱念我名別以香華及諸美食供養於

我亦當聽受此妙經王得如是福而說頌曰

由能如是持經故 自身眷屬離諸衰

所須衣食無乏時 威光壽命難窮盡

能令地味常增長 諸天降雨隨時節

令諸天衆咸歡悅 及以園林穀果神

叢林果樹並滋榮 所有苗稼咸成就

欲求珍財皆滿願 隨所念者遂其心

佛告大吉祥天女善哉善哉汝能如是憶念昔因

報恩供養利益安樂無邊衆生流布是經功德無

盡

云主 法事理相銜十門圓備鏡心互映一道清虛既粗

通供養之忱敢罄寫生平之願聖凡同鑒塵刹交

輝爰恭對手法筵用披呈乎積悚

云正 以此道場功德迴向法界願我及衆生於第一義

心不驚動若在這道場若出這場常遊義天光揚法

脈吉祥無礙所向皆圓功德莊嚴不離本際眷屬

歡喜咸入眞宗法界安平盡未來際偈第一義

云助 以此道場功德迴向法界願我及衆生先從歡喜

得入法門卽生善機成就妙事滅諸餘惡永淨根

株一念入微頓超諸境以此四法遊歷十方事無

量佛無量菩薩隨順方便罄法源底不留餘憾盡

未來際自修

云正 以此道場功德迴向法界願我及衆生以一念心

結蓮華種棲神安樂入品無疑不退爲因不退爲

果蟬聯化往眷屬無邊有願皆成無機不達金臺
妙現寶地親遊從方便門得究竟路自度度他盡
未來際往生淨土

云助 以此道場功德迴向法界願我及衆生戒根清淨
上品華成智慧神通咸超第一分身入世變化隨
心佛力加持神天贊助度生無礙染累消亡方便
無窮盡未來際變化身入世

云正 此以道場功德迴向法界願我及衆生於一切願
以佛爲宗前劫多生融於一念惡願都滅善願圓
成雜願消融真願獨露一切時處處願力現前本願
光中眷屬成就轉轉化度盡未來際決定願

云助 以此道場功德迴向法界願我及衆生於佛法門
妙能隨喜不飄不墜亦無斟酌但益衆生悉使成
就但秉正見悉使開明但順善機悉使增長但尊
正法悉使流通現自現他現空現有或示普到或
以光涵一心隨喜盡未來際應喜

云正 以此道場功德迴向法界願我及衆生以變化身
於一切利廣行布施凡有所求悉滿其願若應得

若不應得先以定力照次以慧力加滿足彼懷悉
生歡喜唯惡求者必破析之以作將來受施之地
殷勤給與盡未來際悉禮一

云助 以此道場功德迴向法界願我及衆生以變化身
於含識前知種種語悉以愛語而鈎攝之或用法
音或用世音或於大衆或於隱微或現身形或無
影響凡諸苦樂未伸情量未破拘牽業報留滯修
途錯信誤疑悲歡過度心中惶惶而無所慰我皆
慰之盡未來際悉禮二

云正 以此道場功德迴向法界願我及衆生以變化身
於一切時而行利益若營俗務若辨道場福慧未
圓時機有錯少人力少物力少財少地少法少緣
外錯多端致成殃咎我皆現彼一切所需以足其
用巖妙成充盡未來際悉禮三

云助 以此道場功德迴向法界願我及衆生以變化身
於有情界示形種種爲作伴侶闡者寂者蠢者靈
者鉅事細事眞緣妄緣悉護彼心賴我以濟我爲
其身事畢則去時到又來盡未來際悉禮四

云正 以此道場功德迴向法界願我及衆生以真實心

而運大悲普拔諸苦三塗四惡乃及人天可說不可說可見不可見一切諸苦悉使拔濟不以恩進不以怨退平等拯救盡未來際無量心一

云助 以此道場功德迴向法界願我及衆生以真實心

而興大慈普施安樂若小若大若暫若常若權若實若妙若麤凡能受者悉施以樂由迹而神利生弊滅引入真宗盡未來際無量心二

云正 以此道場功德迴向法界願我及衆生以真實心

而行大喜凡有一善或始發心乃至功成光滿法界我當以盡虛空心量而作歡喜或顯現或冥加使彼有情進力增崇神識不惰盡未來際無量心三

云助 以此道場功德迴向法界願我及衆生以真實心

而行大捨凡諸含識識未轉時機未到時外錯交互兩路未分或餘妄習或戀邪緣不入真修競生惡作我雖明見普住其前不生一念速疾之心致增其苦但以神光作無漏護盡未來際無量心四

云正 以此道場功德迴向法界願我及衆生以智慧身

現虛空樓閣雲重重高下巖妙咸該普令一切有情神遊其際或秉純心升入妙境或起雜想退入麤境雖有進止但以精神本自報身仍居六道但於報身上入定入夢入昏入醉我皆以神力攝入雲中於諸樓閣現種種身為其伴侶而說法要一切未生佛國未破無明習氣方強報境太劣形神不礙此熟彼生鈎召既靈久成依戀利根若發不入中陰作變化身盡未來際虛空樓閣

云助 以此道場功德迴向法界願我及衆生於十方刹

應普現身雲非有非無非來非去非他非自非一非多妙影沖瀾如鏡如月稱彼心量示我身形真機必逢靈境不隔熏轉成熟何作何為圓涉無邊盡未來際普現身雲

云正 以此道場功德迴向法界願我及衆生於十方刹

塵現無情身而為說法若聲若色若味若香若觸若法若地若水若火若風觸發靈心圓成妙遇拔迷警惰定亂祛邪因應無窮盡未來際現無情身

云助 以此道場功德迴向法界願我及衆生於十方刹

塵現虛空身而爲說法。轉換境界變化身心。淡其所濃。疏其所密。不言而喻。已入眞宗。休息形神。全彰妙行。根塵消落。得力彌多。虛靈發揮。盡未來際。現虛空身。

云正 以此道場功德迴向法界。願我及衆生於一切時

處。若世間若出世間。種種法門。悉除其弊。弊因弊緣。弊法弊業。以種種力。善巧破剔。而還大同。六相泠然。一眞不隔。盡未來際。除弊。

云助 以此道場功德迴向法界。願我及衆生於一切時

處。若欲供佛。若欲利生。無量勝境。一一興起。星幢雲珮。往來其間。一切所需。悉臻靈妙。有願必得。念欲皆從。如春在華。如秋在月。抱一子心。盡未來際。興利。

云正 以此道場功德迴向法界。願我及衆生以微妙心

入諸法界。若凡若聖。悉達其情。苦樂根由。偏圓頭緒。升降機局。頓漸因緣。乃至彼人口不及言。心不及擬。皆爲曲達。方便維持。調護周密。不越絲毫。歡喜充周。盡未來際。迷障。

云助 以此道場功德迴向法界。願我及衆生以智慧心

照諸法界。知諸聖凡。無邊留滯。番番消息。各有其因。由前業定。今報不移。大力難摧。精心不破。我以諸佛妙陀羅尼。心如水晶。口如風輪。氣如雲海。化其定業。消滅無餘。盡未來際。破業。

云正 以此道場功德迴向法界。願我及衆生以不二門

圓通。諸法燈燈相映。一室千光。不令偏枯。致生窳白。若有一處一人。於此宗門而起見者。我卽摧鋒破銳。不令留痕。遠邊到底。盡未來際。整宗。

云助 以此道場功德迴向法界。願我及衆生以稱性之

談。起隨機之益。非通非局。水火不傷。相救相資。兵戈盡息。一月光涵於秋夜。千燈環照於通衢。脈脈含輝。新新續燄。清涼入骨。滿足當心。心靈復開。盡未來際。整教。

云正 以此道場功德迴向法界。願我及衆生從清淨心

現菩薩戒雲。開見月一本。泠泠於諸世間。種種律相。通達無餘。持犯開遮。了然明白。發揮篇聚。對付諸根。凡有淨心。求歸戒者。雖無聖師。獨居閒靜。我

皆安慰爲其說法。使彼滿願而無留難。親近佛因。盡未來際。整律。

云助 以此道場功德迴向法界。願我及衆生。從一念心。

信異。方便念佛三昧。宛轉不離十方衆生。勝劣各殊。悉依性海。還依性佛。而度脫之。使彼於一名號。上頓悟無邊法報。性相不捨。方便親見如來。往生淨土。更復兼收淨土音聲。流通衆利。永作典型。感發靈根。盡未來際。發明淨土。

云正 以此道場功德迴向法界。願我及衆生。以一雷音。

周徧十刹陀羅尼力。交助發光。對一切機。成種種用。更復製爲繁簡及中次第諸法。令其隨力結界。行持。我皆分身而爲護衛。調和警策。精心發光。慧命昭然。盡未來際。密宗。

云助 以此道場功德迴向法界。願我及衆生。於佛法寶。

起大因緣。重重密護。邪亡正現。慧鏡長圓。始從結集。乃至流通。縑帛竹簡。翻譯寫刻。圓現自他。不遺餘力。眞慈本願。寶脈沖融。光照無邊。盡未來際。宗譯。

云正 以此道場功德迴向法界。願我及衆生。以三昧心。

轉增三昧於一切衆生。定境淺深。悉知悉見。若因若果。了其根由。力盛力衰。境強境弱。破小成大。扶正祛邪。能以三昧而作佛事。悟彼前人。咸歸寶韻。圓滿一心。盡未來際。觀定中衆生。

云助 以此道場功德迴向法界。願我及衆生。以堅密身。

普周塵刹。全消形累。具足慈光。若有病人。淺淺深。深入諸殃。咎我皆能以心寶智。明妙爲扶掖。於其苦時。對機說法。使彼夙善頓露。惡夢早亡。清心入微。盡未來際。觀病中衆生。

云正 以此道場功德迴向法界。願我及衆生。以明淨身。

普周塵刹。寬廣平正。邪惡皆消。若有衆生。惡業所熏。成諸障難。心精散漫。莫保生平。我以巨力而守護之。令其所厄。速疾消解。孤光直達。萬累都亡。坦然一眞。盡未來際。觀難中衆生。

云助 以此道場功德迴向法界。願我及衆生。以光明身。

普周塵刹。不見一毫。作諸罣礙。於彼一切巨細衆生。種種身中。咸以夢境而爲說法。見所未見。知所未知。嘗所未嘗。觸所未觸。聞所未聞。習所未習。於

一夢境大轉法輪不捨業報而入修路妙發真因
盡未來際觀夢中衆生

云正 以此道場功德迴向法界願我及衆生於一切可

愛人境心斷往還唯以三昧攝彼善根頓入妙境
使彼於一念善根獲無邊勝報妙境圓發粗愛悉
亡凡我累劫六根所對一切衆生若於我身動一
念愛者悉以此三昧妙境而度脫之不遺纖毫盡
未來際度恩

云助 以此道場功德迴向法界願我及衆生於可惜嫌

一切人境空平一心了然超越自心定處圓現他
心見其劣惡終墮三途便起方便預作解脫茲離
簡脫春到華開略無停留盡未來際度怨

云正 以此道場功德迴向法界願我及衆生於諸含識

生平所習一一境中巧示方便而爲說法破愚化
妄換骨移神劣解都亡靈心普現願願光明盡未
來際觀衆生生

云助 以此道場功德迴向法界願我及衆生於諸含識

臨命終時爲發心光開念佛路十方三寶一切因

緣凡與此人有相關處盡爲顯發勿令昏迷清涼
不疲鬼神境界精神往生盡未來際觀衆生死

云正 以此道場功德迴向法界願我及衆生於諸含識

生死之交中有精靈悉皆圓獲令離胎獄及種種
身唯以淨光而成淨體一念通處萬德泠然虛空
樓閣成其報境依眞而居盡未來際觀中有

云助 以此道場功德迴向法界願我及衆生於諸邪修

悉能破盡斷其本末絕其煙雲於污泥中發光明
聚寒芒作作圓解如如良馬鞭影琉璃鐵椎粉碎
虛空盡未來際觀外道

云正 以此道場功德迴向法界願我及衆生於一切刹

觀缺陷因妙作補益上自諸天日月神宮下及泥
犁微細蠢動所需種種涼風甘露寶用衣衾乃至
經典法門道場三昧苟有能受點滴塵毛悉皆具
辦俾無欠少教彼發願同我一心滿衆生願盡未
來際補缺

云助 以此道場功德迴向法界願我及衆生觀諸含識

自力未通化直爲曲轉轉成就使其因緣赴道不

覺不知神契。圓宗心依正法。更無一念。畔入歧趨。結構謹嚴。盡未來際。曲成。

云正 以此道場功德。迴向法界。願我及衆生。宣暢佛機。

宏揚法脈。光昌俊偉。化諸含靈。使彼身心。虛空玲瓏。通慧畢集。春風不熱。秋月無雲。法器冷然。侍佛左右。一一佛出。與彼親往。無邊海會。涉入交參。無有一夫。終沈頑骨。圓暢佛因。盡未來際。觀佛出。

云助 以此道場功德。迴向法界。願我及衆生。遭末法時。

或無佛法。能以華嚴正旨。悟盡羣蒙。法報常圓。充滿塵刹。更無降生。涅槃之想。若諸魔力。鼓動羣機。將損善根。巧破正法。我以種種法力。先後圓觀。倒正齊施。消其銳氣。而於諸法。無所作為。頽然默坐。強軟皆退。惡影冰銷。盡未來際。觀魔出。

云正 以此道場功德。迴向法界。願我及衆生。清淨光明。

一心無累。觀諸塵刹。福報含靈。為福所拘。真光永隔。乃以方便。換刃移宮。奪其所恃。然後說法。神脈既轉。還以勝福。而施予之。令彼創懲。更離癡著。光明一心。盡未來際。奪其福想。

云助 以此道場功德。迴向法界。願我及衆生。以純直心。

終始一行。而成超脫。若有十方含識。恃慧力故。妄測般若。藐視諸宗。陵戾人天。唐突法界。乃至一言一意。我慢才生。處中自滿。我皆頓現。一機令其懺懼。從茲回首。故習永捐。刻骨銘心。盡未來際。奪其福想。

云正 以此道場功德。迴向法界。願我及衆生。大力彌漫。

不餘一滴。對破小機。使入正位。正法不取。法界都靈。聲聞化城。消歸何處。五千退席。成佛有期。一切二乘。圓通即佛。無卽無離。盡未來際。觀聲聞。

云助 以此道場功德。迴向法界。願我及衆生。圓具心期。

入不思議。解脫境界。悲心發光。光光映現。麟覺聖人。悉皆迴心。宏濟艱難。周旋法界。各於念念。度脫含生。羴鹿習亡。化為師子。聲震百獸。盡未來際。觀群。

支 以此道場功德。迴向法界。願我及衆生。不取生死。

不取涅槃。塔涌栴檀。華開寶相。乘機度世。不涉根塵。影事周旋。頓現諸妙。於諸大士。互主互賓。無一菩薩。非我自已。衆生呼喚。赴感尋聲。靈靈一機。盡。

未來際觀菩薩

助以此道場功德迴向法界願我及衆生復本心源

更無一事靈風脈脈元箸超超所觸皆圓無心成
應身毛塵利巨細全亡情量不存十方燈鏡空明

一際非境非心法法圓成盡未來際觀如來

主法云以上所述四十八願願絲願網一一珠涵願海

願光層層鏡照言無或妄力本依真諸如來所共
見知十法界齊爲作證永無退息熏轉圓成長侍

道場發明本際

二表鳴鑿三拜凝 殷勤奉告凡聖真靈滿足心期不
神少許正表云

忘本願以此功德迴向菩提情與無情同成佛道

鳴鑿振鈴
問訊出

午前後行放生及
給性糧二事隨意

法界聖凡水陸大齋普利道場性相通論卷第七

法界聖凡水陸大齋普利道場性相通論卷第八

淨業行人 咫觀 鄭應房

上下堂通供 連普 結願

第七日四更并巳刻

主法入至心歸命十方法界佛法僧寶一拜鳴鑿
表白云 啓振鈴

供品一一陳
列并及著點

正表云一切法是佛法故當如法以言施一切心是佛

心故當即心以爲供心平等故供亦平等法玲瓏

故施亦玲瓏必謂百城煙水是處道場法中王不

待飽於珍饈鏡中心豈借熏於香火同空無物尙

滯於前途著手成春方借之大道今則施心大普

供法全彰合二十五席之音樂燈塗齊現無邊彩

畫總十萬八千之苦酢鹹淡都成一味調和玉燭

齊明栴檀乍蘇華風四座合真假而長春果熟二

生統鮮枯而入妙如斯嘉會誰測功勳恭請密言

助成真願 鳴鑿大魚大衆同
誦二十一遍

曼謨薩縛怛他 華跢 縛路枳帝唵 三跋囉三

跋囉 卍二表隨誦隨灑一切供
具上呪畢鳴鑿振鈴

法師想此一切供中出生無量界內外微妙五塵及法供養品類具足美善齊彰能使聖凡悉生歡喜受此供以之奉獻如心印心

助表段觸思禪四食原非有二俱生和合五味可以

相參入聖境而都超在凡情而似有極大悲以同物豈非隨順之心多合衆品以明虔惟願慈和之用足竊念十方衆生為好心故為求道故以內身外財於法界中秉真實心而為施捨其中或遇外道惡人庸流雜鬼暗明盜受引入歧趨衆生不知作福田想以斯多劫不出輪回今某等普代十方一切衆生捨妄還真專誠供養宏開嘉會普供眞靈不妨品品之相銜悉使重重而無盡正表等心同念攝受妙用周旋總勝劣而無遺慶團樂而歡饗鳴

鈴振

論曰何以請之名相供之名相上下通供之名相各各別乎蓋一文屢見精彩不鮮異曲同工神明益旺故能運心通感具足靈益也

主法 一心奉供第一席法身清淨塵刹圓涵無盡重

重受用變化一切如來唯願各偕眷屬安處道場

是日今時受茲法供鳴馨振鈴 同一拜

論曰何以特開席數乎蓋以宏開盛會圓滿心期

一一指陳方為慶慰

主法 一心奉供第二席為諸佛師作衆生範重重無

盡權實玲瓏不可言思無邊法寶惟願各偕眷屬

安處道場是日今時受茲法供鳴馨振鈴 同一拜

論曰第一法身第二佛師第三與第四統以僧號

是何故也這道以盡法界之變化也問三四何不

言佛也四既僧矣又標法輪答曰以不齊齊之所

以盡變化之神也問十宗既標僧號何不列勝義

僧令長者李君等欣然一坐答曰勝義僧已攝菩

薩位中今為席不為人席之名相全而人之神明

變化者莫不滿十方而來格來饗也且下堂之機

進而益熟故超勝之情迥異矣

主法 一心奉供第三席九輪交錯菩薩僧伽諸品辟

支大阿羅漢惟願各偕眷屬安處道場是日今時

受茲法供鳴馨振鈴 同一拜

主法 一心奉供第四席禪宗淨土教律祖師曲直諸

宗性相分派轉法輪。惟願各偕眷屬安處道場。

是日今時受茲法供鳴磬振鈴。

云主法 一心奉供第五十方往生九品上善阿鞞跋

致菩薩聲聞一生補處。惟願各偕眷屬安處道場。

是日今時受茲法供鳴磬振鈴。

云主法 一心奉供第六華藏玲瓏妙嚴世主非凡非

聖入佛法流。惟願各偕眷屬安處道場。是日今時

受茲法供鳴磬振鈴。

云主法 一心奉供第七席非仙即仙即佛深入法

海應迹仙流。仙中佛子。惟願各偕眷屬安處道場。

是日今時受茲法供鳴磬振鈴。

問仙中帶佛何也。論主曰：不帶則下堂矣。古本仙

混上堂。儒抑下堂。不如渾然兩平之為得矣。問僧

不拜天何反拜儒乎。論主曰：非拜儒也。勝義僧耳。

糟粕權寄下堂。加功煅煉。今之衆上堂。皆深入法

界見性之人。同佛境界者也。七言佛而八不言佛。

何也。論主曰：仙以言佛為榮。儒以言佛為恥。願世

間相而名字隱現於其間。乃佛之所以為佛也。

云主法 一心奉供第八席人中賢聖通貫三才立極萬

民以道自勝。惟願各偕眷屬安處道場。是日今時

受茲法供鳴磬振鈴。

云主法 一心奉供第九席如來示現金剛尊天十大明

王善女天衆。惟願各偕眷屬安處道場。是日今時

受茲法供鳴磬振鈴。

云主法 一心奉供第十席近如來座一切神王護佛護

法護僧護國。惟願各偕眷屬安處道場。是日今時

受茲法供鳴磬振鈴。

云主法 一心奉供第十一席水陸大齋因緣法業人王

學士宰官沙門。惟願各偕眷屬安處道場。是日今

時受茲法供鳴磬振鈴。

問沙門序人王之後。毋乃顛倒乎。論主曰：此先方

之內而後方之外也。大經亦有言。梵釋沙門婆羅

門者。不板分聖。凡隨文而說也。

云主法 一心奉供第十二席空色諸天六欲九地日月

星宿行法利生。惟願各偕眷屬安處道場。是日今

時受茲法供鳴磬振鈴。

云主法 一心奉供第十三席出神入化鍊炁還元九品

仙流初齊佛韻惟願各偕眷屬安處道場是日今
時受茲法供鳴磬振鈴
問訊不拜

問天中九地何也論主曰空四色四欲一也仙統
於天何以判出既判應列十種邪修何以背佛誠
言橫分九品論主曰仙書所列九品為詳依仙言
仙亦隨順衆生之一非背佛也佛言國主亦稱大
王不稱彼為世主亦其例也問何不以帝君真人
神君分高下之三論主曰彼教混天神仙為一路
升降今既分別則不序通稱耳

云主法 一心奉供第十四席威靈八部與天同神未滿

聖功寄居凡位惟願各偕眷屬安處道場是日今
時受茲法供鳴磬振鈴
問訊不拜

云主法 一心奉供第十五席十方世界四種輪王變現

威靈飛行教化惟願各偕眷屬安處道場是日今
時受茲法供鳴磬振鈴
問訊不拜

問八部何不分上下等論主曰下等入非人餓鬼
旁生乃及修羅矣問天修羅既另闢上等八部止

有其六耳論主曰此席因八部而立不可更名也

問輪王何特表十方也論主曰嫌此界今無輪王
也

云主法 一心奉供第十六席微塵勝劣品人倫可聖

可凡今超普墮惟願各偕眷屬安處道場是日今
時受茲法供鳴磬振鈴
問訊不拜

云主法 一心奉供第十七席四種大身阿修羅衆嗔心

乍伏忍力隨生惟願各偕眷屬安處道場是日今
時受茲法供鳴磬振鈴
問訊不拜

云主法 一心奉供第十八席精靈變現游戲神通示作

非人新知佛化惟願各偕眷屬安處道場是日今
時受茲法供鳴磬振鈴
問訊不拜

云主法 一心奉供第十九席精神暗淡勝劣鬼倫初聞

法音將超流類惟願各偕眷屬安處道場是日今
時受茲法供鳴磬振鈴
問訊不拜

云主法 一心奉供第二十席千品萬類昔號旁生靈蠢

各殊今歸一位惟願各偕眷屬安處道場是日今
時受茲法供鳴磬振鈴
問訊不拜

問一位誰乎論主曰將謂我話墮又曰君子觀於此而不忍之心油然而生矣昔之畫種種三惡道形者乃雁過長江而留影少神明變化之用矣

主法 一心奉供第二十一席鐵丸休吞銅汁罷飲已離鈎鎖乍挹醍醐惟願各偕眷屬安處道場是日

今時受茲法供鳴磬振鈴 問訊不拜

主法 一心奉供第二十二席死生中有暫住非常一念入微不受諸趣惟願各偕眷屬安處道場是日

今時受茲法供鳴磬振鈴 問訊不拜

主法 一心奉供第二十三席道場內外上下八方奉職諸神心依正法惟願各偕眷屬安處道場是日

今時受茲法供鳴磬振鈴 問訊不拜

主法 一心奉供第二十四席當機受度為法來臨正念熏修願超數量惟願各偕眷屬安處道場是日

今時受茲法供鳴磬振鈴 問訊不拜

主法 一心奉供第二十五席最極有緣未成無漏熏聞成熟部正同因惟願各偕眷屬安處道場是日

今時受茲法供鳴磬振鈴 問訊不拜

正表 我佛如來有獻供養真言謹當宣誦

云 誡譏曩 三婆縛 縛資囉斛鳴磬振鈴

法師想一切聖凡受茲供云 養成生歡喜護念道場

助表 秘密加持不思議力熏諸品物美妙難窮普奉

佛天齊養凡聖歸依法界用表至誠鳴磬振鈴 同三拜

助表 我佛如來有獻香真言謹當宣誦凡獻者特於普供席兩手

敬耳

唵 薩婆怛他揭多 杜婆 布闍瞑伽 三慕達

囉 窣爰囉拏 三末曳 吽鳴磬振鈴

法師想香雲滿二十 五席一切凡聖之前

正表 我佛如來有獻花真言謹當宣誦

唵 薩婆怛他揭多 補瑟波 布闍瞑伽 三慕

達囉 窣爰囉拏 三末曳 吽鳴磬振鈴

法師想華雲滿二十 五席一切凡聖之前

助表 我佛如來有獻燈真言謹當宣誦

唵 薩婆怛他揭多 你婆 布闍瞑伽 三慕達

囉 窣爰囉拏 三末曳 吽鳴磬振鈴

法師想燈雲滿二十 五席一切凡聖之前

正表 我佛如來有獻食獻衣眞言謹當宣誦

唵 薩婆怛他揭多 阿鞞怛囉婆 日嚕跋摩

三摩地 婆鉢那跋那 部折那 薩網那 布

闍睺伽 三慕達囉 窣覓囉拏 三末曳 吽

鳴聲 振鈴

法師想種種衣服飲食茶果如妙寶雲興起遍二十五席一切凡聖之前

助表 我佛如來有獻寶眞言謹當宣誦

唵 薩婆怛他揭多 摩訶跋折嚕 嚩婆摩怛那

波羅蜜多 布闍睺伽 三慕達囉 窣覓囉拏

三末曳 吽鳴聲 振鈴

法師想實色光雲遍二十五席一切凡聖之前

正表 法門無外心用最靈色聲香味觸法之何憑總

別同異成壞而顯現惟一心地成衆妙門此供如

海一滴百川此供如鏡方寸千里此供如金眞色

不遷此供如燈異光同住此供如一片桂月當秋

夜明暗相銜此供如滿足芥子貯晶瓶高低齊現

此供如千珠網光中影而影中光此供如一指禪

是不非而非卽是此供如夢中富貴頃刻百年此

供如天上星辰映帶十面不妨少物卽號多儀冀
用享夫今朝可圓成手法印

主表結禪定印禪神入三昧境界直使華嚴法海無礙現前

助表 我佛如來有法供養眞言謹當宣誦法師仍禪定印二表

同說 呪

唵 薩婆怛他揭多 悟嚩耶 摩訶鉢哩鉢底

波羅蜜多 布闍睺伽 三慕達囉 窣覓囉拏

三末曳 吽鳴聲 振鈴

法師想無邊法界微妙六塵供養聖凡交參涉入一多大小前後短長全入眞宗不堪指著無邊品類悉受靈陶泥澆消校團成一際

主法 此心無外用法則靈虔奉三尊列聖之前普及

七趣當機之衆花飛劍動悉入眞機人影衣香同

遊法鏡悟生死之如幻知菩提之不空聞熏思修

惟此一事開示悟入豈有二因雖聲吾生平之所

欲言乃依佛世尊而無所作同垂護念共慶圓成

一點心期無邊法事鳴聲 振鈴出鎖欄門至已

正表讀意旨助表讀 疏畢主法跪白云上來水陸道場上下堂法事重

周所有功勳悉以同向極樂花嚴花嚴極樂願一

切衆生早發圓根。早聞妙法。身心潔白。晝夜光明。寃對消亡。眷屬隨順。神通迅速。法脈安詳。有願皆從。所作悉辦。飛生極樂。快觀彌陀。凡一念信心。向佛者。皆無苦屈。直達康莊。凡一生起行修行者。全秉中鋒。不落邊際。凡一事發機。衛道者。眞善知識。現其前。不遭魔外。凡一緣偶然入理者。佛威神力。護其命。必獲圓成。我爲衆生。引絲絲而入。扣衆生。因我融法。法而化光。苟有所求。我願善權。方便而滿之。以速其修。苟有所見。我皆慈悲。正直而闢之。以歸於正軌。羣靈同佛。知見各現。緣起皆令還源。於無緣上。先結普緣。於弱緣上。爲生勝緣。於隱緣上。爲示顯緣。於苦緣上。爲轉樂緣。疎者引入於密。緣僞者頓折以眞。緣一切時。一切處。一切財。一切法。我皆與之周旋。而無猜疑。我皆與之警策。而無痕迹。我皆與之作伴侶。而彼不知。但生歡喜。我皆與之作規矩。而彼不越。久成自然。我皆給事。我皆安慰。習氣不挫。我以剛柔二境。而轉移之。愛根難拔。我以逆順二機。而振落之。凡於正法生一敬

心。或於邪修生一愛心。或於天神作一供養。或於魔外作一歸依。不明心地。匆匆往來。空負好心。多沈惡報。我今以此供養諸佛法僧。無量聖賢之力。頓具靈根。悉能圓應。於如是如是之衆生。衆生初事。中事後事。難中夢中。定中示作。熟緣善巧說法。悉達難言之隱。身施無畏之恩。醍醐入心。甘露灌頂。天衣適體。寶鏡當空。必祈佛法僧寶。天仙龍神體衆生心。成今日願。所念衆生。咸令得度。喜隨悲赴。妄盡眞窮。一報終時。決生淨土。其有衆生。願與我同年。同月。同日。同時。生淨土者。必獲如願。必獲如願。空明鏡裏。妙出娑婆。慈愍光中。圓成法界。

振鈴

是日午刻。齋僧以錢代飯。如上法行之。

送聖盤等。皆備列普供案前。○另鈔意旨。編一紙。筆銀箔等。每盤一分。○分疏稿一分。

第七日未刻申刻。有力者作紙亭二十四個。將行願品末卷二十四本。拆開。按亭

內外。加以青黃赤筆。圍點。鈎勒之名。奉嚴安樂亭。最妙。如不用亭。紅亦可也。或紅。依號。焚寶。綵等物。但用一亭。專焚牌。跪以表末後。指示同歸。

時至。主法入內壇。一問訊。我今普觀。盡虛空。徧法界。疑神立。二表排列。問訊云。

一切聖凡同心歸命華嚴極樂極樂華嚴心鏡彌

陀彌陀心鏡三拜起鳴磬振鈴

正表 我佛如來有果願真言謹當宣誦

曩謨囉怛那 怛囉野耶 那謨阿利耶 婆路枳

諦 濕縛囉耶 菩提薩埵夜 摩訶薩埵野

摩訶迦嚕呢迦野 薩縛彌縛 素囉那麼 塞

訖履瓶 三麼三麼 努跛囉 布囉嚩 三麼

件陀縛婆桌瓶 伽耶那弭鉢第 目底跛囉陛

惹曳弭惹曳 迦野轄摩闍播娜野你 彌囉跛

摩闍沒致陀弭輪陀你輪陀野 薩縛憐訖 誡

多鉢第 鉢頭摩弭輪陀你 莎縛訶鳴磬振鈴

法師想我及九法界聖凡咸於佛境無有退轉咸於佛土隨願往生同我願者一一成就我於衆生起種種願

拔諸異苦引入菩提學竟從心一一成就六道鈎鎖學竟皆空蓮華品地分明顯現

二表 種種加持已竟重重發願已周最後拈香歸命

一佛

鳴魚同誦 南無花嚴安樂世界光明無礙阿彌陀佛

佛名云 四十八聲鳴磬振鈴

正表 修建法界聖凡水陸大齋普利道場七日圓滿

具有疏文謹當宣讀

主表同跪正表讀意旨助表讀疏畢起立鳴磬三拜問訊

二表包疏文上加牌位下襯紙緞黃紙裏之兩頭用紅紙銀箔條繩之插以紅紙率二朵取盤盛之每席一盤

先銀二十四次二十三乃至第一陪席不入盤盤置各席案上

助表捧盤者入二十四人依次而入問訊二表排之

十四最後乃付第一

正表 至心歸命請十方法界諸佛法僧助表常拜住

起 三問寶鳴磬振鈴

助表 值樂師開靜八人在欄外

先一香燈出領路次提攝次二十四燈次二十四盤次二十三盤次二十三盤乃至第二盤次第一盤次提燈

次四盤至外壇繞三匝入中門

樂樂隨爐不入二樂表排盤主法問訊止

正表 值樂師頂禮 八人入門左右各四一字立齊三拜畢問訊仍出外壇門至他處稍歇

助表 執事人頂禮香燈及提燈提攝提燈 八人入門頂禮如上 各一班一

八人一起 依次禮畢

正表 四衆頂禮 大衆八人一班 鳴磬三 依前法頂禮畢 聲垂簾

助表 聖凡戾止 四衆無諱謹誦真言用昭清淨 乃留 四人

嚴魚念
大悲呪

法師表白至判官奉請天府功德司判官中界功德

案問訊 二表云 司判官地府功德司判官上堂文寶司判官下堂

文寶司判官上來修建水陸道場七日圓滿具有

牒文謹當宣讀正一 ○ 畢連文疏齊殿 ○ 主法問

訊表白 周訊 退

香燈大門外排列缸二十四隻鑿定散者置缸外依席

各具金銀元寶若干皆滿十分為一缸均標席數使人

守之入白主法乃鳴鐘鼓主法表白皆入捲簾捧盤

者一一立於盤前面向向呪止表白念摩訶般若波

羅蜜多三稱 ○ 若有一亭則牌疏外亭

問訊少停 ○ 缸環於外燈再繞外列

正表南無一乘常住三寶三拜疏 ○ 主法三

云 助表稽首薄伽梵圓滿修多羅一乘菩薩僧慈悲咸

攝受上來修建水陸道場七日圓滿有疏披宣三

寶光中希垂朗鑒

正表讀意旨助表讀疏 ○ 此另用鈔 ○ 捧盤者

舉鳴磬振鈴同起三拜 ○ 稱讚之也 ○ 捧而立

正表一切法無生一切法無滅若能如是解諸佛常

現前一會凝然光風自在十方宛爾法界圓成惟

聖人尊居常寂本絕去來俾凡倫悟徹真歸豈無

方便資之法力被以佛光左提右挈而優容三根

利鈍之倫後進前趨而盡入九蓮微妙之品速歸

淨土圓悟真宗親近果位彌陀願證華嚴法界常

與三生新眷屬齊來大會普光明

助表 我佛如來有奉送真言謹當宣誦

云 助表 摩訶羅 穆羯叉 目嚩

正表 上來修建法界聖凡水陸大齋普利道場七日

圓滿奉送聖駕雲程大眾一心念佛引導

助表 值樂司奏樂八人齊

云 助表 值樂司奏樂八人齊

主法 折以上問訊盤次第出排班次如前緩緩而行躬

同 缸前盤依號而住 燈立缸外面少停

表 主法面向外 表白唱佛讚

同 香光利海 一極真宗 十方全現寶王宮 往

復度羣蒙 大願無窮 心量滿虛空

主法 視二十四缸舉香燈一人收大幡一人挾次引火

正表 歸依佛歸依法歸依僧歸依佛法僧三寶已竟

上來修建法界聖凡水陸大齋普利道場七日圓

滿煉疏化財無限良因恩周沙界和南聖衆

主法向外一問訊先入二表隨之香燈視火畢乃入內壇事凡內壇陳設須敬謹存貯焚陪位疏綴於壇下

內是日演瑜伽儀口○若長久因緣可將正薦最要人名至亥正收陪位牌○改騰陪席以便永遠侍法會也

法界聖凡水陸大齋普利道場性相通論卷第八

法界聖凡水陸大齋普利道場性相通論卷第九

淨業行人 咫觀 鄭應房

像式并讚

第一席從第一席至第十一席皆頂有圓光金多而彩少

式 中畫一大佛用淡金為身淡彩為衣淡銀為頂光身中身外顯現無量佛身佛剎胸前特現一佛稍大坐千葉蓮花一一葉中有佛一尊

讚曰

浩浩乎慧海全無邊煌煌乎智炬全無煙蕭蕭寥寥乎笛無孔而琴無絃層層密密乎似與一切剎塵塵剎融通念劫回轉而周旋又無柰其無頭無尾無情無性無色無空無正無偏喚作十身靈相

也徒然不是凡人不是仙

第二席

式 分三層第一經軸第二律軸第三論軸 經十部二分列中加一部上題大方廣佛華嚴經律分大小兩乘論分宗論釋論旁加雜藏如呪儀等及西天東土聖賢撰述

讚曰

豈有身乎 而陪上席 法筵健將 君為第一 佛佛之師 聖聖之母 癡人無慧 索之空有

第三席

式 分三層上菩薩中辟支下羅漢旁加一切在家有道之像男女老少不拘以表勝義僧也如羅李諸家

讚曰

天衣瓔珞 富貴聰明 貪喫小果 稍欠精神 中間有人 如麟一角 別有僧焉 勝義超卓 第四席

式 形狀各別有送經取經譯經校經誦經講經者有苦行者有運通者有行法者有救苦者或指月

形或入山形或行脚或繞塔或坐禪或持呪或禮拜懺悔或念佛往生

讚曰

八部佐天 六卿治世 苦矣凡流 聖哉開土
星羅碁布 冷然寶心 依真而住 無有古今

第五席

式 分兩層上有池水蓮花一佛二菩薩坐花臺上
有九人跪花中聽法天樂靈禽圍繞下有十方衆
生臨終之相先列四衆後及異類一一頂上有一
線光光中蓮花花中一人跪而合掌頂有圓光向
西往生西有一佛二菩薩立像殷勤接引佛眉間
光五轉之後分百千萬一一光中皆攝取往生之
衆不可悉數

讚曰

九蓮花裏一童眞 一一童眞共一因

聞說眞靈無二路 不煩仙訣度長春

第六席

式 依華嚴世主種種各別而畫之 點綴生動布

景確切爲佳此席像多宜細心描寫

讚曰

尊天富貴 大神聰明 寶威靈耀 罄寫生平
求其來處 了不可得 遇著善財 作善知識

第七席

式 畫種種仙人形像頂上皆有佛圓光以入佛境
界故也

讚曰

回心一脈 前妄勿貪 冷冷策進 全現家山
百億日月 但一塵寰 極目無邊 何處仙班

一一世界 作我瓊環 來歆法供 鏡影飛涵

第八席

式 此雖歷代儒宗然須有神韻莫作腐儒形腐儒
是下堂人類所收非此席也頂上有金色圓相蓋
充實而有之光輝也

讚曰

誰知其樂 空歎賢哉 執理與事 兩墮輪回
輪回二字 不須提起 深入法界 欲無言矣

第九席

式 諸大明王皆忿怒形極可怖畏。或佩人頭數珠或四頭八臂青

身赤亦有善女天或文或武皆極解脫有威光各

分部局眷屬圍繞

讚曰

忿怒吉祥 英雄叱吒 慈悲圓滿 天女變化

一佛巍巍 天上天下 回轉從心 剛柔八卦

第十席

式 或甲冑或衣冠或平或奇有男有女或天仙神

韻或鬼神威嚴一一具多眷屬

讚曰

隱身環衛 眷屬孔多 分途變化 鏡影不譌

金城湯池 佛國無魔 立功何處 自性彌陀

第十一席

式 人王宰官比丘學士各有經營圖度之意人王

梁代衣冠宰官學士宋代衣冠王一二官三四比

丘十餘人各有眷屬

讚曰

佳哉法會 卽今凝然 英華吐露 飛過九天

香雲寶雨 齊赴法筵 蓮華欲語 化鳥無冤

第十二席 自此以下頂上無光金少彩多身非金色衣中略帶金耳

式 三界天中空極淡色極清欲極華唯欲界有男

女君臣文武色皆禪定空若魂靈隱約白衣而坐

也色天白色如銀面目顯露

讚曰

天邊人語 不隔絲毫 依依一堂 精神更超

化工化工 天然不消 幾人錯過 嚙語刀刀

第十三席

式 無量仙形有男女老少師徒之象或旁觀龜鹿

白鶴靈芝有丹竈烹煉運氣吸日月光華書符持

劍鳴琴賦詩杖桂葫蘆身棲岩石種種形

讚曰

雲中君耶 山上人耶 執此妄影 羣號真耶

與佛齊稱 乃轉輪耶 不凡不聖 實之賓耶

第十四席

式 夜叉龍樂神蟒神疑神金翅鳥鳩槃荼羅刹八

部天修羅分開劣八部亦
入鬼道或兼人旁生道

鳥龍鱗等頂上畫本相
影子疑神有一角夜又飛羅利猛鳩繫茶醜樂有

器

讚曰

龍鳥鱗疑神 樂部音樂作 羅利鳩繫茶

夜又更卓牽 主臣男女衆 一一威神略

神威滿太空 此事可斟酌

第十五席

式 有初感輪至者有升空欲動者有空中降下環

衛森嚴各邦長服者有正在空中飛者輪相前導

王儀仗次之餘寶悉備

讚曰

飛行人主 曾莫予違 十善調暢 靈馭芳微

重重國土 多少心機 一齊轉動 候佛指揮

第十六席

左 雖亦人形然神色間如有感通之象又非神通

變化也精華未吐神彩欲飛斯爲得之

讚曰

身面言說 一機抽六 蝎角生生 誰爲家國

可憐蟲子 飛其神脈 一念入微 光中蒙福

第十七席

式 修羅男醜女美王帶雄猛形莊束武多文少間

有現本相三頭六臂者間有儼然現作天人者女

皆天身像

讚曰

忍心一發 勝境圓開 不入天品 爲挾風雷

水自不動 山自轉回 鏡影空花 閱境知歸

第十八席

式 雖作人形聰慧中少正直之氣象以習氣未能

一時化盡故也然其中間有一二正直氣象者以

良馬見鞭影故也

讚曰

幻中無孽 卽是道人 靈因具足 勿犯風塵

風火不常 通力非真 眞存妄盡 別有精神

第十九席

式 人天形中清雄濁劣不一而面目衣裳多含青

色以表來路足矣不可畫作鬼

讚曰

劣於品 苦於身 陰風颯颯 欺我性真

真常不受欺 果錯由於因 速疾變化去

同作光明輪

第二十席

式 入天形像衣兼雜色而紅多面目亦然其神明

猶少靈機也

讚曰

釋迦大龍王 前身狗而白 今作天人師

威靈涵佛國 蛤也而天 能也而淵

變化不變化 筆墨是雲煙

第二十一席

式 人天形像衣及面容黑多白少以表來路甚苦

以傷害初除痛習未遠故也然中亦有卓犖不羣

者如兜率天人新出阿鼻即超凡入聖教百億人

天證十地金輪位也

讚曰

玲瓏地獄 如琉璃瓶 一一芥子 全是真靈

一朝破空飛出 同入遮那戶庭

我聞古昔阿鼻衆生 生天證道教化衆生

齊得金輪位 卽今點點飛動猶如星

第二十二席

式 人天形像面目依稀衣裳淡白神情飄動似無

所依似有所依

讚曰

何堪輪轉 未涉死生 乘緣入會 鏡影鐘聲

光音破惑 打落無明 時哉時哉 昏散同清

第二十三席

式 雜然文武鬼神亦兼男女貴賤旌旗環珮符印

僕馬精神靈妙各別而皆現快利之相

讚曰

點綴虛空 星幢來往 不見其身 令人可想

此中妙機 非伸非縮 當官而行 何曾離局

第二十四席

式 煙雲中似有騎龍跨鶴乘輿步空飛行凝立之

相皆眷屬圍繞。面目依稀以聞法受熏。未可預定其報之優劣也。嗚呼。金鎔於爐。誰為其模。

讚曰

縱橫普遍 偶露一星 撥開塵點 法界空靈
孰親孰疎 佛眼垂青 請君直往 安樂門庭

第二十五席

式 多畫正面。多畫全身。常依法會。身心善良。漸露圓滿光明之象。

讚曰

綺交脈注 非生非佛 一片靈機 佳哉鬱鬱
中有點者 點睛飛空 助我經綸 救此羣蒙

牌式

- 第一席十牌 ○十身靈相法報化一切佛十牌皆然
- 第二席十牌 ○十千微妙過現未一切法同上
- 第三席十牌 ○十万雲集種種乘一切僧同上
- 第四席十牌 ○十宗諸祖師僧大善知識同上
- 第五席十牌 ○十方往生淨域諸上善人同上
- 第六席十牌 ○十刹塵蓮花藏妙嚴世主同上

第七席十牌 ○十方入佛境界寄位仙人同上

第八席十牌 ○十方入佛境界一切儒宗同上

第九席十牌 ○十大明王十方示現女天同上

第十席十牌 ○十刹飛身重重護法諸神同上

第十一席十牌 ○水陸本宗歷代諸善知識同上

以上上堂竟

以下下堂列位

第十二席十牌 ○十方無量一切天上真靈十牌皆然

第十三席十牌 ○十方無量諸仙列派真靈同上

第十四席十牌 ○十方無量勝劣八部真靈同上

第十五席十牌 ○十方無量四種輪王真靈同上

第十六席十牌 ○十方無量一切人類真靈同上

第十七席十牌 ○十方無量阿修羅部真靈同上

第十八席十牌 ○十方無量別別成就精靈同上

第十九席十牌 ○十方無量得脫鬼趣之靈同上

第二十席十牌 ○十方無量得脫旁在之靈同上

第二十一席十牌 ○十方無量得脫泥犁之靈同上

第二十二席十牌 ○十方無量死生中有之靈同上

第二十三席十牌○此一道場十方有職諸神同上

第二十四席十牌○此一道場正度列位真靈同上

第二十五席十牌○此一道場部位一切真靈同上

唯二十四席二十五席每牌居中大字外可詳開

正陪人名而小字書之總別同異成壞能全現於

一毛端也寶王刹開法輪大轉亦生平之快事矣

附水陸道場附申文疏式

水陸內壇法事沙門謹疏三寶龍天一切真靈座下

伏以道場無礙衆願環興既集所長必除其患稱性

而周法界從心而作功勳既有感而能通故據情以

上達今有道場隨喜善信下列人名及所求心願仗三寶力冀

得如願云云某等既受來詞理合增疏上慶慧鑒真

慈朗耀徧燭昏衢法位常安永孚衆志合十方大悲

神聖之力救衆生心中苦惱之緣所缺皆圓所黏皆

脫生者蒙福故者超登萬苦長離一真圓現所有下

情伏惟周密護持以滿道場全量謹疏

年月日具疏水陸道場法事沙門 押

檀 越 押

籤上寫水陸道場佛法僧寶

水陸道場各家附行韻口意旨式

水陸道場秉教奉行法事沙門伏以從心現業即一

即三破妄顯真誰升誰降爲衆迷之不悟故諸佛乃

降臨慧啓無遮光照有赫接引之緣將熟變化之用

彌多篤奉真言恪遵儀軌普施斛食全濟含靈今有

下列人名及所求心願仗佛恩靈使彼超度悉皆如願云云某等既

受來詞理合如法據情上達伏願生存蒙福亡故超

升衆苦全離一真圓現彌陀心鏡不隔絲毫極樂蓮

花全通消息

年月日具

籤上寫水陸道場佛口意旨

法界聖凡水陸大齋普利道場性相通論第卷九終

法輪寶懺緣起

將欲建明幢以持世提快劍以祛邪必先知正法淺深方能破羣生執著南北兩藏行世已久古今書來彼此號殊今所存明之梵夾藏其目尙嚴而不能無謬明季書本藏稱名不備續者蓋登滔滔不絕直至本朝

憲皇帝董而理之乃收奇黜妄整頓一新竊以二百年來 國家英靈之氣感十方應化映現其間扶正醫廷扶翳破陋亦有可埒之書若干矣目錄之學在釋藏者以知津爲近所陳要義本自可觀但記號糾紛是其所短諸家入禪門戶見存新埒子目書少而例多亦不必也今依其前次融其殿軍以作水陸道場檢藏之功能姑寄懺儀備諸名相與下堂列位十方隨喜種此善根金剛不壞

同治癸亥金水年月日時雞園執事咫觀記

例言

一標目在末未有發明義門五時言未盡善今用南北藏之舊規而稍帶知津之條例一華嚴次方等顯次方等密次般若次法華次涅槃二阿含三大乘律四小乘律五西土釋論六西土宗論七東土大乘論八小乘論九密意十新書

一不用禪藏呪藏等名鎔歸三藏而顯密大小東西前後綱舉目張唯重譯無奇外道論疑僞經皆當標注以示簡要今懺師等閱藏不迷也

方等即方廣十二分教唯此一分不通小乘則華嚴以下一切經皆方等攝也但實積大集爲類無多可以融華嚴法華涅槃般若類多區別故別標之古德所謂彌被大機名華嚴融通空有名般若開權顯實名法華扶律談常名涅槃其不在四例者

一凡低二字皆須跪諷起立問訊此次第暫依智旭校嚴是也陪正之間更當明審揭出

懺儀

行人從禪定起從容入堂三稱南無花嚴海會

佛菩薩問訊

一切恭謹一心頂禮花嚴法界圓融二寶拜觀

顯現自在力 為說圓滿經 無量諸衆生

悉受菩提記

願此法音雲 充滿十方界 衆生心鏡啓

一一寶莊嚴 具足光明力 成就如來身

我此香華徧十方芬馥開敷咸第一引申周滿

於法界化為微妙之法雲重重寶韻無有窮即

心即身即世界身界涉入種種念一一映現光

明幢世界種及世界海吉祥回復成輝華靈心

普照於十虛不見娑婆見海印森羅萬象具一

體星宿炳現衣裳中文理宛轉萃成章方便成

就衆慧命

供養已一切恭謹拜觀

一心奉請大方廣佛新華嚴經拜觀

法界圓明情量破盡一乘不共無礙境界 世

主妙嚴品第一佛在道場成佛二世間主悉集

各得解脫上首各說十頌師子座莊嚴具各出

菩薩與供養雲說頌 如來現相品第二菩薩

於供具中出問法頌佛放齒光照億利海出頌

集衆眉光顯示還入足下大蓮花現前佛毫相

中有一切法勝音菩薩與微塵眷屬坐此蓮華

與十方菩薩說頌 普賢三昧品第三普賢入

一切諸佛毗盧遮那如來藏身三昧諸佛現前

摩頂與智從三昧起大衆獲益如來毛孔放光

讚頌一切菩薩亦皆讚請 世界成就品第四

普賢說世界海十種事 花藏世界品第五普

賢說一切世界海中諸世界種刹名佛名 毗

盧遮那品第六普賢說往古大威光本行 以

上第一會

如來名號品第七佛坐普光殿以通力集十色

世界十智佛之十菩薩文殊唱名號差別法門

四聖諦品第八文殊說刹刹稱四諦各異名

光明覺品第九佛足放光照十方利一切處
文殊說頌 菩薩問明品第十文殊與同來九
人問答發明法要 淨行品第十一智首問文
殊答以一切事中發願法門 賢首品第十二
文殊問賢首菩薩廣頌信心功德法門 以上
第二會

升須彌山頂品第十三如來不離道樹昇帝釋
殿 須彌山頂上偈讚品第十四法慧等從百
塵利外十華世界十月如來所來佛放足指光
法慧等各說頌 十住品第十五法慧入無量
方便三昧同名諸佛現前摩頂出定說十住法
梵行品第十六正念天子問法慧說觀察無
相法 初發心功德品第十七法慧答帝釋問
十方利動同名佛現身讚歎 明法品第十八
精進慧問發心云何修習法慧言住十種不放
逸 以上第三會
升夜摩天宮品第十九佛不離道樹釋宮升夜
摩 夜摩宮中偈讚品第二十功德林等從萬

塵利外十慧世界十眼佛所來佛放兩足光說
頌 十行品第二十一功德林入菩薩善思惟
三昧同名佛現前摩頂起定說十行 十無盡
藏品第二十二亦功德林所說 以上第四會
升兜率天宮品第二十三佛不離道樹須彌夜
摩而升兜率 兜率宮中偈讚品第二十四金
剛幢等從萬塵利外十妙世界十幢佛所來佛
放膝光令十方互相見十幢菩薩說頌 十回
向品第二十五金剛幢入菩薩智光三昧同名
佛現前摩頂起定說十回向 以上第五會
十地品第二十六佛在他化金剛藏入大智光
明三昧同名佛現前摩頂出定唱十地名解脫
月請一再止之大衆同請佛放眉間光照十方
諸佛亦放眉間光照虛空中成光明網臺出
頌勸說乃宣地義 以上第六會
十定品第二十七佛在普光明入諸佛剎那際
三昧普眼問普賢三昧佛令自問普賢大會入
種種三昧不見普賢佛教禮普賢觀十方發大

願普賢乃現身雨十千雲。世界震動佛自唱十
大三昧名令普賢說。十通品第二十八。忍
品第二十九。皆普賢說。阿僧祇品第三十。心
王問如來答。壽量品第三十一。諸菩薩住處
品第三十二。皆心王說。佛不思議法品第三
十三。佛加持青蓮華藏菩薩說。如來十身相
海品第三十四。普賢說九十七種大人相。如
來隨好光明功德品第三十五。佛告寶手菩薩
將下生光照地獄化生諸天證十地。普賢行
品第三十六。瞋心能障普賢勸修十法。利海兩
種種雲同名菩薩作證。如來出現品第三十
七。佛白毫光普照十方。右繞入如來性起妙德
菩薩頂菩薩。即問大法。佛口放光普照十方。右
繞入普賢口。普賢身座增勝。唱法門名大地震
動。再問再答。同名佛現前讚歎。同名菩薩作證
以上第七會

離世間品第三十八。佛坐普光明普賢入佛華
莊嚴三昧。諸利十八動。出定與普慧百千問答。

諸佛現前讚喜。以上第八會

入法界品第三十九。佛在園中。菩薩聲聞世主
俱入。師子嚙申三昧。樓閣莊嚴。十方雲集。普賢
入佛神變海方便門。出生大神變莊嚴雲。文殊
觀察說頌。菩薩得無量大悲門。不離佛所。普救
十方文殊。南行舍利弗等六千人。見此勝事。隨
逐南行。至福城東住娑羅林大塔廟處。文殊見
優婆塞優婆夷童男童女及諸龍衆。最於善財
策發甚深。令親近善知識。主件重重。還歸本際。
再見文殊。乃至普賢說偈。冷冷盡未來際。以
上第九會。皆唐于闐國三藏沙門實叉難陀
譯

一心奉請大方廣佛華嚴經入不思議解脫境界普
賢行願品拜觀
就八十卷新華嚴經之入法界品而暢言之。開

示詳明淨除流弊。唐屬賓國沙門三藏般若譯

一心奉請大方廣佛華嚴經雖前譯而未備佛說兜沙經即
來名號品光明佛說菩薩本業經即涉行品諸善
覺品之少分

薩求佛本業經同菩薩十住行道品經即十住品佛說

菩薩十住經亦即十住品漸備一切智德經即十住地品十等日菩薩所問三昧經一名普寶菩薩定意經即十

定品顯無邊佛土功德經即壽量品佛說校量一切佛利功德經亦即壽量品是不佛說如來

與顯經即如來出現品度世品經即離世間品而佛說羅摩伽羅入法界品中無上勝長者至善救衆生大

方廣佛華嚴經續入法界品從天主光至德生有德普賢菩薩行願讚即行願品中偈中有速疾滿善賢行願陀羅尼文殊師利發願

經略如行願偈○拜觀而是五言同上

第一種東晉天竺三藏佛陀跋陀羅譯二後漢支婁迦讖三吳優婆塞支謙四西晉清信士聶

道真五西晉沙門竺法護六東晉沙門祇多密七竺法護八鳩摩羅什佛陀耶舍九竺法護十

唐三藏法師玄奘十一宋中印土沙門法賢十二二十三竺法護十四乞伏秦沙門釋聖堅十五

唐中印土沙門地婆訶羅十六唐北天竺沙門大廣智不空十七東晉迦維羅衛國沙門佛陀

跋陀羅

一心奉請大方廣如來不思議境界經及大方廣佛華嚴經不思議佛境界分拜觀同上

前實又難陀譯後乃唐于闐三藏法師提雲般若譯前通後澀佛成道諸佛現菩薩形現聲聞

形現比丘尼八部神等佛入三昧名不思議解脫境界相中現衆利好中現本事德藏問普賢

說三昧名義佛放眉間光有功用菩薩皆見毛塵中佛依正亦見各在諸佛前供養聞法入

三昧

一心奉請大方廣佛華嚴經修慈分拜觀同上

提雲般若等譯佛在鷲峯十方梵天集佛爲彌勒說慈心妙觀法門

一心奉請大方廣入如來智德不思議經及度諸佛境界智光嚴經佛華嚴入如來德智不思議境界

經拜觀同上

一實又難陀譯二附三秦錄三隋北天竺沙門闍那幅多譯佛住法林菩提光明宮殿諸比丘

利塵菩薩不可說八部俱文殊問伏一切諸蓋
菩薩演說如來不思議法信者當得種種三昧
及陀羅尼第一唐譯二三隋時先譯文不如

一心奉請大方廣普賢所說經拜觀同上

實又難陀譯佛在神力所持處普賢大眾圍繞
有十大菩薩與眷屬忽集衆問何來普賢教入
定觀察竟不知三番請普賢示以法皆見在如
來身中廣大國土佛道場內來集

一心奉請信力入印法門經拜觀同上

元魏南天竺沙門曇摩流支譯佛在普光殿文
殊問清淨初地法佛以六十餘種五法答次問
普賢云何如來無障礙智無障礙身再問乃答
答已較量疑信功德罪過之無量

一心奉請大方廣總持寶光明拜觀同上

宋中印土沙門法天譯佛在鷲峯無量大菩薩
俱普賢與佛問答法界深義妙吉祥問寶光明
總持法佛令轉問普賢因問覺與覺者之義舍
利弗廣歎菩薩智慧不可敵次有法慧入定受

加出說十住與十住品長行偈頌同普賢印證
舍利弗歎昔未聞佛命廣集諸天請妙吉祥說
法十方地動問答獲益普賢復問如來大悲之
義復請如來說寶光明總持陀羅尼舍利弗問
妙吉祥妙法住世幾何妙吉祥問佛持經誘經
福罪普賢問持經者當生何土又問云何得此
寶光明總持法佛答一法不起殺意又二法離
瞋善誘阿難問佛聞經處佛又爲普賢說偈二
卷有餘與華嚴賢首品偈略同

一心奉請大方廣圓覺修多羅了義經拜觀同上

唐罽賓沙門佛陀多羅譯佛在淨土說十二菩
薩問圓覺境界如來一總三別重重開示性相
圓明頓中帶漸在華嚴峻嚴之間

一心奉請大寶積經拜觀同上

三律儀會第一

初二會菩提流志譯佛在耆闍崛坐大蓮華與
大眾俱因迦葉問佛答求佛智慧力無畏無少
法可得無依倚種善根乃至備明執著過患明

法滅人天悲歎等事。又明在家菩薩種種三法。無邊莊嚴會第二。

無上陀羅尼品。佛住迦蘭陀無邊莊嚴菩薩問微妙法。佛說如來智善巧。宣說清淨隨根成熟平等了知法。皆假法亦無施設。皆真勝義。以清淨誓攝衆生。無著說法。門陀羅尼句及其理趣差別智。慧善巧。出離陀羅尼品。說佛十力及陀羅尼二章。清淨陀羅尼品。佛以通力令衆會見十方佛。聞其說法。次說四無畏及十四呪說頌竟。勸持結益無量辯才菩薩。請問結名密跡金剛力士會第三。

竺法護譯佛遊靈山比丘菩薩天龍八部俱密跡稱歎方便智度。寂意請演如來祕要。如來亦勅之密迹。誠衆勿恐。寂意入定散華。密跡引古帝釋。化仁良蟲。以身救民。明身祕密。次述寂然梵志。答樓夷仙樹葉多少之數。次說心密地動兩華。雷音運通。以天樂讚法門。禮佛傳雷音佛命。衆會問密迹。夙因佛言千佛探籌。樓由最後。

法意法念二弟一願作金剛侍衛千佛一願作梵天勤千佛轉輪密迹。卽法意也。次說行佛道業三十二事。寂意復問三密密迹。先說身密引應持菩薩不見佛頂事等。次說口密引目連窮佛音聲不得邊際事。及說呪二十二首等。次說心祕要現瑞獲益及地裂出水高灑世界復說如來苦行嚴道樹降魔受供轉法輪佛印讚之寂意復問寂然淡泊義。佛答之欲知密迹何時成佛。佛爲授記密迹。請佛於曠野受供佛於毗沙門宮。應病演法。又爲四王說十法八法六事四事二事爲密迹。說菩薩十事無瞋八法無恐四事自在四事入法門八法致開士行密迹。宣呪諸天偈歎佛返靈山。闍王來見密迹。以金剛著地。王及帝釋目連不能舉。爲王說十大法得大力并仁和八法往來周旋四法又答世王信坐之問。答賢王天子寂然之義讚其從阿閼國來入法室。總持密迹。請佛建立法典。佛周觀四方說偈建立并述往事以結成之。

淨居天子會第四

竺法護譯佛住靈山菩薩比丘俱佛食後入三昧震動大千諸天來集金剛摧天子問法佛說菩薩百八夢相偈明菩提心無退轉衆生行不恩議諸天人得不退發菩提心或捨除罪過徑登補處

無量壽如來會第五

流志譯佛住靈山與大比丘俱普賢文殊彌勒賢護來集阿難問佛光希有之故佛爲說四十八往昔願今成無量壽讚極樂依正之妙勸發願往生

不動如來會第六

流志譯授記莊嚴品佛在靈山舍利弗問菩薩修行被精進甲佛舉不動菩薩宏誓答之佛利功德莊嚴品明妙喜世界諸莊嚴事 聲聞衆品明不動國聲聞多 菩薩衆品明菩薩多在家者少魔不爲擾 涅槃功德莊嚴品明不動佛法住久遠 往生因緣品明善根迴向生

彼國

被甲莊嚴會第七

流志譯佛住迦蘭陀無邊慧問法次問大甲胄佛具答之初一番長行偈頌列諸甲胄名二明甲胄無相無名不可壞三乘於大乘四住八正道五發趣攝取正道法六一一慧爲先導七隨入一切法饒益衆生八引古旃檀香光明佛時一切義成轉輪王能求此法已成超無邊境界王佛九得法光明不墮諸見十答勝慧問明無所行而行十一勝慧誓願持法十二佛讚成之并言徧照佛時勇猛軍轉輪王聞法受持成無邊精進光明功德超勝王佛次答無邊勝問明無住而住爲如理住次答無邊慧問明無所安立發趣之義又說月燈王佛時雲音無邊音聞此法門皆已成佛精勤修習當得一切法海印三昧能攝阿字等諸三昧印又說超過須彌光王佛時勇猛軍勇猛力受持此法皆已成佛一名無邊辯才一名最勝光明次有慧義歎法希

有

法界體性無分別會第八

曼陀羅仙譯佛在園中與比丘菩薩天子俱寶
上天子念請文殊說法。佛命說法界體性。因緣
文殊舍利弗互相問答。五百比丘得無漏心。復
明無縛無脫。二百比丘不忍而去。文殊化作一
比丘。與之問答。令得無漏。又與阿難明有增上
慢。無增上慢之義。次答寶上明菩薩六度四念
清淨如實受記。次明菩薩自在諸天發心。世尊
讚印天子與文殊發明不生自在等義。五百菩
薩得記。次授寶上記。波旬與眷屬來佛。以神力
令問文殊。修畢竟行。善知方便。行般若。若義文殊
答之。又以神力令魔變作佛形。說於佛法。五百
菩薩得無生忍。又變舍利弗為佛身。與魔問答。
比丘斷漏。諸天發心。四方千菩薩乘空來發願
受持守護。佛亦放光守護。

大乘十法會第九

佛陀屬多譯佛住靈山五百羅漢無邊菩薩俱

淨無垢寶月王光問大乘義佛答十法一信成
就二行成就三性成就四樂菩提心五樂法六
觀正法行七行法慎法八捨慢大慢九善解如
來祕密之教十心不憍求二乘

文殊師利普門會第十

流志譯佛在靈山大衆俱無垢藏等九萬二千
從普華佛國來此界他方菩薩雲集文殊請說
普入不思議法門佛說二十八三昧一一頌之
又說十四種三昧名及功用

出現光明會第十一

流志譯佛在靈山與大比丘補處菩薩無量大
士俱月光問修何業能得決定光明等一切光
明佛五言偈答光七言偈答用四言說月光本
事次偈說此經愛樂不愛樂功罪差別及受持
功德次偈明昔求經及未來事次明八十種善
根成就光明八十種法成無礙解脫月光讚願
佛笑放光彌勒問佛摩月光頂請佛城中食佛
現神變空中說法說呪受供說施有八十種勝

功德欲成陀羅尼者當遠離八十種人

菩薩藏會第十二

流志譯聞化長者品。佛室羅後安居竟遊摩竭陀。鷲峯賢守長者讚問捨家因。佛答觀十苦十惱十稠林十毒箭十愛十邪十不善十染汚十縛長者。請法佛說根塵蘊界因緣。無我不實長者。法眼淨次說一切熾然長者證羅漢。金毗羅天授記品。護城藥叉金毗羅供佛眾神奉僧。佛授藥叉記藥叉嚴道隨至鷲山阿難敷大座。目連集迦葉等來會。試驗菩薩品。舍利子問菩薩法。佛答以菩提心及備信欲。如來不思議性品。詳述佛十不思議法。一信不思議。身二音聲。三智。四光。五尸羅。及等觀六神通。七力。八無畏。九大悲。十不共。四無量品。說大願。佛昔爲精進行童子。說大慈等四波羅蜜。陀那波羅蜜。多品明。五十種清淨施。三十種妙功德。尸波羅蜜。多品明。身口意妙行。十極重深心。十發心。獲人間天上四廣勝處法。及種種四法次

明五十清淨戒。最勝眾佛時得念菩薩常修梵行。成娑羅王佛。次言於衆生起父母想。訶欲。屬底波羅蜜。多品明。畢竟非畢竟忍。毗利耶波羅蜜。多品明。十障礙不應隨轉。開菩薩藏三業精進。又在家出家菩薩。各有五減損法。次說律儀童子法行。比丘精進行。靜慮波羅蜜。多品明。菩薩依四禪發五通。遠勝二乘。及得種種定。般若波羅蜜。多品明。四十一法。趣入閒相。起正行。方便如理作意。證入如理句。如理正觀。十種善巧。次明妙慧。及到彼岸義。五番十種功德。大自在天受記品。結前大蘊。如來爲精進行童子。說四無量六度。四攝法。不授記。次值寶性。如來轉名。善慧長者。不得記。值放光。如來轉名。迷伽。儒童。散華布髮。受記得忍。即釋迦前身也。那羅達多長者。發大心。與妻子眷屬。樂工十千城中人。興大供。立大誓。佛現通授記。及勸受持。

佛爲阿難說人處胎會第十三

流志譯佛在園目連阿難起定與五百比丘來見佛說入胎因緣胎中三十餘生長相貌出胎七日後所生八萬戶蟲名明五蘊無常苦無我我所阿難法眼淨比丘漏盡意解

佛說入胎藏會第十四

義淨譯度難陀出家令見天宮地獄爲說入胎住胎出胎之苦三塗劇苦教修四念處申重說偈難陀證果大衆問往因佛爲具說

文殊師利授記會第十五

實又難陀譯佛在靈山與菩薩比丘諸天八部俱向阿闍世王宮現神變爲摧過咎菩薩說大悲法及授道記供畢還山入禪出定衆雲集舍利弗問嚴淨佛利之行佛現通集十方利大菩薩命彌勒敷大法座爲說一法至十法及種種淨行因果結三法願勝不放棄如法修行授四萬菩薩記師子勇猛雷音問文殊何時成佛住何佛利佛令自問文殊深顯第一義諦法界實相之理問發心久近佛說雷音佛時普覆王事

化二十億衆生成佛竟次利莊嚴佛勅文殊說昔願十節佛說佛名普見利名隨順積集清淨圓滿莊嚴勝極樂東光明幢南智上西諸根寂靜北願亦當得此淨利如東方普光常多功德海王佛利佛以神力令大慈見東方利依正莊嚴授八萬四千人記十六人如文殊餘如極樂四菩薩入會文殊令各說一相法門敘十四人問久如成佛佛言甚遠文殊無有疲倦

菩薩見實會第十六

那連提耶舍譯序品佛在尼居陀林遣迦盧陀夷教化父淨飯王淨飯王詣佛品天龍同集王亦來禮問阿修羅王授記品毗摩質多等十一修羅王與多眷屬設大供養得記一本事品迦葉入如實三昧憶久遠劫佛所修諸功德佛說因陀幢佛以恒沙世界爲一佛利清淨莊嚴衆皆正定文殊從東方高威德王佛所來言因陀幢卽釋迦迦樓羅王授記品龍女授記品龍王授記品鳩槃荼授記品乾闥

婆授記品 夜叉授記品 緊那羅授記品 先
疑問次答後設供授記 虛空行天授記品
四天王授記品 三十三天授記品 夜摩天
授記品 默佛知二諦設供授記 兜率陀天得
授記品 推授記不可得但是世諦言說如夢不
實設供授記 化樂天授記品 解一切法實際
無二際而得記 他化自在天授記品 自言尙
不見實何況見際法非可知可識可捨可修可
證而得記 諸梵天等授記品 離分別心淨讚
佛而得記 光音天等得授記品 說照耀一切
法三昧讚佛得記 徧淨天授記品 說超過一
切法三昧讚佛得記 廣果天授記品 說無量
問陀羅尼讚佛得記 淨居天子偈讚品 四百
五十三人偈讚 遮羅迦波利婆羅闍迦外道
品 八千外道求決疑佛說六道受生習氣及對
治外道感悟得記 六界差別品 佛告淨飯王
內外六界假名無來去根如幻境如夢違順中
三種六塵皆具三解脫 四轉輪王品 無量稱

王地天王頂生王皆以無厭足而取大苦尼彌
王以不放逸而成大益勸淨飯王觀一切法無
生陀羅尼門及不滅等六十七法門七萬釋種
得無生忍佛授記皆生安樂世界後成佛

富樓那會第十七

鳩摩羅什譯菩薩行品 佛住王舍竹園富樓那
問多聞不退轉佛答四希有一精進二忍辱三
正道四深心四法生喜心四法得離難 多聞
品 四法集多聞 不退品 四法能不退說那羅
延法師摩訶耐摩陀比丘宏法事次說四法退
失菩提成聲聞乘四法不退一戒清淨二念成
就三勤精進四多聞慧四法利益菩提戒忍進
多聞四法具足色身財物眷屬行慈供佛供法
供僧 具善根品 四法攝一切善忍辱出家頭
陀近善知識 神通力品 放光付囑讚竹園
大悲品 對目連說因中大悲行 合難品 對象
手比丘明衆生性空佛亦不滅 富樓那品 讚
述流通

護國菩薩會第十八

闍那崛多譯佛在靈山菩薩比丘八部俱喜王讚佛觀法界護國安居竟與初學見佛問法要佛言四法能成清淨事一無諂二平等三心念行空四如言而行四無畏法得陀羅尼值善知識得深法忍戒行清淨四功德歡喜見佛聞法捨一切順法忍四法應捨居家利養檀越身命四無悔戒完住蘭若四聖種多聞四調伏行一願值佛二供師長三樂空閒四頭陀忍四法淨菩薩行無瞋能捨不求報不見師過四墮落不敬他背恩求名利詐善四障道一懈二疑三慢四瞋四種不可親近惡知識執見人謗法人貪利人四受未來苦慢智人懷嫉妬於法無信無忍求利四縛慢他世俗定行放逸求利養次偈說佛本生妙行歎末世不如法明八種障說成利慧佛時福饒王子不放逸事

郁伽長者會第十九

康僧鎧譯佛在給孤精舍與比丘菩薩俱郁伽

等十長者各與五百長者見佛問二種菩薩行法佛說在家歸戒布施厭離悔過隨喜勸請募出家供僧眾出家四聖種行頭陀淨戒淨定淨慧問在家地學出家戒佛以五法答施不望報不習欲想學慧行慈修禪不證護法勸他

無盡伏藏會第二十

流志譯佛在靈山菩薩比丘八部俱電德問速成菩提法佛答以五大伏藏貪行瞋行癡行等分諸法寶聚功德聲佛時廣授王欲害無垢比丘事勝生佛時旃陀羅聞法得無生牛聞法得生兜率深明根行難測答月幢無功用智地動雨華

授幻師跋陀羅記會第二十一

流志譯幻師詐言請佛穢處化作道場四王帝釋亦化莊嚴道場幻師驚悔欲攝所化而不能得佛現神變幻師悔過見一切處佛身便獲念佛三昧以偈問答得順法忍阿難請佛加持幻莊嚴七日不滅幻師隨佛至靈山問菩薩速至

道場之行佛說四十三種四法幻師證無生法忍

大神變會第二十二

流志譯佛在園比丘菩薩俱商主天子問幾種神變調伏衆生佛答說法教誡神通三種又問頗有神變能過此耶佛令問文殊文殊答無言說法而作言說一切言變實無所說名大神變舍利弗問商主宿因佛言等須彌佛時淨莊嚴王本事舍利讚文殊文殊示以三種決定義佛又讚商主更爲說大神變商主問菩薩智文殊答之又答四十二問更答種種密意之問菩薩行之問佛答無生忍之問

摩訶迦葉會第二十三

月婆首那譯佛在園比丘菩薩俱迦葉問出家云何學云何行云何修觀佛答持戒念佛出家爲現得果見未來佛二事明沙門四賊及種種過迦葉勸久住佛囑護法迦葉護彌勒佛摩彌勒頂大千震動天勸彌勒更請佛說當來惡以

爲誠佛說智上佛時樂精進菩薩本所修行顯
施功德次明菩薩二十法業四畢定四離薩婆
若四應捨四明瞋罪彌勒作師子吼五百比丘
愧施難消還俗次與如來問答令得漏盡請說
末世詔曲過佛說妙華佛時達摩善法二童子
事勸修沙門二業修禪習誦不應單修供尤不
應以破戒身著袈裟又說光明佛時大精進菩
薩觀佛畫像法門

優婆離會第二十四

流志譯佛住園問比丘菩薩誰於末世護法成
就衆生五十五菩薩承當佛說三十五除罪法
優婆離起定請說決定毗尼佛分別菩薩聲聞
持犯不同勸文殊說究竟毗尼佛又說聲聞菩
薩增上慢相

發勝志樂會第二十五

流志譯佛在鹿苑比丘菩薩俱有障重欲退者
彌勒慰之六十人詣佛悲淚佛說住昔謗法師
諸人發宏誓佛印可彌勒問末世成就幾法安

穩得脫。佛答不求他過。不舉人罪。離廳語怪。各當解脫。捨懈忘離。憤關寂靜。知足是人當解脫。大明無希望。行法施二十利。又二十利。次明末世。過次明慧行菩薩。與初業菩薩不同之相。初業觀利。養過憤。關過二十世語。過二十睡眠。二十衆務。二十明不修行。不斷煩惱。不習禪誦。不求多聞。非出家者。又戲論過二十。及登十種心。能生極樂。

善臂菩薩會第二十六

鳩摩羅什譯。佛在王城竹園。爲善臂說六度。

善順菩薩會第二十七

流志譯。佛在園中城中。菩薩善順。恒以五戒八齋。化人令修六度。四等帝釋試驗。不能令其破戒。偶得劫初金鈴。價過南洲。謂波斯匿王。貧見而與之。王問誰證我貧。佛與比丘菩薩天龍八部。從地湧出。爲作證說三種功德。資糧復說三十二法。能勤修則見如來。王以二衣施之。善順不受。王求以足踏之。轉施貧苦。令得益勸之。見

佛兼爲王說菩薩法門眷屬

勤受長者會第二十八

流志譯。佛在園比丘菩薩俱。城中勇猛授長者。與五百人見佛。問求菩提者。云何學。云何住。云何修行。佛答大悲六度。云何觀身。命財無貪。格教以觀身過患。佛說四十四種觀身。長者得忍。佛爲授記。

優陀延王會第二十九

流志譯。佛在瞿師羅園。比丘俱舍摩夫人供養。佛偈帝女夫人讚於優陀延王。王怒以箭三射。舍摩入慈心。三昧箭還住王頂上。空中王驚悔。舍摩勸見佛懺罪。因問女人過患。佛爲說丈夫種種愆過。王受三歸。作優婆塞。

妙慧童女會第三十

流志譯。佛在靈山。比丘菩薩俱。王舍城長者女妙慧。年八歲。詣佛問法。佛說四十行女發大願。動地。雨華衆變金色。次答文殊問文殊讚之。佛說其發菩提經三十劫。然後佛始發心。女發大

心似三十歲知法比丘衆獲益

恒河上優婆夷會第三十一

流志譯佛在園優婆夷禮足與佛問答佛說第一深義

無畏德菩薩會第三十二

佛陀扇多譯佛在靈山比丘菩薩大菩薩俱舍利弗等入城乞食至闍王宮王女無畏德年十二安坐不起王令起女卽種種訶彈聲聞舍利目連皆被屈又以誓願令諸聲聞得見香象世界放香光明佛次答迦葉須菩提羅睺羅父王問然後下牀禮敬施供同至佛現丈夫身與母月光夫人同受記

無垢施菩薩應辯會第三十三

曇道眞譯序品佛遊園中比丘菩薩俱文殊等八人舍利弗等八人各發勝願入城乞食波斯匿王女八歲與諸婆羅門出城浴天像自說初生七日知三寶功德卽趨聲聞處禮足王亦隨至聲聞品女問八聲聞皆不能答菩薩品

女又問八菩薩須菩提等旣受法食不須乞食遂還女以偈問佛菩薩諸行菩薩行品佛答十八種四法女卽誓行利動雨華天樂鳴變成十六童子此人修行六十劫文殊乃發菩薩心授記品佛爲授五百婆羅門記

功德寶華敷菩薩會第三十四

流志譯佛在靈山開敷功德寶華問持佛名證菩提之義佛說持名功德東無量功德寶莊嚴威德王南功德寶勝莊嚴威德王西一切法殊勝辯才莊嚴北積集無量辯才智慧東南千雲雷吼聲王西南最上妙色殊勝光明西北種種勝光明威德王東北無數劫積集菩提上方虛空吼聲淨妙莊嚴光明照下方一切法門神變威德光明照耀

善德天子會第三十五

流志譯佛在園與比丘菩薩欲色諸天子俱佛勅文殊爲諸天說佛境界平等無數無依無所得次受善德請現大神變往兜率說四種法不

放逸攝一切佛法住戒多聞住定行慧住通起
智住寂常觀。又八種八法。又不放逸。保三樂離。
三苦超三畏。三有離三垢。滿三學。近三寶。離諸
度三障。而獲三件。又三十七品。又光照上方。普
賢利持法炬菩薩來見。

善任意天子會第三十六

達磨笈多譯三菩提流志譯一緣起品。佛住靈
山比丘菩薩八部俱文殊入無諍三昧。震動十
方。利入普光無垢莊嚴三昧。大集十方諸佛來
到佛所。皆入隱身三昧。迦葉舍利弗須菩提入
二萬三萬四萬三昧。求之不見。微相文殊遣化
佛菩薩遍召諸天。開實義品文殊善住問答
文殊神變品善住意先發後。至文殊後發先
至華臺佛菩薩偈讚衆益地動。破魔品文殊
入破散諸魔三昧。魔見衰相恐怖歸佛。次說具
二十法。得是三昧。復有六種四法。菩薩身行
品十方菩薩從隱身三昧起。各現其身。文殊問
菩薩名義。佛答之。破菩薩相品。明初發心義。

無生忍義。超入諸地義。破二乘相品。明真出
家戒行禪等義。慧辯是嬰兒。凡夫得陀羅尼。是
愚癡。凡夫餘智人皆頑鈍。五百比丘誹謗墮地
獄。佛說其出時。速能證入。破凡夫相品。說三
毒及謗性惡法門。神通證說品。文殊入如幻
三昧。爲五百五通菩薩執劍害佛。以除分別心。
入無生忍。稱讚付法品。

阿闍世王子會第三十七

流志譯佛在靈山。王子師子與五百人見佛。問
答說頌。佛授其記。

大乘方便會第三十八

竺難提譯佛在園比丘菩薩俱智勝問。方便佛
答之。明衆尊王菩薩與女人同坐。事樹提梵志
十二年。攝受女人。無垢比丘容女借宿。愛作菩
薩度德增女。阿難讚歎迦葉有空澤大城之除。
次因德菩薩問。說示現八相十惱。方便化衆生。
非有實事。

賢護長者會第三十九

闍那崛多譯佛在迦蘭陀比丘俱跋陀羅波梨長者與眷屬向世尊問疑佛對阿難說長者受樂帝釋不能及唯眞月童子則又勝之於樂光佛時作大法師開示未聞以是法施因緣九十一劫福報長者問衆生神識相貌名義佛具答之眞月問色及欲取見取戒取云何觀佛亦答之大藥王子菩薩問神識從此身移當有何色佛答如幻師火水內人影如風輪如眼見虛空及問答福罪事又答賢問聚集陰移名義

淨信童女會第四十

流志譯佛在闍比丘菩薩及劫賢諸菩薩又殊等六十賢護等十六人兜率天子二萬俱波斯匿王女名淨信問法佛答十二種八法又轉女身二種八法淨信與五百童女得記

彌勒菩薩問八法會第四十一

菩提留支譯佛住靈山比丘菩薩俱彌勒問速成菩提法佛答八法深心行心捨心善知迴向方便心大慈心大悲心善知方便波若波羅蜜

彌勒菩薩所問會第四十二

流志譯佛在鹿林比丘菩薩俱彌勒問幾法離惡道惡知識速證菩提佛答以增一至十法彌勒偈讚阿難歎其辯才佛明十無數劫餘光遊戲妙音自在王佛時爲婆羅門子賢壽悟無生獲神通本先四十劫發心行道由我猛勇精進行二種十法故超之次明彌勒在昔所行善巧方便安樂之道次明見一切義太子施血妙華太子施髓月光王施眼本生苦行次明釋迦彌勒本願不同

普明菩薩會第四十三

附秦錄勸同偏入佛在靈山比丘菩薩俱爲迦葉說菩薩二十種四法又三十二法又如地如水喻又中道眞實觀又菩薩爲眞佛子又畢竟智藥又當來比丘犬逐塊又二不淨心讀外道書畜好衣鉢二堅縛一見二利養二障法一親近白衣二憎惡善人二垢一受煩惱二貪檀越二兩電壞善根一敗正法二破戒受施二難捨

一求見他過。二自覆罪。二燒一垢心受法衣。二受他持戒供病。二病一懷增上慢。二壞他大心。又四種沙門一形服。二威儀欺誑。三貪名。四真實。四種破戒。似持一說有我論。二身見不滅。三取相行慈。四見有所得。於是二萬比丘得解脫。二萬二千人得法眼淨。五百比丘去佛化比丘。隨與問答。令其解脫。還詣佛所。答須菩提諸問。又衆益如前。普明問住問學。佛答不取不著發。大精進習大法船。

寶梁聚會第四十四

道龔譯沙門品。佛在靈山。比丘菩薩俱迦葉問沙門義。佛答之。并說三十二垢。八覆十二表式。八法敬重袈裟及破戒不能消信施。比丘品說比丘法及惡比丘壞正法。有十六種門惡法。旃陀羅沙門品。惡沙門如旃陀羅多諸惡名。五百還俗佛記信解。慚悔得生兜率。在彌勒初會數中。營事比丘品。詳明營事法。蘭若比丘品。詳明蘭若法。五百比丘漏盡解脫。乞食。

比丘品 糞埽衣比丘品

無盡慧菩薩會第四十五

流志譯佛在靈山。與比丘菩薩十六在家菩薩。六十無比。喻心菩薩。賢劫諸菩薩。及無盡慧等。六萬菩薩。俱無盡慧。問菩提心義。依何義得修行。佛答菩提無言說。依言說以十波羅蜜爲十發心。諸度皆以十法爲首。十地有先相圓滿。有十三昧。十陀羅尼。無礙光師子幢天子。歎佛及法。佛說受此法者不退。

文殊師利說般若會第四十六

曼陀羅仙譯佛在園千比丘菩薩俱。文殊舍利弗。晨至佛問。欲見如來耶。文殊卽說正觀如來法門。佛印許舍利弗與文殊問答深義。文殊與佛深明修般若義。觀身實相。觀佛亦然。福田無差別。地震獲益。次明入不思議三昧。如人學射久習。則巧欲具一切佛法。當學般若。若次授一行三昧。乃至微笑放光爲無相印。

寶髻菩薩會第四十七

竺法護譯佛在靈山與比丘菩薩天龍八部俱東方淨住佛國寶髻菩薩八千人俱以一寶蓋覆此忍土。雨華說頌禮足問清淨行。佛答一度無極。二遵佛道品。三具足神通。四開化衆生。次詳六度。三十七品。五通明化衆生。有二十事。不厭生死。普懷世佛。時珍寶菩薩問。益衆生嚴道場事。佛以無放逸答之。彼時珍寶即今寶髻。又開化有四法。又離垢光佛時。極妙精進菩薩。以大忍力。仰承佛命。往化業首太子。彼菩薩即今世尊太子。即今彌勒。又菩薩一種。四法自在。道業寶髻。以髻中明月珠。買佛發願。佛爲授記。

勝鬘夫人會第四十八

流志譯佛在園波斯匿王與末利夫人致書與女勝鬘。稱揚佛德。勝鬘發書尋釋。遙空禮佛。佛即現身。彼即說偈。佛爲授記。勝鬘發十願。感天華大音。又發三願。佛印讚之。又發一大願。攝恒沙願。所謂攝受正法。復說廣大義。威力佛印。許又說了。義明二乘爲不了。以不出變易生死不

斷住地無明。故唯一佛乘。一歸依。一實諦。爲了義耳。佛印許。又三種人。入大乘。一甚深法智。二隨順法智。三仰推唯佛所知。餘錯謬者。一切天人共摧伏之。佛亦印之。乃放光升空步。還告語阿難及天帝。結名付囑。

廣博仙人會第四十九

流志譯佛在恒河岸。無量比丘俱。廣博仙人與五百同行。來見問施及施義。施主施者。佛詳答之。并三十二種不淨施。次明五大施。又五大施。又五無上施。又九大施。次答中有識及明智識。差別次說六道來生差別。略說持鬘四王切利。餘未說。

一心奉請大方廣三藏經

北涼中天竺曇無讖譯第一會同本異譯經
佛說如來不思議祕密大乘經

宋中印土沙門法護共惟淨等譯即第三會同

本異譯分二十五品

佛說無量清淨平等覺經

後漢月支國沙門支婁迦識譯

佛說無量壽經

曹魏天竺沙門康僧鎧譯

佛說阿彌陀經

吳月支國優婆塞支謙譯

佛說大乘無量壽莊嚴經

宋中印土沙門法賢譯以上四經並同第五會

而異譯唯法賢譯本有慈氏問答最妙但不足

四十八願之數

佛說大阿彌陀經

趙宋國學進士王日休會前四譯未見寶積五

會本又於發菩提心句或載或亡或云不發

佛說阿閼佛國經

支婁迦識譯即第六會同本異譯

佛說大乘十法經

蕭梁扶南國沙門僧伽婆羅譯即第九會同本

異譯

佛說普門品經

西晉月支國沙門竺法護譯即第十會同本異

譯

佛說大乘菩薩藏正法經

宋中印度沙門法護等譯即第十二會同本異

譯

佛說胎胞經

竺法護譯即第十三會同本異譯

文殊師利佛土嚴淨經

竺法護譯即第十五會同本異譯

佛說護國尊者所問大乘經

宋北印度沙門施護譯即第十六會同本異譯

郁迦羅越問菩薩行經

竺法護譯分八品

佛說法鏡經

後漢安息國優婆塞安玄共嚴佛調譯二皆第

十九會同本異譯

幻土仁賢經

竺法護譯即第二十一會同本異譯

佛說決定毗尼經

或云東晉錄失譯人名。或云燉煌三藏譯。即第

二十四會同本異譯

佛說三十五佛名禮懺文

唐北天竺沙門大廣智不空譯。即前經中譯出

別行

發覺淨心經

隋北天竺沙門闍那崛多譯。即第二十五會同

本異譯

佛說須賴經

曹魏西域沙門釋白延譯。即第二十七會而多

王見佛得記。諸佛摩頂。現出家相諸事

佛說須賴經

前涼月支國優婆塞支施論譯。亦同前本

菩薩修行經

一名威施長者問觀身行經。西晉河內沙門白

法祖譯。即第二十八會同本異譯

佛說無畏授所問大乘經

宋北印土沙門施護譯。亦同前本

佛說優填王經

西晉沙門釋法炬譯。即二十九會同本異譯

佛說大乘日子王所問經

宋中印土沙門法天譯。亦通前本

佛說須摩提經

竺法護譯。即第三十會同本異譯

佛說須摩提菩薩經

鳩摩羅什譯。亦同前本

佛說阿闍世王女阿述答菩薩經

竺法護譯。即第三十二會同本異譯

佛說離垢施女經

竺法護譯。即第三十三會同本異譯

得無垢女經

元魏中天竺婆羅門瞿曇般若流支譯。亦同前

本

文殊師利所說不思議佛境界經

唐南印土沙門菩提流志初譯。即第三十五會

同本異譯

善住意天子所問經

元魏烏菟國沙門毗目智仙共流志等譯即第

三十六會同本異譯

佛說如幻三昧經

竺法護譯亦同前本

太子刷護經

竺法護譯即第三十七會同本異譯

太子和休經

西晉錄失譯人名亦同前本

慧上菩薩問大善權經

竺法護譯即第三十八會同本異譯

佛說大方廣善巧方便經

宋北印度沙門施護譯亦同上本

大乘顯識經

唐中印土沙門地婆訶羅譯即第三十九會同

本異譯

佛說大乘方等要慧經

本異譯

後漢安息國沙門安世高譯即第四十一會同

彌勒菩薩所問本願經

竺法護譯即第四十二會同本異譯

佛遺日摩尼寶經

支婁迦讖譯即第四十三會同本異譯

佛說摩訶衍寶嚴經

晉代失譯師名亦同上本

佛說大迦葉問大寶積正法經

施護譯亦同上本

勝鬘師子吼一乘大方便方廣經

劉宋中天竺沙門求那跋陀羅譯即第四十八

會同本異譯

毗耶娑問經

拜觀同上

瞿曇般若流支譯即第四十九會之同本異譯

有結

一心奉請入法界體性經及寶積三昧文殊師利普

薩問法身經

拜觀同上

前是隋北天竺沙門闍那崛多譯後乃後漢安
息國沙門安世高譯二本同佛在靈山文殊門
外立佛命入問住何三昧佛言寶積遂種種問
答法界義舍利文殊復互談深義

一心奉請佛說阿彌陀經及稱讚淨土佛攝受經拜觀

上同

什師譯佛在祇園比丘菩薩天衆俱佛告舍利
弗稱西方極樂阿彌陀度生之捷依正之佳極
勸人發願求生一心持名消落根塵悉返微妙
不分三輩九品飛空行人天之相都盧一句
便得徹頭超五濁之娑婆并一生之補處十方
廣長舌同發音聲助成信願行超凡入聖點石
生金無過此也 後乃玄奘譯廣六方佛爲十
方

一心奉請後出阿彌陀偈經拜觀

後漢失譯師名讚往生淨土勝妙

一心奉請阿彌陀鼓音聲王陀羅尼經拜觀

開元附梁錄佛在瞻波城爲比丘說彌陀父母

子侍者魔名呪語等言十日修行必生彼國

一心奉請佛說觀無量壽佛經拜觀

劉宋西域沙門曇良耶舍譯佛在耆闍山世王
幽父欲害母母憶念佛心請目連等因感佛來
訴苦求樂現諸佛土以令揀顯出彌陀淨土說
往生依正次第修成融入心宗卽成法界其言
曰諸佛如來是法界身入一切衆生心想中汝
等心想佛時此心卽是三十二相八十種好是
心作佛是心是佛非徒三淨業十六觀名相而
已

一心奉請觀世音菩薩得大勢至菩薩受記經及佛
說如幻三摩地無量印法門經拜觀

前是劉宋幽州沙門曇無竭譯後是宋北印土
沙門施護等譯佛在鹿苑比丘菩薩天子俱華
德藏問云何得如幻三昧佛答一法謂無依止
彌勒文殊六十正士得之他方則觀音勢至華
德藏請召佛放白毫光照安樂刹彼此互見兩
大士來述過去因記補處記後經多一女人發

心轉男身受佛記

一心奉請大方等大集經同拜上

北涼中天竺沙門曇無讖譯序品佛在靈山古塔比丘菩薩俱成正覺始十六年知衆大集堪持法藏入佛境神通實見衆生三昧於欲色二界中開出大坊庭如大千界出定放光升寶坊欲天隨侍升座入無礙解脫三昧一一毛光普照衆刹光中說偈警諸放逸還從頂入十方各一大菩薩與恒沙菩薩來繞佛供養讚歎次第而坐佛起定警欬聲徹十方人及非人四禪天衆一切畢集復放眉間光入菩薩頂諸佛自在功德華子菩薩入瓔珞莊嚴三昧出師子座起定讚佛請升座寶杖等十菩薩各入三昧令衆得益召魔來令其請佛轉法輪佛言百年暗室一燈能破法自在王菩薩讚如來境界不思議惜衆生捨大喜小會中多天人發無上心陀羅尼自在王菩薩品佛白毫光入陀羅尼自在王菩薩頂菩薩化大寶以覆如來偈問佛答

菩薩有四瓔珞莊嚴一戒二三昧三智慧四陀羅尼各有增一至十等事次明有八光明能壞諸闇淨菩薩行念光意光行光法光智光寶光神通光無礙光光各八種次明修習大悲有十六事壞妄見壞四倒破憍慢壞五蓋拔沈沒斷七慢斷惡道斷繫縛斷惡友施智慧施因緣智斷所見斷三有壞魔網示樂因開涅槃門次明修三十二善破衆生三十二惡一智慧二解欲三法自在四正命五正見六不放棄七壞麤癩八一切施九淨戒十忍十一進十二定十三智十四正義十五壞世行十六斷煩惱十七除我見十八斷諸根十九壞邪說二十知恩二十一壞增上慢二十二善口語二十三知足二十四敬父母師長二十五修七財二十六身念處二十七然慧燈二十八出離道二十九捨左道三十捨愛著三十一信三寶三十二修六念次述如來十六大悲非聲聞菩薩所及拈檀佛度非非想天一人入定八萬四千大劫待其下生授

記方涅槃次明如來三十二業及十力四無畏十八不共。問大衆誰能守護供具寶坊不壞待彌勒成道十六年後供養及賢劫五百如來。諸法神通自在王菩薩卽自當之神通魔王問安置何器菩薩令觀身。齋中有水王光世界佛號寶優鉢羅坐大寶山。宣說正法魔發大心誓不退。陀羅尼自在王菩薩答師子幢說淨聲光明陀羅尼無盡器陀羅尼無量際陀羅尼大海陀羅尼蓮華陀羅尼入無礙門陀羅尼四無礙智陀羅尼佛莊嚴瓔珞陀羅尼佛言此菩薩淨光明佛時名光頂菩薩問佛寶聚陀羅尼義聞已卽得故今能說。慧聚問得已不失之故佛答住慧根作慧業大地震動具足四無礙智菩薩問何以名慧聚佛說功德佛藏時爲念意菩薩不起於座答佛所問百億事衆獲益故得此名寶女品佛在寶坊有寶女手持白眞珠貫隨誠言力徧著佛及諸菩薩頂爲衆歎希有佛述成之女問實語法語義語毗尼語佛具答之十千

人得無生舍利弗說三十二菩薩寶心悉無聲聞辟支佛心又說四無礙智舍利弗問其夙因佛說分別見佛時曾爲輪王供養發心久離男女身方便現女耳女問十力世尊是卽是離何故說十非一非百佛說非卽非離一具無量爲流布故說言十力十力無畏不共皆菩薩修行得三十二相及答行法行問女爲舍利弗說不退卽皆地動獲益佛答寶女大乘問次說三十二障礙三十二速得大乘事不眇菩薩品東方普賢佛所不眇菩薩來供養佛佛爲說一切法自在三昧次明從一至十法能得三昧次不眇爲舍利弗說無住義無生義因說得心自在卽得法自在三昧次爲舍利弗說不眇夙因自在王佛時名法語比丘久修久證此三昧又說梵行法海慧菩薩品大水盈滿出生芬陀利衆自見在華上出大光彌勒問因緣佛言下方寶莊嚴土海智神通佛所有海慧菩薩欲來聽法故海慧

來入定令衆見彼土次讚佛問淨印三昧佛爲具說心寶具足六度次說菩提心次說三昧根本所謂三業隨智復有十淨具三十法得八不共次明遠濁破魔次爲舍利弗說師子初產小火燒薪喻爲海慧說動精進佛示堅固莊嚴四法發心作心觀心如法住奉行今成佛修悲梵天問海慧何名佛法答一切法は無二相菩薩八種力聞深法不生怖畏兼明護正法有四攝功德寶光菩薩問護法義佛舉大智聲力如來答護法菩薩所問義兼以付山王等十九菩薩各言能護文殊言其謬以世尊不得一法故佛印許文殊說持經十益大眾發心地動出光海慧問何法攝取大乘答以百種一法百二十種二法五十六種三法及障礙大乘三十七種四法地震動天讚佛偈歎大乘功德爲海慧廣說門句法句金剛句十方菩薩與供偈讚慧聚菩薩申明佛出世義佛舉然燈授記時七印三淨海慧問菩薩發何等願佛答如本發願及說

種種方便智慧次說過去無邊光佛爲淨聲輪王說八種四法王悟無生出家修道佛又說出家二十四益常淨自界淨聲如法卽得神通辯才淨聲卽海慧次說如法說如說住之義引師子捨身救二猴事爲證次二十一菩薩各說如法住義海慧復廣明魔業佛廣說壞魔業道波旬兵趨寶坊海慧以神通力持置東方破疑淨光佛國令發大菩提心又令兩國互相見佛說四呪

虛空藏菩薩所問品佛遊妙寶莊嚴堂比丘六百萬不可說菩薩俱佛分別大法方便時大千不見見微妙臺高師子座舍利弗問因緣佛言東方一寶莊嚴佛所有虛空藏菩薩欲來尋與二十億俱供養讚歎寶臺震動問云何行六度與虛空等三十問一一答之六度各有四成就法八法能淨於六念中詳明念佛三身念天差別於陀羅尼中具明三十二修於二十四辯具明二十四種修因速辯菩薩問何因緣名虛空

藏佛言。普光明王佛時。曾爲師子進菩薩。入定
雨寶。卽獲此名。衆會欲見神力。遂承佛命。入稱
一切衆生意。三昧。雨法及財。大衆獲益。又以神
力。釋生疑菩薩之疑。佛說淨一切願威德勝王
佛時。爲衆天灌頂輪王。得不退善提心。三昧生
疑問。三昧行業。虛空藏答八萬四千諸。三昧門
略舉八十三名。舍利弗問生疑名。生疑自答。虛
空藏問菩薩大誓莊嚴及道莊嚴。寶德問。虛空
藏修出世聖道之義。入涅槃行菩薩行之義。虛
空藏推功佛力。寶德問。又答之。又答阿難問。五
百聲聞脫鬱多羅僧供。虛空藏。虛空藏遣此衣
至東方袈裟幢世界。山王佛所。施作佛事。有光
明莊嚴。梵天雨華。作樂供養。問菩薩善根。資糧
卽要智方便。佛答之。天歎能。以四句總說一切
菩薩行。虛空藏語梵天言。一句亦能攝諸佛法。
離欲句。空句等十四一句。句皆非句。故佛法非
句。假名爲句。寶手菩薩請安一切法根本。虛空
藏答。以住善提心。次以二法攝善提心。次以四

法攝。二八攝。四十六攝。八三十二攝。十六六十
四攝。三十二百二十八攝。六十四寶手讚歎。與
供波旬。化長者。與佛問答。佛勅十六菩薩。各說
過魔戒行。波旬與供。虛空藏說。呪魔子亦勉強
發心。佛懸授記。申越長者疑。疑盡除。六十八億
菩薩發願。持經佛較量功德。說呪四王帝釋亦
說。呪梵王彌勒。阿難及功德莊嚴。菩薩皆悉受
持。佛與十方諸佛。同放大光。囉累
無言。菩薩品王舍城師子將軍生一子。空中有
天誡之。八歲不言。今以佛力。同其父母眷屬。共
到寶坊。現大神通。讚佛大衆。與供。將欲問佛。先
與舍利弗問答。次問聞聲及善思。惟生於正見。
佛答之。無言復答。舍利弗問。得正見。義次乃問。
信進念慧。四力。佛答之。次答蓮華菩薩。倒見如
見義及菩薩義。佛讚其得慧燈。三昧。明能攝六
萬諸。三昧門。如日出能爲四事。又如寶珠。亦如
虛空。爲一切法。頂動地。與供。世尊。齋中。出一金
剛。寶善薩。傳東方慧橋。如來命問。安聽法。六萬

億菩薩皆在佛身內坐聽法。從一毛孔出禮佛。却坐金剛。齋復與無言問答。發無性無聲法界。無二深義。無言復入金剛三昧。令此世界悉爲金剛。金剛齋盡其神力。不能破一微塵。次明有四四法。能得金剛三昧。無言爲同來眷屬。說四十事莊嚴菩提之心。十法得親近佛菩薩。父及眷屬得柔順忍。

不可說菩薩品。佛在寶坊。不可說菩薩讚佛入定。問說大事地動。與供演說不誑如來之義。無畏問云。何誑不可說菩薩分別答之。明無出之名。佛出無畏問誰當信。寶女相問答爲舍利弗說。譬明聲聞如來於無差別法界中。而有差別。又答無畏調伏問報恩。問三十二業爲菩提行。此能報恩。二人必妃不治。謂聲聞緣覺。無畏以衣供寶女。不受復答問勝義天子問說與不說之義。不可說化作比丘。證信復與勝義種種問答。與舍利弗問答。舍利弗深讚佛亦讚舍利弗。不可說復與佛問難得受記義。八千人得無

生升空說。偈魔化比丘不可說以神通力。令其懺悔。爲說十六種法。發菩提心。又說三十二法。向菩提心。又請佛說不可說六波羅蜜。魔王歡喜大衆發心。

寶幢分 魔苦品。佛在寶坊。說初成道時。優波提舍拘律那。遇馬宿比丘。聞法見諦。魔不能擾。往古品述。魔衆發心問法。答以四法。遠惡友。速得菩提。地意菩薩。請問不可說義。佛言不可說。智卽一切智。反問以佛智。十五菩薩各各答。已樂欲菩薩復與文殊問答。魔得無生。佛說香功德。佛說寶幢陀羅尼門。華目比丘化無量衆。善行大臣發惡誓。華目成佛。善行作波旬。還得記。魔調伏品。魔盡力欲害佛。舍利弗目連當樓那須菩提。入城四門各調五百魔子。佛現蓮華。說偈。遠聞魔五縛。詐歸依。七走不脫。至心聽法。三昧神足品。佛欲入城。諸天競阻。佛以大聲慰之心。遊首楞嚴定。令諸衆生各見所事之像。光味仙人與五百弟子聞佛說偈。皆得寶幢。

三昧讚佛得記 相品佛入定王舍城十二門
十二如來諸魔天神各與供養於香華中說偈
佛入佛莊嚴瓔珞三昧令界清淨十方雲集登
光味所造寶梯坐蓮華上勸波旬發喜心波旬
吐惡歔佛佛變其氣成須曼華徧供十方集十
方佛及諸菩薩 陀羅尼品十方諸佛同心說
大集金剛法心因緣自在陀羅尼月光亦說呪
菩提自在梵王正語梵王皆現女身說呪佛又
說呪加之 護品善繁意菩薩變現八萬四千
色身調伏衆生佛與記 授記品莊嚴華魔王
誓以女身廣度衆生說呪護法吉意菩薩說其
本事佛皆與記 悲品十方諸佛爲莊嚴華菩
薩吉意菩薩說呪佛勸波旬波旬不發心 護
法品佛以正法付國王諸天各發宏願 四天
王護法品梵釋四王各說呪疑心菩薩問魔悉
來集否佛言都集有信心否佛言皆有信心除
波旬眷屬千將來壞三寶法滅乃得信心亦當
成佛次有太白魔天說呪動地護持佛法 曠

野鬼品五百菩薩以大願力現鬼畜身調伏鬼
畜說二神呪 還本品十方諸佛欲還本界動
地雨華月香如來答梵天問十法能護正法
虛空目分 聲聞品佛在寶坊聲聞大慢不得
四果佛舉瞻婆華髮發大願生四寶寶發大光
擲之虛空髮中說偈衆集佛禩四眞諦華髮徧
往十方佛上南方金剛光明功德如來遣金剛
山童子說法目陀羅尼來贈北方發光明功德
如來遣勝意童子說光目陀羅尼來贈西方智
幢如來遣勝幢童子說淨目陀羅尼來贈東方
寶蓋光明功德如來遣虛空聲童子說聖目陀
羅尼來贈四童子變此世界令淨與衆供養偈
讚各傳佛命地動龍集正語天女說呪護法佛
爲憍陳如廣說法行具明阿那般那乃至八忍
八智亦說滅後六度差別亦說奢摩他毗婆舍
那四念處三解脫四禪四定及出世定是名法
目陀羅尼與金剛山所持來者無異舍利弗目
連皆得四果 世間目品佛放白毫相光照十

方士人天畢集。頻婆娑羅問十二月相佛說。雪山仙人共虎行。欲生十二子。父母亡後。歸依梵天。至十二年。感天與願。彌勒品。彌勒心念說。偈問佛爲廣說。十二因緣。是名淨目陀羅尼也。四無量心品。頻婆王問供養修四無量得幾所。福佛言具八事。無八怖。具足八大丈夫。淨光菩薩。無勝菩薩。互相問答。衆獲益。淨目品。無勝童子請問。慈無量心相體。因緣果報。佛入調伏衆生。無所畏懼。三昧放肉髻光照無邊界。說偈衆生悉集。寶坊佛說三種慈。并說修相。明星天子問慈心果。佛答之。天子於諸禪定出入自在。說呪利生。佛因爲說十二菩薩。現爲畜生。調伏衆生。居閻浮外四方海中。每方各三。東蛇馬羊。西猪鼠牛。南猴雞犬。北師子兔龍。并說求見呪法。聖目品。明星問修悲法。佛言觀八苦。明星得無生衆。獲多益。次說修喜。修捨。辟支佛乘品。無勝意問緣覺乘人。所修慈悲喜捨。佛答以修法緣慈等。聖目無礙智品。虛空聲。

童子問無緣梵行。佛入虛空幢三昧。面門放光。照十方界。大聲集衆。乃演說之。護法品。文殊等九萬二千億童子。請佛願力。加持法門。佛言四方四佛。先已有願。今以此法付囑。天龍鬼神。十方菩薩。請佛制戒。佛言止。佛自知時。次問頻婆國法。隨制四重。囑護佛法者。悉擯治。不如法。惡比丘。大衆還品。佛安慰諸天。一切衆生。皆發願。寶髻菩薩品。東方淨住佛國。寶髻菩薩等八千人。齎妙寶蓋。覆千世界來供。讚聲滿大千。問淨行法印。佛答以十分之一。一波羅蜜行。二助善提行。三神通。四調衆生。占有一切衆生。樂念如來。亦說此法。寶聚問莊嚴自身莊嚴。菩提樹法。彼佛答以不放逸。其時寶聚。卽今寶聚。又四種四法。調衆生。廣光明佛時淨精進。菩薩調伏財功德。婆羅門事。寶髻解珠。供佛得記。日密分。護法品。佛在寶坊蓮華光功德。大梵菩薩。請說清淨法。聚佛令菩薩各入定。放光十方雲集。佛示生身法身二種供養。次明破戒受。

施現在未來四惡果。又未來惡王侵奪法師物者。現得二十種惡捨身墮大地獄。備歷鬼畜能護法者功德甚大。陀羅尼品。東方五功德佛。遣日密菩薩持真陀羅尼。及蓮華陀羅尼。來南方山王佛。遣香象王菩薩持隨空三昧陀羅尼。及大行陀羅尼。來西方高貴德王佛。遣光密功德菩薩持斷業陀羅尼。亦名隨無願。及大神良呪。來北方德華密佛。遣虛空密菩薩持淨陀羅尼。來分別說欲品。日密偈讚佛語舍利弗受持是陀羅尼。分別品四大菩薩入定放光。陳橋如問愛與士夫行於生死佛為分別廣說。如實陀羅尼。衆得大益。重問蓮華陀羅尼。佛不許說。次問如空行陀羅尼。佛為說之。次問隨無願陀羅尼。佛為說之。問世間不可樂。想食不淨。想佛為說之。亦即是隨無願陀羅尼。舍利弗問淨陀羅尼。佛說破四倒法。不思議大通品。頻婆王請問佛光佛。勅四衆各入三昧。亦自入佛境界。三昧一切世間悉入佛身。衆生大益。波旬

大苦命空樹大臣往勅龍龍集大山皆失勢力。復有戒梯大臣先往佛所佛令憶本誓願得如法忍龍受大苦歸光味大仙光味勸令歸佛。救龍品佛趨須彌頂放光救龍王苦大聲說諸法印所謂無常苦空無我等。

一心奉請大哀經

竺法護譯前經初二品分作二十八品

寶女所問經

竺法護譯前經寶女一品今分十三品

海意菩薩所問淨印法門經

宋譯經院沙門惟淨共法護等譯前經海慧菩薩品即此

無言童子經

竺法護譯即前經無言菩薩品

寶星陀羅尼經

唐中天竺沙門智光譯波羅頗蜜多羅譯即前

寶幢品同本異譯

大乘大方等日藏經

拜觀同上

隋烏長國沙門那連提離耶舍譯。卽日密分而
詳明護持正法品。陀羅尼品。菩薩使品。佛勅耶
舍持日眼蓮華陀羅尼。憍陳如持無盡根陀羅
尼。舍利弗持智慧依止陀羅尼。目連持惡心者
生歡喜。諸人不信者。悉成惛睡。陀羅尼。卽分別
說欲品。而此詳悉。定品。惡業集品。兩品。卽前日
密分別品。護持品。先所無。佛現神通品。卽不思
議大通品。魔王波旬星宿品。前略此詳。送使品。
光味仙爲龍見品。念佛三昧品。昇須彌山頂品。
卽救龍品。三歸濟龍品。佛從須彌頂下。至佉羅
低山。說十業生龍中佛。以二十八支。提付囉
龍。及夜。又竟。又說大授記。呪波旬。聞已。生喜。與
眷屬懺悔。歸依。伽羅支。魔子。問眼色。因緣等。義
佛爲解釋。諸法性。空衆皆得益。

一心奉請大方等大集月藏經

拜觀
同上

高齊烏長國沙門那連提犁耶舍譯。月幢神呪
品。佛在伽羅帝山比丘菩薩俱。說日藏經。已西
方現大華雲。中有半月。廣十由旬。月中現真金

重閣講堂。堂中復現半月。中有千葉青蓮。世尊
端坐。說法。光照大衆。頭上皆現半月。目連問佛。
佛說。月藏菩薩。欲來月藏。卽來說呪。魔王波
旬。詣佛所。品。魔宮諸物。變半月形。放光。演偈。擊
鼓。集衆。乃詐歸。依與供。佛爲憍陳如。說利養過
失。魔愧聽。諸阿修羅。詣佛品。波旬。兩諸惡物。
於修羅宮。修羅歸佛。佛以悲風。光明三昧。教之。
見佛與供。本事品。說佛於毗舍浮時。爲化八
弟。千年苦行。八弟者。卽今四修羅王。波旬。調達。
彌勒。維摩。第一義諦品。月藏問住。蘭若。修第
一義法。起大悲。棄愛。取依。四聖種。不念四大五
陰。根塵識等。以四無礙。成熟衆生。滿六度。如初
日月十五日。月問三昧。何身何攀。緣何想。何相
何性。佛答之。次明隨有。第一義禪。菩薩住。有十
二種益。令魔得信。樂品。人天慈心。視魔。勸諫
令發道心。佛說忍功德。授波旬記。波旬說呪。護
法。一切鬼神。集會品。四王請佛。付囉天龍鬼
神。正辨大梵。命四王。以鐵鉢。鐵輪。四方。遙擲。攝

諸鬼神同來佛所。諸惡鬼神得敬信品。佛爲大會說。十平等衆生法。清淨布施戒忍精進禪智一切法。清淨是爲十羅刹王。自述宿業悔過獲益。諸天王護持品。佛問大梵王。以四天下付囑天龍鬼神如拘留孫等諸佛無異。諸魔得敬信品。魔願護持國界。佛與授記。重囑一切天王。提頭賴吒天王護持品。日月天子寄願護法。佛許之。并勅天王護閻浮提東方第四分。毗樓勒叉天王品。佛勅王護閻浮南方第四分。毗樓博叉天王品。佛勅王護閻浮西方第四分。毗沙門天王品。佛勅王護閻浮北方第四分。呪輪護持品。佛爲四王共說五呪初總次。北次東次南次西。忍辱品。羅睺阿修羅王等承佛付囑說。呪護法。龍王瞋怒。佛爲說忍辱十種近果及五遠果。及不忍過患。月藏說大慈陀羅尼。天龍修羅互相懺謝。佛再以三寶事付囑護持。兼明打罵出家人得罪無量。大會與供佛以神力加諸音聲。令演妙法人衆會耳得大

益。分布閻浮提品。佛以國土分布付囑天龍鬼神。各令護持。說息諸諍訟陀羅尼。星宿攝受品。復付囑二十八宿七曜十二辰。建立塔寺品。梵釋四王舉過去二十五塔爲例。請問如來現在未來幾所塔寺。令其護持。佛笑放光照曜諸圓各現多福。囑令護持。法滅盡品。月燈問佛。佛答以末法時事。令菩薩護持衆默然。彌勒承當。佛說法滅事。又說金剛堅固深密解脫味體陀羅尼。句衆得大益。與妙供。復說持經十種清淨功德。八種十三種。

一心奉請大乘大集地藏十輪經及佛說大方廣十

輪經拜觀同上

唐大慈恩寺沙門玄奘譯前經北涼錄失譯人名譯後經後經缺略序品。佛於伽羅帝耶山說月藏已。南方雲來雨。諸供養雨。諸法聲衆會手中各現如意珠。雨寶放光。見十方土。又見身各地界增強。堅重難舉。無垢生。天帝釋問佛。佛歎地藏功德。菩薩與眷屬現聲聞像來禮讚供佛。

佛告好疑問菩薩廣說地藏無量功德衆與供
地藏轉供佛兼說神呪利一切 十輪品地藏
問云何於五濁世轉佛輪佛答本願成十輪能
居此土卽十力也以輪王爲喻 無依行品天
藏大梵請問禪誦營福三業爲出爲墜利帝輪
王爲沈爲昇佛答二種十無依行隨有一行不
成三乘次明出家破戒猶生他人十種勝思惟
不宜非理辱害次明五無間罪四根本罪謗三
寶罪皆非佛之弟子宜護根本次因優波離問
明舉罪有十非法十非人五法舉七法罪次爲
地藏說末世十惡輪國主宰官護惡比丘惱害
淨衆卽名旃陀羅破戒無戒不應辱害引古羅
刹辭象敬重袈裟爲證遠十惡輪十法增長離
三十過天藏乃說護國不退輪心神呪 有依
行品金剛藏問破戒非弟子云何不許辱害他
經皆獨讚大乘今云何說三乘皆不許隱沒佛
答十種有情難得人身十種無依行法差別有
四種僧及四沙門是故破戒雖不應受供猶有

聖幢不得辱害三乘並是度生方便雖修大乘
不得廢二次示十有依行二乘所共復有十有
依行獨覺大乘所共復示大乘無塵垢行輪無
取行輪隨根說法乃名大乘 懺罪品會衆各
懺罪佛說十法能使菩薩獲得無罪正路法忍
謂不著五陰此世他世三界次明已得法忍許
處王位或行十善或信三寶 善業道品金剛
藏問云何於三乘人法得無過失菩提行願心
無厭足佛言十善卽菩薩十輪詳述因果 福
田相品明菩薩十財施大甲冑輪如是法施淨
戒安忍精進靜慮般若方便大慈大悲堅固忍
一一皆成甲冑輪作二乘福田 獲益羸累品
衆獲益已佛以此法付囑虛空藏
一心奉請大集須彌藏經拜觀同上
高齊烏長國沙門那連提黎耶舍共法智譯聲
聞品功德天女問禪波羅蜜佛爲說出入息念
次第得入四禪入三三昧滿菩提分國中有此
福田十殊勝利益得可愛樂法 菩薩禪品說

菩薩不墮二乘定聚如實觀察得一切法無語言空三昧猶如地藏自在出入利衆生滅非時風雨品功德天爲地藏述往誓願因陀羅幢相王佛所授作世水宅心陀羅尼請地藏起悲心地藏令其請佛說水風摩尼宮陀羅尼大地震動地藏亦說磨力大陀羅尼陀羅尼品佛告須彌藏龍仙菩薩令調惡龍龍仙說呪善住龍王廣歎袞袞功德若國王惱服袞袞人則致荒亂此非龍過然亦立誓說呪次諸龍王亦各立誓復說四呪乾闥婆仙亦說一呪地藏復說幢杖大陀羅尼無盡意復說幢蓋摩尼願眼大陀羅尼又殊亦說能懼尸利子利奴大陀羅尼觀世音亦爲彌勒說般華功德大陀羅尼帝釋問何因緣龍損壞世間資財佛言貪力瞋力功德天以一斛罌成諸種子奉觀音觀音說呪加護令其教化衆生

一心奉請虛空藏菩薩經及虛空孕菩薩經虛空藏

菩薩神呪經拜觀同上

姚秦罽賓國沙門佛陀耶舍譯文義完備第二隋北天竺沙門闍那崛多譯同經異出而小不同第三劉宋罽賓國沙門曇摩蜜多譯未免缺略佛住仗羅底翅山說破惡業障陀羅尼西方勝蓮敷藏佛所虛空藏菩薩欲來供養先現如意寶珠照空大會惟存佛光除大菩薩餘皆迷惑梵頂菩薩問佛說無斷常法大衆復見如故佛指西方歎虛空藏功德衆渴仰虛空藏復以神力淨此世界令衆手中各有寶珠雨諸供具現大寶蓋供養如來如來現寶蓮華而坐其上彌勒致疑藥王答釋彌勒問頂上妙珠之因佛答能除國王大臣五根本罪除聲聞五除菩薩八滿衆生一切所求虛空藏問何能於五濁惡世施作佛事佛以虛空自性清淨義答之虛空藏卽說無盡降伏師子奮迅陀羅尼佛讚其能滅重罪令生佛國

一心奉請觀虛空藏菩薩經拜觀同上

劉宋罽賓國沙門曇摩蜜多譯佛在伽陀羅優

波離問欲治罪者如何作觀。佛言先依決定毗尼禮敬三十五佛。次想菩薩。有如意珠冠中現三十五佛珠。中現十方佛。或得除罪字印。臂或聞空中唱罪滅。便得人僧。或使知毗尼者得夢。須更懺悔。乃至八百日。治則再三七懺重與授戒。

一心奉請無盡意菩薩經及阿差末菩薩經拜觀同上

前是劉宋枳園寺沙門釋智嚴共寶雲譯後乃

西晉月支國沙門竺法護譯同本異譯耳。梵語

阿差末華言無盡意也。佛遊寶莊嚴堂說大集

經。東方大金色光照此世界。出大蓮華。無盡意

菩薩與六十億眷屬俱舍利問所從來。菩薩答

以無去來。復問佛告。從不眴國普賢佛所來。彼

諸淨土菩薩。唯修念佛三昧。悟無生忍。無盡意

運佛力。令此會人得見。彼土遙申禮供。亦令彼

衆得見。此土遙申禮供。舍利弗問誰字。仁者爲

無盡意。答言一切諸不可盡。故卽說八十無盡

法門。發心淨心六種四行。心畢竟六波羅蜜大

慈大悲大喜大捨五通四攝四無礙智四種依法修習。助道若懺悔隨喜修習等三十七品定慧總持辯才撰集四法若無常苦無我寂滅等一道方便皆無盡也。

一心奉請佛說菩薩念佛三昧經及佛說大方等大

集菩薩念佛三昧經拜觀同上

前是劉宋天竺沙門功德直共玄暢譯序品佛

住靈山淨居天子於夜後分供佛請說念佛三

昧佛默許之。天子去後微笑。譬欸聲偏十方天

人畢集。佛出僧坊遙見寶地復更微笑。不空見

菩薩問知其故。卽入三昧於彼寶地化作法座

請佛往坐。佛更動地出廣長舌說淨居請不

空見本事。品說寶肩佛時無量力王與二王子

一名師子二名師子意同供養佛。佛入涅槃。師

子投火說誓。佛於火中復起作大利益。乃滅度

師子生梵天。歷侍普密王等諸佛。無量力卽釋

迦。師子意卽彌勒。師子卽不空見。佛還靜室右

脇而臥。神通品不空見以神通力莊嚴此界

阿難徧問目連舍利迦葉滿慈空生羅睺各述神通。彌勒神通品。彌勒入城乞食。以一食供恒沙諸佛。令彼長者發菩提心。大地震動。彌勒自述往因。讚佛音聲辯才品。不空見出定讚佛音聲。讚如來功德品。不空見說佛德。心念佛來佛放光動地來會。如來神力證正說品。佛摩不空見頂證其所說。不空見述所見三世佛事。不空見勸請品。問法與供述意請答。讚三昧相品。顯示念佛三昧功能。正觀品。五陰不實。深生怖畏。具足慚愧。修行止觀。三空四念。及以四等十二頭陀三十七品十善十力等法。次復相續念佛十號相好六通五分等法。又續觀卽蘊異蘊是如來耶六根四大亦然。觀無上菩提。不以身得不以心得。不離身心得。又明離我見法放光授記。微密王品。不空見問捨無慚愧得三昧法。佛說明勝佛時勝微密王。聞法出家。乘二二法修此念佛三昧。成蓮華上佛。三法品。不貪瞋癡觀一切法無常苦無我。

寶鬘論

供勸人發願讚德及相好。隨喜三世佛所求念佛三昧。勸持品。說寶勝光佛滅後樹王比丘傳此三昧。帝幢天轉輪王夢中聞之。出家修學。成高行佛。是故得聞此三昧者。決定成佛。諸菩薩本行品。九萬百千億那由他菩薩發心持說修行佛印之。正念品。佛說正念諸法寶相。是名念佛。菩薩聞已得無生忍。安住三昧見十方佛。大眾奉持品。聖凡與供佛現瑞讚持。後是隨南天竺沙門達磨笈多譯。與上文較周。正觀一品分三十號相好下。標名思惟三昧品。放光授記一段。標名示現微笑品。神通品。卽微密王品。修習三昧品。卽三法勸持兩品。缺正念奉持兩品。一心奉請大方等大集賢護經及般舟三昧經。拔陂菩薩經拜觀同上。第二後漢錄失譯人名。文來未全。梵語拔陂此翻賢護也。第二後漢月支國沙門支婁迦讖譯。卽前經先出而文古。遼一名十方。現在佛悉現。

在前立經第一隋北天竺沙門闍那崛多共笈多等譯一名拔陀經。思惟品。佛在王城竹園放光集衆。賢護問法。佛爲賢護說是思惟諸佛現前三昧。卽般舟三昧也。先說具諸方便功德。次言如聞阿彌陀佛在西方。便依所聞。緊念思惟。觀察不已。了了分明。終獲見之。如夢所見。無物能障。未得天眼。能見彼佛。亦無天耳。聞彼法音。如有三人。各念姪女。夢與從事。寤已來。詣賢護。賢護爲彼方便說法。住不退轉。得菩提記。三昧亦然。昔須波日佛時。有饑人。夢得飽食。寤已還饑。思諸法皆空。如夢悟無生。忍隨佛方。所向佛至。心頂禮。渴仰欲見。精思色相。作虛空想。住正思惟。得見彼佛。光明清澈。如淨琉璃。其身端正。如真金柱。三昧行品。具四四法。得成三昧。見佛品。敬仰如佛。精勤修學。則見十方各多多佛。不假作意。自然現前。正信品。當應勇猛發勤。精進。莫如海船未到。先破。莫如愚人。嫌亦旃檀。莫如癡人。毀摩尼寶。受持品。述受持善根一

切功德莫比。觀察品。一心思惟。佛坐說法。相好殊特。樂觀無厭。見如來已。當先諮問。不見頂相。次第徧觀。諸相皆令明了。願我未來。得具妙相。得清淨戒。具足威儀。定慧解脫。思菩提爲身。得耶心得。耶身如草石。心不可見。菩提無色。不可見。無漏無爲。無有以色證色。以心證心。無有證知。亦無無證。觀一切法。皆得寂定。無分別。非無分別。戒行具足。品。出家應護十支。戒行一清淨。二不缺。三不染。四不污。五不濁。六不著。七不動。八不被訶。九智所聖。十讚愛敬。在家應修布施。三歸。五戒。八齋。乃堪行此三昧。次記此經行世多人。發願末世。宏持佛爲授記。稱讚功德。品。具四法。得三昧。現前。獲五功德。饒益品。無畏王佛時。須達多長者子。持此三昧。成然燈佛。欲成此三昧。王當勤觀四念處。具足五法。品。賢護請佛設供。隨佛入園。問幾法能證三昧。佛答六種五法。授記品。然燈佛時。問三昧。卽證得菩提記。甚深品。觀五蘊不取著。觀念處。

不分別一切法無障成就三昧。即見阿僧祇佛。聞法受持。十法八法。品具十法。為他解斯三昧。當得八事。不共功德。品當成十八不共法。如來十力。隨喜功德。品五種四隨喜。四者。過現未等三世也。功德不可量。師子意佛時。梵德輪王隨喜已成。堅固精進佛。是故十由旬內。應往聽受。盡形壽不離法師。覺寤品。說薩遮摩羅佛後。和輪比丘說此三昧佛。為國王夢中聞告。遂出家承事法師。三萬六千歲。竟不得聞。汝等急當聽受。囉累品。

一心奉請自在王菩薩經及奮迅王問經拜觀同上

姚秦天竺沙門鳩摩羅什譯。前本元魏中天竺婆羅門瞿曇般若流支等譯。後本佛在園比丘菩薩俱自在。王問自在法。佛答戒自在。五神通自在。陰智性智入智。因緣智。諦智自在。無礙慧自在。又說菩薩十力。四無畏。十八不共。

一心奉請大集譬喻王經拜觀同上

隋北天竺沙門闍那崛多等譯。以諸譬喻答問。

說菩薩二乘智慧功德差別。勸人發心向菩提親善友。

一心奉請佛說大集會正法經及僧伽吒經拜觀同上

前本宋北印土沙門施護譯。後本元魏優禪尼國王子月婆首那譯。佛在靈山。普勇菩薩問法。佛言。聞大集會正法者。功德甚大。次有折服尼健事。普勇隱身往十方。利事為藥。王軍菩薩分別久生初生二義。

一心奉請月燈三昧經及半卷月燈三昧經拜觀同上

前本高齊烏菴國沙門那連提黎耶舍譯。一名大方等大集月燈經。後本劉宋沙門釋先公譯。即前本中說六度各有十功德也。佛在靈山。月光問法。佛言。一法速得菩提。謂於衆生起平等心。救護心。無礙心。無毒心。證諸法體性平等。無戲論。三昧從定得。二十一種十法。種種美名。次說三昧四十義。得種種美名。次說三昧四十義。次說聲德佛事。次明於此三昧最初所行以大悲心為首。次明應知入三忍法。次說古無所有。

起佛事。月光請佛。詣家受供。月光默伸偈問。佛言。一法相應。速成菩提。謂如實了知一切法體性。無相離相。次明應修習。顯示三昧。智月光讚佛德。佛授記。遺靈山童子。隨來問法。要佛言成就四法。能速得此三昧。若如說行。得四功德。應善巧。知不思議法。應諮請。應深信。應求應聞。而不怖次。加持乾闥樂音。令宣不思議法。次明色身法。身次明七十四種。四不可思議。次明善巧方便。所謂隨喜他善。次明應住不放逸。行次明六度。多聞法。施住空。宴坐。空。間。乞食。各十利。得見佛藏。聞法藏。智藏。三世智慧藏。謂得五通。次明應修神通本業。謂攝一切善法。而不取著。又明聲德。佛時事。次明欲求三昧。應修法。施財。施四種。回向奉事。持戒持三昧人。乃至以身分血。肉。除其病患。阿難問。苦行佛說善華月法師。因緣。以上屬初品。未標初品名目耳。懺悔品。勇健得王。瞋心殺善華月法師。後極悔罪。猶墮三途。今成世尊。校量功德品。讚歎品。彌勒。

說偈。本因品說。衆自在佛事。次勤修身。戒清淨。身業清淨。身行口戒。意戒。各具一切功德。法次釋初品中美名。凡三百句。

一心奉請占察善惡業報經拜觀同上

隋外國沙門菩提登譯。佛在靈山。示廣博嚴淨。無礙道場。說甚深根聚法門。堅淨信菩薩。爲末世衆生。求方便。佛令轉問地藏。爲示三種輪相。占察三世善惡業報。兼示懺悔。尅取清淨。爲禪定之基。次示一實境界。及唯識唯心二觀。由事入理。眞實行也。

一心奉請佛說佛名經拜觀同上

元魏北天竺沙門菩提留支譯。佛在園無問自說。所舉佛菩薩辟支佛名一萬一千九十三。一心奉請五千五百佛名神呪。除障滅罪經拜觀同上

隋北天竺沙門闍那崛多共笈多譯。共四千七百零四佛。不足五五。

一心奉請三劫三千諸佛名經拜觀同上

一名集諸佛大功德山。開元拾遺附梁錄。先五

十三佛次莊嚴劫賢劫星宿劫各千佛

一心奉請千佛因緣經拜觀同上

姚秦天竺沙門鳩摩羅什譯佛在靈山比丘菩薩俱菩薩各說過去因緣聲徧大千天龍八部皆集佛出石室到大衆中。跋陀波羅敷座諸菩薩等瓔珞供佛問千佛過去因緣佛說種種往因經來未全

一心奉請賢劫經拜觀同上

西晉月支國沙門竺法護譯一名毘陀劫三昧經晉曰賢劫定意問三昧品喜王問佛答以了諸法本三昧成就二千一百諸度無極事致八萬四千諸三昧門諸總持門 行品 四事品 明行四種四事得此三昧 法師品 法供養品 諸度無極品喜王與佛從定起喜王問佛唱二千一百度無極名 習行品 無際品 聞持品 神通品 三十二相品 順時品 三十七品 寂度品 十種力品 四無所畏品 十八不共法品 方便品 八等品以上

十三品釋諸度無極各有六事 千佛名號品

千佛興立品明國土光明父母子侍弟子壽命法住各不同 千佛發意品明最初發心因緣 古品 鬘累品

一心奉請稱揚諸佛功德經拜觀同上

元魏西域沙門吉迦夜共曇曜譯佛在靈山爲金剛彌勒迦葉說諸佛名號功德東五十三南二十八西三北六上二十七與百七十佛名略同

一心奉請百佛名經拜觀同上

隋烏長國沙門那連提黎耶舍譯佛唱百名勅令舍利弗晝三夜三各誦一偈

一心奉請佛說大乘大方廣佛冠經拜觀同上

宋中印土沙門法護等譯佛在靈山告迦葉東方定手最上吉祥如來離塵步菩薩蓮華最上吉祥如來蓮華手菩薩日輪光明最勝吉祥如來日光明菩薩一寶蓋最上如來定最上吉祥如來寶輪光明最勝吉祥王如來南方無邊步

迹如來無邊香最上王如來寶上如來西方大光明照如來北方寶開華普羅吉祥如來東方寶藏如來寶勝如來

一心奉請佛說十吉祥經拜觀同上

開元附秦錄佛為離垢蓋大士說東方十佛名號功德

一心奉請佛說八佛名號經及佛說八吉祥佛呪經佛說八陽神呪經佛說八吉祥經拜觀同上

後三經皆與前同本第四蕭梁扶南國沙門僧伽婆羅譯缺舍利弗一問耳第三西晉月支國沙門竺法護譯第二吳月支優婆塞支謙譯第一隋北天竺沙門闍那崛多譯因舍利弗問佛說東方八佛名號聞者得不退菩提善說稱功德如來因陀羅相幢星王如來普光明功德莊嚴如來善鬪戰難降伏超越如來普功德明莊嚴如來無礙藥樹功德稱如來步寶蓮華如來寶華善住娑羅王如來

一心奉請佛說八部佛名經拜觀同上

元魏中天竺婆羅門瞿曇般若流支譯佛為善作長者說東方八佛名功德

一心奉請佛說滅十方冥經拜觀同上

西晉月支國沙門竺法護譯佛教面善悅童子念十方佛名以除恐懼

一心奉請受持七佛名號所生功德經拜觀同上

唐大慈恩寺沙門釋玄奘譯為舍利弗說東方五佛南方二佛名號

一心奉請大乘寶月童子問法經拜觀同上

宋北印土沙門施護譯佛在鷲峯頻婆娑羅王子請問佛號功德佛以十方各一佛名答之并出夙願功德

一心奉請佛說寶網經拜觀同上

西晉月支國沙門竺法護譯佛遊獼猴江邊與眾比丘眾菩薩諸天諸龍阿須倫俱維耶離城寶網童子年始八歲夢兜率天人頌歎佛德啓白父母見佛設供請問法要佛為稱說六佛功德東方寶光月殿妙尊音王佛南方樹根華王

佛西方造王神通。華佛北方月殿清淨佛下

方善寂月音王佛上方無數精進願首佛

一心奉請佛說不思議功德諸佛所護念經拜觀同上

南云闍那崛多譯此云曹魏錄失譯人名共有

千一百二十佛名

一心奉請藥師琉璃光七佛本願功德經佛說藥師

如來本願經藥師琉璃光如來本願功德經拜觀同上

唐大薦福寺沙門釋義淨譯善名稱吉祥王佛

八願寶月智嚴光音自在王佛八願金色寶光

妙行成就佛四願無憂最勝吉祥佛四願法海

雷音佛四願法海勝慧遊戲神通佛四願藥師

琉璃光佛十二願金色寶光妙行成就佛有大

力神呪藥師佛有大陀羅尼呪又因少智諸天

心生疑念七佛同來此土說大神呪復有執金

剛菩薩說二神呪

第二前有序文隋南天竺沙門達摩笈多譯與

灌頂第十二經同而無神呪及八菩薩名

第三玄奘譯有神呪及八菩薩名或云原本無

呪及菩薩名

一心奉請佛說觀佛三昧海經拜觀同上

東晉迦維衛國沙門佛陀跋陀羅譯六臂品

佛住尼拘樓陀精舍僧自恣竟父王悅頭檀姨

母憍曇彌欲來見佛佛令徧集比丘菩薩天龍

八部父王為後世衆生請問云何觀佛色身相

好光明佛入徧淨色身三昧微笑放光說師子

在胎險栴檀生伊蘭林中險金翅鳥王心險多

勒果險波利質多羅樹險阿修羅幻力險皆險

念佛三昧 序觀地品衆生樂觀佛相各有不

同或順或逆 觀相品一觀佛頂二髮三髮際

四白毫五額六眉七眼八耳九方頰車十師子

文十一鼻十二鬚十三脣十四舌十五頸相缺

盈骨滿相胸臆卍字印相十六悉現具足身相

大衆所見各各不同如炭如墨者各各殷勤懺

悔乃見好相十七觀常光十八觀眉間光十九

額廣平正面上三輪髮際等二十鼻出光明二

十一面門光明二十二耳出五光二十三頸出

二光二十四缺骨圓滿光明二十五胸卍字腋下摩尼珠皆放光二十六寶臂指纒掌輪放光二十七壽相光照十方二十八因父王請現胸內境 觀佛心品明大慈悲心專緣地獄等罪苦衆生并廣敘獄中苦 觀四無量品使大衆見佛心中有無數佛乘大寶船往來五道救苦衆生 觀四威儀品行佛住佛坐佛臥佛於中又明度老婢事上切利爲母說法事伏曠野鬼將事降毒龍事降力士事 觀馬王藏品宮中爲諸女所現相舍衛國度姪女所現相波羅奈國度姪女所現相伽耶城爲尼健所現相 本行品光明念佛三昧能滅大罪次文殊十方十佛四方四佛財首釋迦阿難答言本修念佛三昧 觀像品彌勒爲末世衆生問佛說觀像除罪方法 念七佛品 念十方佛品 密行品 得三昧當密身口意莫邪命貢高說喻結名阿難復問無見頂相佛入頂三昧海現大勝相 一心奉請佛說彌勒成佛經及佛說觀彌勒菩薩下

生經佛說彌勒來時經佛說彌勒下生經佛說彌勒下生成佛經拜觀同上

第一姚秦天竺沙門鳩摩羅什譯佛經行波沙

山頂集衆舍利弗問彌勒成佛時事佛爲說國

土時節種族出家成道轉法輪度人見迦葉乃至法住

至法住

第二西晉月支國沙門竺法護譯佛在祇園因

阿難問爲說彌勒下生成佛之事與前大同小

異

第三附東晉第四譯

第四姚秦天竺沙門鳩摩羅什第三譯亦名彌勒當來成佛

第五唐大薦福寺沙門釋義淨第六譯舍利子

偈問佛以偈答第三四五皆與前文大同小異

一心奉請佛說觀彌勒菩薩上生兜率陀天經拜觀同上

劉宋居士沮渠京聲譯佛在園放金色身光并

現化佛唱千衆始末名大衆雲集佛出舌相放

千光明現無量化佛說諸陀羅尼法彌勒得百

千光明現無量化佛說諸陀羅尼法彌勒得百

萬億陀羅尼門起住佛前優波離問此人命終
生何處佛說兜率中莊嚴之事作此觀者皆得
往生彼天隨侍下生得菩提記

一心奉請佛說一切智光明仙人慈心因緣不食肉
經拜觀
同上

大乘單本佛住寂滅道場彌勒來見梵志問其
往因佛言過去有彌勒佛說慈心三昧大悲海
雲經一切智光明婆羅門聞經發心入山修行
絕糧七日白兔母子舍身供之仙人不食即彌
勒也白兔母子即釋迦羅獻

一心奉請佛說師子月佛本生經拜觀
同上

新附三秦錄佛住竹園婆須蜜多比丘緣樹上
下與八萬四千金色獼猴跳戲大眾譏嫌頻婆
王詣佛問佛言比丘即是師子月佛補彌勒處
因說獼猴往因受菩提記

一心奉請文殊師利般若涅槃經拜觀
同上

西晉清信士攝道真譯佛在園後夜入定放光
照文殊房作諸化現阿難集眾跋陀婆羅問其

始末佛為略說觀文殊法及說示滅起塔種種
佛事

一心奉請佛說觀藥王藥上二菩薩經拜觀
同上

劉宋西域沙門靈良耶舍譯佛在青蓮華池精
舍與比丘菩薩十方菩薩五百離車子俱佛入
普光三昧身毛放光化七寶蓋現十方事又放
眼光照藥王藥上二菩薩頂其頂上如金剛山
十方諸佛皆悉映現長者子寶積請問觀法佛
言具五因緣方得聞此二菩薩名二菩薩各說
呪以瓔珞供佛住佛肩上如須彌山山有梵宮
十方十佛坐宮中花讚二菩薩所說神呪佛授
二菩薩記次說觀法五十三佛名為阿難說菩
薩昔因緣

一心奉請地藏菩薩本願經拜觀
同上

唐于闐國沙門實叉難陀譯佛於天宮說破地
獄法母氏生切利故佛於切利說之也切利
天宮神通品放光集眾初讚地獄度盡眾生之
緣分身集會品地藏及屬赴會世尊一時全

摩分身地藏之頂。觀衆生業緣品。摩耶問法。隱妙現靈。如來初述五無間事。闍浮衆生業感品。定自在王問。往因佛又說二事。表菩薩願。四王問衆生不盡之故。佛答願力方便亦無盡。當知此事非盡無盡所能測。非諸天鬼神所能知。王故問佛故答也。地獄名號品中有人焉。呼之欲出。如來讚歎品。放身光出大音告無量聖。凡稱地藏恩力。利益存亡品。地藏勸生斷惡修善爲菩提妙機。大辯長者引出如法道場境界。闍羅王衆讚歎品。實者鬼神無所私權者。菩薩多所護心。靈神妙呼吸全通成佛之鬼王。卽地藏化身眷屬也。稱佛名號品。地藏說過去佛名表佛雖去世名尙可依安慰嬰兒失乳悲也。較量布施功德緣品。地藏舍罪而論福。佛詳述以鼓舞凡心。地神護法品。地與地名相相依。聖凡一貫。無情有性。妙用皆圓。見爾利益品。佛種種光感觀音問法。長行偈誦極力稱揚爲無佛時永作衆生依賴也。囑累

人天品說經本旨爲付囑含靈慧命而已。神力則靈道力則妙。拈來卽是草生皆春。能現無邊利益。

一心奉請佛說師子莊嚴王菩薩請問經拜觀同上

唐中印土沙門那提譯。佛在靈山。師子莊嚴王菩薩請問大會莊嚴之。因佛言。昔作方曼荼羅。供八菩薩所致。謂觀音彌勒。虛空藏普賢。執金剛主文殊。止諸障地藏。

一心奉請佛說八大菩薩經拜觀同上

宋中印土沙門法賢譯。佛在園比丘八菩薩俱。謂妙吉祥聖觀自在。慈氏。虛空藏。普賢。金剛手。除蓋障。地藏。也有無能勝等。來會佛爲舍利弗。說東方五佛名。善精進。吉祥如來。普照如來。吉祥如來。印捺囉計都特囉惹王如來。喜功德光自在王如來。

一心奉請六菩薩名亦當誦持經拜觀同上

後漢失譯人名。見費長房錄。師子戲菩薩。師子奮迅菩薩。師子幢。師子作堅勇精進。擊金剛慧。

又四菩薩。棄陰蓋。寂恨。慧威不離。

一心奉請離垢慧菩薩所問禮佛法經拜觀同上

唐中印土沙門那提譯佛在園比丘菩薩俱人

天八部咸在離垢慧問禮佛法。佛言。五輪著地。

應發五願。又示十方佛名。又示歸依懺悔勸請。

隨喜迴向發願之法。

一心奉請佛說老女人經及佛說老母經。佛說老母

女六英經拜觀同上

第一吳月支國優婆塞支謙譯第二附劉宋錄

第三劉宋中天竺沙門求那跋陀羅譯三本同

經第三尤略佛在樂音處比丘菩薩俱貧老女

問生老病死五陰六根四大從何來至何去佛

言無來去說衆喻譬老女開解佛述往因記其

往生極樂後成佛道

一心奉請楞伽阿跋多羅寶經及入楞伽經大乘入

楞伽經拜觀同上

第一劉宋中天竺沙門求那跋陀羅譯第二元

魏北天竺沙門菩提流支譯分十八品第三唐

于闐國沙門實又難陀譯分十品。文筆在繁簡

之間。此經標出五法。三自性。八誠。二無我。而總

以心境超出為宗。故於海中斷往來處。飛身集

會而說之也。大慧菩薩從他方來。明不滯一方

而得法要也。中百八句。佛乃推至塵毛之量。蓋

一毛之障。全體皆非。所以深警菩薩也。自覺聖

智。全超數量。不屬有無。從此立言。皆殊外道。故

精心以析出之也。夜叉王從此發心。何難入佛

斤斤食肉之戒。故是為善之初門。有緣皆悟入

也。

一心奉請大佛頂如來密因修證了義諸菩薩萬行

首楞嚴經拜觀同上

唐天竺沙門般刺密帝譯烏長國沙門彌伽釋

迦譯語。菩薩戒弟子。同中書門下。平章事。清河

房融筆。受此於大乘方等一切中性。相圓明。獨

推第一。以此有規矩之稜嚴。透入不立規矩。自

成規矩之華嚴。修行乃無憾。世人麤妄浪說。能

修魔外根株。任生任伏。無此金剛手眼。百年妖

怪竟落空亡罪畢重修不知何日故須於此典
精意求之一句入神萬劫為種雖兼頓漸不隔
圓圓也因緣主客文義暢明其中唯琢成四字
八字為句不無勉強然其超出他經之譯手則
十百矣唯華嚴過之維摩並轡耳

一心奉請佛說首梭嚴三昧經拜觀同上

姚秦天竺沙門鳩摩羅什譯佛在靈山比丘普
薩天龍等來集堅意問三昧佛唱首梭嚴名衆
各敷座各見如來坐其座上。等行梵王問何佛
是實佛言一切皆真。次攝神力以百句義釋此
三昧。次說射喻。次有持須彌山釋現三昧。力現
意天現三昧。力佛放眉光照魔宮衆見魔被五
縛。次有魔界行不污菩薩化度魔女魔尋見佛
得記。因說四種記不同。次為二百魔女授現前
記。次問住三昧神力堅意問文殊。福田多聞等
義。次授淨月藏天子道記。次文殊說往昔三百
六十億世作辟支佛。於是二百菩薩還發大心
誓得十力。次令彌勒現三昧。力迦葉知文殊久

成佛。佛說為龍種上佛。佛昇空光照十方諸佛
放光相見。互說此法。次明佛壽甚長。次明受持
者有二十不思議功德。

一心奉請維摩所說經及維摩詰經說無垢稱經拜觀同上

第一一名不可思議。解脫。秦姚天竺沙門鳩摩
羅什譯。第二一名不可思議法門之稱。吳月支
國優婆塞支謙譯。第三唐大慈恩寺沙門釋玄
奘譯。佛國品。佛在若羅樹園五百長者子獻蓋
佛令合為一蓋。普現世界中事。并十方佛說法。
寶積問淨土佛種種答。皆一性超出之談。故法
法皆是舍利小見佛即破之。方便品。弟子品。
菩薩品。文殊師利問疾品。居士方便現疾。念世
尊世尊勅弟子問疾。勅菩薩問疾。皆不敢受命。
表維摩超過之德。文殊應命往問大衆往從親
見主賓問答。不思議品。斗室一間空無坐處。
願聲聞見而現座。座出東方須彌燈王佛利高
廣之座。小果不堪教以禮敬現身等座而坐之。

觀衆生品。維摩答文殊說衆生如幻。乃至水月鏡像。從無住而立一切也。以身說法。天女故散華。舍已同他聲聞。乃破執一切女人。亦復如是。雖現女身。實非女也。彈指未終。已超法界矣。

佛道品。維摩言。菩薩行於非道。通達佛道。文殊言。一切煩惱爲如來種。維摩說法門眷屬。智母方便。父等入不二法門品。三十二菩薩各說不二。最後問維摩。默然而已。文殊乃讚歎。眞不二門。香積佛品。遣化乞食。以破聲聞邊見。唯座及食。破情量。則不可思議之境。現焉。後之學人。勿效聲聞苦繫也。菩薩行品。大衆往見佛。佛爲阿難說一切施爲無非佛事。又爲香積諸菩薩說不盡有爲不住無爲。見阿閼佛品。維摩斷取妙喜世界。示此大衆。法供養品。天帝讚歎誓願擁護佛引寶蓋王事。以明法供養最。

一心奉請善思童子經及大方等頂王經大乘頂王

經拜觀
同上

第一階北天竺沙門闍那崛多譯第二西晉月支國沙門竺法護譯第三蕭梁優禪尼國王子月婆首那譯第二亦名維摩詰子問經佛住菴婆羅波梨園比丘菩薩俱化作天身毗耶離城乞食至毗摩羅詰家善思童子從高樓上投身禮佛獻彼所執蓮華誓成菩提與舍利富樓阿難問答佛言大菩提路無有一法而可得者說不驚不怖不畏之法童子證無生忍佛爲授記

一心奉請月上女經拜觀
同上

隋北天竺沙門闍那崛多譯佛在毗耶草茅精舍比丘菩薩俱有一離車名毗摩羅詰生美女名爲月上一切童子爭欲娶之約七日後自行選擇至第六日手出蓮華華出化佛執華而出說偈訶欲引衆見佛路答舍利弗問既到佛所復答諸菩薩問次以蓮華供佛化成華帳共出十華發十願卽得記云先生天次末世護法次生兜率隨彌勒受持正法次生阿彌陀佛國次供養十方諸佛乃成月上如來月上女聞此偈

已轉男身出家

一心奉請大乘密嚴經及重譯大乘密嚴經拜觀同上

唐中印度沙門地婆訶羅譯前本唐北天竺沙

門大廣智不空譯後本不空所譯同前經而稍

改名多偈語耳密嚴會品佛住出過三界密

嚴之國與微塵菩薩俱放光照現莊嚴勝相答

如實見菩薩之所問金剛藏問第一義法性佛

答如來藏不生不滅如月普現 妙身生品如

實見請金剛藏說內證境界及歸依處皆偈答

之復示續像夢境喻又明三性五法義復現大

小無量身形衆多菩薩同問世間一切誰之所

作答以阿賴耶識能現衆法螺髻梵王乘佛威

力來密嚴國問法金剛藏說如來善示現義

胎生品金剛藏對梵王訶斥胎生不淨應當捨

離亦不應爲三昧所縛若離二取生密嚴國

顯示自作品金剛藏復告螺髻深明五蘊不實

寶髻更請隨宜說法金剛藏深明一切唯心

分別觀行品金剛藏說舍拳軍車等喻明諸法

無實宜速發大心修淨行生淨土 阿賴耶建

立品復明阿賴耶識與染淨法恒作所依 自

識境界品金剛藏放髻珠光照一切告如實見

以雪山惡獸喻外道於阿賴耶所生我見 阿

賴耶祕密品寶手菩薩白衆色最勝王令問名

想義金剛藏答依想立名無實事乃至賴耶

與七識如鐵與磁石俱無有思得首楞嚴定則

於一切法自在變現明阿賴耶識隨迷悟緣爲

凡爲聖月幢世尊分身眷屬亦咸集會金剛藏

偈明唯識妙義菩薩天人咸皆讚歎金剛藏與

大樹緊那羅王持進菩薩觀自在等諸大菩薩

演說諸法性空從心而起阿賴耶如來藏不一

不異

一心奉請解深密經及深密解脫經佛說解節經相

續解脫地波羅蜜了義經相續解脫如來所作隨

順處了義經拜觀同上

第一唐大慈恩寺沙門釋玄奘譯第二元魏北

天竺沙門菩提流支譯與上經同而第二品分

作四品。第三陳優禪尼國沙門真諦譯。即前經勝義諦相品。分作四品。第四劉宋中天竺沙門求那跋陀羅譯。即前經地波羅蜜品。第五譯人同第四。即前經如來成所作事品。序品。佛在超三界所行處。大聲聞俱無量菩薩。從種種佛土來會。勝義諦相品。如理請問佛。解甚深義。密意。答明有爲非有爲。非無爲無爲。亦爾假施設。句如幻事等法。涌向佛說。外道菩薩之所思議。佛爲說勝義。超過一切尋思境界。善清淨慧。向佛述修解行地菩薩之所疑惑。佛爲說勝義。超過諸行。一異性相。佛告善現。有情界中。幾懷增上。慢幾離之。善現。答離者甚少。佛爲說徧一切一味相。心意識相品。佛答廣慧於內各別。如實不見阿陀那及識。不見阿賴耶及識。不見積集及心。不見根塵識。是名勝義善巧菩薩。一切法相品。德本問。何名於諸法相善巧。佛言。徧計依他圓成如實了知。無自性品。爲勝義生說三種無自性。性密義問。初鹿苑轉四諦輪。雖

希有猶未了時。二時依一切法皆無自性。以隱密相轉正法輪。雖更希有猶未了義。第三時以顯了相轉正法輪。最爲希有。是真了義。分別瑜伽品。佛答彌勒。奢摩他毗鉢舍那。四種所緣境事。緣別法緣總法。三三摩地。知法知義。聞思修三慧及總空性相等。地波羅蜜品。佛答觀自在所問。十一地義及十波羅蜜義。如來成所作事品。佛答文殊。所問法身解脫身義。言音差別相。一切智者。相如來心。無加相生起。相成正覺轉法輪入涅槃。皆無二相。乃至穢土淨土。何事易得。何事難得。

一心奉請佛說佛地經拜觀同

唐大慈恩寺沙門釋玄奘譯。佛住最勝大宮殿中。爲妙生說五種法相大覺地。謂清淨法界及與四智。又言。證無生法。忍由遣自他二種想。故得平等心。自他異想不復現前。受用和合一味事智。如天入葆林。衆流入海。

一心奉請金光明最勝王經及金光明經合部金光

明經拜觀
同上

第一唐大薦福寺沙門義淨譯文後出而意最備。第二北涼中天竺沙門曇無讖譯有十八品。文來未盡。第三隋大興善寺沙門釋寶貴對志德等合入共二十四品。彥悰序云。此經有三本。初梁世曇無讖譯四卷十八品。次周世耶舍崛名譯爲五卷成二十品。後逮梁世眞諦三藏譯三身分別業障滅陀羅尼最淨地依空滿願共四品。足前出沒爲二十二品。重尋梵本得囑累品。銀主陀羅尼品。今按彥悰所稱三種。今亡其二矣。可見古書存亡之次第。一切佛境界中人本無品位。任空任有。悲智交光。全無礙也。序品佛入定。衆集佛觀察說頌。如來壽量品。妙幢疑佛壽短促。四方四佛於室中現爲說佛壽無量。妙幢與諸大衆往鷲峰見佛。四佛亦現勸說。此經婆羅門求舍利。黎車童子以勝義破之。妙幢問若無舍利。經何以說有涅槃。佛答以三種十法說有涅槃。及十種希有如來之行。

分別三身。佛答虛空三藏言。應化法三身同異。此之應身。即報身也。夢見懺悔品。妙幢夢金鼓出大音聲。說懺悔偈。次日白佛。滅業障品。佛放光息。苦爲帝釋說懺悔勸請。隨喜迴向四法滅四障。謂犯菩薩極重律儀。誹謗大乘善根。不增貪著三界。淨地陀羅尼品。佛告師子相無礙光。發菩薩勝義諦。卽菩提心。十度爲因。五法成就。次明波羅蜜義。次明十地。先相次釋十地名。義次明十一地。皆有無明二種。次明十地。行十度。次明十呪護十地。所說十地。與華嚴同。十度之因。不同校嚴。蓮華喻讚品。佛告樹神金龍主。以蓮華讚佛。故此世夢感金鼓。金勝陀羅尼品。佛告善住。呪及持法。威光效驗。乃至長與大菩薩共住。重顯空性品。說二空境觀。依空滿願品。佛告寶光。耀天女。依法界修平等行。梵天疑之。天女運通現境。梵天信已。天女現梵天身。得記五十億比丘。重發大心。皆得受記。四天王觀察人天品。發宏護願。四天王

護國品有多聞天王如意寶珠呪法 無染著
陀羅尼品 如意寶珠品佛觀音金剛祕密主
梵釋四天王龍王皆說呪 大辯才天女品能
聖能凡人能天能男能女能善能惡皆作用
也化爲辯才善惡皆護 大吉祥天女品一切
菩薩之化身以天女爲最妙一切化身之天女
以大功德天爲最仁其德甚圓悲心密詣有求
必赴點石成金神化無比也 大吉祥天女增
長財物品此亦平常小根難信 堅牢地神品
運通能使地力上升成諸福應 僧慎爾耶藥
又大將品悲心神用靈護非常能以精氣從人
毛孔入而助其力 王法正論品言天之所護
必在有道蓋輪粟諸王多與四帝釋諸天往
來爲眷屬故天望王賢可增天眷也 善生王
品佛往劫請寶積說此經 諸天藥叉護持品
授記品授妙幢并二子記遂及十千天子
除病品流水長者子作醫本事 長者子流水
品說十千魚生天事此二品可合爲一品 捨

身品說薩捶王子捨身救虎事嫌文卑瑣 十
方菩薩讚歎品 妙幢菩薩讚歎品 菩提樹
神讚歎品 大辯才天女讚歎品此無偈文但
直說耳 付囑品

一心奉請莊嚴菩提心經大方廣菩薩十地經毗沙
門天王經菩薩投身飼餓虎起塔因緣經拜觀
同上

第一姚秦天竺沙門鳩摩羅什譯第二元魏西

域沙門吉迦夜共曇曜譯二經皆與淨地陀羅

尼品同第三唐北天竺沙門大廣智不空譯與

第十二品多聞天王如意寶珠呪法同第四北

涼高昌沙門釋法盛譯佛遊乾陀越國說法垂

畢微笑放光阿難請問乃說古栴檀摩提太子

廣行布施賣身爲奴得栴檀醫他國王病出家

山中以身飼虎餘骨起塔 前三是光明之支

流後一乃飼虎之類別同作一條次光明之後

一心奉請無所有菩薩經拜觀
同上

隋北天竺沙門闍那崛多譯佛在毗富羅山百

千比丘菩薩四衆八部俱無所有爲斷衆疑隱

身不現種種問答令難調怨讐害人者信佛神通乃至得記次爲女人現身令得成男佛爲波斯匿王說此菩薩大方便力

一心奉請諸佛要集經拜觀同上

西晉月支國沙門竺法護譯佛遊奈叢樹間比丘菩薩俱因四部衆不能專心聽法乃囑阿難傳宣於石室宴坐變身往東方普光世界天王佛所與諸佛說要集法文殊勸往衆不往文殊獨往天王如來移置鐵圍山頂文殊卽於山頂修四意止四萬二千天子來見聽法證無生忍佛說法竟各還本土天王如來放右掌光入文殊頂文殊與諸天子同到佛所見離意女在佛前坐入於普月離垢光明三昧因問何故移我而不移女文殊盡神力不能令此女出定佛言唯有棄諸陰蓋菩薩能之世界六種震動此菩薩從下方來勅令出女子定讓佛佛乃出之女與文殊唱鬪法要佛言文殊本從此女發心此女又從棄諸陰蓋菩薩發心天王如來亦此菩

薩之所開化十方無量佛從其開化不可勝計

一心奉請不思議光菩薩所說經拜觀同上

姚秦天竺沙門鳩摩羅什譯佛在祇陀林姪女棄一小兒於路佛至其所種種問答令現通諸天來集因名不思議光佛爲波斯匿王說其往因并授記

一心奉請央掘摩羅經拜觀同上

劉宋中天竺沙門求那跋陀羅譯佛在陀園說執劍大方廣經婆羅門孤子名一切世間現取千指作髮欲害母佛往欲脫佛指佛偈降伏之梵釋四王獻與衣鉢各受訶斥魔及樹神亦被訶大弟子皆被問難與文殊論不空義佛爲授三歸五戒答以一歸無三及殺煩惱盜菩提等義佛問一學之義答偈增一至十具明大乘與聲聞異佛唱善來示同羅漢同入祇洹菩薩雲集央掘問云何住無生際而復住此佛勅文殊同往北方問他佛十佛各問十佛皆言釋迦卽是我身反叩如來爲說百句生因又明持經須

成就四十功德。次有波斯匿王與兵詣佛。佛乃言。夾攝是一切世間樂見。上大精進佛化身。文殊是歡喜藏。摩尼寶積佛化身。

一心奉請思益梵天所問經及持心梵天所問經勝

思惟梵天所問經拜觀同上

姚秦天竺沙門鳩摩羅什譯其第二品數稍減

西晉月支國沙門竺法護譯其二不列品元魏

北天竺沙門菩提留支譯如來光明品佛在迦

蘭陀竹林比丘菩薩天龍八部俱網明讚佛光

佛說種種光明之名能利衆生并放光明照東

方思益梵天萬二千菩薩來會日月光佛囑以

十法遊於娑婆國土毀譽無增滅善惡勿分別

悲心等愚智平等對三根一視毀者供者不見

他人闕失見諸乘如一乘聞惡道不驚畏對菩

薩作佛想遇佛生希有心 四法品思益問二

十事佛一一答以四法 菩薩正問品網明問

正問思益答邪正二問不同比丘不解網明重

啓思益說涅槃者但有名字猶如虛空不可得

取五百比丘漏盡解脫思益問種種名義佛具

答之 四諦品佛爲思益說眞聖諦不得一法

是實是虛 歎功德品思益歎信解此經功德

如來五力說品一言說二隨宜三方便四法

門五大悲 如來大悲品說如來以三十二種

大悲救護衆生 幻化品網明問思益答佛印

可普華網明皆與舍利問答令舍利弗默然

菩薩光明品佛因迦葉問勅網明放指爪光普

照十方令諸大衆與佛無異下方四菩薩來不

知何者是眞佛發誠實語佛乃昇空令得作禮

菩薩受記品因迦葉問授網明記因思益問

授記具明過去不得記及得記因緣依止所行

故不得記出過一切行具六度故得記菩薩舍

諸相名施滅諸受持名戒不爲六塵傷性名忍

離所行名進不憶念一切爲禪忍諸法無生性

名般若 薩婆若品爲思益說薩婆若義答網

明家清淨義 菩薩無二品思益與文殊問答

又有等行天子與文殊問答 名字義品一切

菩薩各各說菩薩名義。論寂品。思益問等行。及問文殊正行正位義。如來二事品。謂聖說法。聖默然。如來有此二法。得聖道品。文殊問等行。答文殊問。思益答。志大乘品。等行問。發行大乘。佛偈答。發菩提心品。文殊白佛。若菩薩起二相。發菩提心。是不行菩提道。思益問行。菩提行文殊答。行一切法。而於法無所行。梵釋四王散華讚護佛言。如說修行。為報師恩。師子吼品。帝釋歎菩薩能師子吼。不退轉天子復問師子吼義。梵行牢強精進品。授不退轉記。又說牢強精進法。謂於諸法不起精進相。海喻品。以大海喻諸菩薩有十二事。建立法品。明一切法無說無示。無有護念。是法終不可滅。不可護念。又不求菩提。不願不貪。不樂不念。不分別菩提。乃得授記。如來神呪品。囑累品。一心奉請佛說大乘同性經。及佛說契證大乘經。觀拜

上同

字文周中天竺沙門闍那耶舍譯後乃唐中印

●已下佛入
尾經重首經

水陸道場法輪寶懺卷第一之上

度沙門地婆訶羅譯佛住大摩羅耶精妙山頂。與比丘菩薩天龍俱。梭伽大城羅利王供佛聞法。得菩提記。海龍王問其夙因。佛為說之。海妙深持自在智通菩薩。從東方來。以大寶殿供佛。聞法。佛為說如來十地名。聲聞十地名。辟支佛十地名。菩薩十地名。為現如來初地。二地相。
